



『永樂北藏』整理委員會

永樂北藏

綫裝書局

御製

天清地寧  
風雨調均  
烽警不作  
化醇俗厚  
外順內安  
善際光明  
大正統五  
年十一月  
十  
俱登正覺  
九幽六道  
物靡害災  
子孝臣忠  
萬類咸暢  
七政明朗  
陰陽和順  
百穀常豐  
禮教興行  
人皆慈善  
一統熙皞  
既往未來  
既往未來

永樂北藏第一九七冊目錄

○續傳燈錄 續前 (本冊卷第三十四至卷第三十六 南藏函號扶三—五) : : : : : 一  
○古尊宿語錄 四十八卷 宋續藏主集 (本冊卷第一至卷第三十 南藏函號密二—多六) : : : : : 五五

續傳燈錄卷第三十四

扶三

大鑑下十八世

東林顏禪師法嗣一十一人

稅

公安祖珠禪師

報息法廣禪師

淨慈彦充禪師

智者真慈禪師

扶三

昭覺紹淵禪師有錄上

萬年荷屋常禪師

積善道昌禪師

保福清皎禪師

護聖麟庵開禪師

徽州簡上座

棲賢辯禪師有錄上

龍

女

西禪需禪師法嗣四人

鼓山安永禪師

龍翔南雅禪師

永樂北藏

續傳燈錄

天王志濟禪師

劔門安分庵主有錄上

淨慈堂密禪師

法石慧空禪師有錄上

東禪岳禪師法嗣四人

鼓山宗遠禪師有錄上

徑山德潛禪師

白雲師沼禪師

鼓山知珪禪師有錄上

西禪淨禪師法嗣三人

軋元宗顯禪師有錄上

華嚴雲和尚

中際立才禪師有錄上

密

關善謙禪師法嗣一人

吳十三道人有錄上

麟

避庵演禪師法嗣四人

山

育王法明禪師

南禪大用禪師

無用全禪師法嗣七人

靈隱希夷禪師

雪峰了宗禪師

盤山思卓和尚

天童應庵華禪師法嗣八人

天童咸傑禪師

侍郎李浩居士北魏

祥符善登禪師

智者滿禪師

道場全禪師法嗣一人

何山慧清禪師

務忠得一禪師北魏

尖翁堪禪師北魏

承天允韶禪師

雪竇處南禪師

錢像祖止庵居士北魏

南書記

鳳山詮禪師

禾山心鑒禪師

嚴朝康教授北魏

華嚴有權禪師北魏

雙林用禪師法嗣一人

三峰印禪師北魏

大瀉行禪師法嗣二人

德山子消禪師北魏

淨慈水菴一禪師法嗣四人

息庵達觀禪師北魏




瑞岩順和尚

徑山印禪師法嗣二人

金山道奇禪師

玉泉宗璉禪師法嗣一人

玉泉希濛禪師北魏



萬年貴禪師法嗣四人

龍鳴賢禪師

天童從瑾禪師

大洪詮禪師法嗣四人

玉泉恩禪師

丞相益國周公

楚庵方禪師法嗣二人

和庵若禪師

天童淨禪師法嗣二人

石林秀禪師

普庵肅禪師法嗣二人

佛惠清禪師

大為鑑禪師已上錄

投子淳禪師已上錄

萬壽師觀禪師

監丞成乘周公已上錄

訥庵俊禪師已上錄

孤蟾瑩禪師已上錄

鐵牛禮禪師已上錄

東谷光禪師法嗣一人

或庵體禪師法嗣三人

天童智顓禪師

雪峰雲禪師已上錄

晦庵光禪師法嗣四人

雪峰元肇禪師扶三

報恩智因禪師

水陸野庵禪師法嗣一人

四思菴主針無

大同璞禪師法嗣一人

然庵主針無

可庵然禪師法嗣一人

直翁舉禪師已上錄

萬壽了修禪師

徑山元聰禪師三

陳安節樵隱居士已上錄

雲

永樂北藏

續傳燈錄

第一九七册

永樂北藏

續傳燈錄

第一九七册

如如居士顏公錄

薦福本禪師法嗣一人

法燈首座錄

靈瑞肪禪師法嗣一人

福嚴傑禪師錄

逢庵會禪師法嗣一人

萬松大璉禪師錄

慈航朴禪師法嗣二人

雪竇僧彦禪師

太平詔和尚錄

東林穎禪師法嗣

荆南府公安避庵祖珠禪師南平人上堂不

是心不是佛不是物漉盡野狐涎超翻山鬼

茶 器

席 器

窟平曰淺草裏露出焦尾大虫太虛寂廓中  
放出遼天俊鶻阿呵呵露風骨等閑拈出衆  
人前畢竟分明是何物咄咄上堂玉露垂青  
草金風動白蘋一聲寒鴈叫喚起未惺人  
汀州報息法演禪師果州人上堂舉俱胝豎  
指因緣師曰佳人睡起懶梳頭把得金釵挿  
便休大抵還他肌骨好不塗紅粉也風流  
臨安府淨慈肯堂彦充禪師於潛盛氏子幼  
依明空院義堪為師首叅大愚宏智正堂大  
圓後問東林謂衆曰我此間別無玄妙祇有  
木札羹鐵釘飯仕汝絞嚼師竊喜之直造謂  
陳所見解林曰授汝見處正坐在鑿堯中師



疑不已將從前所得底一時颺下一日聞僧  
舉南泉道時人見此一拈花如夢相似默有  
所覺曰打草祇要蛇驚次日入室林問那裏  
是巖頭密啓其意處師曰今日捉敗這老賊  
林曰達磨大師性命在汝手裏師擬開口葛  
被攔臂一拳忽然大悟直得汗流浹背點首自

扶二

謂曰臨濟道黃檗佛法無多子豈虛語邪遂  
呈頌曰爲人須爲徹殺人須見血德山與巖  
頭萬里一條鐵林然之住後上堂世尊不說  
說迦葉不聞聞卓拄杖曰水流黃葉來何處  
牛帶寒鴉過遠村上堂舉雪峯示衆云盡大  
地是箇解脫門因甚把手拽不入師曰大小

永樂北藏

續傳燈錄

雪峯話作兩極既盡大地是箇解脫門用拽  
作麼上堂一向與麼去法堂前草深一丈一  
向與麼來脚下泥深三尺且道如何即是三  
年逢一閏鷄向五更啼上堂舉卮菴先師道  
坐佛牀斫佛脚不敬東家孔夫子却向他鄉  
習禮樂師曰入泥入水即不無先師爭奈寒

蟬抱枯木泣盡不回頭卓拄杖曰灼然有不  
回頭底淨慈向升子裏禮汝三拜上堂三世  
諸佛無中說有箇葛拾花針六代祖師有裏  
尋無猿猴探水月去此二途如何話會儂家  
不啻與此事盡日和雲占洞庭元菴受智者  
請引座曰南山有箇老魔王炯炯變眸放電

光口似血盃呵佛祖牙如劍樹罵諸方幾度  
 柔風吹不動吹得動雲黃山畔與嵩頭陀傳  
 大士一火破落戶依舊孟八即賺他無限癡  
 男女開眼堂堂入鑊湯忽有箇衲僧出來道  
 既是吾知識為甚賺人入鑊湯只向他道非  
 公境界後示窣塔于寺之南庵

扶三

五

婺州智者元庵真慈禪師潼川人姓李氏初  
 依成都正法出家具戒後游講肆聽講圓覺  
 至四大各離今者妄身當在何處畢竟無體  
 實同幻化因而有省作頌曰一顆明珠在我  
 這裏撥著動著放光動地以呈諸講師無能  
 曉之者歸以呈其師遂舉狗子無佛性話詰

之師曰雖百千萬億公案不出此頌也其師  
 以為不遜乃叱出師因南游至廬山圓通挂  
 搭時正庵為西堂為衆入室舉僧問雲門撥  
 塵見佛時如何門云佛亦是塵師隨聲便喝  
 以手拍胸曰佛亦是塵師復頌曰撥塵見佛  
 佛亦是塵問了吞了直下翻身勸君更盡一

打酒西出陽關無故人又頌塵塵三昧曰鉢  
 裏飯桶裏水別寶崑崙坐潭底一塵塵上走  
 須彌明眼波斯梵彈拍笑彈拍珊瑚枝上清  
 風起正庵深肯之  
 成都府昭覺紹淵禪師上堂曰鎔瓶盤釵釧  
 作一金攪酥酪醍醐成一味如是賓主道合

內外夾和五位君臣齊透四種料揀一串放行則細雨濛濛秋風颯颯把住則空空如也誰敢正眼覷着且道放行為人好把住為人好復曰等閒一似秋風至無意涼人人自涼又上堂舉僧問雲門樹凋葉落時如何云鉢露金風師曰要明陷虎之機須是本色衲子始得雲門大師具逸群三昧擊節叩關於閃電光中出一隻手與人解粘去縛拔楔抽釘不妨好手子細點檢將來大似與賊過梯昭覺即不然忽有僧問樹凋葉落時如何只荅他道落霞與孤鶩齊飛秋水共長天一色且道與雲門是同是別復曰止止不須說我法

妙難思又舉趙州初見南泉問如何是道南泉云平常心是道趙州云還假趣向也無南泉云擬向即乖趙州云不擬爭知是道南泉云道不屬知不屬不知知是妄覺不知是無記若真達不疑之道廓然如太虛空無有障礙師拈曰奇怪諸禪德雖是沙彌初入道一撥便轉豈不是靈利人南泉如善射者發箭箭箭中紅心若不是趙州也大難承當便向平常心是道處動着關候子去却胃中物喪却目前機頭頭上明物物上顯便能信脚行信口道等閑拈出着着有出身之路以何為驗豈不見僧問如何是祖師西來意荅云庭

前栢樹子問萬法歸一一歸何處答云我在  
 青州作一領布衫重七斤問如何是趙州答  
 云東門西門南門北門與人解粘去縛抽釘  
 拔楔坐斷天下人舌頭穿過天下人鼻孔豈  
 不是平常心是道底關礙子且不是釘關底  
 言語排疊底章句推人在死水裏者箇便是  
 沙彌底樣子應當學作麼生承當乃曰欲行  
 千里一步為初白日青天快著精彩

西禪需禪師法嗣

福州鼓山木庵安永禪師閩縣吳氏子弱冠  
 為僧未幾謂懶庵於雲門一日入室庵曰不  
 問有言不問無言世尊良久不得向世尊良

久處會隨後便喝倏然契悟作禮曰不因今  
 日問爭喪目前機庵許之住後上堂要明箇  
 事湏是具擊石火閃電光底手段方能噉峻  
 巖頭全身放捨白雲深處得大安居如其觀  
 地覓金針直下腦門湏迸裂到這裏假饒見  
 機而變不犯鋒銜全身獨脫猶涉泥水紙如  
 本分全提一句又作麼生道擊拂子曰淬出  
 七星光燦爛解拈天下任橫行上堂舉睦州  
 示衆云諸人未得箇入處湏得箇入處既得  
 箇入處不得忘却老僧師曰恁麼說話面皮  
 厚多少木庵則不然諸人未得箇入處湏得  
 箇入處既得箇入處直湏踐下入處始得上

扶三

七

堂拈拄杖曰臨濟小厮兒未曾當頭道著今日全身放慈也要諸人知有擲拄杖下座僧問須彌頂上翻身倒卓時如何師曰未曾見毛頭星現曰恁麼則傾湫倒嶽去也師曰莫乱做僧便喝師曰雷聲浩大雨點全無温州龍翔栢堂南雅禪師上堂曰瑞峰頂上博鳳亭邊一杯淡粥相依百衲蒙頭打坐二祖禮三拜依位而立已是周遮達麼老臊胡分盡髓皮一場狼籍其餘之輩何足道哉栢堂恁麼道還免諸方檢責也無拍繩床云洎合停囚長智上堂曰大槩貴直截大用貴頓叢縱有嚙鐵機一鋏湏打殺何故我王庫內

永樂北藏

續傳燈錄

無如是乃上堂紫葢伸拳笋破梢楊花飛盡綠陰交分明西祖單傳句黃栗留鳴燕語巢這裏見得諦信得及若約諸方決定明總下安排龍翔門下直是一提提殺何故不是與人難共住大都緇素要分明福州天王志清禪師上堂豎起拂子云只道箇天不能蓋地不能載編外成團成塊到這裏三世諸佛向甚麼處摸索六代祖師向甚麼處提持天下衲僧向甚麼處名邈除非自得白證便乃敲唱雙行雖然如是未是衲僧行履處作麼生是衲僧行履處是非海裏橫身入豺虎禁中縱步行

第一九七册

南劔州劔門安分庵主少與木庵同隸業安  
 國後依懶庵未有深誼辭謁徑山大慧行次  
 江干仰瞻宮闕聞街司唱侍郎來釋然大悟  
 作偈曰幾年箇事掛曾懷問盡諸方眼不開  
 肝膽此時俱裂破一聲江上侍郎來遂徑回  
 西禪懶庵迎之付以伽梨自爾不規所寓後  
 庵居劔門化被嶺表學者從之所作偈頌走  
 手而成扶三凡千餘首盛行於世示衆這一片田  
 地汝等諸人且道天地未分已前在甚麼處  
 直下做去已是鈍置你分上不少了也更若  
 擬議思量何啻白雲萬里驀拈拄杖打散大  
 衆示衆上至諸佛下及衆生性命總在山僧

手裏檢點將來有沒量罪過還有檢點得出  
 者麼卓拄杖一下曰竟有頭債有主遂左右  
 顧視曰自出洞來無敵手得饒人處且饒人  
 示衆十五日已前天上星皆拱北十五日已  
 後人間無水不朝東已前已後總拈却到處  
 鄉談各不同乃屈指曰一二三四五六七八  
 九十十一十二十三十四諸兄弟今日是幾  
 良久曰本店買賣分文不賒  
 救忠光禪師法嗣  
 臨安府淨慈混源曇密禪師天台盧氏子依  
 資福道榮出家十六圓具習台教棄叅大慧  
 於徑山謁雪巢一此庵元入閩留東西禪無

省發之泉南教忠俾悅衆解我歸前資偶舉  
香嚴擊竹因緣豁然契悟述偈呈忠忠舉玄  
沙未徹語詰之無滯忠曰子方可見妙喜即  
辭往梅揚服勤四載住後上堂諸佛出世打  
劫殺人祖師西來吹風放火古今善知識佛  
口蛇心天下衲僧自投籠檻莫有天然氣槩

扶二

九

特達丈夫為宗門出一隻手主張佛法者麼  
良久曰設有也須斬為三段上堂德山小叅  
不答話千古叢林成話霸問話者三十棒憤  
能說訶說夯時有僧出的能破的德山便打  
風流儒雅某甲話也未問頭上着枷脚下着  
匣你是那裏人一回相見一傷神新羅人把

手笑欣欣未跨船舷好與三十棒依前相廝  
誑混源今日恁麼批判責情好與三十棒且  
道是賞是罰具叅學眼者試辨看上堂舉雲  
門問僧光明窅照徧河沙因緣師曰平地撈  
魚蝦遼天射飛鷄跛脚老雲門千錯與萬錯  
泉州法石中庵慈空禪師贛州蔡氏子春日

上堂拈拄杖卓一下曰先打春牛頭又卓一  
下曰後打春牛尾驚起虛空入藕絲裏釋迦  
無路潛蹤彌勒急走千里文殊却知落處拊  
掌大笑歡喜且道歡喜箇甚麼春風昨夜入  
門來便見千花生碓背上堂千家樓閣一霎  
秋風祗知襟袖涼生不覺園林葉落於斯薦

得觸處全真其或未然且作寒温相見上堂  
舉金剛經云佛告須菩提爾所國土中所有  
衆生若干種心如來悉知何以故如來說諸  
心皆為非心是名為心要會麼春風得意馬  
蹄疾一日看盡長安花僧問先佛垂範禁足  
安居未審是何宗旨曰琉璃鉢内拓須彌僧  
便喝師便打

東禪岳禪師法嗣

○

○

福州鼓山宗遠禪師上堂世尊道應如是知  
如是見如是信解不生法相遂喝曰玉本無  
瑕却有瑕  
西禪淨禪師法嗣

○

福州乾元宗穎禪師上堂卓拄杖曰性燥漢  
祇在一槌靠拄杖曰靈利人不勞再舉而今  
莫有靈利底麼良久曰比擬張麟兔亦不遇  
開善謙禪師法嗣

建寧府仙州山吳十三道人每以己事扣諸  
禪及開善歸結茆於其左遂往給侍紹興庚

扶三

十

申三月八日夜適然啓悟占偈呈善曰元來  
無縫罅觸著便光輝既是千金寶何須彈雀  
兒善答曰啐地折時真慶快死生凡聖盡平  
沉仙州山下呵呵笑不負相期宿昔心

無用全禪師法嗣

育王笑翁禪師諱妙堪四明毛氏子廣顙平



頂骨清氣豪十歲從野菴道欽受釋氏學叅  
松源岳於靈隱不契徃天童叅無用全公無  
用問曰行脚僧遊山僧師曰行脚僧無用曰  
如何是行脚事師以坐具便撼無用曰此僧  
敢來者裏捋虎鬚叅堂去室中常示以狗子  
無佛性話一日擬開口無用以竹篦劈口便  
打師應聲呈偈云大茶毒鼓轟天震地轉腦  
回頭橫屍萬里無用領之久之侍香辭去西  
游歷登諸老門迨出世妙勝嗣無用遷金丈  
移光孝乙亥大旱禱兩州治郡將以道居左  
偏師謂釋左道右舊有成法力爭不可退歸  
雪竇申明于朝得旨仍舊乃已史衛王薦師

永樂北藏

續傳燈錄

領台之報恩天台舊無律宗師議合十寺為  
大刹築壇場闡揚毗尼朝命徙虎丘領雪峯  
三年陞住靈隱衛王創大慈成請師開山師  
審法立度去浮務約雖大智復作無以易之  
衛王薨退居上栢台州使君陳公遣使以瑞  
巖邀之於道師勉領寺事逾月遂行無何江  
心牒至監丞史公強之乃起扶三絕江明年  
廷臣奏令僧道買紫衣師彌俾以衣彌住持  
師以為審如是則千金之子皆可主法吾道  
殆矣奏疏殿陞上書廟堂其議遂寢詔徙育  
王興建居多既而天童除書至不應戊申春  
師寢疾通守永嘉曹公等入山問疾授容叙

第一九七冊

世契移頃命紙筆書遺表作寺丞張公書撰  
山谷晦堂例請主後事書四句偈辨衆云業  
高懸七十二年一槌擊碎大道坦然置筆與

曹公訣別右脅而逝

夢

天童華禪師法嗣  
慶元府天童密庵咸傑禪師福州鄭氏子母

夢廬山老僧入舍而生自幼穎悟出家為僧  
不憚遊行遍叅知識後謁應庵於衢之明果  
庵孤硬難入屢遭呵一日庵問如何是正法  
眼師遽答曰破沙盆庵頷之未幾辭回省親  
庵送以偈曰大徹投機句當陽廓頂門相從  
今四載微詰洞無痕雖未付鉢袋氣宇吞乳

坤却把正法眼喚作破沙盆此行將省觀切  
忌便跟吾有末後句待歸要汝遵出世徧  
之烏巨次遷祥符蔣山華嚴未幾

詔住徑山靈隱晚居太白僧問虛空銷殞時  
如何師曰罪不重科上堂牛頭橫說豎說如  
有向上關候子有般漆桶算東西不辯南北  
不分便問如何是向上關候子何異開眼象  
屎華嚴有一轉語不在向上向下千手大悲  
摸索不著雨寒無處曬眼今日普請布施大  
眾良久曰達磨大師無當門齒上堂世尊不  
說說拘曲作直迦葉不聞聞望空啓告馬祖  
即心即佛懸羊頭賣狗肉趙州勘庵主賤賣

分文不直抵如文殊是七佛之師因甚出女  
子定不得河天月暈魚分子擲芥風微鹿菴  
茸上堂卓拄杖曰迷時抵迷這箇復卓一下  
曰悟時抵悟這箇迷悟變忘糞埽堆頭重添  
搯搔莫有向東涌西沒金機獨脫處道得一  
句底麼若道不得華藏自道去也擲拄杖曰  
三十年後上堂舉金峰和尚示眾云老僧二  
十年前有老婆心二十年前無老婆心時有  
僧問如何是和尚二十年有老婆心峰云  
問凡答凡問聖答聖曰如何是二十年後無  
老婆心峰云問凡不答凡問聖不答聖師曰  
烏巨當時若見但冷笑兩聲道老漢忍若瞽

永樂北藏

續傳燈錄

地自然不墮聖凡窠曰上堂舉婆子燒庵話  
師曰這箇公案叢林中少有拈提者傑上座  
裂破面皮不免納敗一上也要諸方檢點乃  
名大衆曰這婆子洞房深穩水泄不通偏向  
枯木上糝花寒巖中發酸箇僧孤身迴迴慣  
入洪濤等閑坐斷濊天潮到底身無涓滴水  
子細檢點將來敲枷打鎖則不無二人若是  
佛法未夢見在烏巨與麼提持畢竟意歸何  
處良久曰一把柳絲收不得和烟搭在王欄  
干上堂動弦別曲葉落知秋舉一明三日機  
鉢兩如王秉劔殺活臨時猶是無風匝匝之  
波向上一路千聖把手共行合入泥犁地獄

第一九七册

正當與麼時合作麼生江南兩浙春寒秋熱  
 上堂畫乳坤大地喚作一句子擔枷帶鎖不  
 喚作一句子業識茫茫兩頭俱透脫淨保保  
 赤洒洒沒可把達磨一宗掃土而盡所以雲  
 門大師道盡乳坤大地無纖毫過患猶是轉  
 句不見一法始是半提更須知有全提底時  
 節大小雲門劔去久矣方乃刻舟後示窈塔  
 于寺之中峰

侍郎李浩居士字德遠號正信幼聞首楞嚴  
 經如游舊國志而不忘持素後造明果投誠  
 入室聽堪其旨曰侍郎死後向其麼處去公  
 駭然汗下庵喝出公退參不旬日竟躋堂奧  
 以偈寄同參嚴康朝曰門有孫腹鋪家存甘  
 贄妻夜眠還早起誰悟復誰迷庵見稱善有  
 齧胭脂者亦久參應庵頗自負公贈之偈曰  
 不塗紅粉自風流往往禪徒到此休透過古  
 今因續後却來這裏喫拳頭

南書記者福州人久依應庵於趙州狗子無  
 佛性話豁然契悟有偈曰狗子無佛性羅睺  
 星入命不是打殺人被人打殺定庵見喜其  
 脫略給與未終於歸宗

道場全禪師法嗣  
 常州華嚴伊庵有權禪師臨安昌化祁氏子  
 年十四得度十八歲禮佛智裕禪師于靈隱

時無庵為第一座室中以從無住本達一切  
 法問之師久而有省答曰暗裏穿針耳中出  
 氣菴可之遂密付心印嘗夜坐達旦行粥者  
 至忘展鉢鄰僧以手觸之師感悟為偈曰黑  
 漆崑崙把釣竿古帆高挂下驚湍蘆花影裏  
 弄明月引得盲龜上釣船佛智嘗問心包太  
 虛量廓沙界時如何師曰大海不宿死屍智  
 撫其座曰此子他日當換此座呵佛罵祖去  
 在師自是埋截頭角益自豁晦游歷湖湘江  
 洲幾十年依應庵於歸宗叅大慧於徑山無  
 庵住道場招師分座說法於是聲名隱然住  
 後上堂今朝結却布袋口明眼衲僧莫亂走

永樂北藏

續傳燈錄

心行滅處解齧身噴燒也成師子吼栴檀林  
 任馳驟剔起眉毛頂上生剎肉成瘡露家醜  
 上堂禪禪無黨無偏迷時千里隔悟在口皮  
 邊所以僧問石霜如何是禪霜云甌甌又僧  
 問睦州如何是禪州云猛火著油煎又僧問  
 如何是禪山云糊糝上樹尾連顛大衆道無  
 橫徑立馳孤危此三大老行聲前活路用却  
 外靈機若以衲僧正眼檢點將來不無優劣  
 一人如張良入陣一人如項羽用兵一人如  
 孔明料敵若人辨白得可與佛祖齊肩雖然  
 如是忽有箇衲僧出來道長老話作兩橛也  
 適來道道無橫徑無黨無偏而今又却分許

第一九七册

多優劣且作麼生祇對還委麼把手上山  
 齊著力咽喉出氣自家知淳熙庚子秋示微  
 疾留偈趺坐而逝茶毘齒舌不壞獲五色舍利  
 無數瘞于橫山之塔分骨歸葬萬年寺左  
 雙林用禪師法嗣  
 婺州三峰印禪師上堂舉野狐話曰不落不

昧誣人之罪不昧不落無繩自縛可憐柳絮  
 隨春風有時自西還自東

大為行禪師法嗣

常德府德山子洵禪師潼川人也上堂見見  
 之時見非是見見猶離見見不能及遂喝曰  
 鯨吞海水盡露出珊瑚技象中忽有箇衲僧

出來道長老休寐語却許伊具一隻眼上堂  
 橫按拄杖曰一二三四五六七七六五四三  
 二一循還逆順數將來數到未來無盡日因  
 七見一因一亡七踏破太虛空鐵牛也汗出  
 絕氣息無蹤跡擲拄杖曰更須放下這箇始  
 是參學事畢上堂拈拄杖曰有時奪人不奪

扶三

十五

境拄杖子七縱八橫有時奪境不奪人山僧  
 七顛八倒有時人境兩俱奪拄杖子與山僧  
 削迹吞聲有時人境俱不奪卓拄杖曰伴我  
 行千里勢君過萬山忽然撞著臨濟大師時  
 如何喝曰未明心地印難透祖師關  
 萬年貢禪師法嗣

溫州龍為在庵賢禪師上堂舉崇壽示眾曰  
識得甞子周匝有餘雲門道識得甞子天地  
懸殊師曰崇壽老漢坐殺天下人雲門大師  
走殺天下人龍鳴則不然識得甞子四脚著  
地要坐便坐要起便起上堂舉趙州勘婆話  
頌曰冰雪佳人貌最奇常將玉笛向人吹曲

中無限花心動獨許東君第一枝

潭州大為噴庵鑑禪師會稽人也上堂木落  
霜空天寒水冷釋迦老子無處藏身拆東籬  
補西壁撞著不空見菩薩請示念佛三昧也  
甚奇怪却向道金色光明雲朵退喫茶去上  
堂老胡開一條路甚生徑直抵云歇即菩提

永樂北藏

續傳燈錄

性淨明心不從人得後人不得其門一向奔  
馳南北往復東西極歲窮年無箇歇處諸人  
還歇得麼休休上堂舉晦堂和尚一日問僧  
甚處來曰南雄州堂曰出來作甚麼曰尋訪  
尊宿堂曰不如歸鄉好曰未審和尚令某歸  
鄉意旨如何堂曰鄉里三錢買一片魚鮓如  
手掌大師曰寧可碎身如微塵終不瞎箇師  
僧眼晦堂較此子有般漢便道熟處難忘有  
甚共語處上堂舉賓國王問師子尊者蘊  
空公案師頌曰尊者何曾得蘊空賓賓徒自  
斬春風桃花雨後已零落添得一溪流水紅  
續傳燈錄卷第三十四

上

扶三

第一九七册

永樂北藏

續傳燈錄

第一九七册



續傳燈錄卷第三十五

扶四

大鑑下第十八世  
育王光禪師法嗣一十四人

勸

靈隱之善禪師  
徑山如琰禪師

淨慈居簡禪師  
天童派禪師

共四

東禪觀禪師

上方結禪師已上六人見錄

育王宗印禪師

淨慈義雲禪師

徑山妙嵩禪師

育王師瑞禪師

育王權禪師

天童齊禪師

雲居梵琮和尚

缺牛印禪師已上八人無錄

大鑑下第十九世

灣

天童傑禪師法嗣九人

靈隱崇岳禪師

卧龍祖先禪師

薦福道生禪師

天童自鏡禪師

淨慈慧光禪師

隱靜致柔禪師已上六人見錄

蔣山慶如禪師

靈隱了悟禪師

侍郎張鎡居士已上三人無錄

天童遠觀禪師法嗣四人

灣

帛丘善濟禪師一人見錄

華嚴善淨禪師

天衣文蔚禪師

栢巖凝和尚已上三人無錄

徑山如琰禪師法嗣七人

靈隱普濟禪師

淨慈聞禪師

徑山肇禪師

雙林朋禪師已上四人見錄

永樂北藏

續傳燈錄

第一九七册

永樂北藏

續傳燈錄

第一九七册

枯椿曇禪師

弁山阡禪師

東山源禪師

已上三人無錄

萬壽崇觀禪師法嗣四人

黃龍慧開禪師

石霜妙印禪師

孤峰德秀禪師

鴻福師洸禪師

育王師瑞禪師法嗣一人

瑞岩崇壽禪師



靈隱之善禪師法嗣三人

徑山善珙禪師

淨慈仲穎禪師

無方安禪師

霜林果禪師

天童智穎禪師法嗣三人

徑山如珏禪師

席立務本禪師

雪峰德因禪師



淨慈居簡禪師法嗣二人

育王大觀禪師

石樓明禪師

鼓山安永禪師法嗣二人

淨慈悟明禪師

承天法堅禪師

直翁舉禪師法嗣一人

天童岫禪師

二

育王妙堪禪師法嗣一人



東湖祥禪師



育王宗印禪師法嗣一人

道場法舟禪師



軋元宗穎禪師法嗣一人

鼓山宗鑒禪師

白雲仁禪師已上二人無錄

金山道奇禪師法嗣一人

靈隱祖泉禪師無錄

天童派禪師法嗣一人

無鏡徹禪師無錄

徑山嵩禪師法嗣一人

無塵淨禪師無錄

大鑑下第二十世

卧龍祖先禪師法嗣四人

徑山師範禪師

雲居慈覺禪師

育王光禪師法嗣

靈隱法薰禪師已上二人無錄

六慈道侍禪師已上二人無錄

源

源

源

源

杭州靈隱妙峰普禪師吳興劉氏子其先居彭城後徙吳興高曾大父父皆登臨仕師生純綺中姿性高潔年十三即辭家祝髮受業德清齊政院其師教以經論一見輒了大意乃遍來諸大老時佛照光禪師唱道鄭山師往來禮以風幡語直箭鋒機蒙印可贈以偈扶四

曰今日與君通一線斬截錢起吾宗自是辨慧融釋然不以此自足遊衡湘還入康廬卓錫妙高峰下面壁坐十年一時學者尊稱之曰妙峰禪師分座於鴈山能仁出世於慧因洪福萬年諸刹退居皋亭劉寺者又十餘年大畧如在妙峯時其徒推迫不已復領明

之瑞岩蘓之萬壽常之華嚴晚至靈隱亦非  
所樂靈隱密迓行闕輪蹄湊集師掩戶若不  
聞一將迎公卿貴人或見之寒温而已會  
天童虛席時鄭清之秉釣軸獨念非師莫宜  
居因勉師行師荅曰老僧年踰耄矣尚夜行  
不休乎辭弗就鄭公益高之師上堂云應物  
現形如水中月信手拈來一時漏泄以拂子  
擊禪床左邊云者裏是鑊湯爐炭擊右邊云  
者裏是劒樹刀山前面是觀音勢至後面是  
文殊普賢中間一著還知落處麼又擊云毗  
婆尸佛早留心直至如今不得妙又示衆云  
久參高士眼空四海鼻孔遼天見也見得親

說也說得親行也行得親用也用得親只是  
未識老僧拄杖子在何故將成九仞之山不  
進一簣之土生平善誘其徒未嘗厲聲色然  
一經指授輒神融意悟心悅誠服皆克然有  
得將示寐澡身跌坐書偈云來也如是去也  
如是來去一如清風萬里遂逝實端平二年  
九月二十八日壽八十四臘七十一火浴獲  
舍利不可數計塔于靈隱之西岡鄭公銘其  
塔  
杭州府淨慈北磡禪師名居簡字敬叟蜀之  
潼川王氏子以其寓北磡之日久故人不名  
字之稱北磡云先出世天台報恩光孝寺退

居枕飛來峰之陰張公誠子與盱江刺史走書以唐僧紹隆所開山處之師高卧不起而江東部使者以東林雲居力致之亦復不起後遷至淨慈彌世尊初生語云一聲哇地便叱哩突出如斯大闢提此土西天起殃害堂堂洗土不成泥又頌楞嚴經六解一亡云六

扶四

四

良工之御駁撫鴻鵠而晚晚入冥冥而遠引咲雲烟之輕去漫悠悠而無定駐落日於西崦迺初蟾於東嶺是皆中所得也有北稠集十九卷行世盱江張公誠子序之曰讀其文宗密未知其伯仲誦其詩合衆案覺范為一人不能當也北稠於人不苟合合亦不苟睨取舍去就之際潔如也龍泉葉公水心醉師詩曰簡公詩語特驚人六反掀騰不動身說與東家小兒女塗青漆綠未禁春師居天台委羽有二姓爭竹山竭產不肯已仙居丞王君懌采駕師諷之乃作種竹賦一首示二姓而訟遂止

永樂北藏

續傳燈錄

第一九七册

杭州徑山如瑛禪師字浙翁台州周氏子穎悟邁倫作維摩讚偈云毘耶示疾放憨癡添得時人滿肚疑不是文殊親勘破者些毛病有誰知

明州天童沙禪師字無際題郁山主像偈云祭寒溪槁蹉跌時悞將碗豆作真珠兒曹不

解藏家醜笑倒楊岐老古錮

東禪觀禪師字性空上堂舉監官國師因僧問如何是本身盧舍那師云與老僧過淨瓶來僧將淨瓶至師云却安舊處着僧復來問師云古佛過去久矣師云昔者難以與乎文彩曠者難以與乎音聲者僧既不薦來機國

五

師只成虛設雲門道無朕迹扶國師不起雪竇云一手拍天一手拍地爭得無也扶國師不起以拂子畫一畫云前來葛藤一時畫斷且道畢竟如何是本身盧舍那擲拂子下座又舉保壽和尚開堂日三聖推出一僧公案師云眾中商量道三聖有奔流度刃之作向平地上湧波瀾保壽用疾焰過風之機向虛空裏轟霹靂二大老各出一隻手扶豎臨濟正法眼藏與慈說話要作臨濟兒孫且緩緩東禪道致子如何擎大柱槁絲馬可挂須彌若是臨濟正法眼藏端的向二人邊戒却上方朴翁銘禪師天資奇逸辯博無礙謹辯

磨像曰一言已出駟難追賴得君王放過伊  
揚子江心航折箬浪頭何似問頭危

大鑑下第十九世

天童傑禪師法嗣

杭州府靈隱松源禪師名崇岳生於處州龍泉吳氏天姿純篤造詣端實早歲慕出世法稍長棄家衣掃塔服受五戒於大明寺首造靈石妙公繼見大慧杲公於徑山慧隱堂稱蔣山應菴為人徑捷師聞之不待旦而行既至入室未報退念自奮厲朝夕咨請應菴舉世尊有密語迦葉不覆截師云鈍置和尚應庵厲聲一喝師有省應菴大喜以為法器說

永樂北藏

續傳燈錄

偈勸使祝跋隆興初師始得度於臨安西湖白蓮精舍自是過叅諸大老罕當其意者迺入闕見軋元木菴永公一日釋木菴木菴舉有句無句如藤倚樹師云裂破木菴云瑯琊道好一堆爛柴擲師云矢上加尖如是應酌數尺木菴云吾兄下語老僧不能過其如未

掛口

六

在他日拂柄在手為人不得驗人不得師云為人者使情地凡夫一起入聖城固難矣驗人者打向面前過不待開口已知漂骨髓何難之有木菴舉手云明明向汝道開口不在舌頭上後當自知逾年見密菴於衢州之西山隨問即答密菴微笑而已師切於究竟至

第一九七册

心寂食密庵移蔣山華嚴徑山皆從之會密庵入室次問傍僧不是心不是佛不是物師侍側豁然大悟乃曰今日方會木庵道開口不在舌頭上自是撲辨從橫密庵迂靈隱遂分座旋出世於平江澄照為密庵嗣徒江陰之光孝無為之治父饒之薦福明之香山平江之帑丘慶元三年靈隱厖席被旨補處師上堂云大凡扶豎宗乘須具頂門正眼懸肘後靈符只如保壽開堂三聖推出一僧保壽便打三聖道與麼為人瞎却鎮州一城人眼去在保壽擲下拄杖便歸方丈二尊宿等開一揆一撥便乃發明臨濟心髓只是不知性

命終在這僧手裏還有檢點得拙麼昔年曾火和烟得今日擔泉帶月歸又因歲旦示衆云元正改旦萬事成現有時放行有時坐斷不惜兩莖眉和坐盤撥轉佛法世法都盧一片既是佛法世法如何得成一片但辦肯心必不相賺居靈隱六年法道盛行得法者衆持引退居東庵俄屬微疾倡道不疲忽親作書別諸公卿且垂二則語以驗來學曰有力量人因甚擡脚不起開口不在舌頭上及貽書嗣法香山光睦雲居善開囑以大法因書偈曰來無所來去無所去瞥轉玄關佛祖罔措加跌而窺寶鼎泰二年八月四日也得年七十



有一坐夏四十奉全身塔于北高峯之原  
夔州卧龍破庵禪師諱祖先廣安王氏子工  
夫穩實見地明白嘗分座抗之靈隱有**道者**  
請益曰胡孫子捉不住頭垂開示師曰用捉  
他作什麼如風吹水自然成紋時無準侍傍  
大悟有示楞嚴座主偈曰見猶離見非真見  
還盡八還無可還木落秋空山骨露不知誰  
識老瞿曇

天童枯禪自鏡禪師福州高氏子作上鐘偈  
曰一摸脫就轉風流平地救他不肯休要得  
洪音喧宇宙直須更上一層樓  
淨慈慧光禪師字潛庵作化藍偈曰合水和  
泥一處烹水乳泥盡雪花生乘時索起遼天  
價公驗分明執敢爭  
太平府隱靜萬庵致柔禪師潮州陳氏子上  
堂拈天衣懷禪師雁過長空影沉寒水話因  
頌曰長空孤雁一聲秋馭寶波斯鼻似鈎風  
捲白雲歸別嶂黃昏月挂柳絲頭  
天童達觀禪師法嗣  
蘓州庠立尚堂善濟禪師題魚籃觀音像讚

曰雲鬢濃粧苦強類為它閑事入塵寰携芳來  
活底無人買只作尋常死貨看

徑山如琰禪師法嗣

靈隱大川禪師諱普濟明州奉化人慕脩五  
燈會元題世尊出山相偈云龍章鳳質出王  
官肘露衣穿下雪峯智頭必空諸有界不知

諸有幾時空

杭州徑山偃溪開禪師閩人開爐上堂舉趙  
州示衆云老僧三十年前在南方火爐頭有  
箇無賓主話直至如今無人舉著拈云森羅  
萬像明暗色空日夜舉揚趙州古佛不是不  
知只為貪程太速

徑山淮海肇禪師泰州人讚遠磨偈曰踏翻  
地軸與天關合國人退不再還去去一身輕  
似葉長江千古浪如山

婺州雙林介石朋禪師因見郁山主畫像傍  
僧索讚師信筆書曰拾得明珠咲眼開為言  
塵盡轉生埃若無直下承當者孤負闍黎一

撲來

萬壽崇觀禪師法嗣

黃龍慧開禪師字無門杭州人作朝陽補衲  
偈曰寒時急用底物趁暖著些針線忽然臘  
月到來免致脚忙手亂  
潭州石霜竹岩妙印禪師作對月看經偈曰

未動舌頭文彩露五千餘卷一時周若言待  
月重開卷敢保驢年未徹頭

育王師瑞禪師法嗣

明州瑞岩壽禪師字無量因僧問世尊臘月  
八日正覺山前夜觀明星悟道此意如何師  
答以偈曰明星現處眼皮穿漢語胡言萬萬

千暴富乞兒休說夢誰家竈裏火無烟九

靈隱之善禪師法嗣

杭州徑山藏叟禪師名善玠泉州南安縣呂  
氏千年十三依郡之崇福寺南和尚出家落  
髮十六遊方至杭受具足戒謁妙峯善公于  
靈隱入室悟旨後出世住里之光孝并承天

永樂北藏

續傳燈錄

繼遷安吉之思溪圓覺福之雪峯復以朝命  
移四明之育王臨安之徑山師示眾云古者  
道知之一字衆妙之門又有道知之一字衆  
禍之門只者二門入得更須出得三世諸佛  
出不得六代祖師出不得天下老和尚出不  
得何故變錢成金易變金成錢難又換室云  
這裏是問訊燒香了來老僧身邊立地底所  
在麼呆子你自鈍置猶可莫來鈍置老僧嘗  
自題其像云叅禪無悟識字有數眼三角似  
燕山愁胡面百摺如趙婆呷醋一著高出諸  
方敢道飯是米做師生於紹興甲寅十月十  
二日示寂於丁丑五月二十一日壽八十三

第一九七册

塔全身于徑山南塔院云

燈

天童智穎禪師法嗣

臨安府徑山荆叟禪師諱如珣婺州人室中

僧問如何是佛師荅曰爛冬瓜仍頌云如何

是佛爛冬瓜咬著冰霜透齒牙根蒂雖然無

審子一年一度一開花

淨慈居簡禪師法嗣

明州育王大觀禪師鄞縣橫溪陸氏子字物

初蚤參北澗于淨慈悟旨典又翰聲稱藉甚

晚住育王座下名緇蟻附上堂云達磨正宗

衲僧巴鼻充塞虛空無處回避堪笑迷流白

日青天開却眼只管瞌睡更有黃面老人不

識好惡入泥入水却道我於然燈佛所無一

法可得而為我授記何異好肉剝瘡空花求

帶畢竟如何悉喇悉喇既順世塔塋于寺之

西菴

鼓山安永禪師法嗣

杭州淨慈晦翁悟明禪師福州人上堂舉夾

扶四

山會下一僧到高亭終禮拜亭便打僧云特

來禮拜師何打又拜亭又打趣出僧回舉似

夾山山云會麼云不會山云賴汝不會汝若

會即夾山口啞去應庵拈云高亭一期忍俊

不禁爭奈挂火放行太速這僧當時若是箇

漢莫道高亭夾山便是達磨大師出來也斬

為三既何故家肥生孝子國伯有謀臣拈云  
高亭夾山門庭施設各得其宜但中間一人  
較些子應菴與麼道也是鞏縣茶瓶師嘗纂  
修聯燈會要傳于叢林

直翁舉禪師法嗣



明州天童岫禪師字雲外族昌國某氏身材

眇小精悍有餘師事直翁舉公剝落究明曹  
洞宗旨盡其源底出世慈溪石門歷象山智  
門遷郡之天寧繼以三宗四衆推挽并住天  
童叢林莫不稽首稱慶師說法能巧譬傍引  
貴欲俯就學者而曲成之至於奔軼絕塵雖  
鶴眼龍睛亦無窺瞰分上堂關市紅塵裏有

永樂北藏

續傳燈錄

關市紅塵裏佛法深山岩崖中有深山岩崖  
中佛法山僧昨日出城門關市紅塵裏佛法  
一時忘却了也行到二十里松雲便見深山  
岩崖中佛法大衆且道如何是深山岩崖中  
佛法良久云白雲淡泞出沒太虛之中青蘿  
實緣直上寒松之頂又謝首座書記藏主上  
堂以拂子打圓相云摩訶衍法離四句絕百非  
又打一圓相云禮之用和為貴先王之道斯為  
敦又打一圓相云摩尼珠人不識如來藏裏親  
收得諸人還見麼所見不同互有得失天童  
這東母國母必師不倨傲不貪積不私食得  
死利隨與人見後生敬之逾謹二時粥飯必

第一九七册

同衆赴堂既寂無餘資禪者率錢津送後事塔塋于本山弟子矜大方昇獨木省愚庵證無印四人足大其宗但位不稱德罕嗣其法者爾

大鑑下第二十世

卧龍祖先禪師法嗣

卷

卷

杭州徑山無準禪師諱師範生於蜀之梓潼雍氏九歲依陰平山僧道欽出家經書過目成誦紹熙五年冬登具戒明年次成都坐夏正法遇老宿名堯者師請益坐禪之法堯曰禪是何物坐底是誰師受其語晝夜體究一日如廁提前話有省明年辭去謁佛照于育

主佛照問師曰何處人師曰劔州人佛照曰帶得劍來麼師隨聲便唱佛照咲曰者烏頭子也乱做貧甚無資雜爨故佛照室中常以烏頭子目之久之復還靈隱破庵居第一座齋餘同遊石筍庵庵之道者請益胡孫子話破庵吞之語在破庵傳中師於侍傍有省破庵過天童掃密庵塔師偕往逮破庵赴宵露未幾以台鴈未到拉月石溪同游至瑞岩時雲巢領住持事留分座忽夜夢帟衣冠者持把茅見授翌日明州清涼專使至師受請入院見所謂伽藍神茅其姓衣冠與疇昔所夢無異陞堂開法一香供破庵三年迁焦山期

年遷實寶三年被旨移育王又三年嵩少林  
散席徑山朝命以師補處明年寺燬師遂知  
其數不動容經意是年十月有旨入內上御  
修政殿引見師奏對詳明上爲之動色賜金  
欄僧伽黎仍宣詣慈明殿陞座上垂簾而聽  
乃賜佛鑑禪師號三年寺成閱六年復燬師  
不驚不變而多助雲至不數年寺宇崇成去  
寺四十里築室數百楹接待雲水額曰萬年  
正續正續西數百步結庵一區爲歸藏所土  
建重閣秘藏後先所賜御翰敝室東西偏奉  
祖師與先世香火遇始生日爲飯僧佛事以  
贊冥福蓋蜀亂師之先祀遂絕故茲祠奉以

永樂北藏

續傳燈錄

旌孝慕云上聞而嘉歎賜扁圓照淳祐戊申  
秋師築室明月池上榜曰退耕乞老于朝而  
舊疾適作三月且升堂示衆曰山僧既老且  
病無力得與諸人東語西話今日勉強出來  
從前所說不到底盡情向諸人面前抖擻去  
也遂起身抖衣云是少十五日集兩班區  
畫後事親書遺表及遺書十數言咲諧詼如  
平時其徒以遺偈爲請乃執筆疾書云來時  
空索索去也赤條條更要問端的天台有石  
橋移頃而逝停龕二七日遺表上聞上遣中  
使降香賜幣奉全身塔于圓照庵稟法分化  
有雪岩欽斷橋倫西岩惠爲

第一九七册

杭州靈隱法薰禪師彌石田眉山彭氏子也  
 師生而慧敏三四歲時見佛僧即知禮敬年  
 十六往從丹稜石龍山法寶院智明出家二  
 十二難髮受具戒遂游方至石霜禮雷遷塔  
 述偈曰一念慈容元不隔何須特地肆乖張  
 平高就下婆心切惱得雷公一夜忙師名因

抄四

十三末

是大著聞吳門穹窿破菴先禪師道望遂往  
 依焉一見知為法器室中舉世尊拈花迦葉  
 微笑師云焦磚打着連底凍赤眼撞着火柴  
 頭破庵陰奇之每於日用語默故起其疑師  
 於是決志依棲隨時咨詢與無準範日相激  
 礪辭去遍遊諸老門庭見靈隱松源岳淨慈

肯堂文華蔽遊庵演咸謂其從作家爐鞴中  
 出自不同也俄出世蘊之高峯高峯巖爾刹  
 勞苦戒縮以身率之未三年為改觀次遷楓  
 橋衆繩繩然鍾山虛席廟堂精選擇乃以師  
 補慶寶慶初遷淨慈端平二年遷靈隱淳祐  
 甲辰三月望示徒云但得本莫愁末喚恁麼  
 作本喚恁麼作末松栢千年青不入時人意  
 牡丹一日紅滿城公子醉山僧恁麼道若有  
 不肯底是我同叅弟子師俊繪師像求讚有  
 云末後一句分付厨山衆頗訝之明日忽示  
 疾又明日退而歸寶壽終辨終焉計寔全身  
 于院之後山不違師意也壽七十五臘五十



三師貌古性直音韻朗暢五遜望剝閱三十  
有二年樽節而足用審量而計功雖有大興  
建一毫不以干人見他處持疏鷺俟人門帖  
啗以希施與者直鄙而笑之而土木金碧在  
慶成就云

續轉燈錄卷第三十五

卷

扶四

永樂北藏

續傳燈錄

第一九七册

永樂北藏

續傳燈錄

第一九七册

續傳燈錄卷第三十六

扶五

大鑑下第二十世

薦福道生禪師法嗣一人

徑山道冲禪師見錄

淨慈開禪師法嗣三人

扶五

徑山妙高禪師見錄 天童止泓鑑禪師

何山鏡鏡明禪師已上二人無錄

育王觀禪師法嗣一人

徑山元熙禪師見錄

徑山善珙禪師法嗣二人

徑山行端禪師見錄 曹溪覺禪師無錄



永樂北藏

續傳燈錄

淨慈仲穎禪師法嗣三人

江心了萬禪師 岳林益禪師已上二人無錄

雙林雲屋閑禪師二人無錄

雙林朋禪師法嗣一人

靈隱祖閣禪師見錄

天童雲岫禪師法嗣一人

雪竇大證禪師見錄

孤峯秀禪師法嗣二人

鼓山皖山凝禪師 雙林一衲介禪師已上二人無錄

靈隱普濟禪師法嗣三人

蔣山東叟愷禪師 雪竇野翁同禪師

天童石門來禪師已上三人無錄



永樂北藏

續傳燈錄

第一九七册

天童自鏡禪師法嗣二人

松窓照禪師

月窓圓禪師已上二人無錄

徑山如珏禪師法嗣一人

中竺空岩有禪師錄

雪竇大夢因禪師法嗣一人



風幡空山中禪師錄

黃龍慧開禪師法嗣一人

瞎驢見和尚錄



淳庵淨禪師法嗣一人



天童西江謀禪師錄

靈隱崇岳禪師法嗣一十二人

金山善開禪師

道場普岩禪師

華嚴覺通禪師

龍翔希建禪師

瑞岩光睦禪師

天目文禮禪師已上六人見錄

雪竇大歇謙禪師

淨慈谷原道禪師

瑞岩雲巢岩禪師

廬山養蒙曇禪師

址海心禪師

諾菴聲禪師已上六人無錄

薦福道生禪師法嗣

徑山癡絕禪師諱道冲武信長江荀氏子母

郭氏生而豐上短下資性絕人少長以進士

業應詔不利受釋氏學於梓州妙音院禮修

證焉落髮師遊成都習經論紹熙壬子出峽

回翔荆楚間時松源岳唱密庵之道于饒之

薦福徑造其廬以歲饑不受會曹源生出世

妙果師聽入門語有省。參堂俾侍香朝。從夕遊老拳痛棒。不少貸平生。知見至是多無影。響曹源。徙龜峰。侍行又三年。以偈辭遊浙。其言有曰。尚餘窮相一雙手。要向諸方痒處爬。至京師。松源主靈隱。師依焉。嘉定己卯。由徑山第一座。應嘉禾光孝。請嗣曹源。寤庵元覺庵。即逢庵。原無相範。石谿月。皆在會中。道開于朝。忠獻衛王以堂帖除。蔣山瀕江。易滂下田多。無秋師。忍飢鳴道。行乞養士。居十三年。無倦色。嘉熙己亥。侍郎東叟。曹公。幽帥。閩。開師。道望以鼓山來聘。未行。雪峰牒至。領事半年。而天童詔下。衆集如海。法度修明。雖宏智。

永樂北藏

續傳燈錄

盛時殆不之過。育王虛席。攝住持事。往來說法。兩山間。上堂曰。天童用底。來育王用不着。育王用底。歸天童用不着。雖然。如是用不着。處用有餘。一箭雙鷗。隨手落。又結夏上堂云。圓覺伽藍。塵塵有路。坐斷去來。頓空今古。那裏十三。這還十五。後先不差。毫疑許可。咲黃面瞿曇。至今不知落處。二年淳祐甲辰。有旨移靈隱。而世故有不滿其意者。伐鼓告衆。歸隱金陵。京兆尹遣屬官追挽。至蘓臺。不可朝命。以虎丘俾養老。不就。留守虛齋。趙公以蔣山起之。不應。戊申春。育王咲翁。堪散席。朝論以大覺故家。不輕畀付。名師隱所。使者三返。

第一九七冊

卒不奉詔明年并往山未幾隔間疾作涉春  
不瘳然陞堂說法不廢二月末始不出然說  
偈書讚嬉笑言論如平時侍僧以遺偈請磨  
斤不顧已而笑謂侍者曰末後一句無可商  
量只要箇人直下承當自是屏却醫藥謝絕  
外事至十四夜分起坐移頃而逝歸葬于金

陵山中

淨慈開禪師法嗣

※

杭州徑山雲峰禪師名妙高福之長溪人也  
家世業儒母阮夢池上嬰兒合爪坐蓮華心  
手捧得之覺而生師因名夢池神彩秀徹嗜  
書力學尤耽釋典固請學出世法依吳中雲

夢澤公受具戒師銳意求道首參癡絕次見  
無準準尤器愛遂之育王見偃溪入室掌藏  
鑰一日溪舉譬如牛過窓櫃頭角四蹄都過  
了因甚尾巴過不得師劃然有省答曰鯨吞  
海水盡露出珊瑚枝溪可之會溪遷南屏師  
與俱後出世住宜興大蘆遂為嫡嗣遷江陰  
勸忠嘗川何山雲衲四來蔣山虛席師奉  
朝命居之歷十有三載衆踰五千指德祐乙  
亥寺被兵軍士有迫師求金者俄以刀擬師  
師延頸曰欲殺即殺吾頭非汝礪刃死辭色  
了無怖畏軍士感動擲刃而去丞相伯顏公  
見師加敬施牛百齋糧五百寺賴以濟至元

庚辰迂徑山寺罹田祿草創總什一師究心  
興建不十年悉還舊觀戊子春魔事忽作有  
諸毀禪宗者師嘆曰此宗門大事吾當忍死  
爭之遂趨京有旨集諸宗徒廷辨上問禪以  
何為宗師素淨智妙圓体本空寂非見聞覺  
知思慮分別所能到宣問再三師歷舉西天  
東土諸祖以至德山臨濟棒喝因緣大抵禪  
是正法眼藏涅槃妙心趨最上乘孰有過於  
禪詞指明顯餘二千言又宣進榻前與諸者  
反復論難諸者辭屈上大悅禪宗按堵如初  
陛辭南歸示衆云我本深藏岩竇隱遯過時  
不謂日照天臨難逃至化又云衲被蒙頭萬

永樂北藏

續傳燈錄

事休此時山僧都不會徑山復灾師謂衆曰  
吾夙負此山債耳遂竭力再營建匯殿坡為  
池他屋以次落成癸巳六月十七日書偈而  
逝師生於嘉定己卯二月十七日壽七十五  
膺五十九葬于寺之西麓云  
育王觀禪師法嗣

徑山佛智晦機禪師諱元熙族豫章唐氏世  
業儒西山明覺院明公迺師之族姪父聚其  
宗族子弟教之世典師與兄元懿俱從進士  
業元齡既登第師年十九遂從明公祝髮將  
遊方其母憐之私具白金為裝師謂財足空  
志即善辭毋不持一錢以行至吳一時名宿

第一九七册

皆欲出己座下不顧也聞物初觀禪師開化  
 至几往依之物初與語大驚異之留侍左右  
 朝夕咨扣盡發其秘字之曰晦機為偈以慰  
 焉後至錢塘謁東叟穎公于南屏延師掌記  
 至元中總統揚璉真加奉旨取育王舍利塔  
 進入供養乃親詣師求記述舍利始末因招  
 與俱師辭曰我有老母兵後存云不可知遂  
 歸江西則元齡先以臨江通判後文丞相起  
 兵死獨母在堂師奉之以孝聞隱居里之滿  
 山元貞二年出世應百丈之請居十二載而  
 法席振興至大初應淨慈之請入寺之日行  
 中書省行宣政院官屬俯伏迎請設揚宗旨

四方英衲一時輻湊上堂曰雲門道个普字  
 盡大地人不奈何殊不知雲門四稜塌地當  
 時若與震威一喝待此老惡獲徐徐打箇問  
 訊道莫恠觸忤好非徒扶起此老管取話行  
 天下居七載遷徑山閱三月師杖策歸南山  
 之下復起之不往也江西學者聞師退閑咸  
 傾誠法味以致百丈大仰之徒爭來請師師  
 辭不獲已遂返仰山居三年將示寂手書所  
 與往來作偈示衆擲筆化去延祐六年閏八  
 月十有七日也壽八十二大仰之下有金鷄  
 石者應馬大師懸識故葬焉而其徒之在杭  
 者又建塔于淨慈之西隱以存瞻敬之所嗣



法者有笑隱訢石室瑛仲芳倫云

徑山善珙禪師法嗣

巖

杭州徑山元叟禪師諱行端族臨海何氏世  
業儒母陳氏師生而秀拔幼不如輩年十二  
後族弟父茂上人得度於餘杭之化城院十  
八受具戒一切文字不由師授自然能通初  
叅藏叟和尚於徑山叟問汝是甚處人師云  
台州叟便喝師展坐具又喝師收坐具叟云  
放汝三十棒叟堂去師於言下豁然頓悟即  
迺入侍司叟告寂師至淨慈依石林鞏公即  
處以記室尋以靈隱山水清勝往掛錫焉師  
嘗自稱寒拾里人橫川瑛公在育王以偈招

永樂北藏

續傳燈錄

曰寥寥天地間獨有寒山子師竟不渡江而  
謁覺庵真公於承天復叅雪岩欽公於仰山  
岩問何處來師云兩浙岩云因甚語音不同  
師云合取鼻口岩云額徑橋高集雲峯峻未  
識書記在師拍手云鴨吞螺螄眼睛突出岩  
笑顧謂侍者點好茶來師云也不消得居三  
歲而岩逝乃還浙右徑山請師居第一座大  
德庚子出世湖之資福學徒奔湊名聞京國  
特旨賜慧文正辨禪師中書平章事張閻公  
任行宣政使首舉師主中天竺開堂之日公  
率僚屬臨座下皇慶壬子遷靈隱有旨設  
水陸大會于金山命師升座說法竣事入覲

第一九七册

加賜佛日普照之號陞辭南歸養高千良階  
 之西庵至治壬戌徑山厯席宣政行院請師  
 補其處師至是九三被金襴袈裟之賜二十  
 年間足不越閩而慕其道者鱗萃至無所容  
 僧問如何是正法眼藏師云十字街頭石敢  
 當僧云莫只這便是麼師云月似彎弓少雨

多風上堂舉僧問趙州狗子還有佛性也無  
 州云無又僧問狗子還有佛性也無州云有  
 師云若以無為究竟後來因甚道有若以有  
 為諦當前面因甚道無者裏投敗趙州許你  
 天上天下上堂秋風涼秋夜長未歸客思故  
 鄉拍禪牀自是不歸歸便得五湖烟景有誰

爭師嘗勸一新到僧云何方聖者甚處靈祇  
 僧云臨朕礎師云杜撰禪和如麻似粟叅堂  
 去又勸一僧云碁盤石斫破你腦門盃孟池  
 浸爛你脚板僧擬答師便喝又勸一僧云擘  
 開華嶽連天秀放出黃河徹底清即且置平  
 實地上道將一句來僧擬開口師便打師以

共五

七

呵叱怒罵為門弟子慈切之誨以不近人情  
 行天下大公之道師之利他皆陰為之沒齒  
 不言師生於宋寶祐乙卯以至正辛巳八月  
 四日書偈訣衆云本無生滅焉有去來冰河  
 發燄鉄樹花開投筆垂一足而化世壽八十  
 八僧臘七十六以是月十一日奉全身窆于

寂照塔院弟子竹泉林古鼎銘夢堂盟楚石

琦以中及等皆足亢其宗

淨慈仲穎禪師法嗣三人

卷

温州江心一山禪師諱了万族臨川金氏貌

瘠而弱年十五業程文有聲然素志出家莫

奪去從金溪常樂院思仁者祝髮俄有靈芝

產戶樞占者曰吉徵也及游方謁儼溪聞公

荆叟珙公簡翁敬公皆相語合東叟領南屏

擇師掌記師偶經神祠見紙灰隨風旋起者

脫然忘所證亟以白東叟東叟詰之終無疑

滯遂蒙印可後遊天台及境衆請開法寒岩

竟嗣東叟踰三年遷仙居紫籙歷十載遷疎

山當道議不合即趨退未幾江淮搃統會諸

山于靈隱直指堂議以開先迎居之師蒞事

叢林鼎新又十年升住江心少不適意棄

去寺衆數百懷留隨至馮公嶺不從各立

散去師恬然如脫去桎梏焉會房山月澗

公遺舟迎歸東溪明公亦寂開先之衆復

請師力却之衆慄迫至再四願不以寺事

師惟乞訓徒耳皇慶元年十一月廿六日

遘疾危坐不近藥閱七日命具浴更衣出據室

凡書訣衆語坐迹闍維収五色舍利如菽不

可計雙目睛不燼鎔以烈鐵益晶焚齒牙頂

骨鉦有聲時改作稼章烏遮塔江西行省丞

相幹赤命以舊藏釋尊舍利奉於中而遣使  
分一山之目睛舍利貯之銀匣陪葬焉餘  
舍利以葬東溪

奉化岳林栢堂益禪師温州人開法婺之天  
寧遷薦福後主明之太平彰聖至岳林上堂  
云古者道成者秉無法與人只是據款結案

彰聖者秉亦無法與人亦不據款結案拈拄  
杖云如何是佛赤脚踏蓮花如何是佛向上  
事雕梁畫棟擲下拄杖便歸方丈二月十五  
日上堂擊拂一下彰聖今日將三十年前冷  
灰中爆出烏豆換老胡眼睛去也喝一喝云  
設有一法過於涅槃我此一喝不作一喝用

雙林朋禪師法嗣

杭州靈隱悅堂開禪師南康周氏子宋端平  
元年八月一日生年十三稟父母依同郡嘉  
瑞寺出家禮偃一人為師薙落受具一日閱  
華嚴經至惟一堅密身一切塵中現忽有省  
即往見別山智公於蔣山智問近離何處師  
云江西智云馬大師安樂否師又手進云起  
居和尚智命侍者未幾至坑見斷橋倫公於  
淨慈倫問臨濟三遭黃蘗痛棒是否師云是  
又問因甚大愚肋下築三拳師云得人一牛  
還人一馬倫領之倫逝而栢山介石遠來補  
其處一日室中舉栢樹子話師擬議石抗聲

云何不道黃鶴樓前鸚鵡洲師於言下頓悟  
即令侍香久之歸庐山東岩日公住圓通延  
師分座九江守錢真孫聘師出世西林為介  
石嗣至元二十五年遷開先又遷東林元貞  
初奉詔赴闕入對稱旨賜璽書彌通慧禪師  
并金襴法衣大德九年陞住靈隱嘗勘一僧

扶五

九

云微塵諸佛在你舌上三藏聖教在你脚底  
何不瞥地僧問措師便喝又勘一僧云釋迦  
彌勒是他奴他是阿誰僧擬對師便打一僧  
新到師問何處來僧云閩中師云彼處佛法  
如何住持僧云飢即喫飯困即打睡師云錯  
僧云未審和尚此間如何住持師拂袖歸方

# 永樂北藏

## 續傳燈錄

丈僧休去居四歲而逝訣衆得曰緣會而來  
緣散而去撞倒須彌虛空獨露世壽七十五  
僧臘五十二

天童雲外禪師法嗣

明州雪竇無印禪師諱大證族番陽史氏子  
生于大德丁酉歲正月廿四日幼穎異父母

知不可留使徙州之昌國寺智節學出世法  
年十四薙落受具戒出游謁荆石琬公于房  
山圓通機活不契時思菴嘗公居閒房師日  
親煨煉雲外岫公方唱曹洞之道于天童師  
往依之一日入室次公云天童今日大死去  
也汝作麼生救師云請和尚喫飯公又云天

## 第一九七册

童今日大死去也汝不要相救師云救它作  
 廖公又云天童今日大死去也師誰與我同  
 行師云和尚先行某甲後隨公呵呵大笑自  
 茲情同魚水猶瀉山之與寂子也遂命典藏  
 教已而謁中峯本公于天目山公雅相器重  
 至治間詔天下善書者以金書藏經與國師  
 妙公借此上入覲竣事賜以織金屈眊之衣  
 泰定初南還江湖丞相脫歡公領行宣政院  
 事起師主衡之南禪說法為雲外之嗣雲外  
 嗣直翁舉直翁嗣東谷光東谷明極祚明  
 極嗣自得暉蓋隰州古佛之六世也繼領光  
 孝遷信之祥符既而洪之翠岩饒之芝山俱

以行院擢請師以疾固辭至正七年主慶元  
 之定水閣九年遷雲竇上堂曰千說萬說不  
 若覲面一見昨日二十九今朝七月一報你  
 叅玄人光陰如箭疾娘生兩隻眼箇箇黑如  
 漆急急回頭看取大真佛良父是何面目  
 下座巡堂喫茶又上堂妙下妙袖僧鼻孔多  
 無竅玄不玄刹竿頭上無青天至士寧容袖  
 手良馬豈待揮鞭全起捧喝不落蹄筌百鳥  
 不來春又去岩房贏得日高眠居四年退居  
 定水之固明菴明年辛丑九月廿一日示寂  
 得年六十有五奉龍閣維爐餘牙齒數珠不  
 壞舍利明瑩門人景雲等斂諸不壞者建塔

圓明菴後

靈隱崇岳禪師法嗣

鎮江金山善開禪師字掩室上堂舉密菴破

沙盆話頌云法眼拈來早自謾無端錯對破

沙盆而今遍界難遮掩殃害叢林累子孫

湖州道場運菴禪師諱普岩題趙州像偈云

無端提起七斤衫多少禪人著意叅盡向青

州做窠窟不知春色在江南其下有虛空愚

石帆衍紹之

華嚴覺通禪師字無得青苗會上堂破一微

塵出大經為飛魚躍更分明不將眼看將心

看已是重敲火裏冰淹黑豆味平生直須切

總

外話豐登縲成白雪染重綠割盡黃雲稻正  
青嗣法有虛舟度云

温州龍翔石岩禪師諱希璉潮陽馬氏子室

中僧問昔日佛照光禪師因宋孝宗宣問釋

迦佛入山六年所成何事光曰將謂陛下忘

却師答以頌曰大根大器大熏修土警轉機輪

向上頭扶五方億斯年惟一佛雪山元不隔龍樓

瑞岩少室光睦禪師上堂舉曹山霞因僧侍

立山曰道者可煞熱曰是山曰祇如熱向甚

麼處四避曰向鑊湯炉炭裏四避山曰祇如

鑊湯爐炭又作麼生四避曰衆苦不能到師

頌曰瞎却頂門三隻眼鑊湯炉炭裏優游若

言衆苦不能到端的何曾有地頭  
明州天童山天目禪師諱文禮彌城翁杭之  
臨安人姓阮氏家天目山之麓因又彌天目  
云師生六歲携籃隨母採桑俄而寤念携之  
者誰邪遂有出家志年十六依鄉之真相寺  
僧智月剃落往淨慈叅混源混源舉見成公  
案放汝三十棒話不契謁育王佛照光禪師  
光問恁麼來者那箇是汝主人公師豁然領  
旨他日光再問是風動是幡動這僧如何師  
云物見主眼卓豎又問不是風動不是幡動  
甚處見祖師師云揭却腦蓋光喜其俊邁挽  
為書記久之返浙西聽一心三觀之旨于上

天竺松源岳禪師唱道鏡之薦福室中間僧  
不是風動不是幡動擬議即捧出師聞之頓  
忘知解迺往叅烏蒙印可得盡其旨辭松源  
巡禮江淮間祖塔時浙翁琰公主蔣山挽師  
充立僧首座晉陵尤公焞數至山誦師提唱  
語悅服嘉定五年約齋居士張公鉉請師開  
法臨安慧雲一香為松源嗣既而還溫之能  
仁未幾辭歸西丘時節齋趙公慕師高行微  
服過西丘師亦不問其姓名與語終日而去  
明日奏請師住持淨慈室中每舉南山笙筍  
東海烏鯛話學者擬議師輒督牙三下莫有  
湊泊之者厥後遷居福泉升住天童師因上



堂舉楞嚴經云諸可還者自然非汝不汝還者非汝而誰師頌云不汝還者復是誰殘紅流在釣魚磯日斜風定無人掃燕子嚙將水際飛冬至上堂云黃鐘纔起時九數從頭數相將幽谷鶯啼次第雕梁燕語田父祭勾芒叢祠敲社鼓農父狎牛郎村姑教蚕婦光陰

快五

十二

老盡世間人冬至寒食一百五宏智禪師忌上堂夜明簾外寶鑑堂前元無兼帶豈有偏圓正恁麼時畢竟誰居正位古渡無人霜月冷蘆花風靜鶯鶯眠有來上座直入方丈云某甲有狀告投和尚師云對頭在那裏來云和尚便是師云老僧與汝有甚麼冤讎來無

# 永樂北藏

## 續傳燈錄

語師投住云冤家冤家新到相看師問汝名什麼僧云智虎師退身作怕勢僧擬議師便歸方丈又佛光照師首休師于梁渚師令往下竺崇北峯印公作二偈送之曰送子叅尋有鷲山諸方多是落前三白從開異歸同後圓旨于今亦倦譚揀境分明妙藥方餘之分別更須忘晚風吹落殘紅片休向枝頭覓猶香叢林至今傳誦不絕師尤邃於易軋淳諸儒大闡道學師與之遊直示以心法不為世語徇悅也朱晦菴問毋不敬師又手示之揚慈湖問不欺之力師答以偈曰此力分明在不欺不欺能有幾人知要明象兔全提句

## 第一九七册

看取升階正筭時其曉人類如此師所閱五  
糾通不過八九年而得閒之歲月多道遙於  
梁渚之西丘羣衲叅叩無異領衆時也其為  
人高古簡儉不苟為咲語將入寂病中問侍  
者曰誰與我造無縫塔侍者云請師塔樣師  
云畫<sup>力</sup>畫不出乃怡然脫去閣維弟子叔舍利  
并遺骨拊莖于天童應菴塔左壽八十四臘  
六十八紹其傳者有橫川珙石林鞏稱二甘  
露門云

三末

續傳燈錄卷第三十六終

扶五

古尊宿語錄卷第一之二

審二

南嶽大慧禪師

大慧下一世

馬祖大寂禪師

大慧下二世 湖南南嶽

百丈大智禪師

大慧下三世 湖南南嶽

大鑑下一世

益二

南嶽大慧禪師諱懷讓金州人也俗姓杜於儀鳳二年四月八日降誕感白氣應於玄象在安康之分太史瞻見遂奏聞高宗皇帝帝乃問何祥瑞太史對曰國之法器不染世榮帝傳勅金州太守韓偕親往存慰其家家有三子惟師最小年始三歲炳然殊異性惟思

永樂北藏

古尊宿語錄

第一九七册

讓父乃安名懷讓至年十歲惟樂佛書時有三歲玄靜過舍見而奇之告其父母曰此子若出家必獲上乘廣度眾生至垂拱三年方十五歲辭親往荊州玉泉寺依弘景律師出家通天二年受戒後習毘尼歲一日自嘆曰夫出家者為無為法天上人間無有勝者時同學坦然知師志氣高邁勸師同謁嵩山安禪師安啓發之乃直詣曹溪禮六祖六祖問什麼處來師云嵩山安和尚處來祖云什麼物與麼來師無語遂經八載忽然有省乃白祖云某甲有箇會處祖云作麼生師云說似一物即不中祖云還假修證也無師云修證

即不無汚染即不得祖云只此不汚染是諸佛之護念汝既如是吾亦如是西天二十七祖般若多羅識汝曰震旦雖閑無別路要假兕孫脚下行金鷄餅啣一粒粟供養什那羅漢僧又謂心秉能藏事說向漢江濱湖波探水月將照二三人祖云先師有言從吾向後勿傳此衣但以法傳若傳此衣命如懸絲惟示道化聽吾偈曰心地含諸種普雨悉皆萌頓悟花情已菩提果自成汝向後出一馬駒踏殺天下人病在汝心不須速說師侍奉一十五載唐先天二年始往南嶽居般若寺示徒云一切萬法皆從心生心無所生法無能住

若達心地所作無碍非遇上根宜慎辭哉僧問如鏡鑄像像成後光歸何處師云如大德未出家時相狀向什麼處去僧云成後為什麼不鑑照師云雖然不鑑照護它一點不得馬祖居南嶽傳法院獨處一庵唯習坐禪凡有來訪者都不顧師往彼亦不顧師觀其神字有異遂憶六祖識乃多方而誘導之一日將輓於庵前磨馬祖亦不顧時既久乃問曰作什麼師云磨作鏡馬祖云磨輓豈得成鏡師云磨輓既不成鏡坐禪豈能成佛祖乃離座云如何即是師云譬牛駕車車若不行打牛即是打車即是又云汝學坐禪為學坐佛

若學坐禪禪非坐卧若學坐佛佛非定相於  
 無住法不應取捨汝若坐佛即是殺佛若執  
 坐相非達其理馬祖聞斯示誨豁然開悟禮  
 拜問云如何用心即合無相三昧師云汝學  
 心地法門如下種子我說法要譬彼天澤汝  
 緣合故當見其道馬祖云道非色相云何能  
 見師云心地法眼能見乎道無相三昧亦復  
 然矣祖云有成壞否師云若以成壞聚散而  
 見道者非也聽吾偈曰心地含諸種遇澤悉  
 皆萌三昧花無相何壞復何成馬祖一蒙開  
 悟心地超然侍奉十秋日益深奧師入室第  
 子六人各印可曰汝等六人同證吾身各證

其一 一人得吾眉善威儀清 一人得吾  
 眼善顧盼建智 一人得吾耳善聰理然 一  
 人得吾鼻善知氣神 一人得吾舌善談說  
 一人得吾心善古今道 後馬祖闡化  
 於江西開元寺師問眾曰道一為眾說法否  
 眾曰已為眾說法師云未見通箇消息來遂  
 遣一僧去云二 囑云待伊上堂時但問作麼生記  
 取答話來僧如教迴舉似師馬祖云自從胡  
 亂後三十年不曾少益醫 師然之師天寶三  
 年八月十一日示寂於南嶽勅謚大惠禪師  
 最勝輪之塔吏部侍郎登撰塔記  
 大鑑下二世南嶽大慧禪師法師嗣

馬祖大寂禪師師諱道一漢州什邡人也俗姓馬氏江西法嗣布於天下時號馬祖焉問如何是修道師云道不屬修若言修得修成還壞即同聲聞若言不修即同凡夫云作何見解即得達道云自性本來具足但於善惡事上不滯喚作修道人取善捨惡觀空入定即屬造作更若向外馳求轉疎轉遠但盡三界心量一念妄想即是三界生死根本但無一念即除生死根本即得法王無上珍寶無量劫來凡夫妄想誦曲邪偽我慢貢高合為一體故經云但以衆法合成此身起時唯法起滅時唯法滅此法起時不言我起滅時

不言我滅前念後念中念念念不相待念念寂滅喚作海印三昧攝一切法如百千異流同歸大海都名海水住於一味即攝衆味住於大海即混諸流如人在大海中浴即用一切水所以聲聞悟迷凡夫迷悟聲聞不知聖心本無地位因果階級心量妄想修目證果住其空定八萬劫二萬劫雖即已悟却迷諸菩薩觀如地獄苦沉空滯寂不見佛性若是上根衆生忽遇善知識指示言下領會更不歷於階級地位頓悟本性故經云凡夫有反覆心而聲聞無也對迷說悟本既無迷悟亦不立一切衆生從無量劫來不出法性三昧

長在法性三昧中著衣喫飯言談祇對六根  
運用一切施爲盡是法性不解返源隨名逐  
相迷情妄起造種種業若能一念返照全躰  
聖心汝等諸人各達自心莫記吾語縱饒說  
得河沙道理其心亦不增揔說不得其心亦  
不減說得亦是汝心說不得亦是汝心乃至  
分身放光現十八變不如還我死灰來淋過  
死灰無力喻聲聞妄倣曰證果未淋過死灰  
有力喻菩薩道業純熟諸惡不染若說如來  
權教三藏河沙劫說不可盡猶如鉤鏢亦不  
斷絕若悟聖心揔無餘事久立珍重  
上堂龐居士問不與萬法爲侶者是什麼人

永樂北藏

古尊宿語錄

師云待汝一口吸盡西江水即向汝道 又  
問不昧本來身請師高著眼師直下覩士云  
一等沒絃琴唯師彈得妙師直上覩士禮拜  
師歸方丈居士隨後云適來弄巧成拙 問  
如何佛師云即心是佛問離四句絕百非  
請師直指西來意師云我今日無心情汝去  
西堂問取智藏僧至西堂問西堂以手指頭  
云我今日頭痛不能爲汝說得汝去 海兄  
僧去問海兄海兄云我到者裏却不會僧回  
舉似師師云藏頭白海頭黑 師採藤次  
見水潦便作放勢水潦近前接師即便踏倒  
水潦起來呵呵大咲云無量妙義百千三昧

第一九七册

永樂北藏

古尊宿語錄

第一九七册

蓋在一毛頭上識得根源去師令僧馳

書與徑山欽和尚書中畫一圓相徑山繞開

見索筆於中著一點後有僧舉似忠國師國

師云欽師猶被馬師惑問和尚為甚麼

說即心即佛師曰為止小兒啼曰啼止時如

何師曰非心非佛曰除此二種人來如何指

示師曰向伊道不是物曰忽遇其中人來時五

如何師曰且教伊體會大道問如何是

西來意師曰即今是甚麼意師問僧什

麼處來云湖南來師云東湖水滿也未云未

師云許多時雨水尚未滿道吾云滿也雲岩

云湛湛地洞山云什麼劫中曾欠少又問如

水無筋骨能勝萬斛舟此理如何師曰這裏

無水亦無舟說甚麼筋骨一夕西堂百

丈南泉隨侍說月次師問正恁麼時如何堂

曰正好供養丈曰正好修行泉拂袖便行師

曰經歸藏禪歸海唯有普願獨超物外師問

百丈汝以何法示人丈豎起拂子師曰祇這

箇為當別有丈拋下拂子僧問如何得

合道師曰我早不合道問如何是西來

意師便打曰我若不打汝諸方笑我也

有小師耽源行脚回於師前畫一圓相就上

拜了立師曰汝莫欲作佛否曰某甲不解捏

自師曰吾不如汝小師不對有講僧來問曰



未審禪宗傳持何法師却問曰座主傳持何  
法主曰忝講得經論二十餘本師曰莫是師  
子兒否主曰不敢師作噓噓聲主曰此是法  
師曰是甚麼法主曰師子出窟法師乃默然  
王曰此亦是法師曰是甚麼法主曰師子在  
窟法師曰出不入是甚麼法主無對百代云

其遂辭出門師名曰座主主回首師曰是甚  
麼主亦無對師曰這鈍根阿師洪州廉使問  
曰喫酒肉即是不喫即是師曰若喫是中丞  
祿不喫是中丞福師入室弟子一百三十九  
人各為一方宗主轉化無窮師於貞元四年  
正月中登建昌石門山於林中經行見洞壑

永樂北藏

古尊宿語錄

平坦謂侍者曰吾之朽質當於來月歸茲地  
矣言訖而回既而示疾院主問和尚近日尊  
候如何師曰日面佛月面佛二月一日沐浴  
跏趺入滅元和中謚大寐禪師塔名大莊嚴  
百丈懷海禪師福州長樂人也師叅馬大師  
為侍者檀越每送齋飯來師纔揭開盤蓋馬

大師拈起一片胡餅示眾云是甚麼六每日如  
此師經三年一日隨侍馬祖路行次聞野鴨  
聲馬祖云什麼聲師云野鴨聲良久馬祖云  
適來聲向什麼處去師云飛過去馬祖迴頭  
將師鼻便插師作痛聲馬祖云又道飛過去  
師於言下有省却歸侍者寮哀哀大哭同事

第一九七册

問曰汝憶父母邪師曰無曰被人罵邪師曰無曰哭作甚麼師曰我鼻孔被大師搯得痛不徹同事曰有甚目緣不契師曰汝問取和尚去同事問大師曰海侍者有何因緣不契在寮中哭告和尚為某甲說大師曰是伊會也汝自問取他同事歸寮曰和尚道汝會也教我自問汝師乃呵呵大笑同事曰適來哭如今為甚却笑師曰適來哭如今笑同事罔然明日馬祖昇堂纔坐師出來卷却筆馬祖便下座師隨至方丈馬祖云適來要舉轉因緣你為什麼卷却筆師云為某甲鼻頭痛馬祖云你什麼處去來昨日偶有出入不及參

隨馬祖喝一喝師便出去 馬祖一日問師什麼處來師云山後來祖云還逢著一人麼師云不逢著祖云為什麼不逢著師云若逢著即舉似和尚祖云什麼處得者箇消息來師云某甲罪過祖云却是老僧罪過 師再參馬祖祖豎起拂子師云即此用離此用祖密二掛拂子於齋處良久祖云你已後開兩片皮將何為人師遂取拂子豎起祖云即此用離此用師亦掛拂子於齋處祖便喝師直得三日耳聾 後住洪州大雄山以居屢巖巒峻極故號百丈既屢之未暮月參玄之賓四方屢至瀉山黃檗當其首一日師謂眾曰佛法

不是小事老僧昔被馬大師一喝直得三日  
 耳聾黃檗聞舉不覺吐舌師曰子已後莫承  
 嗣馬祖去麼檗曰不然今日目和尚舉得見  
 馬祖大機大用然且不識馬祖若嗣馬祖已  
 後喪我兒孫師曰如是如是見與師齊滅師  
 半德見過於師方堪傳授子甚有超師之見  
 檗便禮拜 曰僧問西堂有問有答即且置  
 無問無答時如何堂曰怕爛却那師聞舉乃  
 曰從來疑這箇老兄曰請和尚道師曰一合  
 相不可得 師謂眾曰有一人長不喫飯  
 不道饑有一人終日喫飯不道飽眾無對雲  
 嚴問和尚每日區區為阿誰師曰有一人要

嚴曰曰甚麼不教伊自作師曰他無家活  
 僧問抱璞投師請師一决師云昨夜南山虎  
 咬大虫云不繆真詮為甚麼不垂方便師云  
 掩耳偷鈴漢云不得中郎鑑還同野舍薪師  
 便打僧云蒼天蒼天師云得與麼多口云罕  
 遇知音拂袖便出師云百丈今日輸却一半  
傳道云禮拜一拜  
 於前二雙足 至晚侍者問和尚被這僧不肯了  
 便休師便打者云蒼天蒼天師云罕遇知音  
 者作禮師云一狀領過 有一僧哭入法  
 堂師云作什麼僧云父母俱喪請師揀日師  
 云明日一時埋却 問如何是奇特事師  
 云獨坐大雄峯僧禮拜師便打西堂問師你

向後作麼生開示於人師以手卷舒兩邊堂  
 云更作麼生師以手點頭三下 上堂云  
 靈光獨耀迥脫根塵跡露真常不拘文字心  
 性無染本自圓成但離妄緣即如如佛  
 問依經解義三世佛寃離經一字如同魔說  
 時如何師云固守連靜三世佛寃此外別求

如同魔說案三馬祖令人馳書并醬三釜與師師  
 令排向法堂前乃上堂眾纔集師以拄杖指  
 醬瓮云道得即不打破道不得即打破眾無  
 語師便打破歸方丈 上堂眾纔集師以  
 拄杖趁下却召大眾大眾回頭師云是什麼  
 瀉山問仰山百丈再參馬祖豎拂目

緣此二尊宿意旨如何仰山云此是顯大機  
 大用瀉山云馬祖出八十四人善知識幾人  
 得大機幾人得大用仰山云百丈得大機黃  
 檠得大用餘者盡是唱道之師瀉山云如是  
 如是師曰普請開田回問運關梨開田不易  
 檠云眾僧作務師云有煩道用檠云爭敢諱

勞師云開得多少田檠作鋤田勢師便喝檠  
 掩耳而出 師問黃檠甚處來檠云山下  
 採菌子來師云山下有一席子汝還見麼檠  
 便作虎聲師於腰下取斧作斫勢檠約住便  
 掌師至晚上堂云大眾山下有一虎子汝等  
 諸人出入好看老僧今朝親遭一口後瀉山

問仰山云黃檗虎話作麼生仰山云和尚如何  
 瀉山云百丈當時便合一斧斫殺因什麼  
 到如此仰山云不然瀉山云子又作麼生仰  
 山云不唯騎虎頭亦解把虎尾瀉山云寂子  
 甚有險崖之句師每日上堂常有一老人  
 聽法隨衆散去一日不去師乃問立者何人  
 老人云某甲於過去迦葉佛時曾住此山有  
 學人問大脩行底人還落因果也無對云不  
 落因果墮在野狐身今請和尚代一轉語師  
 云汝但問老人便問大脩行底人還落因果  
 也無師云不昧因果老人於言下大悟告師  
 師云某甲已免野狐身住在山後乞依亡僧

永樂北藏

古尊宿語錄

燒送師令維那白槌告衆齊後普請送亡僧  
 大衆不能詳至晚參師舉前因緣次黃檗便  
 問古人錯對一轉語落在野狐身今人轉轉  
 不錯是如何師云近前來向汝道黃檗近前  
 打師一掌師云將謂胡鬚赤更有赤鬚胡時  
 瀉山在會下作典座司馬頭陀舉野狐話問  
 典座作麼生典座以手撼門扇三下司馬云  
 太寵生典座云佛法不是者箇道理後瀉山  
 舉黃檗問野狐話問仰山仰山云黃檗常用  
 此機瀉山云汝道天生得從人得仰山云亦  
 是稟受師承亦是自宗通瀉山云如是如是  
 黃檗問從上古人以何法施人師良久

第一九七册

黃檗云後代兒孫將何傳授師云將謂你若漢是箇人便歸方丈師與瀉山作務次師問有火也無瀉山云有師云在什麼處瀉山把一莖柴吹過與師師接云如虫蝕木因普請鋤地次有僧聞鼓聲舉起鋤頭大笑歸去師云俊哉此是觀音入理之門後喚其僧問你今日見甚道理云某甲早辰未喫粥聞鼓聲歸喫飯師呵呵大笑問如何是佛師云汝是阿誰云某甲師云汝識某甲否云分明箇師豎起拂<sub>問子</sub>汝見拂子否云見師更不管師令僧去章敬處見伊上堂說法你便展開坐具禮拜起將一隻鞋以袖拂却上塵倒頭

覆下其僧到章敬一依師旨章敬云老僧罪過廣錄夫語須辯緇素須識捨別語須識了義不了義教語了義教辯清不了義教辯濁說穢法邊垢揀凡說淨法邊垢揀聖從九部教說向前衆生無眼須假人雕琢若於聾俗人前說直須教渠出家持戒脩禪學慧若<sub>密二</sub>是過量俗人亦不得向他與麼說如維摩詰傳大士等類若於沙門前說它沙門已受白四羯磨訖具足全是戒定慧力更向它與麼說名非時語說不應時亦名綺語若是沙門須說淨法邊垢須說離有無等法離一切脩證亦離於離若於沙門中剝除習染沙門

除貪嗔病不去亦名聲俗亦須教渠修禪學  
 慧若是二乘僧他歇得貪瞋病去盡依住無  
 貪將為是是無色界是郭佛光明是出佛身  
 血亦須教渠脩禪學慧須辯清濁語濁法者  
 貪嗔愛取等多名也清法者菩提涅槃解脫  
 等多名也只如今鑑覺但於清濁兩流凡聖  
 等法色聲香味觸法世間出世間法都不得  
 有纖毫愛取既不愛取依住不愛取將為是  
 是初善是住調伏心是聲聞人是戀後不捨  
 人是二乘道是禪那果既不愛取亦不依住  
 不愛取是中善是半字教猶是無色界免墮  
 二乘道免墮魔民道猶是禪那病是菩薩縛

既不依住不愛取亦不作不依住知解是後  
 善是滿字教免墮無色界免墮禪那病免墮  
 菩薩乘免墮魔王位為智郭地障行郭故見  
 自己佛性如夜見色如云佛地斷二愚一微  
 細所知愚二極微細所知愚故云有大智人  
 破塵出經卷若透得三句過不被三段管教  
 家舉喻如鹿三跳出經喚作纏外佛無物拘  
 繫得渠是屬然燈後佛是最上乘是上上智  
 是佛道上立此人是佛有佛性是導師是使  
 得無所碍風是無碍慧於後能使得因果福  
 智自由是作車運載因果於生不被生之  
 所碍處於死不被死之所碍處於五陰如門

開不被五陰碍去住自由出入無難若能與  
 麼不論塔梯勝劣乃至蟻子之身但能與麼  
 盡是淨妙國土不可思議此猶是解縛語彼  
 自無瘡勿傷之也佛瘡菩薩瘡但說有無  
 等法盡是傷也有無管一切法十地是濁流  
 河衆作清流說豎清相說濁過患向前十大  
 弟子舍利弗富樓那正信阿難邪信善星等  
 箇箇有勝樣箇箇有則候二被導師說破不  
 是四禪八定阿羅漢等住定八萬劫他是依  
 執所行被淨法酒醉故聲聞人聞佛法不能  
 發無上道心所以斷善根人無佛性教云喚  
 作解脫深坑可畏之處一念心退墮地獄猶

如箭射亦不得一向說退亦不得一向說不  
 退祇如文殊觀音勢至等却來須陀洹地同  
 類誘引不得言他退當與麼時祇喚作須陀  
 洹人祇如今鑑覺但不被一切有無諸法管  
 透三句及一切逆順境得過開百千萬億佛  
 出世間如不開相似亦不依住不聞亦不作  
 不依住知解說它者箇人退不得量數管他  
 不著是佛常住世間而不染世法說佛轉法  
 輪退亦是謗佛法僧說佛不轉法輪不退亦  
 是謗佛法僧肇云菩提之道不可圖度高而  
 無上廣不可極淵而無下深不可測語也染  
 生招箭言鑑覺猶不是從濁辨清許說如今



鑑覺是除鑑覺外別有盡是魔說若守住如  
 今鑑覺亦同魔說亦名自然外道說如今鑑  
 覺是自己佛是尺寸語是圖度語似野干鳴  
 猶屬藕膠門本來不認自知自覺是自己佛  
 向外馳求覓佛假善知識說出自知自覺作  
 藥治箇向外馳求病既不向外馳求病瘥須  
 除藥若執住自知自覺是禪那病是徹底聲  
 聞如水成冰全冰是水救渴難望亦云必死  
 之病世醫拱手無始不是佛莫作佛鮮佛是  
 衆生邊藥無病不要藥病俱消喻如清水  
 佛似甘草和水亦如蜜和水極是甘美若同  
 清水邊數則不著不是無是本有亦云此理

永樂北藏

古尊宿語錄

是諸人本有諸佛菩薩喚作示珠人從來不  
 是箇物不用知渠解渠不用是渠非渠但割  
 斷兩頭句割斷有句不有句割斷無句不無  
 句兩頭迹不現兩頭捉汝不著量教管汝不  
 得不是欠少不是具是非凡非聖非明非暗  
 不是有知不是無知不是繫縛不是解脫不  
 是一切名目何以不是實語若為雕琢虛空  
 作得佛相貌若為說道虛空是青黃赤白作  
 得如云法無有比無可喻故法身無為不隨  
 諸教故云聖躰無名不可說如實理空門難  
 湊喻如太末垂處處能泊唯不能泊於火燄  
 之上衆生亦爾處處能緣唯不能緣於般若

第一九七册

之上叅善知識求覓一知一解是善知識。魔生語見故若發四弘誓願願度一切眾生盡然後我始成佛是菩薩法。智魔誓願不相捨故若持齋戒脩禪學慧是有漏善根。縱然坐道場示現成等正覺度恆沙數人盡証辟支佛果是善根。魔起貪著故若於諸法都無貪

密二

十三

染神理獨存住甚深禪定更不昇進是三昧魔。久耽既故至上涅槃。竊欲寐靜是魔業。若智慧脫若干魔網不去縱解百本團陀經盡是地獄滓。若覓如佛相侶無有是處。如今聞說不著一切善惡有無等法即為墮空。不知棄本逐末却是墮空也。求佛求菩提及一切

有無等法是棄本逐末。祇如麤食助命補破。遮寒渴則糊水喫餘外。但是一切有無等法。都無纖毫繫念。此人漸有輕明分。善知識不執有不執。無脫得十句魔語。出語不繫縛人。阿有言說不自稱師說。如谷響言滿天下。無口過堪依止。若道我能說能解說。我是和尚。汝是弟子。若箇同於魔說無端說。道目擊道存是佛。不是佛是菩提涅槃解脫等無端說。一知一解見舉一手豎一指云是禪是道者。箇語繫縛人。未有住時。祇是重增比丘繩索。縱然不說亦有口過。寧作心師不師於心。不了義教。有人天師有導師。了義教中不為人

天師不師於法未能依得玄鑑且依得了義  
教猶有相親分若是不了義教祇合龔俗人  
前說祇如今但不依住一切有無諸法亦不  
住無依住亦不作不依住知解是名大善知  
識亦云唯佛一人是大善知識為無兩人餘  
者盡名外道亦名魔說如今祇是說破兩頭  
句一切有無境法但莫貪染及解縛之事無  
別語句教人若道別有語句教人別有法與  
人者此名外道亦名魔說須識了義教不了  
義教語須識遮語不遮語須識生死語須識  
藥病語須識逆順喻語須識認別語說道脩  
行得佛有脩有證是心是佛即心即佛是佛

說是不了義教語是不遮語是認語是升合  
擔語是揀穢法邊語是順喻語是死語是凡  
夫前語不許脩行得佛無脩無證非心非佛  
佛亦是佛說是了義教語是遮語是別語是  
百石擔語是三乘教外語是逆喻語是揀淨  
法邊語是生語是地位人前語從須陀洹向  
上直至十地但有語句盡屬法塵垢但有語  
句盡屬煩惱邊收但有語句盡屬不了義教  
了義教是持不了義教是犯佛地無持犯了  
義不了義執盡不許也從苗辨地從濁辨清  
祇如今鑑覺若從清邊數鑑覺亦不是清不  
鑑覺亦不是清亦不是不清亦不是聖亦不

是不聖亦不是見水濁說水濁過惠水若清  
 都無可說說却濁他水若有無問之問亦有  
 無說之說佛不為佛說法平等真如法界無  
 佛不度衆生佛不住佛名真福田須辯主客  
 語貪染一切有無境法被一切有無境惑亂  
 自心是魔王照用屬魔民祇如今鑑覺但不  
 依住一切有無諸法世間出世間法亦不作  
 不住知解亦不依住無知解自心是佛照用  
 屬菩薩心是主宰照用屬客塵如波說水  
 照萬像以無功若能寂照不自玄旨自然貫  
 串於古今如云神無照功至功常存能一切  
 處為導師衆生性識他為未嘗者佛皆梯是

鵝膠性多時黏著有無諸法乍喫玄旨藥不  
 得乍聞格外語它信不及所以菩提樹下四  
 十九日默然思惟智慧冥朦難說無可比喻  
 說衆生有佛性亦謗佛法僧說衆生無佛性  
 亦謗佛法僧若言有佛性名執著謗若言無  
 佛性名虛妄謗如云說佛性有則增益謗說  
 佛性無則損滅謗說佛性亦有亦無則相違  
 謗說佛性非有非無則戲論謗始欲不說衆  
 生無解脫之期始欲說之衆生又隨語生解  
 益少損多故云我寧不說法疾入於涅槃向  
 後返尋過去諸佛皆說三乘之法向後假說  
 假立名字本不是佛向渠說是佛本不是菩

客二

十五

提向渠說是菩提涅槃解脫等知渠擔百石  
擔不起且與渠一升一合擔知渠難信了義  
教且與渠說不了義教且得善法流行亦勝  
於惡法善果限滿惡果便到得佛則有眾生  
到得涅槃則有生死到得明則有暗到但是  
有漏因果翻覆無有不相酬獻者若欲免見  
翻覆之事但割斷兩頭句量數管不著不佛  
不眾生不親不疎不高不下不平不等不去  
不來但不著文字隔渠兩頭提汝不得免苦  
樂相形免明暗相酬實理真實亦不真寔虛  
妄亦不虛妄不是量數物喻如虛空不可脩  
治若心有少許作解即被量數管著亦如卦

北被金木水火土管亦如糝膠五麩俱黏磨  
王提得自在還家夫教語皆三句相連初中  
後善初直須教渠發善心中破善心後始名  
好善菩薩即非菩薩是名菩薩法非法非  
法摠與麼也若祇說一句令眾生入地獄共  
三句一時說渠自入地獄不干教主事說到  
如今鑑覺是自己佛是初善不守住如今鑑  
覺是中善亦不作不守住知解是後善如前  
屬然燈後佛祇是不凡亦不聖莫錯說佛非  
凡非聖此土初祖云無能無聖為佛聖若言  
佛聖者亦非九品精靈龍畜等類及擇梵已  
來皆能通變上品精靈亦知今古百劫時事

豈得是佛如阿脩羅王身極長大敵兩倍須  
 彌山與帝釋戰時知力不如領百萬兵衆入  
 藕絲孔裏蔽通變辯才不少它且不是佛教  
 話節級奢緩陸降不同未悟未解時名貪嗔  
 悟了喚作佛慧故云不異舊時人祇異舊時  
 行履處 問斬草伐木掘地墾土爲有罪報

第一

十六

相否師云不得定言有罪亦不得定言無罪  
 有罪無罪事在當人若貪染一切有無等法  
 有取捨心在透三句不過此人定言有罪若  
 透三句外心如虛空亦莫作虛空想此人定  
 言無罪又云罪若作了道不見有罪無有是  
 處若不作罪道有罪亦無有是處如律中本

迷煞人及轉相煞尚不得煞罪何況禪宗下  
 相系心如虛空不停留一物亦無虛空相將  
 罪何處安著亦云禪道不用脩但莫汚染亦  
 云但融冶表裏心盡即得亦云但約照境祇  
 如今照一切有無等法都無貪取亦莫取著  
 亦云合與麼學李似浣垢衣衣是本有垢是  
 外來聞說一切有無聲色如垢膩都莫將心  
 湊泊菩提樹下三十二相八十種好屬色十  
 二分教屬聲祇如今截斷一切有無聲色流  
 過心如虛空相似合與麼學如救頭然始得  
 臨命終時尋舊熟路行尚不徹到與麼時新  
 調始學無有得期臨終之時盡是勝境現前

随心所愛重處先受祇如今不作惡事當此之時亦無惡境縱有惡境亦變成好境若怕臨終之時憧狂不得自由即須如今便自由始得祇如今於一一境法都無愛染亦莫依住知解便是自由人如今是目臨終是果果業已現如何怕得怕是古今若有今今亦有古古若有佛今亦有佛如今若得直至未

密二

十七

應如是正念於法鑿然獨存亦無知獨存之法智性自如如非因所置亦名體結亦名躰集不是智知不是識識絕思量凝寂躰盡忖度永亡如海大流盡波浪不復生亦云如大海水無風匝匝之波忽知匝匝之波此是細中之籠亡知於知還如細中之細是佛境界從此初知名三昧之頂亦名三昧王亦名爾焰智出生一切諸三昧灌一切諸法王子頂於一切色聲香味觸法刹土成等正覺內外通達悉無有閼一色一塵一佛一色一切佛一切色一切塵一切佛一切刹土此是細中法亦復如是一一徧滿一切刹土此是細中

之寵是善境界是一切上流知覺聞見亦是  
 一切上流出生入死度一切有無等是上流  
 所說亦是上流涅槃是無上道是無等等呪  
 是第一之說於諸說中景為甚深無人能到  
 諸佛護念猶如清波能說一切水清濁深流  
 廣大之用諸佛護念行住坐卧若能如是我  
 時為現清淨光明身又云如汝自等語等我  
 亦如然一佛刹聲一佛刹香一佛刹味一佛  
 刹觸一佛刹事悉皆如是從此上至蓮華藏  
 世界縱廣揔皆如是若守初知為解名頂結  
 亦名墮頂結是一切塵勞之根本自生知見  
 無繩自縛所知故繫世有二十五又散一切

諸煩惱門縛著於他此初知二乘見之名為  
 爾焰識亦名微細煩惱便即斷除既得除已  
 名為回神住空窟亦名三昧酒所醉亦名解  
 脫魔所縛世界成壞定力所持漏向別國土  
 都不覺知亦名解脫深坑可畏之處菩薩悉  
 皆遠離亦云失脚作轉輪王令四天下人一  
 日行十善此福智猶不能算自己鑑覺名王  
 緣念著有無諸法名轉輪王祇如今於臆腑  
 中都不納一切有無等法離四句外名空空  
 名不死藥為喚前王名不死藥雖云不死藥  
 與王共服亦非二物亦非一物若作一二解  
 亦名轉輪王祇如今有人以福智四事供養



四百萬億阿僧祇世界六趣四生隨其所欲  
滿八十年已後作是念然此衆生皆已衰老  
我當以佛法而訓導之令得須陀洹果乃至  
阿羅漢道如是施主但施衆生一切樂具功  
德尚自無量何況令得須陀洹果乃至阿羅  
漢道功德無量無邊猶不如第五十人聞經  
隨喜功德報恩經云摩耶夫人生五百太子  
盡得辟支佛果而皆滅度各各起塔供養一  
一禮拜嘆言不如生於一子得無上菩提省  
我心力祇如今於百千萬衆中有一人得者  
償直三千大千世界所以常勸衆人須玄解  
自理自理若玄使得福智如貴使賤亦如無

永樂北藏

古尊宿語錄

住車若守此作解名譬中珠亦名有價寶珠  
亦名運糞入若不守此爲解如王譬中明珠  
與之亦名無價大寶亦名運糞出佛直是纏  
外人却來纏內與麼作佛直是生死那邊人  
直是玄絕那邊人却來向者畔與麼作佛人  
及猕猴俱不能行人喻十地菩薩猕猴喻凡  
夫讀經看教求一切知解不是一向不許解  
得三乘教善得瓔珞莊嚴具得三十二相窟  
宅覓佛即不得教云貪著小乘三藏學者猶  
不許親近何況自爲是破戒比丘名字羅漢  
涅槃經中被配入十六惡律儀中同於畋獵  
漁捕爲利養故殺害大乘方等猶如甘露亦

第一九七册

如毒藥消得去如甘露消不去如毒藥讀經  
 看教若不辭他生死語決定透它義句不過  
 莫讀最第一亦云須看教亦須參善知識第  
 一須自有眼須辯它生死語始得若辯白不  
 得決定透不過祇是重增比丘繩索所以教  
 學玄旨人不遣讀文字如云說躰不說相說  
 義不說文如是說者名真說若說文字皆是  
 誹謗是名邪說菩薩若說當如法說亦名真  
 說當令衆生持心不持事持行不持法說人  
 不說字說義不說文說道欲界無禪亦是帶  
 一隻眼人語既云欲界無禪憑何得至色界  
 先因地上習二種定然後得至初禪有想定

無想定有想定生色界四禪等天無想定生  
 無色界四空等天欲界灼然無禪禪是色界  
 問如今說此土有禪如何師云不連不禪九  
 如來禪離生禪想 問如何是有情無佛性  
 無情有佛性師云從人至佛是聖情執從人  
 至地獄是凡情執祇如今但於凡聖二境有  
 染愛心是名有情無佛性祇如今但於凡聖  
 二境及一切有無諸法都無取捨心亦無無  
 取捨知解是名無情有佛性祇是無其情繫  
 故名無情不同木石太虛黃花翠竹之無情  
 將為有佛性若言有者何故經中不見受記  
 而得成佛者祇如今鑑覺但不被有情改變

喻如翠竹無不應機無不知時喻如黃花又  
云若踏佛階梯無情有佛性若未踏佛階梯  
有情無佛性

古尊宿語錄卷第二

二十末

密二

永樂北藏

古尊宿語錄

第一九七册

永樂北藏

古尊宿語錄

第一九七册

古尊宿語錄卷第三

密三

百丈禪師語之錄

黃檗禪師大鑑下三世嗣百丈

百丈大智禪師僧問大通智勝佛十劫坐道場佛法不現前不得成佛道如何師云劫者

密三

滯也亦云住也住一善滯於十善西國云佛此土云覺自己鑒覺滯著於善善根人無佛性故云佛法不現前不得成佛道觸惡住惡名衆生覺觸善住善名聲聞覺不住善惡二邊不依住將爲是者名二乘覺亦名辟支佛覺既不依住善惡二邊亦不作不依住知解

永樂北藏

古尊宿語錄

名菩薩覺既不依住亦不作無依住知解始得名爲佛覺如云佛不住佛名真福田若於千萬人中忽有一人得者名無價寶能於一切處爲導師無佛處云是佛無法處云是法無僧處云是僧名轉大法輪 問從上祖宗皆有密語迤相傳授如何師云無有密語如來無有祕密藏祕如今鑑覺語言分明覓形相了不可得是密語從須陀洹向上直至十地但有語句盡屬法之塵垢但有語句盡屬煩惱邊收但有語句盡屬不了義教但有語句盡不許也了義教俱非也更計什麼密語問空生大覺中如海一漚發如何師云空

第一九七册

喻於漚海喻於性自己靈覺之性過於虚空  
 故云空生大覺中如海一漚發 問伐林莫  
 伐樹如何師云林者喻於心樹者喻於身因  
 說林故生怖故云伐林莫伐樹 問語也  
 生招箭言既染生不得無患患累既同緇素  
 何辨師云但却發箭途中相拄如其相若必  
 有所傷谷中尋響累劫無形響在口邊得失  
 在於來問却問所歸還被於箭亦如知幻不  
 是幻三祖云不識玄旨徒勞念靜亦云認物  
 為見如持瓦礫用將何為若言不見木石何  
 殊是故見與不見二俱有失舉一例諸問本  
 無煩惱三十二相如何師云是佛遑事本有

煩惱今有三十二相祇如今凡情是問無邊  
 身菩薩不見如來頂相如何師云為作有邊  
 見無邊見所以不見如來頂相祇如今都無  
 一切有無等見亦無無見是名頂相現 問  
 如今沙門盡言我依佛教學一經一論一禪  
 一律一知一解合受檀越四事供養為消得  
 否師云三但約如今照用一聲一色一香一味  
 於一切有無諸法一一境上都無纖塵取染  
 亦不依住無取染亦無不依住知解者箇人  
 日食萬兩黃金亦能消得祇如今照一切有  
 無等法於六根門頭剗削併當貪愛有纖毫  
 治不去乃至乞施主一粒米一縷線箇箇披

毛戴角牽犁負重一一湏償它始得為不依  
 佛佛是無著人無求人無依人如今波波貪  
 覓佛盡皆背也故云久親近於佛不識於佛  
 性唯觀救世者輪回六趣中久乃見佛者為  
 說佛難值文殊是七佛祖師亦云是娑婆世  
 界第一主首菩薩無端作見佛想聞法想被佛威  
 神力故猶降二鉄圍山不是不詳特與諸學  
 人作標則令諸後學人莫作典廢見聞但無  
 一切有無等法有無等見一一箇箇變三句  
 外是名如意寶是名寶華承是若作佛見法  
 見但是一切有無等見名眼翳見所見故亦  
 名見纏亦名見蓋亦名見孽祇如今念念及

永樂北藏

古尊宿語錄

一切見聞覺知及一切塵垢祛得盡但是  
 塵一色捻是一佛但起一念捻是一佛三世  
 五陰念念誰知其數是名佛闔塞虛空是名  
 分身佛是名寶塔現是常歎言嗟今日所依  
 之命依一顆米一莖菜餉時不得食飢死不  
 得水渴死不得火寒死欠一日不生欠一日  
寄三  
 不死被四大把定不如先達者入火不燒入  
 水不溺倘要燒便燒要溺便溺要生即生要  
 死即死去住自由者箇人有自由分心若不  
 亂不用求佛求菩提涅槃若著佛求屬貪貪  
 變成病故云佛病最難治謗佛毀法乃可取  
 食食者是自己靈覺性無漏飯解脫食此語

第一九七册

治十地菩薩病是從初至十地也 祇如  
 今但有一切求心盡名破戒比丘名字羅漢  
 盡名野干灼然銷他供養不得祇如今聞聲  
 如響等嗅香如風等離一切有無等法亦不  
 住於離亦無不住知解此人一切罪垢不能  
 相累為求無上菩提涅槃故名出家猶是邪  
 顛况乎世間諍論覓勝負說我能我解貪一  
 門徒愛一弟子戀一住處結一檀越一衣一  
 食一名一利又言我得一切無聞祇是自誑  
 祇如今能於自己五陰不為其主被人割截  
 節節支解都無怨吝之心亦不煩惱乃至自  
 己弟子被人鞭打從頭至足如上一一等事

都無一念生彼我心猶依住無一念將為是  
 此名法塵垢十地之人脫不去流入生死河  
 所以常勸衆人須懼法塵煩惱如懼三塗乃  
 有獨立分假使有一法過於涅槃者亦無少  
 許生珍重想此人步步是佛不假脚踏蓮華  
 分身百億祇如今於一切有無等法有纖毫  
 愛染心縱然脚踏蓮華亦同魔作若執本清  
 淨本解脫自是佛自是禪道解者即屬自然  
 外道若執因緣修成證得者即屬因緣外道  
 執有即屬常見外道執無即屬斷見外道執  
 亦有亦無即屬邊見外道執非有非無即屬  
 空見外道亦云愚癡外道祇如今但莫作佛



見涅槃等見都無一切有無等見亦無無見  
名正見無一切聞亦無無聞名正聞是名摧  
伏外道無凡夫魔來是大神呪無二乘魔來  
是大明呪無菩薩魔來是無上呪乃至亦無  
佛魔來是無等等呪一變衆生誦曲脩羅二  
變二乘誦曲脩羅 三變菩薩誦曲脩羅是

密三

四

三變淨土但是一切有無凡聖等法喻如金  
鑛自己如理喻如於金金與鑛各相去離真  
金露現忽有人覓錢覓寶變金爲錢與他亦  
如麩餅真正無諸沙鹵有人乞餽變麩爲餽  
與它亦如智臣善辭王意王若行時索仙陀  
婆即便奉馬食時索仙陀婆即便奉鹽此等

喻學玄旨人善能通達應機不失亦云六絕  
師子誌公云隨人造作百變十地菩薩不飢  
不飽入水不溺入火不燒倘要燒且不可得  
燒它被量數管定佛則不與麼入火不燒倘  
要燒便燒要溺便溺他使得四大風水自由  
一切色是佛色一切聲是佛聲自己淨穢誦  
曲心盡透過三句外得說此語菩薩清淨第  
子明白所有言說不執無有一切照用不拘  
清濁有病不喫藥是愚人無病喫藥是聲聞  
人定執一法名定性聲聞一向多聞名增上  
慢聲聞知他名有學聲聞沈空滯寂及自知  
名無學聲聞貪嗔癡等是毒十二分教是藥

毒未銷藥不得除無病喫藥藥變成病病去藥不消不生不滅是無常義但繫經云有三惡欲一欲得四眾圍遶二欲得一切人為我門徒三欲得一切人知我是聖人及阿羅漢迦葉經云一欲求見未來佛二欲求轉輪王三欲求利利大姓四欲得婆羅門大姓乃至第三厭生死求涅槃如是惡欲先須斷之五祇如今但有取染連念盡名惡欲盡屬六天搃被波旬管問二十年中常令除糞如何師云但息一切有無知見但息一切貪求箇箇透過三句外是名除糞祇如今求佛求菩提求一切有無等法是名運糞入不名運糞出祇如今

作佛見作佛解但有所見所求所著盡名戲論之糞亦名戲言亦名死語如云大海不宿死屍等閑說話不名戲論說者辯清濁名戲論教文都搃有二十一般空洵擇眾生塵累沙門持齋持戒忍辱柔和慈悲喜捨尋常是僧家法則會與麼會宛然依佛教祇是不許貧著依執若希望得佛得菩提等法者似手觸火文殊云若起佛見法見應當害已所以文殊執劍於瞿曇耆掘持刀於釋氏如云菩薩行五無間而不入無間地獄他是圓通無間不同眾生五逆無間從波旬直至佛盡是垢膩都無纖毫依執如是名二乘道况乎諍

論覓勝負說我能我解祇名誣論僧不名無  
為僧祇如今但不貪染一切有無諸法是名  
無生是名正信信著一切法名信不具亦名  
信不圓亦名偏信不具故名一闡提如今欲  
得薦直悟解但人法俱泯人法俱絕人法俱  
空透三句外是名不墮諸教人者是信法者  
是戒施聞慧等菩薩忍不成佛忍不作眾生  
忍不持戒忍不破戒故云不持不犯智濁照  
清慧清識濁在佛名照慧在菩薩名智在二  
乘及眾生邊則名識亦名煩惱在佛名果中  
說因在眾生名目中說果在佛名轉法輪在  
眾生名法輪轉在菩薩名瓔珞莊嚴具在眾

生名五陰叢林在佛名本地無明是無明明  
故云無明為道體不同眾生暗蔽無明彼是  
所此是能彼是所聞此是能聞不一不異不  
斷不常不來不去是生語句是出轍語句不  
明不暗不佛不眾生拯與磨也來去斷常佛  
與眾生是死語徧不徧同異斷常等是外道  
義般若波羅蜜是自已佛性亦云摩訶衍<sup>六</sup>  
訶是大義衍是乘義若守住自己知覺又成  
自然外道不用守如今鑑覺不用別求佛若  
更別求又屬目緣外道此土初祖云心有所  
是必有所非若貴一物則被一物感若重一  
物則被一物感信被信感不信又成謗莫貴

莫不貴莫信莫不信佛亦不是無為雖不是  
 無為又不是冥冥猶如虛空佛是大心衆生  
 鑑覺多鑑覺雖多它鑑覺清淨貪瞋鬼捉他  
 不著佛是纏外人無纖毫愛取亦無無愛取  
 知解是名具足六度萬行若要莊嚴具種種  
 皆有如不要他不用亦不失他使得因果福  
 智自由是脩行非是執勞負重喚作修行却  
 不與麼三身一體一體三身一者法身實相  
 佛法身佛不明不暗明闇屬幻化實相申對  
 虛得名本無一切名目如云佛身無為不墮  
 諸數成佛獻蓋等是升合擔語要從濁辨清  
 得名故云實相法身佛是名清淨法身毘盧

遮那佛亦名虛空法身佛亦名大圓鏡智亦  
 名第八識亦名性宗亦名空宗亦名佛居不  
 淨不穢土亦名在窟師子亦名金剛後得智  
 亦名無垢檀亦名第一義空亦名玄旨三祖  
 云不識玄旨徒勞念靜二報身佛菩提樹下  
 佛亦名幻化佛亦名相好佛亦名應身佛是  
 名圓滿報身盧舍那佛亦名平等性智亦名  
 第七識亦名酌目吞果佛同五十二禪那數  
 同阿羅漢辟支佛同一切菩薩等同受生滅  
 等苦不同衆生繫業等苦三化身佛祇如今  
 於一切有無諸法都無貪染亦無無染離四  
 句外所有言說辯才名化身佛是名千百億

化身釋迦牟尼佛亦名大神變亦名遊戲神通亦名妙觀察智亦名第六識供養者淨三業前際無煩惱可斷中際無自性可守後際無佛可成是三際斷是三業清淨是三輪空是三檀空云何比丘給侍於佛所謂不漏六根者亦名莊嚴空無諸漏林樹莊嚴空無諸染花果莊嚴空無佛眼約修行人法眼辯清濁亦不作辯清濁知解是名乃至無眼寶積經云法身不可以見聞覺知求非肉眼所見以無色故非天眼所見以無妄故非慧眼所見以離相故非法眼所見以離諸行故非佛眼所見以離諸識故若不作如是見是名佛

見同色非形色名真色同空非太虛名真空色空亦是藥病相治語法界觀云不可言即色不即色亦不可言即空不即空眼耳鼻舌身意不納一切有無諸法名轉入第七地七地菩薩不退七地向上三地菩薩心地明白易染說火即燒從色界向上布施是病慳貪是藥從色界向下慳貪是病布施是藥有作戒者割斷世間法但不身手作無過名無作戒亦云無表戒亦云無漏戒但有舉心動念盡名破戒如如今但不被一切有無諸境惑亂亦不依住不惑亂亦無不依住知解是名徧學是名勤護念是名廣流布未悟未解時

名母悟了名子亦無無悟解知解是名母子  
 俱喪無善纏無惡纏無佛纏無眾生纏量數  
 亦然乃至都無一切量數纏故云佛是出纏  
 過量人貪愛知解義句如母愛子唯多與兒  
 酥喫消與不消都搃不知此語喻十地受人  
 天尊貴煩惱生色界無色界禪定福樂煩惱  
 不得自在神通飛騰隱顯徧至十方諸佛淨  
 土聽法之煩惱學慈悲喜捨因緣煩惱學空  
 平等中道煩惱學三明六通四無闍煩惱學  
 大乘心發四弘誓願煩惱初地二地三地四  
 地明解煩惱五地六地七地諸知見煩惱八  
 地九地十地菩薩變照二諦煩惱乃至李佛

果百萬阿僧祇諸行煩惱唯貪義句知解不  
 知却是繫縛煩惱故云見河能漂香象問見  
 否荅曰見問見後如何荅曰見無二既云見  
 無二不以見見於見若見更見為前見是為  
 後見是如云見見之時見非是見見猶離見  
 見不能及所以不行見法不行聞法不行覺  
 法諸佛疾與授記難曰見既不是授記之言  
 復何用記師云先悟宗人不被一切有無諸  
 法相拘如浣垢衣故云離相名佛虛實盡不  
 存中旨獨玄玄達一路同道後進契其階故  
 云授記耳無明為父貪愛為母自己是病醫  
 自己是藥自己是刀還殺自己無明貪愛父

毋故云殺父害母一語類破一切法喫非時  
食者亦復如是祇如今但是一切有無等法  
盡是喫非時食亦名惡食是穢食置於寶器  
是破或是妄語是雜食佛是無求人如今貪  
求一切有無諸法但是所有所作皆背也却  
是諉佛但有貪染盡名授手祇如今但不貪  
染亦不依住不貪染亦無不依住知解是名  
般若火是燒手指是不惜軀命是節節支解  
是出世間是掌世界於它方祇如今若於十  
二分教及一切有無諸法於藏腑中有纖毫  
停留是不出經但有所求所得但有生心動  
念盡名野干祇如今於藏腑中都無所求都

無所得此人是施王是師子吼亦不依住  
無所得亦無不依住知解是名六絕師子人  
我不生諸惡不起是納須弥於芥子中不起  
一切貪嗔八風等是悉能吸四大海水入口  
中不受一切虛妄語言是不入耳中不令身  
起一切惡於人是納一切火於腹中祇如今  
於一一境不惑不乱不嗔不喜於自己六根  
門頭刮削併當得淨潔是無事人勝一切知  
解頭陀精進是名天眼亦名了照為眼是名  
法界性是作車載因果佛出世度眾生則前  
念不生後念莫續前念業謝名度眾生前念  
若嗔即將喜藥治之即名為有佛度眾生但

是一切言教祇如治病為病不同藥亦不同  
 所以有時說有佛有時說無佛實語治病病  
 若得瘥箇箇是實語治病若不瘥箇箇是虛  
 妄語寔語是虛妄語生見故虛妄是實語斷  
 衆生顛倒故為病是虛妄祇有虛妄藥相治  
 佛出世度衆生是九部教語是不了義教語  
 瞋及喜病及藥搃是自己更無兩人何處有  
 佛出世何處有衆生可度如經云實無衆生  
 得滅度者亦云不愛佛菩提不貪染有無諸  
 法名為度它亦不守住自己名為自度為病  
 不同藥亦不同處方不同不得一向固執依  
 佛依菩提等法盡是依方故云至於智者不

得一向教中所辯喻於黃葉亦如空拳誑小  
 兒若人不知此理名同無明如云行般若若苦  
 陞不得取我語及依教勅瞋如石頭愛如河  
 水祇如今但無瞋無愛是透山河石壁直為  
 治聾俗病多聞辯說治眼病從人至佛是得  
 從人至地獄是失是非亦然三祖云得失是  
 非一時放却不執住一切有無諸法十是名不  
 住有緣亦不依住不依住是名不住空忍執  
 自己是佛自己是禪道解者名內見執因緣  
 脩証而成者名外見誌公云內見外見俱錯  
 眼耳鼻舌各各不貪染一切有無諸法是名  
 受持四句偈亦名四果六入無迹亦名六通



祇如今但不被一切有無諸法闕亦不依住  
 不閑亦無不依住知解是名神通不守其名無神  
 神通如云無神通菩薩足迹不可尋是佛向  
 上人最不可思議人是自己天是智照讚即  
 喜喜者屬境界是天讚是人人天交接兩得  
 相見亦云淨智為天正智為人本不是佛向  
 渠說是佛名躰結祇如今但莫作佛知解亦  
 無無不依住知解是名滅結亦名真如亦名  
 躰如求佛求菩提名現身意祇如今但有一  
 切求心盡名現身意如云求菩提雖是勝求  
 重增塵累求佛是佛眾求一切有無諸法是  
 眾生眾祇如今鑑覺但不依住一切有無諸

法是不入艱祇如今於一一聲香味觸法等  
 不愛於一一境不貪但無十句濁心是了因  
 成佛學文句覓解者名緣因成佛見佛知佛  
 則得說佛有知有見却是謗佛若云佛知佛  
 見佛聞佛說即得見火即得火見即不得如  
 刀割物即得物割刀即不得知佛人見佛人  
 聞佛人說佛人如恒河沙是佛知是佛見是  
 佛聞是佛說萬中無一祇為自無眼依它作  
 眼教中喚作比量智祇如今貪佛知解亦是  
 比量智世間譬喻是順喻不了義教是順喻  
 了義教是逆喻捨頭目髓腦是逆喻如今不  
 愛佛菩提等法是逆喻難捨喻於頭目髓腦

如照著一切有無境法名頭被一切有無境法相撓著名手都未照前境持名髓腦聖地習凡因佛入衆生中同類誘引化道同渠餓鬼肢節火然與渠說般若波羅蜜令渠發心若一向在聖地憑何得至彼共渠語佛入諸類與衆生作舩筏同渠受苦無限勞極佛入苦處亦同衆生受苦佛祇是去住自由不同衆生佛不是虛空受苦何得不苦若說不苦此語違負等閑莫說錯說佛神通自在不自在且慚愧人不敢說佛是有爲是無爲不敢說佛自由不自由除讚藥方外不欲得露現兩頭醜陋教云若人安佛菩提置有所是違

其人得大罪亦云如不識佛人前向渠與麼說無過如無漏牛乳能治有漏病其牛者不在高原不居下隰此牛乳堪作藥高原喻於佛下隰喻於衆生如云如來實智法身又無此病辯才無闕昇騰自在不生不滅是名生老病死疼痛瘡瘡是暗喫菌蕘患痢疾而終是暗爲蔽明頭迹明暗都遣莫取無取亦無無取他不明不暗王宮生納耶輸陀羅八相成道聲聞外道妄想所計如云非雜食身純陀云我知如來決定不受不食第一湏具兩隻眼照破兩頭事莫祇帶一隻眼向一邊行即有那箇邊到功德天黑暗女相隨有智主

人二俱不受。祇如今心如虛空，相但學始有。所成西國高祖云：雪山喻大涅槃，此土初祖云：心如木石。三祖云：兀爾忘緣。曹溪云：善惡都莫思量。先師云：如迷人，不辯方所。肇公云：閉智塞聰，獨覺冥冥者矣。文殊云：心同虛空，故敬禮無所觀。甚深修多羅，不聞不受持。

密三

十二

祇如今，但是一切有無諸法，都不見不聞。六根杜塞，若能與麼學與麼持，經始有修行分者。箇語逆耳，苦口可中，與麼作得。至第二第三生，能向無佛處，坐大道場，示現成等正覺。變惡為善，變善為惡，使惡法教化十地菩薩，使善法教化地獄餓鬼，能向明處，解明縛，能

向暗處，解暗縛，撮金成土，撮土成金，百般作得，變弄自由。於恒沙世界外，有求救者，婆伽婆，即披三十二相，現其人前。同渠語音，與渠說法，隨機感化，應物殊形，變現諸趣。離我我所，猶屬彼邊事，猶是小用，亦是佛事門中，大用者。大身隱於無形，大音匿於希聲，如木中之火，如鐘鼓之聲，因緣未具，時不可言。其有無傍報，生天棄之，如涕唾。菩薩六度萬行，如乘死屍，過岍如在牢獄，廁孔得出。佛披三十二相，相喚作垢膩之衣，亦云若說佛一向不受五陰，無有是處。佛不是虛空，何得一向不受佛。祇是去住自由，不同衆生。從一天界

至一天界從一佛刹至一佛刹諸佛常法又  
 云若據三乘教受它信施供養他在地獄中  
 菩薩行慈悲同類化導報恩不可常在涅槃  
 又云如火見火但莫手觸火不燒人祇如今  
 但無十句濁心貪心愛心染心瞋心執心住  
 心依心著心取心心但是一句各有三句箇

密三

十三

箇透過三句外但是一切照用任聽縱橫但  
 是一切舉連施為語默啼笑盡是佛慧  
 筠州黃檗斷際禪師諱希運乃福州人也師  
 初到洛京行乞吟添鉢聲有一嫗出林扉間  
 云太無厭生師云汝猶未施責我無厭何耶  
 嫗笑而掩扉師異之進而與語多所發槩須

史薛去嫗告之曰可往南昌見馬大師師至  
 南昌大師已遷窆聞塔於石門遂往瞻禮時  
 百丈大智禪師廬于塔傍師序其遠來之意  
 願聞平日得力句百丈乃問巍巍堂堂從何  
 方來師曰巍巍堂堂從嶺南來丈曰巍巍堂  
 堂當為何事師曰巍巍堂堂不為別事便禮  
 拜又舉我再叅馬大師侍立次大師顧繩床  
 角拂子我問即此用離此用大師云汝他後  
 開兩片皮將何為人我取拂子豎起大師云  
 即此用離此用我挂拂子舊屢被大師震威  
 一喝我直得三日耳聾師聞是語不覺吐舌  
 又云子已後莫承嗣馬大師去否師云不然

今日因師舉得見馬祖大機大用且不識馬祖若嗣馬祖已後喪我兒孫文云見與師齊滅師半德子甚有超師之作百文一日問師甚處來師云大雄山下採箇子來文云還見大虫麼師作大虫聲文拈斧作斫勢師與文一掌文吟吟而笑即歸上堂云大雄山下有一大虫汝等諸人也湏好看百文老漢今日親遭一口師在百文普請開田次文問運關梨開田不易師云隨眾作務文云有煩道用師云爭敢諱勞文云開得多少田師將鑽築地三下文便喝師掩耳而去師問百文從上宗乘如何指示於人文據坐師云後

代兒孫將何傳受文云我將謂你是箇人便起去南泉問師黃金為城白銀為壁是甚麼人居止慶師云聖人居止慶泉云更有一人居何國土師近前叉手而立泉云道不得何不請王老師道師云更有一人居何國土泉云可惜許師上堂大衆纔集師拈拄杖室一時打散復召大衆衆回首師云月似彎弓十四少兩多風師一日捏拳謂衆云天下老和尚總在這裏我若放一線道從汝七縱八橫若不放過不消一捏時有僧問放一線道時何師云七縱八橫云不放過時如何師云盡裝相國一日請師至郡以所解一編示師師

授置於座略不披閱良久曰會麼裴曰未測  
 師曰若便恁麼會得猶較些子若也形於紙  
 墨何有吾宗裴乃贈詩一章曰自從大士傳  
 心印額有圓珠七尺身掛錫十年棲蜀水浮  
 盃今日渡漳濱一千龍象隨高步萬里香花  
 結勝目擬欲事師為弟子不知將法付何人  
 師亦無喜色自爾黃檗門風威于江表矣  
 問如何是道如何脩行師云道是何物汝欲  
 修行問諸方宗師相承參禪學道如何師云  
 接引鈍根人語未可依憑云此既是接引鈍  
 根人語未審接上根人復說何法師云若是  
 上根人何處更就它覓它自己尚不可得何

况更別有法當情不見教中云法法何狀云  
 若如此則都不要求覓也師云若與麼則省  
 心力云如是則渾成斷絕不可是無也師云  
 阿誰教它無他是阿誰你擬覓它云既不許  
 覓何故又言莫斷它師云若不覓即便休誰  
 教你斷你見目前虛空作麼生斷他云此法  
 可得使同虛空否師云虛空早晚向你道有  
 同有異我豈如此說你便向者裏生解云應  
 是不與人生解耶師云我不曾教你要且解  
 屬於情情生則智隔云向者裏莫生情是否  
 師云若不生情阿誰道是問纔向和尚處發  
 言為什麼使道話墮師云汝自是不解語人

密三

十五

有什麼墮負 問向來如許多言說皆是抵  
敵語未曾有實法指示於人師云實法無顛  
倒汝今問顛自生顛倒覓什麼實法云既是  
問顛自生顛倒和尚答顛如何師云你且將  
物照面看莫管它人又云只如箇癡狗相侶  
見物動颯便吠風吹草木也不別又云我此  
禪宗從上相承已來不曾教人求知求解只  
云學道早是接引之詞然道亦不可學情存  
學者却成迷道道無方所名大乘心此心不  
在內外中間實無方所第一不得作知解只  
是說汝如今情量處為道情量若盡心無方  
所此道天真本無名字只為世人不識迷在

情中所以諸佛出來說破此事恐你諸人不  
了權立道名不可守名而生解故云得魚忘  
筌身心自然達道識心達本源故號為沙門  
沙門果者從息慮而成不從學得汝如今將  
心求心傍它家舍只擬學取有什麼得時古  
人心利繞聞一言便乃絕學所以喚作絕學  
無為閑道人今時人只欲得多知多解廣求  
文義喚作脩行不知多知多解翻成壅塞唯  
知多與兒酥乳喫消與不消都認不知三乘  
學道人皆是此樣盡名食不消者所謂知解  
不消皆為毒藥盡向生滅中取真如之中都  
無此事故云我王庫內無如是刀從前所有

一切辭處盡湏併却令空即是空如來藏如  
 來藏者更無纖塵可有即是破有法王出現  
 世間亦云我於然燈佛所無少法可得此語  
 只為空你情解知量但消融表裏情盡都無  
 依執是無事人三乘教網只是應機之藥隨  
 宜所說臨時施設各各不同但能了知即不  
 被惑第一不得於一機一教邊守文作解何  
 以如此實無有定法如來訶我此宗門不論  
 此事但知息心即休更不用思前慮後問  
 從上來皆云即心是佛未審即那箇心是佛  
 師云你有幾箇心云為復即凡心是佛即聖  
 是佛師云何處有凡聖心耶云即今三乘中

說有凡聖和尚何得言無師云三乘中分明  
 向你道凡聖心是妄你今不詳返執為有將  
 空作實豈不是妄妄故迷心汝但除却凡情  
 聖境外更無別佛祖師西來直指一切人  
 全體是佛汝今不識執凡執聖向外馳騁還  
 自迷心所以向汝道即心是佛一念情生即  
 墮異趣無始已來不異今日無有異法故名  
 成等正覺云和尚所言即者是何道理師云  
 覓什麼道理纔有道理便即心異云前言無  
 始已來不異今日此理如何師云只為覓故  
 汝自異它汝若不覓何處有異云既是不異  
 何更用說即師云汝若不認凡聖阿誰向汝



道即即若不即心亦不心可中心即俱忘阿  
 你更擬向何處覓去 問妄能彰自心未審  
 而今以何遣妄師云起妄遣妄亦成妄妄本  
 無根只因分別而有你但於凡聖兩處情莫  
 計念自然無妄更擬若為遣它都不得有纖  
 毫依執名為我捨兩臂必當得佛云既無依  
 執當何相承師云以心傳心云若心相傳云  
 何言心亦無師云不得一法名為傳心若了  
 此心即是無心無法云若無心無法云何名  
 傳師云汝聞道傳心將謂有可得也所以祖  
 師云認得心性時可說不思議了了無所得  
 得時不說知此事若教會何堪也 問只如

家三

十七

目前虛空可不是境豈無指境見心乎師云  
 什麼心教汝向境上見設汝見得只是箇照  
 境底心如人以鏡照面縱然得見眉目分明  
 元來只是影像何關汝事云若不日照何時  
 得見師云若也涉因常須假物有什麼了時  
 汝不見它向汝道撒手但君無一物伎勞謾  
 說數千般云他若識了照亦無物耶師云若  
 是無物更何用照你莫開眼寐語去上堂云  
 百種多知不如無求最第一也道人是無事  
 人實無許多般心無事亦無散去 問如何  
 是世諦師云說葛藤作什麼本來清淨何假  
 言說問答但無一切心即名無漏淨心每日

行住坐卧一切言語但莫著有為法出言瞬目盡同無漏如今末法向去多是學禪道者皆著一切聲色何不與我心同虛空去如枯木石頭去如寒灰死火去方有少分相應若不如是他日盡被閻老子拷你在你但離却有無諸法心如日輪常在虛空光明自然不照而照不是省力底事到此之時無棲泊處即是行諸佛路便是應無所住而生其心此是你清淨法身名為阿耨菩提若不會此意縱你學得多知勤苦脩行草衣木食不識自心盡名邪行定作天魔眷屬如此脩行當復何益故誌公云佛本是自心作那得向文

字中求假饒你學得三賢四果十地滿心也只是在凡聖內坐不見道諸行無常是生滅法勢力盡箭還墜拖得來生不如意爭佢無為實相門一超直入如來地為你不是與麼人須要向古人建化門廣學知解誌公云不逢出世明師枉服大乘法藥你如今一切時中行住坐卧但學無心久久雖實為你力量小不能頓超但得三年五年或十年須得箇入處自然會去為汝不能如是須要將心學禪學道佛法有什麼交涉故云如來所說皆為化人如將黃葉為金止小兒啼決定不實若有實得非我宗門下客且與你本體有甚

卷三

六

交涉故經云實無少法可得名為阿耨菩提  
若也會得此意方知佛道魔道俱錯本來清  
淨皎皎地無方圓無大小無長短等相無漏  
無為無迷無悟了了見無一物亦無人亦無  
佛大千沙界海中漚一切聖賢如電拂一切  
不如心真實法身從古至今與佛祖一般何  
處欠少一毫毛既會如是意大須努力盡今  
生去出息不保入息 問六祖不會經書何  
得傳衣為祖秀上座是五百人首座為教授  
師講得三十二本經論云何不傳衣師云為  
它有心是有為法所脩所證將為是也所以  
五祖付六祖六祖當時只是默契得密授如

永樂北藏

古尊宿語錄

來甚深意所以付法與它汝不見道法本法  
無法無法法亦法今付無法時法法何曾法  
若會此意方名出家兒方好修行若不信云  
何明上座走來大庾嶺頭尋六祖六祖便問  
汝來求何事為求衣為求法明上座云不為  
衣來但為法來六祖云汝且暫時歛念善惡  
都莫思量明上座乃稟言六祖云不思善不  
思惡正當與麼時還我明上座父母未生時  
面目來明上座於言下忽然默契便禮拜云  
如人飲水冷暖自知某甲在五祖會中枉用  
三十年功夫今日方知不是六祖云如是到  
此之時方知祖師西來直指人心見性成佛

卷三

九末

第一九七册

不在言說豈不見阿難問迦葉云世尊傳金  
欄外別傳何法迦葉名阿難阿難應諾迦葉  
云倒却門前刹竿著此便是祖師之標榜也  
甚生阿難三十年為侍者只為多聞智慧被  
佛呵云汝千日學慧不如一日學道若不學  
道滴水也難消夫出家人須知有從上來事  
分始得且如四祖下牛頭橫說豎說猶未知  
向上關捩子有此眼目方辨得邪正宗黨且  
當人事宜不能體會得但知學言語念向皮  
袋裏安著到處稱我會禪還替得汝生死麼  
輕忽老宿入地獄如箭我纔見汝入門來便  
識得了也還知麼急須努力莫容易事持片

衣口食空過一生明眼人笑汝久後搵被俗  
漢箠將去在宜自看遠近是阿誰面上事若  
會即便會若不會即散去珍重問如何是西  
來意師便打自餘施設皆被上機中下之流  
莫窺涯涘唐大中年終於本山謚斷際禪師  
塔曰廣業

古尊宿語錄卷第三 密三

古尊宿語錄卷第四

密四

黃檗斷際禪師宛陵錄

丞相裴公問曰山中四五百人幾人得和尚法師云得者莫測其數何故道在心悟豈在言說言說祇是化童蒙耳問如何是佛師云

密四

即心是佛無心是道但無生心適合有無長短彼我能所等心心本是佛佛本是心心如虛空所以云佛真法身猶如虛空不用別求有求皆苦設使恒沙劫數行六度萬行得佛菩提亦非究竟何以故為屬因緣造作故因緣若盡還歸無常所以云報化非真佛亦非

永樂北藏

古尊宿語錄

說法者但識自心無我無人本來是佛問聖人無心即是佛凡夫無心莫沈空寂否師云法無凡聖亦無沈寂法本不有莫作無見法本不無莫作有見有之與無是情見猶如幻翳所以云見聞如幻翳知竟乃眾生祖宗門中只論息機忘見所以息機則佛道隆分別則魔軍賊問心既本來是佛還備六度萬行否師云悟在於心非聞六度萬行六度萬行盡是化門接物度生邊事設使菩提真如實際解脫法身直至十地四果聖位盡是度門非關佛心心即是佛所以一切諸度門中佛心第一但無生死煩惱等心即不用菩提等

第一九七册

法所以道佛說一切法度我一切心我無一切心何用一切法從佛至祖並不論別事唯論一心亦云一乘所以十方諸求更無餘乘此衆無枝葉唯有諸真實所以此意難信達磨來此土梁魏二國祇有可大師一人密信自心言下便會即心是佛身心俱無是名大道大道本來平等所以深信含生同一真性心性不異即性即心心不異性名之為祖所以云認得心性時可說不思議 問佛度眾生否師云實無眾生如來度者我尚不可得非我何可得佛與眾生皆不可得云現有十二相及度眾生何得言無師云九所有相

皆是虛妄若見諸相非相即見如來佛與眾生盡是汝作妄見祇為不識本心謾作見解終你佛見便被佛顛轉你眾生見便被眾生顛作九作聖你淨作穢等見成其顛障汝心故搥成輪轉猶如獼猴放一投一無有歇期一等是學直須無學無九無聖無淨無垢尊四無大無小無漏無為如是一心中方便勤莊嚴聽汝學得三乘十二分教有一切見解二須捨却所以除去所有唯置一床寢疾而卧祇是不起諸見無一法可得不被法顛透脫三界九聖境域始得名為出世佛所以云稽首如虛空空無所依出過外道心既不異法

亦不異心既無為法亦無為萬法及由心變所以我心空故諸法空千品萬類悉皆同盡十方空界同一心體心本不異法亦不異祇為汝見解不同譬如諸天同寶器食隨其福德飯色有異十方諸佛實無少法可得名為阿耨菩提祇是一心實無異相亦無光彩亦無勝負無勝故無佛相無負故無眾生相云心既無相豈得全無三十二相八十種好化度眾生耶師云三十二相屬相九所有相皆是虛妄八十種好屬色若以色見我是人行邪道不能見如來 問佛性與眾生性為同為別師云性無同異若約三乘教即說有

佛性有眾生性遂有三乘因果即有同異若約佛乘及祖師相傳即不說如是事唯指一心非同非異非因非果所以云唯此一乘道無二亦無三除佛方便說 問無邊身菩薩為什麼不見如來頂相師云實無可見何以故無邊身菩薩便是如來不慮更見祇教汝不作佛見不落佛邊不作眾生見不落眾生邊不作有見不落有邊不作無見不落無邊不作凡見不落凡邊不作聖見不落聖邊但無諸見即是無邊身若有見處即名外道外道者樂於諸見菩薩於諸見而不動如來者即諸法如義所以云彌勒亦如也眾聖賢亦

密四

三

如也如即無生如即無滅如即無見如即無聞如來頂即圓亦無無圓無圓見故不落圓邊所以佛身無爲不墮諸數權以虛空爲喻圓同大虛無欠無餘等閑無事莫強辯他境辯著便成識所以云圓成沈澁海流轉若飄蓬祇道我知也學得也契悟也解脫也有道理也強處即喜弱處生嗔似者箇見解有什麼用處我向汝道等閑無事莫謾用心不用求真唯須息見所以內見外見俱錯佛道魔道俱惡所以文殊輓起二見貶向二錢圍山文殊即實智普賢即權智權實相對治究竟亦無權實唯是一心心且不佛不衆生無有

異見纔有佛見便作衆生見有見無見常見斷見便成二錢圍山被見障故祖師直指一切衆生本心本體本來是佛不假脩成不屬漸次不是明暗不是明故無明不是暗故無暗所以無無明亦無無明入我此宗門切須在意如此見得名之爲法見法故名之爲佛佛法俱無名之爲僧喚作無爲僧亦名一體三寶夫求法者不著佛求不著法求不著衆求應無所求不著佛求故無佛不著法求故無法不著衆求故無僧 問和尚見今說法何得言無僧亦無法師云汝若見有法可說即是以音声求我若見有我即是處所法



亦無法法即是心所以祖師云付此心法時  
 法法何曾法無法無本心始解心心法實無  
 一法可得名坐道場道場者祇是不起諸見  
 悟法本空喚作空如來藏本來無一物何處  
 有塵埃若得此中意逍遙何所論 問本  
 來無一物無物便是否師云無亦不是菩提  
 無是處亦無無知解 問何者是佛師云汝  
 心是佛佛即是心心佛不異故云即心即佛  
 若離於心別更無佛云若自心是佛祖師西  
 來如何傳授師云祖師西來唯傳心佛直指  
 汝等心本來是佛心心不異故名為祖若直  
 下見此意即頓超三乘一切諸位本來是佛

不假脩成云若如此十方諸佛出世說於何  
 法師云十方諸佛出世祇共說一心法所以  
 佛密付與摩訶大迦葉此一心法體盡虛空  
 徧法界名為諸佛理論者箇法豈是汝於言  
 句上解得他亦不是於一機一境上見得他  
 此意唯是默契得者一門名為無為法門若  
 欲會得但知無心忽悟即得若用心擬學取  
 即轉遠法若無歧路心一切取捨心心如木  
 石始有學道分云如今現有種種妄念何以  
 言無師云妄本無軀即是汝心所起汝若識  
 心是佛心本無妄那得起心更認於妄汝若  
 不生心連念自然無妄所以云心生則種種

法生心滅則種種法滅今正妄念起時佛在何處師云汝今覺妄起時覺正是佛可中若無妄念佛亦無何故如此為汝起心作佛見便謂有佛可成作衆生見便謂有衆生可度起心動念惣是汝見處若無一切見佛有何處所如文殊總起佛見便疑向二鐵圍山云

密

五

今正悟時佛在何處師云問彼何來覺從何起語默動靜一切声色尽是佛事何處覓佛不可更頭上安頭鬚上加鬚但莫生異見山是山水是水僧是僧俗是俗山河大地日月星辰揔不出汝心三千世界都來是汝箇自己何處有多般心外無法滿目青山虛空世

界皎皎地無絲髮許與汝作見解所以一切聲色是佛之惠法不孤起仗境方生為物之故有其多智終日說何曾說終日間何曾聞所以釋迦四十九年說未曾說著一字云若如此何處是菩提師云菩提無是處佛亦不得菩提衆生亦不失菩提不可以身得不可以心求一切衆生即菩提相云如何發菩提心師云菩提無所得你今但發無所得心決定不得一法即菩提心菩提無住處是故無有得者故云我於然燈佛所無有少法可得佛即與我授記明知一切衆生本是菩提不應更得菩提你今聞發菩提心謂得一箇心

學取佛去唯擬作佛道任汝三祇劫備亦祇得箇報化佛與你本源真性佛有何交涉故云外求有相佛與汝不相似問本既是佛那得更有四生六道種種形貌不同師云諸佛體圓更無增減流入六道處處皆圓萬類之中箇箇是佛譬如一團水銀分散諸處顆顆皆圓若不分時祇是一塊此一即一切一切即一種種形貌喻如屋舍捨驢屋入人屋捨人身至天身乃至声聞緣覺菩薩佛屋皆是汝取捨處所以有別本源之性何得有別問何者是精進師云身心不起是名第一牢強精進緣起心向外求者名爲歌利王愛游

獵去心不外遊即是忍辱仙人身心俱無即是佛道問若無心行此道得否師云無心即便是行此道更說什麼得與不得且如瞥起一念便是境若無一念便是境忘心自滅無復可追尋問如何是出三界師云善惡都莫思量當處便出三界如來出世爲破三有若無一切心三界亦非有如一微塵破爲密四百分九十九分是無一分是有摩訶衍不能勝出百分俱無摩訶衍始能勝出上堂云即心是佛上至諸佛下至蠢動含靈皆有佛性同一心體所以達磨從西天來唯傳一心法直指一切衆生本來是佛不假備

行但如今識取自心見自本性更莫別求云  
何識自心即如今言語者正是汝心若不言  
語又不作用心體如虛空相似無有相貌亦  
無方所亦不一向是無有而不可見故祖師  
云真性地藏無頭亦無尾應緣而化物方  
便呼爲智若應緣之時不可言其有無正應  
之時亦無蹤跡既知如此如今但向無中棲  
泊即是行諸佛路經云應無所住而生其心  
一切衆生輪迴不息生死者意緣走作心於  
六道不停致使受種種苦淨名云難化之人  
心如猿猴故以若干種法制繫其心然後調  
伏所以心生種種法生心滅種種法滅故知

一切諸法皆由心造乃至人天六道地獄脩  
羅盡由心造如今但學無心頓息諸緣莫生  
妄想分別無人無我無貪嗔無憎愛無勝負  
但除却如許多種妄想性自本來清淨即是  
脩行菩提法佛等若不會此意縱你廣學勤  
苦脩行木食草衣不識自心皆名邪行淨四作  
天魔外道水陸諸神如此脩行當復何益誌  
公云本體是自心作那得文字中求如今但  
識自心息却思惟妄想塵勞自然不生淨名  
云唯置一牀寢疾而卧心不起也如人卧疾  
攀緣都息妄想淨四即是菩提如今若心裏  
紛紛不定任你學到三乘四果十地諸位合

殺祇向九聖中坐諸行盡歸無常勢力皆有  
盡期猶如箭射於空力盡還墜却歸生死輪  
迴如斯備行不解佛意虛受辛苦豈非大錯  
誌公云未逢出世明師枉服大乘法藥如今  
但一切時中行住坐卧但學無心亦無分別  
亦無依倚亦無住著終日任運騰騰如癡人  
相侶世人不識你你亦不用教人識不識  
之心如頑石頭都無縫罅一切法透汝心不  
入兀然無著如此始有少分相應透得三界  
境過名爲佛出世不漏心相名爲無漏智不  
作人天業不作地獄業不起一切心諸緣盡  
不生即此身心是自由人不是一向不生祇

是隨意而生經云菩薩有意生身是也忽若  
未會無心著相皆屬魔業乃至作淨土佛事  
並皆成業乃名佛障汝心故被因果管束  
去住無自由分所以菩提等法本不是有如  
來所說皆是化人猶如黃葉爲金錢權止小  
兒啼故實無有法名阿耨菩提如今既會此  
意何用驅驅但隨緣消舊業更莫造新殃心  
裏明明所以舊時見解摠須捨却淨名云除  
去所有法華云二十年中常令除糞祇是除  
去心中作見解處又云蠲除戲論之糞所以  
如來藏本自空寂祇是並不停留一法故經  
云諸佛國土亦復皆空若言佛道是脩學而

得如此見解全無文涉或作一機一境揚眉  
 運目祇對相當便道契會也得証悟禪理也  
 忽逢一人不解便道都無所知對他若得道  
 理心中便歡喜若被他折伏不如它便即心  
 懷惆悵如此心意學禪有何交涉任汝會得  
 少許道理抵得箇心所法禪道揔沒交涉所

後四

以達磨面壁都不令人有見處故云忘機是  
 佛道分別是魔境此性縱汝迷時亦不失悟  
 時亦不得天真自性本無迷悟及十方虛空  
 界元來是我一心體縱汝運用造作豈離虛  
 空虛空本來無大無小無漏無為無迷無悟  
 了了見無一物亦無人亦無佛絕纖毫的量

是無依倚無粘綴一道清流是自性是無生  
 法忍何有擬議真佛無口不解說法真聽無  
 耳其誰聞乎珍重 有僧辭歸宗宗云往  
 甚處去云諸方學五味禪去宗云諸方有五  
 味禪我者裏祇是一味禪云如何是一味禪  
 宗便打僧云會也會也宗云道道僧擬開口

宗又打其僧後到師處師問甚麼處來云歸  
 宗來師云歸宗有何言句僧遂舉前話師乃  
 上堂奉此因緣云馬大師出八十四人善知  
 識問著箇箇肩漉漉地祇有歸宗較此子  
 師在蓋官會裏大中帝為沙弥師於佛殿上  
 禮佛沙弥云不著佛求不著法求不著眾求

長老禮拜當何所求師云不著佛求不著法  
求不著衆求常禮如是事沙弥云用禮何爲  
師便掌沙弥云太簇生師云者裏是什麼所  
在說簾說細隨後又掌沙弥便走

師行脚時到南泉一日齋時捧鉢向南泉位  
上坐南泉下來見便問長老什麼年中行道

密四

師云威音王已前南泉云猶是王老師孫在  
師便下去師一日在茶堂內坐南泉下來問  
定惠學明見佛性此理如何師云十二時  
中不依倚一物泉云莫便是長老見處麼師  
云不敢泉云漿水錢且置草鞋錢教什麼人  
還師便休後馮山舉此因緣問仰山莫是黃

永樂北藏

古尊宿語錄

壁構它南泉不得麼仰山云不然須知黃檗  
有陷虎之機馮山云子見處得與麼長

一日五人新到同時相看一人不禮拜以手

覆一圓相而立師云還知道好隻獵犬麼云

尋羚羊氣來師云羚羊無氣汝向什麼處尋

云尋羚羊蹤來師云羚羊無踪汝向什麼處

尋云尋羚羊跡來師云羚羊無跡汝向什麼

處尋云與麼則死羚羊也師便休來日陞座

退問昨日尋羚羊僧出來其僧便出師云老

僧昨日後頭未有語在作麼生其僧無語師

云將謂是本色衲僧元來祇是義學沙門師

曾散衆在洪州開元寺裴相公一日入寺行

次見壁畫乃問寺主者畫是什麼寺主云畫  
 高僧相公云形影在者裏高僧在什麼處寺  
 主無對相公云是問莫有禪僧麼寺主云有  
 一人相公遂請師相見乃舉前話問師師召  
 云裴休休應喏師云在什麼處相公於言下  
 有省乃再請師開堂 夫學道者先須併

却雜學諸緣決定不求決定不著聞甚深法  
 恰似清風扇耳瞥然而過更不追尋是為甚  
 深入如來禪離生禪想從上祖師唯傳一心  
 更無二法指心是佛頓超等妙二覺之表決  
 定不流至第二念始偈入我宗門如斯之法  
 汝取次人到者裏擬作麼生學所以道擬心

時被擬心魔縛非擬心時又被非擬心魔縛  
 非非擬心時又被非非擬心魔縛非外來出  
 自你心唯有無神通菩薩足跡不可尋若以  
 一切時中心有常見即是常見外道若觀一  
 切法空作空見者即是斷見外道所以三界  
 唯心萬法唯識此猶是對外道邪見人說若

說法身以為極果此對三賢十聖人言故佛  
 斷二愚一者微細所知愚二者極微細所知  
 愚佛既如是更說什麼等妙二覺來所以一  
 切人但欲向明不欲向暗但欲未悟不受煩  
 惱無明便道佛是覺衆生是妄若作如是見  
 解百劫千生輪回六道更無斷絕何以故為



謗諸佛本源自性故他分明向你道佛且不  
 明衆生不暗法無明暗故佛且不強衆生且  
 不弱法無強弱故佛且不智衆生且不愚法  
 無愚智故是你出頭揔道解禪開著口便病  
 發不說本祇說末不說迷祇說悟不說躰祇  
 說用揔無你話論處他一切法且本不有今

亦不無緣起不有緣滅不無本亦不有本非  
 本故心亦不心心非心故相亦非相相非相  
 故所以道無法無本心始解心心法法即非  
 法非法即法無法無非法故是心心法忽然  
 瞥起一念了知如幻如化即流入過去佛過  
 去佛且不有未來佛且不無又且不喚作未

來佛現在念念不住不喚作現在佛佛若起  
 時即不擬他是覺是迷是善是惡轉不得執  
 滯他斷絕他如一念瞥起千重閑鎖鑊不得  
 萬丈繩索索他不住既若如是爭合便擬滅  
 他止他分明向你道爾識你作麼生擬斷  
 他喻如陽燄你道近十方世界求不可得始

道遠看時密四祇在目前你擬趁他他又轉遠去  
 你始避他他又來逐你取又不得捨又不得  
 既若如此故知一切法性自爾即不用愁他  
 慮他如言前念是九後念是聖如手翻覆一  
 般此是三乘教之極也據我禪宗中前念且  
 不是九後念且不是聖前念不是佛後念不

是衆生所以一切色是佛色一切聲是佛聲  
舉著一理一切理皆然見一事見一切事見  
一心見一切心見一道見一切道一切處無  
不是道見一塵十方世界山河大地皆然見  
一滴水即見十方世界一切性水又見一切  
法即見一切心一切法本空心即不無不無  
即妙有有亦不有不有即有即真空妙有既  
若如是十方世界不出我之一心一切微塵  
國土不出我之一念若然說什麼內之與外  
如蜜性甜一切蜜皆然不可者箇蜜甜餘底  
苦也何處有與麼事所以道真空無內外法  
性自爾虛空無中間法性自爾故衆生即佛

佛即衆生衆生與佛元同一躰生死涅槃有  
爲無爲元同一躰世間出世間乃至六道四  
生山河大地有性無性亦同一躰言同者名  
相亦空有亦空無亦空尽恒沙世界元是一  
空既若如此何處有佛度衆生何處有衆生  
受佛度何故如此萬法之性自爾故若作自  
然見即落自然外道若作無我無我所見墮  
在三賢十聖位中你如今云何將一尺一寸  
便擬量度虛空他分明向汝道法法不相到  
法自寂故當處自住當處自真以身空故名  
法空以心空故名性空身心揔空故名法性  
空乃至千途異說皆不離你之本心如今說

菩提涅槃真如佛性二乘菩薩者皆指葉爲  
 黃金拳掌之說若也展手之時一切大衆若  
 天若人皆見掌中都無一物所以道本來無  
 一物何處有塵埃本既無物三際本無所有  
 故學道人單刀直入須見者箇意始得故達  
 磨大師從西天來至此土經多少國土祇覓  
 得可大師一人密傳心印印你本心以心印  
 法以法印心心既如此法亦如此同真際等  
 法性法性空中誰是授記人誰是成佛人誰  
 是得法人他分明向你道菩提者不可以身  
 得身無相故不可以心得心無相故不可以  
 性得性即便是本源自性天真佛故不可以

密四

十一

佛更得佛不可以無相更得無相不可以空  
 更得空不可以道更得道本無所得無得亦  
 不可得所以道無一法可得祇教你了取本  
 心當下時不淨了相無了無不了相亦不  
 可得如此之法得者即得得者不自覺知不  
 得者亦不自覺知如此之法從上已來有幾  
 人得知所以道天下忘已者有幾人如今於  
 一機一境一經一教一世一時一名一字六  
 根門前領得與機關木人何別忽有一人出  
 來不於一名一相上作解者我說此人盡十  
 方世界覓者箇人不可得無第二人故繼  
 於祖位亦云釋種無雜純一故言王若成佛

時王子亦隨出家此意大難知祇教你莫覓  
覓便失却如癡人山上叫一聲響從谷出便  
走下山越及乎覓不得又叫一聲山上響又  
應亦走上山上越如是千生萬劫祇是尋聲  
逐響人虛生浪死漢汝若無聲即無響涅槃  
者無聞無知無聲絕迹絕踪若得如是稍與

密四

十三

祖師隣房也 問如王庫藏內都無如是刀  
伏願誨示師云王庫藏者即虛空性也能攝  
十方虛空世界皆摠不出你心亦謂之虛空  
藏菩薩你若道是有是無非有非無摠成羊  
角羊角者即你求覓者也問王庫藏中有真  
刀否師云此亦是羊角云若王庫藏中本無

真刀何故云王子持王庫中真刀出至異國  
何得言無師云持刀出者此喻如來使者你  
若言王子持王庫中真刀出去者庫中應空  
去也本源虛空性不可被異人將去是什麼  
語設你有者皆名羊角 問迦葉受佛心印  
得為傳語人否師云是云若是傳語人應不

離得羊角師云迦葉自領得本心所以不是  
羊角若以領得如來心見如來意見如來色  
相者即屬如來使為傳語人所以阿難為侍  
者二十年但見如來色相所以被佛呵云唯  
觀救世者不能離得羊角 問文殊執劍於  
瞿曇前者如何師云五百菩薩得宿命智見

過去生業障五百者即你五陰身是以見此夙命障故求佛求菩提涅槃所以文殊將智解劍害此有見佛心故故言你善害云何者是劍師云解心是劍云解心既是劍斷此有見佛心祇如能斷見心何能除得師云還將你無分別智斷此有見分別心云如作有見有求佛心將無分別智劍斷爭奈有智劍在何師云若無分別智害有見無見無分別智亦不可得云不可以智更斷智不可以劍更斷劍師云劍自害劍劍相害即劍亦不可得智自害智智相害即智亦不可得母子俱喪亦復如是問如何是見性云性即是見

見即是性不可以性更見性聞即是性不可以性更聞性祇你作性見能聞能見性便有一異法生他分明道所可見者不可更見你云何頭上更著頭他分知道如盤中散珠大者大圓小者小圓各各不相知各各不相碍起時不言我起滅時不言我滅所以四生六道未有不如時且衆生不見佛佛不見衆生四果不見四向四向不見四果三賢十聖不見等妙二覺等妙二覺不見三賢十聖乃至水不見火火不見水地不見風風不見地衆生不入法界佛不出法界所以法性無去來無能所見既如此因什麼道我見我聞於善

知識處得契悟善知識與我說法諸佛出世  
與衆生說法如旃延祇為以生滅心傳實相  
法被淨名呵責分明道一切法本來無縛何  
用解他本來不染何用淨他故云實相如是  
豈可說乎汝今祇成是非心染淨心學得一  
知一解繞天下行見人便擬定當取誰有心  
眼誰強誰弱若也如此天地懸殊更說什麼  
見性 問既言性即見見即性祇如性自無  
障礙無劑限云何隔物即不見又於虛空中  
近即見遠即不見者如何師云此是你妄生  
異見若言隔物不見無物言見便謂性有隔  
碍者全無交涉性且非見非不見法亦非見

非不見若見性人何處不是我之本性所以  
六道四生山河大地都是我之性淨明體故  
云見色便見心色心不異故祇為取相作見  
聞覺知去却前物始擬得見者即墮二乘人  
中依通見解也虛空中近則見遠則不見此  
是外道中收分明道非內亦非外非近亦非  
遠近而不可見者萬物之性也近尚不可見  
更道遠而不可見有什麼意旨 問學人不  
會和尚如何指示師云我無一物從來不曾  
將一物與人你無始已來祇為被人指示覓  
契覓會此可不是弟子與師俱陷王難你但  
知一念不受即是無受身一念不想即是無

密四

十五

想身决定不遷流造作即是無行身莫思量  
卜度分明即是無識身你如今纔別起一念  
即入十二因緣無明緣行亦因亦果乃至老  
死亦因亦果故善財童子一百一十處求善  
知識祇向十二因緣中求最後見彌勒弥勒  
却指見文殊文殊者即汝本地無明若心心

別異向外求善知識者一念總生即滅總滅  
又生所以汝等比丘亦生亦老亦病亦死耐  
因荅果已來即五聚之生滅五聚者五陰也  
一念不起即十八界空即身便是菩提花果  
即心便是靈智亦云靈臺若有所住著即身  
爲死屍亦云守死屍鬼問淨名默然文殊讚

嘆云是真入不二法門如何師云不二法門  
即你本心也說與不說即有起滅無言說時  
無所顯示故文殊讚嘆云淨名不說聲有斷  
滅否師云語即默默即語語默不二故云聲  
之實性亦無斷滅文殊本聞亦不斷滅所以  
如來常說未曾有不說時如來說即是法法

即是說法說不二故乃至報化二身菩薩聲  
聞山河大地水鳥樹林一時說法所以語亦  
說默亦說終日說而未嘗說既若如是但以  
默爲本問聲聞人蔽形於三界不能蔽於菩  
提者如何師云形者質也聲聞人但能斷三  
界見脩已離煩惱不能蔽於菩提故還被魔

王於菩提中提得於林中宴坐還成微細見  
菩提心也菩薩人已於三界菩提決定不捨  
不取不取故七大中覓他不得不捨故外魔  
亦覓他不得汝但擬著一法印子早成也印  
著有即六道四生文出印著空即無相文現  
如今但知決定不印一切物此印為虛空不

密四

十六

一不二空本不空印本不有十方虛空世界  
諸佛出世如見電光一般觀一切蠢連含靈  
如響一般見十方微塵國土恰似海中一滴  
水相似聞一切甚深法如刃如化心心不異  
法法不異乃至千經萬論祇為你之一心若  
能不取一切相故言如是一心中方便勤莊

嚴問如我昔為歌利王割截身躰如何師云  
仙人者即是你心歌利王好求也不守王位  
謂之貪利如今李人不積功累德見者便擬  
學與歌利王何別如見色時壞却仙人眼聞  
聲時壞却仙人耳乃至竟知時亦復如是喚  
你節節支解云祇如仙人忍時不合更有節

節支解不可一心忍一心不忍也師云你作  
無生見忍辱解無求解摠是傷損云仙人被  
割時還知痛否又云此中無受者是誰受痛  
師云你既不痛出頭來覓箇甚麼問然燈佛  
授記為在五百歲中五百歲外師云五百歲  
中不得授記所言授記者你本決定不忘不



失有為不取菩提但以了世非世亦不出五百歲外別得授記亦不於五百歲中得授記云了世三際相不可得已否師云無一法可得云何故言頻經五百世前後極時長師云五百世長遠當知猶是仙人故然燈授記時實無少法可得 問教中云銷我億劫顛倒

客四想不歷僧祇獲法身者如何師云若以三無數劫脩行有所證得者尽恒沙劫不得若於一剎那中獲得法身直了見性者猶是三乘教之極談也何以故以見法身可獲故皆屬不了義教中客問見法頓了者見祖師意否師云祖師心出虛空外云有限劑否師云

有無限劑此皆數量對待之法祖師云且非有限量非無限量非非有無限量以絕待故你今學者未能出得三乘教外爭喚作禪師分明向汝道一葺學禪莫取次妄生異見如人飲水冷暖自知一行一住一剎那間念不異若不如是不免輪迴問佛身無為不陸

諸數何故佛身舍利八斛四斗師云你作如是見祇見假舍利不見真舍利云舍利為是本有為復功勳師云非是本有亦非功勳云若非本有又非功勳何故如來舍利唯鍊唯精金骨常存師乃呵云你作如此見解爭喚作學禪人你見虛空曾有骨否諸佛心同太

虛覓什麼骨云如今見有舍利此是何法師云此從你妄想心生即見舍利云和尚還有舍利否請將出來看師云真舍利難見你但以十指撮尽妙高峯為微塵即見真舍利夫參禪孝道湏得一切處不生心祇論忘機即佛道隘分別即魔軍盛畢竟無毛頭許少法可得問祖傳法付與何人師云無法與人云云何是二祖請師安心師云你若道有二祖即合覓得心覓心不可得故所以道與你安心竟若有所得全歸生滅問佛窮得無明否師云無明即是一切諸佛得道之處所以緣起是道場所見一塵一色便合無邊理性

舉足下是不離道場道場者無所得也我向你道祇無所得名為坐道場云無明者為明為暗師云非明非暗明暗是代謝之法無明且不明亦不暗不明祇是本明不明不暗祇者一句子亂却天下人眼所以道假使滿世間皆如舍利佛盡思共度量不能測佛智其無碍惠出過密四虛空無你語論處釋迦量等三千大千世界忽有一菩薩出來一跨跨却三千大千世界不出普賢一毛孔你如今把什麼本領擬學他云既是學不得為什麼道歸源性無二方便有多門如之何師云歸源性無二者無明實性即諸佛性方便有多門者

聲聞人見無明生見無明滅緣竟人但見無明滅不見無明生念念證寂滅諸佛見衆生終日生而無生終日滅而無滅無生無滅即大乘果所以道果滿菩提圓花開世界起舉足即佛下足即衆生諸佛兩足尊者即理足事足衆生足生死足一切等足是故不求是

下故自古先聖云少行我法門所以無行爲我法門祇是一心門一切人到者裏不敢入不道全無祇是少人得得者即是佛珍重問如何得不落階級師云但終日喫飯未曾咬著一粒米終日行未曾踏著一片地與麼時無人無我等相終日不離一切事不被諸境惑方名自在人念念不見一切相笑認前後三際前際無去今際無住後際無來安然端坐任運不拘方名解脫努力努力此門中千人萬人祇得三箇五箇若不將爲事受殃有日在故云著力今生須了却誰能累劫受餘殃

永樂北藏

古尊宿語錄

第一九七册

古尊宿語錄卷第四

※

密四

古尊宿語錄卷第五

密五

臨濟禪師大鑑下四世詞黃檗

臨濟慧照揮師諱義玄曹州南華邢氏子初  
叅黃檗問佛法的的大意三度遭棒不領旨  
乃辭檗令叅高安大愚愚問黃檗有何言句

密五

師舉前話愚云黃檗恁麼老婆心為你得徹  
困猶覓過在師於言下大悟鎮州府主王常  
侍與諸官請師升座上堂云山僧今日事不  
獲已曲順人情方登此座若約祖宗門下稱  
揚大事直是開口不得無你措足處山僧此  
日以常侍堅請那隱網宗還有作家戰將直

永樂北藏

古尊宿語錄

下展陣開旗麼對眾證據看僧問如何是佛  
法大意師便唱僧禮拜師云這箇師僧却堪  
持論問師唱誰家曲宗風嗣阿誰師云我在  
黃檗處三度發問三度被打僧擬議師便唱  
隨後打云不可向虛空裡釘橛去也 有座  
主問三乘十二分教豈不是明佛性師云荒  
草不曾鋤主云佛豈賺人也師云佛在什麼  
處主無語師云對常侍前擬瞞老僧速退速  
退妨他別人請問復云此日法進為一大事  
故更有問話者麼速致問來你纔開口早勿  
交涉也何以如此不見釋尊云法離文字不  
屬因不在緣故為你信不及所以今日葛藤

第一九七册

恐滯常侍與諸官負昧佗佛性不知且退唱  
 一喝云少信根人終無了日久立珍重  
 師因一日到河北府主王常侍請師升座時  
 麻谷出問大悲千手眼那箇是正眼師云大  
 悲千手眼那箇是正眼速道速道麻谷拽師  
 下座麻谷却坐師近前云不審麻谷擬議師  
 亦拽麻谷下座師却坐麻谷便出去師便下  
 座 上堂云赤肉團上有一無位真人常  
 淡汝等諸人面門出入未證據者看看時有  
 僧出問如何是無位真人師下禪林把住云  
 道道其僧擬議師托開云無位真人是什麼  
 乾屎橛便歸方丈 上堂有僧出禮拜師

便喝僧云老和尚莫探頭好師云你道落在  
 什麼處僧便唱又有僧問如何是佛法大意  
 師便喝僧禮拜師云你道好喝也無僧云草  
 賊大敗師云過在什麼處僧云再犯不容師  
 便喝是日兩堂首座相見同時下喝僧問師  
 還有賓主也無師云賓主歷然師云大眾要  
 會臨濟賓主密五句問取堂中二首座便下座  
 上堂僧問如何是佛法大意師豎起拂子僧  
 便喝師便打 又僧問如何是佛法大意師  
 亦豎起拂子僧便喝師亦喝僧擬議師便打  
 師乃云大眾夫為法者不避喪身失命我二  
 十年在黃蘗先師處三度問佛法的的大意

三度蒙他賜杖如蒿枝拂著相侶如今更思  
 得一頓棒喫誰人爲我行得時有僧出衆云  
 某甲行得師拈棒與他其僧擬接師便打  
 上堂僧問如何是劍刃上事師云禍事禍事  
 僧擬議師便打問粒如石室行者踏碓忘却  
 移脚向什麼處去師云沒溺深泉 師乃云  
 但有來者不虧欠伊惣識伊來處若與麼來  
 恰侶失却不與麼來無繩自縛一切時中莫  
 亂斟酌會與不會都來是錯分明與麼道一  
 任天下人賤剥久立玆重 上堂云一人  
 在孤峯頂上無出身之路一人在十字街頭  
 亦無向背那箇在前那箇在後不作維摩詰

永樂北藏

古尊宿語錄

不作傳大士玆重 上堂云有一人論劫  
 在途中不離家舍有一人離家舍不在途中  
 那箇合受人天供養便下座 上堂僧問  
 如何是第一句師云三要印開朱點窄未容  
 擬議主賓分問如何是第二句師云妙解豈  
 容無着問漚和爭負截派機問如何是第三  
 句師云看取棚頭弄傀儡抽牽全藉裏頭人  
 師又云一句語須具三玄門一玄門須具三  
 要有權有用汝等諸人作麼生會下座  
 師晚參示衆云有時奪人不奪境有時奪境  
 不奪人有時人境俱奪有時人境俱不奪時  
 有僧問如何是奪人不奪境師云煦日發生

密五

三

第一九七册

鋪地錦嬰孩垂髮白如絲僧云如何是奪培  
不奪人師云王令已行天下徧將軍塞外絕  
相塵僧云如何是人境兩俱奪師云并冰絲  
信獨處一方僧云如何是人境俱不奪師云  
王登寶殿野老謳歌 師乃云今時學佛法  
者且要求真正見解若得真正見解生死不  
染去住自由不要求殊勝殊勝自至道流祇  
如自古先德皆有出人底路如山僧指示人  
處祇要你不受人惑要用便用更莫遲疑如  
今學者不得病在甚處病在不自信處你若  
自信不及即便忙忙地徇一切境轉被佗萬  
境回換不得自由你若能歇得念念馳求心

便与祖佛不別你欲得識祖佛麼祇你面前  
聽法的是學人信不及便向外馳求說求得  
者皆是文字勝相終不得他活祖意莫錯諸  
禪德此時不遇萬劫千生輪回三界徇好境  
撥去驢牛肚裏生道流約山僧見處与釋迦  
不別今日多般用處欠少什麼一道神光未  
曾問歇若能如是見得祇是一生無事人大  
德三界無安猶如火宅此不是你久停住處  
無常殺鬼一刹那間不揀貴賤老少你要与  
祖佛不別但莫外求你一念心上清淨光是  
你屋裏法身佛你一念心上無分別光是你  
屋裏報身佛你一念心上無差別光是你屋



裂化身佛此三種身是你即今目前聽法底人愁爲不向外馳求有此功用據經論家取三種身為極則約山僧見處不然此三種身是名言亦是三種体古人云身依義立土據体論法性身法性土明知是光影大德你且識取弄光影底人是諸佛之本源一切處是道流歸舍處是你四大色身不辨說法聽法脾胃肝膽不辨說法聽法虛空不辨說法聽法是什麼解說法聽法是你目前應歷底勿一箇形段孤明是這箇解說法聽法若如是見得便與祖佛不別但一切時中更莫間斷觸目皆是祇為情生智隔想变体殊所以輪

卷五

四

四三界受種種苦若約山僧見處無不甚深無不解脫道流心法無形通貫十方在眼曰見在耳曰聞在鼻嗅香在口談論在手執投在足運奔本是一精明分爲六和合一心既無隨處解脫山僧尚麼說意在什麼處祇為道流一切馳求心不能歇上佗古人開樸境道流取山僧見處坐斷報化佛頭十地滿心借如客作兒等妙二覺擔枷鎗漢羅漢碎支猶如割草菩提涅槃如擊野槓何以如此祇為道流不達三祇劫空所以有此障礙若是真正道人終不如是但能隨緣消舊業任運著衣裳要行即行要坐即坐無一念心希求

佛果緣何如此古人云若欲作業求佛佛是  
 生死大毛大德時光可惜祇擬傍家波波地  
 學禪學道認名認句求佛求祖求善知識意  
 度莫錯道流你祇有一箇父母更求何物你  
 自返照看古人云演若達多失却頭求心歇  
 處即無事大德且要平常莫作模樣有一般  
 不識好惡禿奴便即見神見鬼拍東劃西好  
 晴好雨如是之流盡湏抵債向閻老前吞熱  
 鐵丸有日好人家男女被這一般野狐精魅  
 所著便即捏怪瞎屢生索飯錢有日在  
 師示衆云道流切要求取真正見解向天下  
 橫行免被這一般精魅惑亂無事是貴人但

莫造作祇是平常你擬向外傍家求過覓脚  
 手錯了也祇擬求佛佛是名句你還識馳求  
 底麼三世十方佛祖出來也祇為求法如今  
 衆學道流也祇為求法得法始了未得依前  
 輪回五道云何是法法者是心法心法無形  
 通貫十方目前現用人信不及便乃認名認  
 句向文字中求意度佛法天地懸殊道流山  
 僧說法說什麼法說心地法便能入凡入聖  
 入淨入穢入真入俗要且不是你真俗凡聖  
 能與一切真俗凡聖安著名字真俗凡聖與  
 此人安著名字不得道流把得便用更不著  
 名字號之為玄旨山僧說法与天下人別祇

如有箇文殊普賢出來目前各現一身問法  
繞道咨和尚我早辨了也老僧穩坐更有道  
派來相見時我盡辨了也何以如此祇為我  
見處別外不取凡聖內不住根本見徹更不  
疑謬師示衆云道流佛法無用功處祇  
是平常無事局屎送屎著衣喫飯困來即卧  
愚人咲我智乃知焉古人云向外作工夫惣  
是癡頑漢你且隨處作主立處皆真境來回  
換不得縱有從來習氣五無間業自為解脫  
大海今時學者惣不識法猶如觸鼻羊逢著  
物安在口裏奴郎不辨賓主不分如是之流  
邪心入道鬧處即入不得名為真出家人正

是真俗家人夫出家者須辨得平常真正見  
解辨佛辨魔辨真辨偽辨凡辨聖若如是辨  
得名真出家若魔佛不辨正是出一家入一  
家喚作造業報生未得名為真出家祇如今  
有一箇佛魔同体不分如水乳合鵝王喫乳  
如明眼道流魔佛俱打你若愛聖憎凡生死  
第五  
海裏浮沉六問如何是佛魔師云你一念  
心疑處是佛魔你若達得萬法無生心如幻  
化更無一塵一法處處清淨是佛然佛与魔  
是染淨二境約山僧見處無佛無衆生無古  
無今得者便得不歷時節無修無證無得無  
失一切時中更無別法設有一法過此者我

說如夢如化山僧所說皆是道流即今目前  
 孤明歷歷地聽者此人處處不滯通貫十方  
 三界自在入一切境差別不能回換一刹那  
 間透入法界逢佛說佛逢祖說祖逢羅漢說  
 羅漢逢餓鬼說餓鬼向一切處游履國土教  
 化衆生未曾離一念隨處清淨光透十方万  
 法一如道流大丈夫兒今日方知本來無事  
 祇為你信不及念念馳求捨頭覓頭自不能  
 歇如圓頓菩薩入法界現身向淨土中厭凡  
 忻聖如此之流取捨未忘染淨心在如禪宗  
 見解又且不然直是現今更無時節山僧說  
 處皆是一期業病相治物無寔法若如是見

得是真出家日消萬兩黃金道流莫取次被  
 諸方老師印破面門道我解禪解道辯似懸  
 河皆是造地獄業若是真正學道人不求世  
 間過切急要求真正見解若達真正見解圓  
 明方始了畢 問如何是真正見解師云  
 你但一切入凡入聖入染入淨入諸佛國土  
 入弥勒樓閣入毗盧遮那法界處處皆現國  
 土成住壞空佛出于世轉大法輪却入涅槃  
 不見有去來相貌求其生死了不可得便入  
 無生法界處處游履國土入華藏世界見  
 諸法空相皆無寔法唯有聽法無依道人是  
 諸佛之母所以佛從無依生若悟無依佛亦

密五

七

無得若如是見得者是真正見解學人不了  
為執名句被他凡聖名碍所以障其道眼不  
得分明種如十二分教皆是表顯之說學者  
不會便向表顯名句上生解皆是依倚落在  
因果未免三界生死你若欲得生死去住脫  
著自由即今識取聽法底人無形無相無根  
無本無住處活撥撥地應是萬種施設用處  
祇是無處所以覓著轉遠求之轉乖号之為  
秘密道流你莫認著箇夢幻伴子遲晚中間  
便歸無常你向此世界中覓箇什麼物作解  
脫覓取一口飯喫補龜過時且要訪尋知識  
莫曰循逐樂光陰可惜念念無常蠢則被地

水火風細則被生住異滅四相所逼道流今  
時且要識取四種無相境界免被境擺撲  
問如何是四種無相境界云你一念心疑被  
地來碍你一念心愛被水來溺你一念心嗔  
被火來燒你一念心喜被風來飄若能如是  
辨得不被境轉處處用境東涌西沒南涌北  
沒中涌邊沒邊涌中沒履水如地履地如水  
緣何如此為達四大如夢如幻故道流你祇  
今聽法者不是你四大能用你四大若能如  
是見得便乃去住自由約山僧見處勿嫌底  
法你若愛聖聖者聖之名有一般學人向五  
臺山裏求文殊早錯了也五臺山無文殊你

欲識文殊麼。祇你目前用處。始終不異。處處不疑。此箇是活文殊。你一念心無差別。光處處。德是真普賢。你一念心自能解縛。隨處解脫。此是觀音三昧法。互為主伴。出則一時。出一即三。三即一。如是解得。始好看教。師示衆云。如今學道人。且要自信。莫向外覓。

密五  
德上他。閑塵境都不辨。邪正。祇如。有祖有佛。皆是教迹。中事有人拈起。一句子語。或隱顯中出。便即疑生。照天照地。傍家尋問也。大茫然。大丈夫兒。莫祇麼論主論賊。論是論非。論色論財。論說閑話。過日山僧。此間不論僧俗。但有來者。及識得伊。任伊向甚處出來。但有

聲名文句。皆是夢幻。却見乘境。底人是諸佛之玄旨。佛境不能自稱。我是佛境。還是這箇無依道人。乘境出來。若有人出來問我。求佛。我即應。清淨境。出有人問我。菩薩。我即應。慈悲境。出有人問我。菩提。我即應。淨妙境。出有人問我。涅槃。我即應。寂靜境。出境。即万般差別人。即不別。所以應物現形。如水中月。道流你若欲得。如法直湏。是大丈夫兒。始得若葦。莖隨地。則不得也。夫如斃。噉之器。不堪貯醍醐。如大器者。直要不受。人或隨處作主。立處皆真。但有來者。皆不得受。你一念疑。即魔入心。如菩薩疑時。生死魔得便。但能息念。更

莫外求物來即照你但信現今用底一箇事也無你一念心生三界隨緣被境分為六座你如今應用處欠少什麼一剎那間便入淨入穢入彌勒樓閣入三眼國土處處游履唯見空名 問如何是三眼國土師云我共你入淨妙國土中著清淨衣說法身佛又入九無差別國土中著無差別衣說報身佛又入九解脫國土中著光明衣說化身佛此三眼國土皆是依變約經論家取法身為根本報化二身為用山僧見處法身即不解說法所以古人云身依義立土據體論法性身法性土明知是建立之法依通國土空拳黃葉用誑

小兒蕪蕪麥刺枯骨上覓什麼汁心外無法內亦不可得求什麼物你諸方言道有修有證莫錯設有修得者皆是生死業你言六度萬行齊修我見皆是造業求佛求法即是造地獄業求菩薩亦是造業者經者教亦是造業佛而祖師是無事人所以有漏有為無漏無為為清淨業有一般瞎禿子飽喫飯了便坐禪觀行把捉念漏不令放起厭喧求靜是外道法祖師云你若住心看靜幸心外照攝心內澄凝心入定如是之流皆是造作是你如今与麼聽法底人作麼生擬修他證他莊嚴他渠且不是修底物不是莊嚴得底物若

教他莊嚴一切佛即莊嚴得你且莫錯道流  
你取這一般老師口裏語為是真道是善知  
識不思議我是凡夫心不敢測度他老宿瞎  
婆生你一生祇作這個見解辜負這一双眼  
冷噤噤地如凍凌上駢駒相但我不能毀善  
知識怕生口業道流夫大善知識始敢毀佛  
毀祖是非天下排斥三歲教罵辱諸小兒向  
逆順中覓人所以我於十二年中求一个業  
性如芥子許不可得若但新婦子禪師便即  
怕趁出院不与飯喫不安不樂自古先輩到  
處人不信被遞出始知是貴若到處人肯肯  
堪作什麼所以師子一吼野干腦裂道流諸

方說有道可修有法可證你說證何法修何  
道你今用處欠少什麼物修補何處後生小  
阿師不會便即信這般野狐精魅許他說事  
繫縛他人言道理行相應護惜三業始得成  
佛如此說者如春細雨古人云路逢違道人  
第一莫向道所以言若人修道道不行万般  
邪境競頭生智劍出來無一物明頭未顯暗  
頭明所以古人云平常心是道大德覓什麼  
物現今目前聽法無依道人歷歷地分明未  
曾欠少你若欲得与祖佛不別但如是見不  
用疑誤你心心不異名之活祖心若有異則  
性相別心不異故即性相不別問如何是心

密五

十一



心不異處師云你擬問早異了也性相各分  
道流莫錯世出世諸法皆無自性亦無生性  
但有空名名字亦空你祇麼認他閑名為寔  
大錯了也設有皆是依變之境有箇菩提依  
涅槃依解脫依三身依境智依菩薩依佛依  
你向依變國中覓什麼物乃至三乘十二  
小教是括不淨故祇佛是幻化身祖是老比  
丘你還是娘生已否你若求佛即被佛魔攝  
你若求祖即被祖魔縛你若有求皆苦不如  
無事有一般禿比丘向學人道佛是究竟於  
三大阿僧祇劫修行果滿始成道道流你若  
道佛是究竟緣什麼八十年後向拘尸羅城

雙林樹間側卧而死去佛今何在明知與我  
生死不別你言三十二相八十種好是佛轉  
輪聖王應是如來明知是幻化古人云如來  
率身相為順世間情恐人生斷見權且立虛  
名假言三十二八十也空聲有身非覺體無  
相乃真形你道佛有六通是不可思議一切  
諸天神仙密方阿脩羅大力鬼亦有神通應是佛  
否道流莫錯祇如阿脩羅與天帝釋戰戰敗  
領八萬四千眷屬入藕絲孔中歲莫是聖否  
如山僧所率皆是業通依通夫如佛六通者  
不然入色界不被色惑入聲界不被聲惑入  
香界不被香惑入味界不被味惑入觸界不

被觸感入法界不被法感所以達六種色声香味觸法皆是空相不能繫縛此無依道人雖是五蘊漏質便是地行神通道流真佛無形真法無相你祇麼幻化上頭作模作樣設求得者皆是野狐精魅並不是真佛是外道見解夫如真孝道人並不取佛不取菩薩羅漢不取三界殊勝迥然獨脫不与物拘乾坤倒覆我更不疑十方諸佛現前無一念心喜三塗地獄頓現無一念心怖緣何如此我見諸法空相變即有不變即無三界唯心万法唯識所以夢幻空若何勞把捉唯有道流目前現今聽法底人入火不燒入水不溺入三

塗地獄如遊園觀入餓鬼畜生而不受報緣何如此無嫌底法你若愛聖憎凡生死海裏沉浮煩惱由心故有無心煩惱何拘不勞分別取相自然得道湏臾你擬傷家波波地孝得於三祇劫中終歸生死不如無事向叢林中林角頭交脚坐道流如諸方有孝人來主客相見了便有一句子語辨前頭善知識披學人拈出个機權語路向善知識口角頭攬過看你識不識你若識得是境把得便拋向坑子裏孝人便即尋常然後便索善知識語依前奪之學人云上智我是大善知識即云你大不識好惡如善知識把出箇境塊子向

學人面前弄前人辨得了不作主不受境惑  
善知識便即現半身學人便喝善知識又入  
一切差別語路中擺撲學人云不識好惡老  
秃奴善知識歎曰真正道流如諸方善知識  
不辨邪正學人來問善提涅槃三身境智暗  
老師便与他解說被他學人罵著便把棒打  
他言無禮度自是你善知識無眼不得嗔他  
有一般不識好惡秃奴即指東劃西好晴好  
兩好燈籠露柱你看眉毛有幾莖這箇具擬  
緣孝人不會便即心狂如是之流惣是野狐  
精魅魍魎被他好學人嗑嗑微咲言暗老秃  
奴惑乱他天下人道流出家兒且要李道猗

如山僧往日曾向毗互中留心亦曾於經論  
尋討後方知是濟世藥表顯之說遂乃一時  
拋却即訪道叅禪後遇大善知識方乃道眼  
分明始識得天下老和尚知其邪正不是娘  
生下便會還是体究練磨一朝自省道流你  
欲得如法見解但莫受人惑向裏向外逢著  
便殺逢佛殺佛逢祖殺祖逢羅漢殺羅漢逢  
父母殺父母逢親眷殺親眷始得解脫不與  
物拘透脫自在如諸方學道流未有不依物  
出末底山僧向此間沒頭打手上出來手上  
打口裏出來口裏打眼裏出來眼裏打未有一箇  
獨脫出來底皆是上他古人開機境山

僧無一法與人。祇是治病解縛。你諸方道流。試不依物出來。我要共你商量。十年五歲。並無一人。皆是依草附葉。竹木精靈。野狐精魅。向一切糞塊上。亂咬瞎漢。枉消他十方信施。道我是出家兒。作如是見解。向你道無佛無法。無修無證。祇與麼傷家。擬求什麼物。瞎漢頭上安頭。是你欠少什麼道流。是你目前用底。與祖佛不別。祇麼不信。便向外求。莫錯向外。無法內。亦不可得。你取山僧口裏語。不如休歇無事去。已起者莫續。未起者不要放起。便勝你十年行脚。約山僧見處。無如許多般。祇是平常著衣吃飯。無事過時。你諸方來者。

卷五

十三

皆是有心求佛求法。求解脫。求出離。三界癡人。你要出三界。什麼處去。佛祖是賞繫底名。句。你欲識三界。麼不離你。今聽法。在心地。你一念心貪。是欲界。你一念心嗔。是色界。你一念心癡。是無色界。是你屋裏家具。于三界不自道。我是三界。還是道流。目前靈靈地。照燭萬般。酌度世界。底人。与三界安名。大德四大。色身。是無常。乃至脾胃。肝膽。髮毛。爪齒。唯見諸法。空相。你一念心歇。得處。喚作菩提樹。你一念心不能歇。得處。喚作無明樹。無明無住。處。無明無始終。你若念念心歇。不得。便上他無明樹。便入六道。四生。披毛戴角。你若歇得。

便是清淨身界你一念不生便是上菩提樹  
三界神通變化意生化身法喜禪悅身光自  
照思衣羅綺千重思食百味具足更無橫病  
菩提無住處是故無得者道流大丈夫漢更  
疑箇什麼目前用處更是阿誰把得便用莫  
著名字号为玄旨與麼見得勿嫌在法古人  
云心隨萬境轉轉處實能箇隨流認得性無  
喜亦無憂道流如禪宗見解死活循然參  
之人大湏子細如主客相見便有言論往來  
或應物現形或全体作用或把機權喜怒或  
現半身或乘脚子或乘象王如有真正孝人  
便唱先拈出一个膠盆子善知識不辨是境

便上他境上作模作樣孝人便唱前人不肖  
放此是膏肓之病不堪醫喚作客看主或是  
善知識不拈出物隨孝人問處即奪孝人被  
奪抵死不放此是主看客或有孝人應一箇  
清淨境出善知識前善知識辨得是境把得  
拋向坑裏學人言大好善知識即云咄哉不  
識好惡學人便禮拜此喚作主者主或有孝  
人被枷帶鎖出善知識前善知識更與安一  
重枷鎖學人歡喜彼此不辨呼為客看客大  
德山僧如是所舉皆是辯魔揀異知其邪正  
道流寔情大難佛法箇玄解得可地山僧  
覓日与他說破孝者惣不在意千搨萬搨脚

底踏過黑沒燄地無一箇形段歷歷孤明孝  
 人信不及便向名句上生鮮年登半百抵管  
 傍家負死屍行檐却檐子天下走索草鞋錢  
 有日在大德山僧說向外無法孝人不會便  
 即向裏作解便即倚壁坐舌柱上齟湛然不  
 動取此為是祖門佛法也大錯是你若取不  
 動清淨境為是你即認他無明為郎主古人  
 云湛湛黑暗深坑寔可怖畏此之是也你若  
 認他動者是一切草木皆解動應可是道也  
 所以動者是風大不動者是地大動與不動  
 俱無自性你若向動處投他地向不動處立  
 你若向不動處投他地向動處立譬如潛泉

魚鼓波而自躍大德動與不動是二種境還  
 是無依道人用動用不動如諸方孝人來山  
 僧此間作三種根器斷如中下根器來我便  
 牽其境而不除其法或中上根器來我便境  
 法俱奪如上报器來我便境法人俱不奪  
 如有出格見解人來山僧此間便全体作用  
 不歷根器大德到這裏孝人著力處不通風  
 石火電光即過了也孝人若眼定動即沒交  
 涉擬心即差動念即乖有人解者不離目前  
 大德你擔鉢囊屎檐子傍家走求佛求法即  
 今与麼馳求底你還識渠麼活撥撥地稊是  
 勿根株擁不聚撥不散求著即轉遠不求還

六五

十五

在目前靈音屬耳若人不信徒勞百年道流  
一刹那間便入華嚴世界入毗盧遮那國土  
入解脫國土入神通國土入清淨國土入法  
界入穢入淨入凡入聖入餓鬼畜生處處計  
覓尋皆不見有生有死唯有空名幻化空巷  
不勞把捉得失是非一時放却道沅山僧佛  
法的的相承從麻谷和尚丹霞和尚道一和尚  
廬山拽石頭和尚一路行徧天下無人信得  
盡皆起謗如道一和尚用處純一無雜李人  
三百五百冬皆不見佗意如庐山和尚自在  
真正順運用處李人不測涯際悉皆茫然如  
丹霞和尚翫珠隱顯李人來者皆悉被罵如

永樂北藏

古尊宿語錄

麻谷用處苦如黃蘗近皆不得如石鞏用處  
向箭頭上覓人來者皆惧如山僧今日用處  
真正成壞翫弄神變入一切境隨處無事境  
不能換但有來求者我即便出看渠渠不識  
我我便著數般水李人生解一向入我言句  
苦我瞎禿子無眼人把我著底水認青黃赤  
白我脫却入清淨境中李人一見便生忻欲  
我又脫却學人失心茫然狂走言我無水也  
即向渠道你識我著衣底人否忽尔回頭認  
我了也大德你莫認衣衣不能動人能著衣  
有箇清淨水有个無生水善提水涅槃水有  
祖衣有佛衣大德但有聲名文句皆悉是水

第一九七册

變沒臍輪氣海中鼓激牙齒敲磕成其句義  
明知是幻化大德外發聲語業內表心所法  
以思有念皆悉是水你祇麼認他著底衣為  
寔解經塵劫祇是水通三界猶還輪回生  
死不如無事相逢不相識共語不知名今時  
學人不得蓋為認名字為解大冊子上抄死

壹

十六

老漢語三重五重複子果不教人見道是玄  
旨以為保重大錯暗屢生你向枯骨上覓什  
麼汁有一般不識好惡向教中取意度商量  
成於句義如把屎塊子向口裏含了吐過與  
別人猶如俗人打傳口令相侶一生虛過也  
道我出家被他問著佛法便即杜口無詞眼

似漆突口如桶檐如此之類達彌勃出世移  
置他方世界寄地獄受苦大德你波波地往  
諸方覓什麼物踏你脚板闊無佛可求無道  
可成無法可得外求有相佛與汝不相似欲  
識汝本心非合亦非離道流真佛無形真道  
無体真法無相三法混融和合一處辨既不  
得喚作忙忙業識衆生問如何是真佛真法  
真道乞垂開示師云佛者心清淨是法者心  
光明是道者屢屢無碍淨光是三即一皆是  
空名而無寔有如真正作道人念念心不間  
斷自達磨大師從西土來祇是覓箇不受人  
惑底人後遇二祖一言便了始知徒前虛用



功夫山僧今日見處與祖佛不別若第一句中得與祖佛為師若第二句中得與人天為師若第三句中得自救不了問如何是西來意師云若有意自救不了云既無意云何二祖得法師云得者是不不得云既若不得云何是不不得意師云為你向一切處馳求心不能歇所以祖師言咄哉丈夫將頭覓頭十五你言下便自回光返照更不別求知身心與祖佛不別當下無事方名得法大德山僧今時事不獲已語度說出許多不才淨你且莫錯撥我見處寔無許多般道理要用便用不用便休秣如諸方說六度万行以為佛法我

道是莊嚴門佛事門非是佛法乃至持齋持戒擎油不潤道眼不明盡須抵債索飯錢有日在何故如此入道不通理復身還信施長者八十一其樹不生耳乃至孤峯獨宿一食卯齋長坐不卧六時行道皆是造業底人乃至頭目髓腦國城妻子象馬七珍盡皆捨施如是等見皆是苦身心故還招苦果不如無事純一無雜乃至十地滿心菩薩皆求此道流踪跡了不可得所以諸天歡喜地神捧足十方諸佛無不稱嘆緣何如此為今聽法道人用處無踪跡問大通智勝佛十劫坐道場佛法不現前不得成佛道未審此意如

何乞師指示師云大通者是自己於處處達其萬法無性無相名為大通智勝者於一切處不疑不得一法名為智勝佛者心清淨光明透徹法界得名為佛十劫坐道場者十波羅密是佛法不現前者佛本不生法本不滅云何更有現前不得成佛道者佛不應更作佛古人云佛常在世間而不滌世間法道沉你欲得作佛莫隨万物心生種種法生心滅種種法滅一心不生萬法無咎世與出世無佛無法亦不現前亦不魯失設有者皆是名官章句接引小兒施設藥病表顯名句且名句不自名句還是你目前昭昭靈靈鑒竟聞

知照炷底安一切名句大德造五無間業方得解脫 問如何是五無間業師云殺父害母出佛身血破和合僧焚燒經像等此是五無間業云如何是父師云無明是父你一念心求起滅處不得如響應空隨處無事名為殺父云如何是母師云貪愛為母你一念心入欲界中求其貪愛唯見諸法空相處處無著名為害母云如何是出佛身血師云你向清淨法界中無一念心生解便處處黑暗是出佛身血云如何是破和合僧師云你一念心正違煩惱結使如空無所依是破和合僧云如何是焚燒經像師云見因緣空心空

法空一念決之斷迦然無事便是焚燒經像  
大德若如是達得免被佗凡聖名碍你一念  
心私向空拳指上生寔解板境法中虛捏怪  
自輕而退屈言我是凡夫他是聖人充屢生  
有甚死急披佗師子皮却作野干鳴大丈夫  
漢不作丈夫氣息自家屋裏物不肯信私磨  
向外覓上佗古人開名句倚陰博陽不能特  
達達境便緣逢塵便執觸處或起自無准空  
道流莫取山僧說處何故說無憑據一期間  
圍盡虛空如剝畫像等喻道流真將佛為空  
竟我見猶如剝孔善薩羅漢及是枷鎖縛人  
底物所以文殊仗劍殺於瞿曇為搥持刀室

永樂北藏

古尊宿語錄

於釋氏道流無佛可得乃至三乘五性圓頓  
教迹皆是一期藥病相治並無實法設有皆  
是相似表顯路布文字差排且如是說道流  
有一般禿子便向裏許著功擬求出世之法  
錯了也若人求佛是人失佛若人求道是人  
失道若人求祖是人失祖大德莫錯我且不  
取你解經論我亦不取你國王大臣我亦不  
取你辯侶懸河我亦不取你聰明智慧唯要  
你真真正見解道流設解得百本經論不如一  
箇無事底阿師你解得即輕憐他人勝負脩  
羅人我無明長地獄業如善星比丘解十二  
分教生身陷地獄大地不容不如無事休歇

寄五

十九

第一九七册

去飢來吃飯睡來合眼愚人笑我智乃知焉  
道流莫向文字中求心動疲勞吸冷氣无益  
不如一念緣起無生超出三乘權幸菩薩大  
德莫曰循過日山僧往日未有見處時黑湯  
漫地光陰不可空過腹熱心忙奔波訪道後  
還得力始到今日共道流如是話度勸諸道  
流莫為衣食看世界易過善知識難遇如優  
曇花時一現耳你諸方聞道有箇臨濟老漢  
出來便擬問難教語不得被山僧全体作用  
幸人空開得眼口惣動不得憐然不知以何  
答我我向伊道龍象蹴踏非馭所堪你諸處  
抵拍胸點肋道我解禪解道三个两个到這

裏不奈何咄哉你将這箇身心到處斲两片  
皮誑譁間間吃鉄棒有日在非出家兒尽向  
阿脩羅界攝夫如至理之道非諍論而求激  
揚鏗鏘以摧外道至於佛祖相承更無別意  
設有言教落在化儀三乘五性人天曰果如  
圓頓之教又且不然童子善財皆不求過大  
德莫錯用心如大海不停死死祇麼擔却擬  
天下走自起見障以碍於心日上無雲麗天  
普照眼中無翳空裏無砵道流你欲得如法  
但莫生疑展則弥綸法界收則絲髮不立歷  
歷孤明未曾欠少眼不見耳不聞喚作什麼  
物古人云說偈一物則不中你但自家看更

有什麼說亦無各自著力珍重

勘辨

黃檗因入厨次問飯頭作什麼飯

頭云揀眾僧米黃檗云一日喫多少飯頭云

二石五黃檗云莫太多麼飯頭云猶恐少在

黃檗便打飯頭却幸侶師師云我為汝勘這

老漢纔到侍立次黃檗幸前話師云飯頭不

會請和尚代一轉語師便問莫太多麼黃檗

云何不道來日更吃一頓師云說什麼來日

即今便喫道了便掌黃檗云這風顛漢又來

這裡杼虎鬚師便喝出去後為山問仰山此

二尊宿意作麼生仰山云和尚作麼生為山

云養子方知父慈仰山云不然為山云子又

作麼生仰山云大侶勾賊破家

師問僧什麼處來僧便喝師便揖坐僧擬議

師便打師見僧來便豎起拂子僧札拜師便

打又見僧來亦豎起拂子僧不顧師亦打

師一日同普化赴施主家齋次師問毛吞巨

海芥納須彌為是神通妙用本体如然普化

踏到飯鉢師云太歲生普化云這裡是什麼

所在說處說細師來日又同普化赴齋問今

日供養何似昨日普化依前踏倒飯鉢師云

得即得太歲生普化云瞎漢佛法說什麼處

細師乃吐舌 師一日与河陽木塔長老

同在僧堂地炉内坐日說普化每日在街市

掣風掣顛知佗是凡是聖言猶未了普化入  
 來師便問汝是凡是聖普化云汝且道我是  
 凡是聖師便喝普化以手指云河陽新婦子  
 木塔老婆禪臨濟小厮兒却具一隻眼師云  
 這賊普化云賊賊便出去 一日普化在  
 僧堂前吃生菜師見云大似一頭驢普化便  
 作驢鳴師云這賊普化云賊賊便出去  
 目普化常於街市搖鈴云明頭來明頭打暗  
 頭來暗頭打四方八面來旋風打虛空來連  
 架打師令侍者去縫見如是道便把住云惣  
 不与麼來時如何普化托開云來日大悲院  
 裡有齋侍者回奉似師師云我送來疑著這

漢 有一老宿叅師未會人事便問禮拜  
 即是不禮拜即是師便喝老宿便禮拜師云  
 好箇草賊老宿云賊賊便出去師云莫道無  
 事好首座侍立次師云還有過也無首座云  
 有師云賓家有過主家有過首座云二俱有  
 過師云過在什麼處首座便出去師云莫道  
 無事好後有僧奉似南泉南泉云官馬相踏  
 師目入軍營赴齋門首見負僚師指露柱問  
 是凡是聖負僚無語師打露柱云直饒道得  
 也祇是箇木椶便入去 師問院主什麼  
 慶來主云州中難黃米去來師云難得盡麼  
 主云難得盡師以杖面前畫一畫云還難得

這箇麼主便喝師便打與座至師奉前語典  
 座云院主不會和尚意師云你作麼生典座  
 便禮拜師亦打有座主來相看次師問座主  
 講何經論主云某甲荒虛粗習百法論師云  
 有一人於三乘十二分教明得有一人於三  
 乘十二分教明不得是同是別主云明得即  
 同明不得即別樂普為侍者在師後立云座  
 主這裡是什麼所在說同說別師四首問侍  
 者汝又作麼生侍者便喝師送座主回來遂  
 問侍者遠來是汝喝老僧侍者云是師便打  
 師聞第二代德山垂示云道得也三十棒道  
 不得也三十棒師令樂普去問道得為什麼

也三十棒侍伊打汝接住棒送一送看佗作  
 麼生普到彼如教而問德山便打普接住送  
 一送德山便歸方丈普回奉似師師云我送  
 來疑著這漢雖然如是汝還見德山麼普擬  
 議師便打 王常侍一日訪師同師於僧  
 堂前看乃問這一堂僧還看經麼師云不看  
 經侍云還看禪麼師云不看禪侍云經又不  
 看禪又不看畢竟作箇什麼師云懃教伊成  
 佛作祖去侍云金屑雖貴落眼成翳又作麼  
 生師云將為你是箇格漢 師問杏山如  
 何是露地白牛山云吽吽師云啞那山云長  
 老作麼生師云這畜生 師問樂普云送

二十二末

上來一人行捧一人行喝阿那箇親普云惣  
不親師云親處作麼生普便喝師乃打  
師見僧來展開兩手僧無語師云會麼云不  
會師云渾崙崙不開与你兩文錢  
趙州行脚時衆師遇師洗脚次州便問如何  
是祖師西來意師云恰值老僧洗脚州近前  
作聽勢師云更要第二杓惡水潑在州便下  
去 有定上座到衆問如何是佛法大意  
師下繩林擒住与一掌便托開定佇立傍僧  
云定上座何不礼拜定方禮拜忽然大悟

古尊宿語錄卷第五



密五



古尊宿語錄卷第六

密六

臨濟禪師語錄之餘

興化禪師大慈下五世語錄

臨濟慧照禪師餘錄 師問洛浦云送上來  
一人行捧一人行喝阿那箇親洛浦云送不

密六

親師曰親處作麼生洛浦便喝師便打一  
大覺到叅師舉起拂子大覺敷坐具師擲下  
拂子大覺收坐具入僧堂眾僧云這僧莫是  
和尚親故不禮拜又不喫捧師聞令喚覺覺  
出師云大眾道汝未叅長老覺云不審便自  
歸衆 麻谷到叅敷坐具問十二面觀音

永樂北藏

古尊宿語錄

阿那面正師下繩林一手收坐具一手搯麻  
谷云十二面觀音向什麼處去也麻谷轉身  
撥坐繩林師拈拄杖打麻谷接却相投入方  
丈 師問僧有時一喝如金剛王寶劍有  
時一喝如踞地金毛獅子有時一喝如探竿  
影草有時一喝不作一喝用汝作麼生會僧  
擬議師便喝 師問一尼善來惡來尼便  
喝師拈棒云更道更道尼又喝師便打  
龍牙問如何是祖師西來意師云与我過禪  
板來牙便過禪板與師師接得便打牙云打  
即任打要且無祖師意牙後到翠微問如何  
是祖師西來意微云与我過蒲團來牙便過

第一九七册

蒲團與翠微翠微接得便打牙云打即任打  
 要且無祖師意牙住院後有僧入室請益云  
 和尚行脚時叅二尊宿因緣還肯佗也無牙  
 云肯即深肯要且無祖師意 徑山有五  
 百衆少人叅請黃檗令師到徑山乃謂師曰  
 汝到彼作麼生師云某甲到彼自有方便師  
 到徑山裝腰上法堂見徑山徑山方舉頭師  
 便喝徑山擬開口師拂袖便行尋有僧問徑  
 山這僧遠來有什麼言句便喝和尚徑山云  
 這僧送黃檗會裡來你要知麼自問取佗徑  
 山五百衆太半分散 普化一日於街市  
 中就人乞直掇人皆與之普化俱不要師令

院主買棺一具普化歸來師云我與汝做得  
 箇直掇了也普化便自擔去繞街市叫云臨  
 濟與我做直掇了也我往東門遷化去市人  
 競隨看之普化云我今日未來日往南門遷  
 化去如是三日人皆不信至第四日無人隨  
 看獨出城外自入棺內倩路行人釘之即時  
 傳布市人競往開棺乃見全身脫去聽聞空  
 中鈴響隱隱而去  
 師栽松次黃檗問深山裡栽許多作什麼師  
 云一與山門作境致二與後人作標榜道了  
 將鑿頭打地三下黃檗云雖然如是子已喫  
 吾三十棒了也師又以鑿頭打地三下作噓

噓聲黃檗云吾宗到汝大興於世後為山峯  
此語問仰山黃檗當時祇囑臨濟一人更有  
人在仰山云有稔是年代深遠不欲峯似和  
尚為山云雖然如是吾亦要知汝但峯看仰  
山云一人指南吳越令行遇大風即止  
師侍立德山次山云今日困師云這老漢寐

語作什麼山便打師掀倒繩林山便休  
師魯請鉏地次見黃檗來拄鑿而立黃檗云  
這漢因那師云鑿也未峯困箇什麼黃檗便  
打師接住棒一送送倒黃檗喚維那維那扶  
起我維那近前扶云和尚爭容得這風顛漢  
無禮黃檗總起便打維那師鑿地云諸方火

葬我這裡一時活埋後為山問仰山黃檗打  
維那意作麼生仰山云正賊走却邏人喫  
棒 師一日在僧堂前坐見黃檗來便閉  
却目黃檗乃作怖勢便歸方丈師隨至方丈  
禮謝首座在黃檗處侍立黃檗云此僧雖是  
後生却知有此事首座云老和尚脚跟不點  
地却證據箇後生黃檗自於口上打一擱首  
座云知即得  
師見普化乃云我在南方馳書到為山時知  
你先在此住待我來及我來得汝佐贊我今  
欲建立黃檗宗旨汝切須為我成禱普化珍  
重下去克符後至師亦如是道符亦珍重下

去三日後普化却上問訊云和尚前日道甚  
 麼師拈棒便打下又三日克符亦上問訊乃  
 問和尚前日打普化作甚麼師亦拈棒打下  
 師會下有同孝二人相問離却中下二機請  
 兄道一句子一人云擬問即失一人云恁麼  
 則禮拜孝兄去也前人云賊師聞得陞堂云  
 要會臨濟賓主句問取堂中二禪客便下座  
 有僧來問禮拜則是不禮拜則是師便喝僧  
 作禮師云這賊僧亦云這賊便出去師云莫  
 道無事好首座侍立師回顧云還有過也無  
 座云有師云賓家有過主家有過座云二俱  
 有過師云過在甚麼處座便出去師云莫道

無事好 師問僧什麼處來僧便喝師便  
 揖坐僧擬議師便打 師見僧來便豎起  
 拂子僧禮拜師便打又見僧來亦豎起拂子  
 僧不顧師亦打 示衆云衆學之人大須  
 子細如賓主相見便有言論注來或應物現  
 形或全体作用或把機權喜怒或現半身或  
 垂師子或垂象王如有真正學人便喝先拈  
 出一箇膠盆子善知識不辨是境便上他境  
 上作模作樣便被學人又喝前人不肯放下  
 此是膏肓之病不堪醫治喚作賓者主或是  
 善知識不拈出物稊隨學人問處即奪學人  
 被奪拉死不肯放此是主看賓或有事人應

一箇清淨境出善知識前知識辨得是境把  
得拋向坑裏學人言大好善知識知識即云  
咄我不識好惡學人便禮拜此喚作主者主  
或<sup>或</sup>有學人披枷帶鎖出善知識前知識更與  
安一重枷鎖學人歡喜彼此不辨喚作賓者  
賓大德山僧所舉皆是辨魔揀具知其邪正  
到明化化問來來去去作什麼師云<sup>寄六</sup>祇徒踏  
破草鞋化云畢竟作麼生師云老漢話頭也  
不識 往鳳林路逢一婆婆問甚處去師  
云鳳林去婆云恰值鳳林不在師云甚處去  
婆便行師乃喚婆婆回頭師便打  
師陸堂有僧出師便喝僧亦喝便禮拜師便

永樂北藏

古尊宿語錄

打問僧甚處來曰定州來師拈棒僧擬議師  
便打僧不肖師曰已後遇明眼人去在僧後  
叅三聖纔舉前話三聖便打僧擬議聖又打  
師應機多用喝會下叅徒亦學師喝師曰汝  
等搃學我喝我今問汝有一人從東堂出一  
人從西堂出兩人齊喝一聲這裏分得賓主  
麼汝且作麼生分若分不得已後不得學老  
僧喝 示衆我有時先照後用有時先用  
後照有時照用同時有時照用不同時先照  
後用有人先用後照有法在照用同時駢  
耕夫之牛奪飢人之食敲骨取髓痛下針錐  
照用不同時有問有答立賓立主合水和泥

第一九七册

應機接物若是過量人向未舉已前撩起便  
 行猶較些子師見僧未舉起拂子僧禮拜師  
 便打又有僧未師亦舉拂子僧不顧師亦打  
 又有僧來參師舉拂子僧曰謝和尚指示師  
 亦打師在堂中睡黃檗下來見以拄杖  
 打板頭一下師舉頭見是黃檗却睡黃檗又  
 打板頭一下師舉頭見是黃檗却睡黃檗又  
 打板頭一下却往上間見首座坐禪乃云下  
 間後生却坐禪汝這裡妄想作什麼首座云  
 這老漢作什麼黃檗打板頭一下便出去後  
 為山問仰山黃檗入僧堂意作麼生仰山云  
 兩彩一賽一日普請次師在後行黃檗  
 回頭見師空手乃問鑿頭在什麼處師云有

一人將去了也黃檗云近前來共汝商量箇  
 事師便近前黃檗豎起鑿頭云祇這箇天下  
 人拈掇不起師就手掣得豎起云為什麼却  
 在某甲手裡黃檗云今日大有人普請便歸  
 院後為山問仰山鑿頭在黃檗手裡為什麼  
 却被臨濟奪却仰山云賊是小人智過君子  
 師為黃檗馳書去為山時仰山作知客接得  
 書便問這箇是黃檗底那箇是專使底師便  
 掌仰山約住云老兄知是般事便休同去見  
 為山為山便問黃檗師兄多少眾師云七伯  
 眾為山云什麼人為導首師云適來已達書  
 了也師却問為山和尚此間多少眾為山云

一千五百衆師云太多生為山云黃檗師兄亦不少師辭為山仰山送出云汝向後北去有箇住處師云豈有與麼事仰山云但去已後有一人佐輔老兄在此人祇是有頭無尾有始無終師後到鎮州普化已在彼師出世普化佐贊於師師住未久普化全身脫去

師曰半夏上黃檗見和尚看經師云我將謂是箇人元來是拈黑豆老和尚住數日乃辭去黃檗云汝破夏來不終夏去師云某甲暫來禮拜和尚黃檗遂打趂令去師行數里疑此事却回終夏師一日辭黃檗問什麼處去師云不是河南便歸河北黃檗便打師約

住與一掌黃檗大咲乃喚侍者將百丈先師禪板机案來師云侍者將火來黃檗云雖然如是汝但將去已後坐却天下人舌頭去在後為山問仰山臨濟莫辜負他黃檗也無仰山云不然為山云子又作麼生仰山云知恩方解報恩為山云沒上古人還有相似底也密六無仰山云有祇是年代深遠不欲奉但和尚為山云雖然如是吾亦要知子但舉看仰山云祇如楞嚴會上阿難讚佛云將此深心奉塵刹是則名為報佛恩豈不是報恩之事為山云如是如是見與師齊滅師半德見過於師方堪傳授 師到達磨塔頭塔主云長

老先禮佛先禮祖師云佛祖俱不禮塔主云  
佛祖與長老是什麼冤家師便拂袖而出

師行脚時到龍光光上堂師出問不展鋒鏑  
如何得勝光據坐師云大善知識豈無方便  
光瞪目云嗔師以手指云道老漢今日敗闕  
也 到三峯平和尚問什麼處來師云黃

檠來平云黃檠有何言句師云金牛昨夜遭  
塗炭直至如今不見蹤平云金風吹玉管那  
箇是知音師云直透萬重關不住清霄內平  
云子這一問太高生師云龍生金鳳子衝破  
碧琉璃平云且望喫茶又問近離甚處師云  
龍光平云龍光近日如何師便出去

到大慈慈在方丈內坐師問端居丈室時如  
何慈云寒松一色千年別野老拈菴萬國春  
師云今古永超圓智躰三山鑱斷萬重關慈  
便喝師亦喝慈云作麼師拂袖便出

到襄州華嚴嚴倚拄杖作睡勢師云老和尚  
瞌睡作麼嚴云作家禪客宛爾不同師云侍

者點茶來與和尚喫嚴乃喚維那第三位安  
排這上座 到翠峯峯問甚處來師云黃

檠來峯云黃檠有何言句指示於人師云黃  
檠無言句峯云為什麼無師云設有亦無舉  
屢峯云但舉看師云一箭過西天 到象  
田師問不凡不聖請師速道田云老僧祇与



麼師便喝云許多禿子在這裡覓什麼按  
到鳳林林間有事相借問得麼師云何得刻  
肉作瘡林云海月澄無影游魚獨自迷師云  
海月既無影游魚何得迷鳳林云觀風知浪  
起既水野帆飄師云孤輪獨照江山靜自咲  
一聲天地驚林云任將三寸輝天地一句臨  
機試道看師云路逢劍客須呈劍不是詩人  
莫獻詩鳳林便休師乃有頌大道絕同任向  
西東石火莫及電光罔通瀉山問仰山石火  
莫及電光罔通送上諸聖將什麼為人仰山  
云和尚意作麼生瀉山云但有言說都無寔  
義仰山云不然瀉山云子又作麼生仰山云

官不容針私通車馬 到金牛牛見師來  
橫按拄杖當門踞坐師以手敲拄杖三下却  
歸堂中第一位坐牛下來見乃問夫賓主相  
見各具威儀上座送何而來太無禮生師云  
老和尚道什麼牛擬開口師便打牛作倒勢  
師又打牛云今日不著便瀉山問仰山此二  
尊宿還有勝負也無仰山云勝即惣勝負即  
惣負 師臨遷化時據坐云吾滅沒不得  
滅却吾正法眼藏三聖出云爭敢滅却和尚  
正法眼藏師云已沒有人問你向他道什麼  
三聖便喝師云誰知吾正法眼藏向這瞎驢  
邊滅却言訖端然示寂

興化禪師諱存獎初謁臨濟濟令師充侍者  
 濟問新到甚處來云盩城濟云有事相借問  
 得麼云新戒不會濟云打破大唐國覓個不  
 會人難得參堂去師問遠來新到是成褱伊  
 耶濟云我誰管你成褱不成褱師云和尚只  
 會將死雀就地彈不解將一轉語蓋覆却濟  
 云你密六又作麼生師云請和尚作新到濟遠云  
 新戒不會師云却是老僧罪過濟云你語歲  
 鋒師擬議濟便打至晚濟謂師云我今日問  
 新到是將死雀就地彈就窠裡打及你出得  
 語又喝起向青雲裡打師云草賊大敗濟又  
 打師開堂日示衆云此一炷香本為三

聖師凡三聖為我大孤便合承嗣大覺大覺  
 為我太賒我於三聖處會得賓主句若不遇  
 大覺師兄泊乎誤却我平生我於大覺處吃  
 棒見得臨濟先師在黃檗處喫棒底道理此  
 一炷香供養我臨濟先師示衆云今日  
 不問如何若何便請單刀直入興化与你證  
 明時有旻德長老出作礼起便喝師亦喝德  
 又喝師又喝德作禮歸衆師云遠來若是別  
 人三十棒一棒也不較何故為他旻德長老  
 會一喝不作一喝用師入堂見首座乃  
 云我見你了也座便喝師打露柱一下便出  
 去首座隨後上方丈云遠來觸忤和尚便作

禮師就地打一棒座無語 師見同衆來  
 總上法堂師便喝僧亦喝行三兩步師又喝  
 僧亦喝須臾近前師拈棒僧又喝師云你看  
 這瞎漢猶作主在僧擬議師便打直打下法  
 堂時有僧問這僧有甚觸忤和尚處師云是  
 伊遠來也有權也有寔也有照也有用及乎  
 我將手向伊面前橫兩遭便去不得似這般  
 瞎漢不打更待何時 僧問四方八面來  
 時如何師云打中問底僧作礼師云興化今  
 日赴個村齊中路遇一陣卒風暴雨却去古  
 廟裡避得過 僧問多子塔前共談何事  
 師云一人傳虛万人傳寔 師奉三聖僧

問如何是祖師西來意三聖云臭肉來蠅師  
 云興化即不然破脊驢上乏蒼蠅 上堂  
 云我聞三聖道我逢人即出出即不為人興  
 化即不然我逢人即不出出即便為人下座  
 上堂今日不用如何若何直須單刀直入與  
 化與你證據時有闍德長老出礼拜起便喝  
 師亦喝闍德又喝師又喝闍德礼拜便歸衆  
 師云遠來若是別人三十棒一棒也較不得  
 為他闍德會一喝不作一喝用便下座  
 師入僧堂見首座坐禪師云我見你了也首  
 座便喝師打露柱一下便出去首座隨後上  
 去云莫怪遠來觸忤和尚師又打地一下

師巡堂次垂語云我有一隻聖箭遇作家即  
 分付至下間有一道者云便請師云你喚什  
 麼作聖箭道者把衲衣便拂師接住云祇者  
 箇別更有在道者擬議師便打師到雲  
 居問權借一問以為影草時如何雲居道不  
 得師三度奉話頭雲居無語師云情知和尚  
 道不得且礼三拜雲居一日上堂云我二十  
 年前與化問我當時機思遲鈍道不得為他  
 致得問頭奇特不敢辜他如今祇消一个何  
 必後有僧舉似師師云二十年祇道得箇何  
 必與化即不然不消一箇不必後三聖拈云  
 二十年道得底是雲居如今商量猶較興化

半月程師見僧來云你未恁麼來山僧  
 早行了也僧便喝師云據令而行僧又喝師  
 云作家僧又喝師便打問王程有限時  
 如何師云日馳五百同光帝駕幸河北  
 回至魏府行宮帝坐朝僧錄名負來朝後帝  
 遂問左右此間莫有德人否近臣奏曰遠來  
 僧錄名負上本皆是德人帝曰此是名利之德莫  
 有道德之人否近臣奏曰此間有興化長老  
 甚是德人帝乃召之師來朝見帝賜坐茶湯  
 畢帝遂問朕收下中原獲得一室未嘗有人  
 酬價師云如何是陛下中原之寶帝以手舒  
 幪頭脚師云君王之寶誰敢酬價聖顏大悅

賜紫衣師號師皆不受宣馬一疋與師乘騎  
馬忽驚隊師遂傷之帝聞宣藥救療師喚院  
主院主至侍立次師云與我作箇木楞子院  
主做了將來師接得遶院行問僧云汝等還  
識老僧麼僧云和尚爭得不識師云藕脚法  
師說得行不得又至法堂上令維那聲鐘上  
堂師如前垂示衆皆無對師擲下楞子端然  
而逝勅謚廣濟大師塔曰通寂

古尊宿語錄卷第六

第

密六

總

第

六

永樂北藏

古尊宿語錄

第一九七册

永樂北藏

古尊宿語錄

第一九七冊

古尊宿語錄卷第七

卷七

睦州禪師大雄下口世師黃檗

睦州陳尊宿諱道蹤得旨斷際初居筠州米山遷住睦州觀音常百餘眾後君開元寺間房織蒲鞋養母凡應接來者機辯峭絕無容

第七

屹思指臨濟參黃蘗接雲門嗣雪峰皆師力也 上堂云你諸人還得箇入頭處也未

若未得箇入頭湏得箇入頭若得箇入頭不得辜負老僧又云明明向你道尚自不會豈况蓋覆將來問如何是學人自己師云觀世音菩薩進云學人不會師云大慈悲菩薩問

永樂北藏

古尊宿語錄

如何是祖師西來意師云一隊衲僧來一隊師僧去問如何是向上一路師云你問將來我與你道進云便請道師云抖擻多年穿破衲檻襪一半逐雲飛問請師講經師云買帽相頭進云謝師慈悲師云拈頭作尾拈尾作頭還我第三段來問如何是徑截一路師云大衆久立速禮三拜進云請師道師云有頭無尾漢又云來來還我徑截一路來僧無語有座主問某甲雖講得經蕪行脚不會教意時如何師云灼然實語當懺悔進云乞師指示師云你若不問老僧緘口無言你既問老僧不可緘口去也進云便請道師云心不負

第一九七册

人面無慚色問知時者是大沙門如何是大沙門師云我向鼻孔裏問你進云作麼生問師云自領出去又云來來我共你葛藤你却問我問如何是大沙門師云觀世音菩薩會麼進云不會師云大慈悲菩薩上堂大衆雲集師云章表將來時有僧應諾師云據狀領過問佛法大意請師舉唱云我者裏不曾泥裏洗土塊你諸方作麼生道無語有大德曾講法華經來問和尚某甲雖講不會教家大意極則處師云不得錯舉問如何是向上事師指一僧云那箇師僧何不問無語有僧舉雪峯語乞師指示峰云是什麼學云乞師指

示峯云因什麼到與麼地舉了僧遂問祇如雪峰和尚意作麼生師便打師看經次僧問看什麼經師云金剛經僧云六朝翻譯次當第幾師云一切有為法如夢幻泡影問如何是教意師云我不答你進云和尚為什麼不答師云為你念來問如何是西來意師云那箇師僧何不近前來僧便近前師云我喚浙東人干浙西人什麼事時有座主問三乘十二分教某甲粗知未審宗門事乞師提綱師云問着宗門事有什麼難道恰問着老僧鼻孔你頭上漫漫脚下漫漫教家喚作什麼主云教家無這箇意旨師以拄杖趁上堂



云汝等快與快與老僧七十九也看看脫去也僧便問師百年後向什麼處去師云三十年後有人舉在問迦葉上行衣誰人合得披師云抖擻多年穿破納襪毯一半逐雲飛會麼僧云不會師云有時掛向肩頭上也勝時人著錦衣問終日著衣喫飯如何免得著衣喫飯師云著衣喫飯進云不會師云不會即著衣喫飯有座主問三乘十二分教即不問如何是宗門中事師云老僧入你鉢囊裏主云和尚為什麼在學人鉢囊裏師云有什麼檳榔荳蔻速將來主云和尚欠少箇什麼師云這賊今日敗也進云學人乍入叢林乞師

永樂北藏

古尊宿語錄

指示師云量才補職進云學人咨和尚師咄云這扶籬摸壁漢三家村裏保頭也不能作得師因赴齋迴有僧就師乞覓錢師云赴齋得三十文僧云便請師云施者雖無厭受者應知足問佛法大意請師提綱師云檢將來與你提綱進云便請和尚道師云折東密七離補西障有僧名宗闍宗闍咨和尚師云住僧便住師咄云名也不識又云有闍即判快道快道無對有俗官問一氣還轉得一歲經麼師云有什麼純絀快將來問古人有言究竟一路如何是究竟一路師云咩咩你這膀子我這裏難遇筆墨兩狀一時領過進云某三

第一九七册

甲有什麼過師便打趁問從上已來老宿作  
 家還有差別異路難會底道理麼師云有進  
 云如何是差別異路難會底道理云待你三  
 生六十劫信去始得問十方園土中唯有一  
 乘法如何是一乘法師云你若不問我即不  
 知你若問我我即知進云為什麼如此師云  
 吽吽什麼處得這箇問來僧無語問說即振  
 動軋坤不說即絲毫不掛說即是不說即是  
 師云道什麼僧再舉師云這脫空謾語漢進  
 云某甲話在師云說即振動軋坤是你恁麼  
 道僧云是師拈拂子便打云吽吽這裏嚇我  
 來問學人有問未審師還許也無師云灼然

賊來須打客來須看進云未審和尚作麼生  
 道師云這賊不能打得你問三乘十二分教  
 從何而得師云對機故得問請和尚荅一轉  
 語得麼師云得進云請便道師拽拄杖趁下  
 上堂云不受謾底人出來有僧出應喏師云  
 被我挑一塊屎擗喉嚨塞却擗眼打也爭不  
 受謾師因看金剛般若經僧問和尚看甚經  
 師云無二無二分無引無斷故會麼僧云不  
 會師云我念經也不得有俗官問和尚依教  
 不依教師云光剃頭淨洗鉢作麼生不依教  
 師因齋次有俗官問請師施食師云三德六  
 味施佛及僧吽吽快將來老僧要喫俗官云

請和尚施財師云弟子施財和尚施法先到  
老僧後到佛又俗官問弟子今日開歲經乞  
師一句提綱歲經師云此問難得官云便請  
提綱師云對牛彈琴師因看經次僧問和尚  
看什麼經師云涅槃經茶毘品寂在後問如  
何是超佛越祖之談師驀拈拄杖示眾云我  
喚作拄杖你喚作什麼無語師再將拄杖示  
之云超佛越祖之談是你問麼無語師舉黃  
蘗和尚語云天下老和尚一氣道在我者裏  
要放你也在我這裏要不放你也在我這裏  
僧便問如何是一氣道師云量才補職僧云  
如何是不放一氣道師云伏惟尚饗問如何

是禪師云猛火著油煎問不擇一切請師提  
綱佛法師云山河大地畜生驢馬進云為什  
麼不會師云你若被我把握住直須百雜碎僧  
云和尚不可一向師云不信道百雜碎問近  
入叢林乞師方便師云你近入叢林進云是  
師云心不負人面無慚色進云某甲不會師  
云近前來與你注解僧近前師云去  
上堂大眾侍立師喝出去大眾不出去師又  
再喝大眾茫然師與拄杖一時趨下去師因  
看華嚴經僧問是什麼經師云大光明雲青  
色光明雲紫色光明雲那邊是什麼雲僧云  
南邊是黑雲師云今日應有雨又云將為是

箇師子兒元來是箇老鼠兒 上堂云還  
 有踏倒禪牀底出來有僧出來應喏師云比  
 來拋鈎釣鯨鯢下場頭却釣得箇蝦蟆出來  
 問如何是禪師云還我第二段來進云不會  
 師云三段不同萬里崖州問如何是佛師云  
 裂轉鼻孔問如何是葛藤一句師云山河大  
 地是你問進云如何提綱拈撮師云到我問  
 問大衆雲臻合談何事師云作麼問華嚴海  
 即不問如何是向上一路云好來好來師舉  
 古人語次問大衆云三乘十二分教成得箇  
 什麼邊事有僧云今日大衆普請不易師云  
 不要將出來僧云打鼓喫藥石師云莫捨出

僧云和尚得恁麼切切生師云我也祇要你  
 恁麼道僧打門問已事不明乞師指示師纔  
 開門僧擬開口問師便擗口擗問如何是學  
 人入頭處師云一不得了進云某甲不會師  
 云這箇語話三十年後大行問如何是禪師  
 云摩訶般若波羅蜜進云不會師云抖擻多  
 年穿破衲檻毯一半逐雲飛睦州僧正并諸  
 大德衆請師上堂師問僧正僧正應喏師云  
 監寺亦正云不在師云都監闍黎亦正云不  
 在師云上座亦正云不在師云三段不同今  
 當第一向下文長赴在來日不詞謹退便起  
 諸大德因措師舉古人語云捏聚也在我裂

破也在我僧問如何是裂開師云菩提涅槃  
 真如解脫三九二十七還我第一籌來又云  
 即心是佛我且恁麼道你作麼生僧云某甲  
 不恁麼道師云蓋子落地楪子成七片僧云  
 如何捏聚師乃斂手而坐一日睦州刺史問  
 如何是禪宗事師云近前來近前來史近前  
 師云得恁麼脫空妄語史無語師遂問曾見  
 什麼人來史云曾見恁麼老宿來師云更作  
 麼生史云看經來師驀打牀一下云教中喚  
 遠箇作什麼史云教中不說師云教中道治  
 生產業與正理不相違背又作麼生史無對  
 師又打牀一下云大凡喚遠箇作什麼史云

喚作牀師云這喫飯粘漢睦州陳操尚書因  
 齋次尚書自行餅餽與僧僧遂引手接尚書  
 却縮手僧無語尚書與諸官在鎮樓上坐忽  
 見有數僧來官人云有幾箇衲僧來尚書云  
 不是官人云爭知不是書云待來到這裏與  
 你勘其僧遂至尚書幕喚云上座上座僧迴  
 首無語書云不信道 上堂 上堂衆集師云忽  
 然忽然有僧出來云却請大衆歸堂去師拍  
 繩牀一下云苦殺人僧遂回頭師與拄杖一  
 時趁下問如何是佛法徑截師云三人兩人  
 不問進云便請和尚道師云三人一狀領過  
 問一言道盡時如何師云咩咩築著老僧堂

門齒進云蒙和尚指示師云有頭無尾漢錢  
 塘去國三千里僧無語問一句淨盡時如何  
 師云摘却你眉毛換却你眼睫僧無語師云  
 吽吽脫空謾語漢問如何是向上一路師云  
 朝看東南暮看西北問不涉廉纖請師道師  
 云三段不同今當第一向下文長赴在來日  
 問如何是教意師云還我一問來進云未審  
 和尚作麼生道師云吽吽不敢望你分外話  
 也不領問如何是量才補職師云不要補進  
 云為什麼不要補師云蝦蟇之類別有一僧  
 出來請和尚道師云不要攪撓百姓養子方  
 知父慈會麼僧云如何是養子方知父慈師

云心不負人面無慚色問如何是禪師云歸  
 依佛法僧進云不會師云吐這蝦蟇得與麼  
 惡業問學人有疑請師一決師云獨掌不展  
 鳴進云不會師云笑絲不成束自領出去問  
 徑截處乞師指示師云早朝有人問了也進  
 云早朝有人問了且致請師道師云三門頭  
 市合金剛脚下小兒子<sup>七</sup>錢錢問如何是教意  
 師云一問不再舉問如何是一代時教師云  
 上大人丘乙巳問如何是急師云通你一問  
 進云如何是急中急師云朝向西衢耶尼暮  
 向北鬱單越俗官問弟子廣陳供養師有何  
 方便師云祇怕你不問官云便請和尚道師

云心不負人面無慚色問以八不成是何章  
句師彈指一下云會麼進云不會師云上來  
講讚無限勝因蝦蟆躡跳上天蚯蚓蒿過東  
海問如何是鷓子師云這死雀兒進云如何  
是鷓子機師云昨日有師僧趣出去你今日  
又來這裏進云過在什麼處師云勅貶朝官

問如何是機前一句師云老僧一問教你摸  
進云莫便是麼師云對牛彈琴問正當說時  
時如何師云你為什麼話墮進云什麼處是  
話墮處師云擔枷過狀萬里崖州自領出去  
問大衆雲集合談何事師云那箇師僧置將  
一問來學人舉頭師便打云老僧却不恁麼

進云未審和尚作麼問師云佛殿裏裝香三  
門頭合掌又云你不解問進云未審作麼生  
問師云速禮三拜放你三十棒又云後圍生  
菜熟水淘飯問如何是向上事師云向下文  
長又云慚愧解問進云請和尚道師云心不  
負人面無慚色問如何是教眼師云十方國

土中唯有一乘法進云此是經文師云驢年  
會麼進云如何是教眼師云量才補職問如  
何是衲僧眼師云朝看東南暮看西北  
上堂云觀自在菩薩行深般若波羅蜜多時  
信受奉行問僧我適來念什麼僧云和尚念  
經師便打云此老古錐心不負人面無慚色

問如何是諸佛師師云釘釘東東骨低骨董  
 進云乞師慈悲師云我問你第二句作麼生  
 道進云不會師云灼然灼然師坐次有僧慕  
 然問請師道師云蘇嚕蘇嚕娑婆訶問如何  
 是向上關挨子師云新羅國裏坐朝大唐國  
 裏打鼓

案七

上堂云爍電之機罕遇且向摸

窰村裏作活計僧問如何是摸窰村裏作活  
 計師云歸依佛法僧進云如何是爍電之機  
 罕遇師云灼然問三界唯心萬法唯識時如  
 何師云牙齒敲磕更置將一問來僧無語師  
 云舌頭無骨又捻拄杖一劃會麼僧云不會  
 師云鴛鴦鳥問不落玄機便請道云老僧三

十年來行脚未曾置此一問進云請師答話  
 師云這箇阿師什麼處得此一箇問頭來問  
 高揖釋迦不拜彌勒時如何師云到老僧這  
 裏覓箇什麼速禮三拜又云近前來早是教  
 七教八進云也知和尚恐某甲不實師云拄  
 杖不在掃帚柄打三十下問古人點土成金

意旨如何師云老僧不與麼道進云和尚作  
 麼生道師云金變為土問學人乍入叢林乞  
 師指示師云飽喫飯了顛言倒語作什麼進  
 云與麼即一切法不可得也師云你道我語  
 作麼生進云一切法不可得也師便打問學  
 人近入叢林乞師指示師云不得埋沒老僧



進云乞師慈悲師云一箭過西天一不成兩  
 不是有長講法華經座主末問某甲雖講經  
 不明教意乞師方便師云悟即實初三十一  
 中九下七面前背後相去多少主云某甲不  
 會乞師指示師云拾起著主再問師云摩訶  
 般若波羅蜜進云某甲不會師云入鄉隨俗  
 進云如何是教意師云妙法緊那羅王大法  
 緊那羅王主云某甲不會師云真箇是無孔  
 鐵掘近前來主便近前師以手空勞一轉却云  
 會麼主云不會師云 在這裏 上堂云  
 識賤即貴僧便問祇如長街裏還有貴也無  
 師云有進云如何長街裏貴師云陳蓋陳蓋

進云恁麼則學人買得也師云一兩二兩還  
 我三文錢來僧無語師云吽吽這脫空妄語  
 漢師問僧什麼處來僧云天台來師云見說  
 石橋作兩段是否僧云和尚什麼處得這箇  
 消息師云將為是華頂峯前客元來是平田  
 莊裏人因見新到師云老僧不曾向第二句  
 裏勸人近前來僧遠近前師云近離什麼處  
 僧云請和尚辯師云今日雲色稍高問僧什  
 麼處來僧云和尚合知師云我即知僧云且  
 道某甲從什麼處來師云猪跳圍不出問僧  
 你是行脚僧是否僧云喏師云茶著便蝦蟇  
 叫僧云某甲未曾有語在師云來來作麼生

道僧云還曾遇得住也無師便打問僧近離  
 什麼處僧喝師云老僧今日被你喝一喝僧  
 又喝師云三喝四喝後作麼生僧無語師便  
 打云這掠虛漢問僧什麼處來僧便喝師云你  
 以古人作得主僧又喝師云話破也僧云某  
 甲什麼處是話破處師便捧問僧什麼處來  
 僧云請和尚鑒師拈拄杖云你喚作箇什麼  
 僧云請和尚鑒看師便打問僧什麼處來僧  
 云知道和尚有此一問師云一破兩破三破  
 作麼生僧云和尚什麼處得許多破來師云  
 吽吽這箇阿師好與三十棒問僧夏在什麼  
 處僧叉手退後師云鉢盂裏失却是箇草鞋

根下失却一文古老錢僧云某甲不與麼師  
 云共你葛藤尚自不會來來實道夏在什麼  
 處僧云江西師云念你遠來放你三十棒問  
 僧什麼處來僧云徑山來師云何得五戒不  
 持僧云過在什麼處師云我這裏不着沙彌  
 師見新到來叅云剋尤巨耐僧問恻一邊立  
 師云什麼處得這一隊打野樵漢出去問僧  
 什麼處來其僧瞪目視師云驢前馬後漢問  
 僧甚麼處來僧云適來有人問了也師云因什  
 麼敗關僧云莫錯師云自領出去問僧什麼  
 處來僧云識得即知來處師喝云這蝦蟆保  
 老和尚作活計僧云莫錯師云放你三十棒

自領出去問僧莫是從河北來麼僧云某甲  
 近離江西師云大展坐具禮三拜著其僧禮  
 拜了便出去師云不空不空僧迴首師云來  
 來近前來皓是黑正好辯僧無語問僧幾人  
 新到僧云五人師云无解冰消僧云和尚未  
 曾有問師云賊把賊為驗問僧近離什麼處  
 僧云也知和尚有此一問師云脫空妄語漢  
 僧云什麼處是妄語師云三十棒教阿誰喫  
 問僧什麼處來僧云靈山來師云涅槃是第  
 幾座僧無語師又問迦葉什麼處去僧云不  
 知師云脫空妄語漢問僧什麼處來僧云須  
 知有不涉程途者師乃咄開口便作屎臭氣

有僧參師師乃拈起針云一時穿過鼻孔僧  
 云莫錯師云吽吽近前來你適來道什麼僧  
 云和尚莫錯師云西天斬頭截臂這裏自領  
 出去師有時見新到云何得五戒不持僧云  
 某甲未曾人事師云這沙彌問僧什麼處來  
 僧云婺州來師云還見傅大士麼僧云某甲  
 不見師云在雙林寺裏問僧什麼處來僧云  
 婺州來師云鄉中偏出此人問僧什麼處來  
 僧云適來途中早有人問了也師云這裏為  
 什麼无解冰消僧云某甲過在什麼處師云  
 擔枷過狀漢問僧什麼處來僧云那處來師  
 云老僧屈僧云和尚知便得師云擔枷過狀

寄

十一

便打問僧什麼處來僧云莫錯仲此一問師  
云嘎江西來僧云莫錯師云三十棒教阿誰  
喫問僧什麼處來僧便喝師拍手大笑僧罔  
措師便打問僧甚處來僧云深知和尚有此  
一問師云七縱八橫老僧鼻孔在什麼處僧  
云和尚鼻孔為什麼却問某甲師云吽吽放  
你三十棒問僧什麼處來僧云靈泉來師云  
吽吽放你三十棒又云你適來恁麼道吽僧  
云是師云三門頭金剛為什麼倒地僧無語  
師云將為是箇僧元來抵是蝦蟇問僧什麼  
處來僧云請和尚弁師云向你脚下弁僧無  
語師云吽吽什麼處並無主宰問僧什麼處

來僧云泊錯祇對和尚師咄云將一條繩縛  
保老師著僧云某甲有什麼過師云去問僧  
什麼處來僧云靈山來師云近日打殺一門  
僧是否僧無語師云這箇蝦蟇問僧什麼處  
來僧叉手近前師云太狼藉生僧無語師云  
這掠虛漢問僧什麼處來僧云江西來師云  
江西米貴賤僧云不曾入鄞師云念你遠來  
放你三十棒問僧什麼處來僧云江西來師  
云江西此去多少僧云不曾量度師云文彩  
已彰問僧什麼處來僧云江西來師云夏在  
什麼處僧云雲居師云有何言教僧云即今  
作麼師云這箇師僧親從高處來僧云和尚

為什麼與麼道師云本色打米餅保老師問  
 僧什麼處來僧云江西來師作打勢云踏破  
 多少草鞋僧無語師云來來你曾過梅嶺麼  
 僧云過師云今日好秋涼問僧什麼處來僧  
 云江西來師云還有不喫飯底麼僧云有師  
 云這箇是噎飯底問僧你頭上一問為什麼  
 不道僧云什麼處不道師云且喜得你出頭  
 來問僧什麼處來僧云雙林來師云途中事  
 借問得麼僧云和尚問什麼處師云你上大  
 人也未曾夢見出去 問僧看什麼經僧  
 云般若經師云鼻孔裏藏身鉢盂裏藏却匙  
 筋眼睛裏換却髑髏剛在什麼經裏僧云某

密七

十二

甲不知剛在什麼經裏師云來來祇如大規  
 若經一切智智清淨是麼僧云是師捻起拄  
 杖云見這箇麼僧云此是色法師云忽有人  
 供養看經僧你也隨隊喫飯問僧曾看經是  
 麼僧云是師云是又云不得謾我僧云和尚  
 為什麼不領話師云果然謾我問僧什麼處  
 來僧云雙林寺來師云傅大士道什麼僧云  
 他不問和尚和尚又問他作什麼師云什麼  
 處得這老婆說話來問僧什麼處來僧云雙  
 林寺來師云還見傅大士麼僧云不錯祇對  
 和尚師云吽吽牢裏作活計問僧什麼處來  
 僧云雙林寺裏來師云在彼看經麼僧云和

尚什麼處得這箇消息師云兩俱失有同學  
 師兄來相看喫茶次師兄問行脚事作麼生  
 師恰遇沙彌過茶次便與一掴啣這沙彌師  
 兄云是即是你道我作麼生師云蝦跳不出  
 斗問一僧今日施主開經麼僧云是師云好  
 生著莫教錯僧云某甲不教錯師云入地獄

密七

十三

如箭射問僧曾講經麼僧云不會師云去問  
 僧看什麼經僧云涅槃經師云茶毘品最在  
 後曾看麼僧云曾看師云大喻三千小喻八  
 百問僧什麼處來僧云齊來師云將幾錢來  
 僧云和尚欠少什麼師云蝦蟇叫問僧什麼  
 處來僧云齊來師云猴猕繫露柱問僧什麼

處來僧云齊來師云打草蛇驚問僧什麼處  
 去來僧云齊來師云施主還具眼麼僧云某  
 甲罪過師云你為什麼隨我僧無語問僧什  
 麼處來僧云齊來師云將什麼報答施主僧  
 云不用更言師云斤不當兩僧云此是和尚  
 分上事師云吽吽且放你三十棒問僧什麼

處來僧云和尚莫錯伸一問師云爭奈頭上  
 一條繩何僧云莫錯師云枷上更著担問僧  
 什麼處去來僧云齊來師云施主眼瞎師見  
 僧瞻視云你大有年幾也僧云請和尚道師  
 云四十六也未僧云莫錯師云這死蝦蟇問  
 僧今日喫得多少鹽醋僧拈起鉢盂師云可

惜許盞醋牛欄裏作活計問一上座何不覓箇住處座云盡大地覓箇住處不可得師云繩子為什麼在我手裏座云和尚恁麼道即得師云非但觸髅鼻孔也穿過問一覺上座見說在叢林裏多口把不住是闍黎麼覺云和尚什麼處得這箇消息師云一任踣跳覺云不可語不得師云叫叫轉見敗闕又云老僧若置一問教你喪身失命覺云和尚不可壓良為賤師云蘇魯蘇魯娑訶又云來來是你曾看教麼教中道謗斯經故獲罪如是作麼生是教意覺云教中不說有意師云入地獄又拈起拄杖云這箇是什麼覺云拄杖師

云這粘錢湯漢問河北僧彼中有趙州和尚你曾到麼僧云某甲近離彼中師云有何言教示後徒僧云尋常問新到什麼處來僧云南方來州云喫茶去師乃呵呵大笑云慚愧又問祇如趙州意作麼生僧云此亦是方便師云趙州被你一杓屎潑僧無語師見僧辭去問什麼處去僧云往徑山去師云忽然有人問你作麼生道得一句語塞得伊口僧云某甲有語師云去問僧什麼處去僧云禮拜徑山去師云這老漢好打破觸髅着師見一僧云恰似箇律師一般驀然悟去一箭穿過觸髅三千里僧擬作問勢師云蘇魯蘇魯娑

訶師問僧正正應喏師云講唯識論麼正云不敢小年曾讀文字來師拈起糖餅擘破作两片你作麼生正無語師問僧正喚作糖餅是不喚作糖餅是云不可不喚作糖餅師却喚沙彌來來你喚作什麼沙彌云糖餅師云你也講得唯識論問座主講什麼經主云法華經師云與老僧講來主云某甲依章疏師云你不會講主云某甲實不會講却請和尚講師云你不是聽經人主云昨日蒙和尚慈悲為某甲今日講師云三段不同今當第一主云此是古人章疏師云你見箇什麼道理主無語師云這契夜飯漢不能打得你去有

座主善解二十四家書師問你解二十四家書是否主云不敢師遂於空中作書勢云是什麼字主云不會師云吽吽這箇阿師脫空妄語道我解二十四家書永字八法也不識主無語師云來來曾講華嚴經否主云不敢師云不怪伸一問得麼主云和尚問什麼師咄云講得梳裏又云你問我主云請和尚講師云心不負人主云不會師云對牛彈琴問座主講什麼經主云涅槃經師云開口便作屎臭氣主云爭奈古教何師云奴見婢慙慙不肯休主無語師云近前來主便近前師云祇這也無主辱便打一日有座主來師問見

家七

十五



說座主講得經是否主云不敢師云吽吽這  
 喫夜飯保老師云來來講得什麼經論主云  
 唯識法華經師云拈起鼻孔將兩耳來主云  
 鼻孔作麼生拈得師云這念言語漢又云法  
 華經云十方國中唯有一乘法是否主云  
 是師云佛殿裏即不問你三門頭鷓鴣上道  
 將一句來主云此是玄機師云玄你屋裏老  
 爺脫空妄語漢有講論座主來叅師師云你  
 為什麼義墮主云和尚未曾問某甲師云西  
 天則斬頭截臂我這裏與你口喫飯有一座  
 主講得七本經論來叅師師云你是講得七  
 本經論是否主云不敢師拈起拄杖驀頭打

一下主云某不因和尚泊廬過一生師云道  
 什麼主擬開口師便打主云謝和尚重重相  
 為師云依稀近佛莽鹵為僧有一座主講得  
 六本經論來叅師師云見經中有問論中有  
 主主云某甲依章疏講不會玄機師云你講  
 得梳裏主云某甲也未曾分外師云出去有  
 座主來叅師師問莫便是講唯識論是麼主  
 云不敢師云朝夫西天暮歸唐土會麼主云  
 不會師云吽吽五戒不持問座主講什麼經  
 主云講華嚴經師云更有箇漢子即不問你  
 丈殊普賢又作麼生主云不會師云近前來  
 主便近前師便打一棒云會麼主云不會師

云飢逢王膳不能食病遇醫王爭得瘥與你  
 註解了問僧講什麼經主云金剛經師云曾  
 講辨正論麼主云不敢師云五戒不持又問  
 講金剛經是否主云是師捻拄杖云是什麼  
 主云此是色法師云講得椀裏又云經中道  
 凡所有相皆是虛妄若見諸相非相即見如  
 來密七是否主云是師云這脫空妄語漢噎夜飯  
 保老師問座主蘊何業主云唯識論師云教  
 中言作麼生主云某甲祇是尋行數墨却是  
 禪門中不知師云實語當懺悔問講金剛經  
 座主荷擔如來即不問你寺門前金剛為什  
 麼入你鼻孔裏去主云和尚什麼語話師云

你講得夢裏問講楞嚴經座主經中有八選  
 四義是否主云是師以拄杖點一童子頂上  
 一下云是什麼義主無語師云此義文長卦  
 在來日問如何是自己事師云老僧不解相  
 怪速禮三拜又云觀世音菩薩進云不會師  
 云大慈悲菩薩西峰長老來置茶果次師問  
 今夏在甚麼處安居峯云蘭溪師云多少衆  
 云七十餘人師云時中將何示徒峰拈起柑  
 子師云著甚死急師問僧近離甚處云瀏陽  
 師云彼中老宿祇對佛法大意道甚麼云徧  
 地無行路師云老宿實有此語那云實有歸  
 拈拄杖打云這念言語漢師見僧行胡餅乃

問行甚麼云胡餅師云這俗漢雲門來敲門  
 師云阿誰門云文偃師開門攔臂扭住云道  
 道門擬議師便推出云秦時較鞦韆師問秀  
 才先輩治甚經才曰治易師曰易中道百姓  
 日用而不知且道不知箇甚麼才曰不知其  
 道師曰作麼生是道才無對僧問一氣還轉  
 得一大藏教也無師曰有甚錍鑊鎚子快下  
 將來問如何是禪師曰猛火著油煎師看華  
 嚴經次僧問看甚麼經師曰大光明雲青色  
 光明雲紫色光明雲却指面前曰那邊是甚  
 麼雲曰南邊是黑雲師臨終召門人曰此處  
 緣息吾當逝矣乃跏趺而寂郡人以香薪焚

十七末

之舍利如雨乃收靈骨塑像于寺壽九十八  
臘七十六

古尊宿語錄卷第七

密七

漆

漆

漆

漆

永樂北藏

古尊宿語錄

第一九七冊

古尊宿語錄卷第八

密八

寶應南院禪師大鑑下六世嗣其化

風穴禪師大鑑下七世嗣南院

寶應南院禪師諱慧顯河北人也

上堂云赤肉團上辟立千仞有僧問赤肉團

密八

上辟立千仞豈不是和尚語師云是僧便掀  
倒禪林師云你看這瞎漢亂做僧擬議師便  
打趂出院問大用逢人時如何師云鷄鶩舞  
道引入千峯問十方通暢時如何師云八極  
連門禍問龍躍江湖時如何師云瞥嗔瞥喜  
問傾湫倒岳時如何師云老鷄無背問從上

永樂北藏

古尊宿語錄

第一九七册

古人見不盡處師還見也無師云握髮吐食  
人不顧滿朝盡道好周公僧向口上打師云  
道者大煞瞎僧云有恁麼瞎老漢恁麼道師  
便打問從上諸聖向什麼處去也師云不上  
天堂即入地獄僧云和尚作麼生師云你還  
知寶應老落處也無僧擬議師便打一拂云  
你還知契拂子底麼僧云不會師云正令却  
是你行又打一拂子問如何是第一句師云  
你試道看僧便喝師拍手云大衆好喝僧又  
喝師便打問回旋空中時如何師云四面連  
架打問龍獸相交時如何師云狗脊坡頭問  
丹霄獨步時如何師云日馳五百問金榜題

名請師印可師云日下拽脚問大震虹霓諸  
 師引驗師云日下三刻問黃巢過後何處回  
 避師云六纛旗下問忽遇捉着時如何師云  
 賊首頭犯問寶劍未出匣時如何師云泥鼓  
 跌宕僧云出匣後如何師云天魔唱快問楊  
 朱泣岐時如何師云白狗臨刑莫怨天問人  
 逢碧眼時如何師云鬼爭漆桶問獨步青霄  
 時如何師云四眾圍遶僧云四眾圍遶時如  
 何師云梵音絕處行問寂寂無聲時如何師  
 云打了拖声勢問鳳栖不到處時如何師云  
 忽聞庭前撲煞老鷓鴣問如何是歸宗理事  
 絕師云納孺處錯問如何是日輪正當午師

云理事甚分明便打問如何是獨步四山頂  
 師云深深海底行問如何是自在如師子師  
 云金鉞勒咽索白棒擁將行問久在貧中如  
 何得濟師云滿掬摩尼親自捧學云教人眼  
 瞎師云眼裏無筋一世貧學云挑筋了瞎師  
 便打問奔流度刃疾焰過風時如何師云住  
 學云住即瞎師打禪林僧便喝師拈棒僧云  
 老和尚莫掣孫奪棒打老和尚去在師云今  
 日被這瞎漢鈍置煞我僧云陣敗不禁召蒂  
 掃問疋馬單鏘來時如何師云且待我斫棒  
 問如何是佛法大意師云無量大病源僧云  
 請師醫師云世醫拱手問師唱誰家曲宗風嗣

阿誰師云掌塔戴鵬冠口中更河海問如何  
 是無相涅槃師云前三點後三點僧云無相  
 涅槃請師證照師云三點前三點後問万里  
 無雲時如何師云飢虎投崖問古殿重興時  
 如何師云明堂瓦挿簷僧云與麼則莊嚴畢  
 備也師云斬草蛇頭落問二王相見時如何

師云十字街頭吹尺八問如何是無相道場  
 師云斫破鬼神村 上堂云是你諸人盡  
 曾向諸方去來不是不知不見還知老僧這  
 裏有諦麼僧便問請和尚諦師云推筭决疑  
 問如何是蒼筤林師云鬼厭箭問如何是不  
 動尊師云邂逅到崖州問擬驀要津時如何

師云灰糞堆問百了千當時如何師云未是  
 好手問大義爭權時如何支擬師云光滌交  
 社僧云將何奉獻師云切以生蕩祭惟馱糞  
 問如何是乾坤主師云周人遺刀心劍九竅  
 問麟閣圖形請師憐念師云纓拂面塵問如  
 何是解脫漿師云苞苴滲血盞物不多問如

何是金剛不壞身師云老僧在你脚底僧便  
 喝師云未在不是僧又喝師便打問南宗北  
 祖如何顯示師云大庾嶺頭雲太行山下賊  
 僧云如何明會師云幽燕經劫殺吳越咲呵  
 呵僧云畢竟如何師云莫言無法說最苦是  
 新羅問薄地天龍如何弁識師云有什麼難

弁僧云便請弁師云瘦眼生盲莖毛髮索僧  
 云如何醫治師云氣針抉舌上雷電震雲間  
 僧云忽遇葉公時如何師云見假不知驚著  
 否至今猶是眼翻天問日出扶桑時如何師  
 云閻浮樹下過問凡聖同居時如何師云兩  
 个猫兒一个獐問旃檀栴密時如何師云獨  
 柳樹下坐問近不得時如何師云冤家難解  
 脫問萬仞龍門今朝透過時如何師云全存  
 霹靂声僧云恁麼則全承布雨去也師云泥  
 人眼赤問如何是道師云鷹過長空無一物  
 問獨遊滄海時如何師云雷震青空畜生燒  
 尾問運足不知路時如何師云鳥道盲人遇

問中間不會時如何師云靜處蹀了打問投  
 摸不遇時如何師云是下全身去問金鑊斷  
 時如何師云失僧云金鑊既斷為什麼却失  
 師云崖州路上問行人問然燈前即不問然  
 燈後二不問如何是正燃燈師云滅僧從東  
 過西邊立師云野狐精問不施寸刃便登九  
 五時如何師云單杖控天街太白過後望問  
 如何是無縫塔師云八花九裂問如何是塔  
 中人師云頭不梳面不洗問萬里無雲時如  
 何師云寸步不可過問剪鐵鑊猶恨鈍齧  
 鏃當鋒事如何師云剪即死僧便喝師拍膝  
 一下僧又喝師拈棒僧云老和尚莫盲枷瞎



棒奪却棒來打老和尚去莫言不道師云今日無端黃面浙子鈍置一場僧云老和尚莫掣揉好問如何是佛師云如何不是佛問借宗風護三乘如何是道師云更夢見什麼上堂云過去祖佛盡皆恁麼道時有僧問道个什麼師云大我問上上報器人來師還接也無師云接僧云便請和尚接師云且喜共你平交問如何是佛師云我不曾知僧禮拜師便打 上堂云有解問話者出來時有僧出禮拜師云是者老漢罪過便下座問如何是和尚家風師云秋收冬藏問如何是實應正主師云杓大椀小問如何是實應水師

云了云飲者如何師云了問牛頭未見四祖時如何師云今日不答話問擬伸一問師意如何師云是何公案僧應喏師云放你三十棒問如何是祖師西來意師云五男二女問如何是實應劍師云天下老和尚答話了也將此語別處問去僧云用者如何師便打問祖意教意是同是別師云黃尚書李僕射僧云不會師云牛頭南馬頭北問萬代留名時如何師云光漆郊社問如何是佛法大意師便喝僧云老和尚莫探頭好師又喝僧便禮拜師云放過即不可便打問如何是佛法大意師便喝僧便禮拜師云今夜兩個俱是作家

禪客與寶應老稱提臨際正法眼藏若要一  
 喝下弁賓主問取二禪客問學人有一問在  
 和尚處時如何師云你問道什麼僧便喝師  
 便休至明日上堂眾集師云昨日問話師僧  
 在什麼處僧才出師拈棒便打問如何是佛  
 師云待有即向你道僧云与麼則和尚無佛  
 也師云正當好處僧云如何是好處云今日  
 是三十日 上堂云諸方盡是把蛇頭求  
 歇終不敢向第二頭答賓家話若是本色衲  
 僧便莫共語作麼生是本色衲僧良久云有  
 翰有贏有防禦使問長老還具見聞覺知也  
 無師与一踏踏倒勘辯問園頭瓠子開花也

未僧云開花案已久師云還着子也無僧云昨  
 日遭霜了也師云大眾突个什麼僧擬議師  
 便打問風穴南方一棒作麼商量穴云作奇  
 特商量穴却問和尚此間一棒作麼商量師  
 拈拄杖云棒下無生忍臨機不見師問僧近離  
 什麼處僧云龍興師云發足莫離葉縣否僧  
 喝師云好好問你又惡發作什麼云喚作惡發  
 即不得師便喝云你既惡發我也惡發近前  
 來僧近前師云我也沒量大罪過暗漢叅堂  
 去師有時把住一僧云作麼作麼僧無對師  
 云三十年来弄馬騎有時把住一僧云會麼  
 僧云不會師云牛頭南馬頭北問僧夏在什

麼處僧云五臺師云文殊還說着老僧也無  
 僧云不說着師云今日遇作家有時見僧來  
 參便把住參頭云是什麼僧無語師云三十  
 年弄馬騎今日被駟撲又自云大衆莫道間  
 麼語問師離甚處云襄州師云什麼物恁麼  
 來云和尚試道看師云適來禮拜底僧云錯  
 師云錯個什麼僧云再犯不容師云三十年  
 弄馬騎今日被駟子撲瞎漢參堂去問大德  
 講什麼經僧云維摩經師拍云會麼僧云不  
 會師云侍者點茶來問僧夏在什麼處云湖  
 南師云喚維那來上板頭安排着問僧名什  
 麼云普參師云忽遇屎撮作麼生僧不審師

便打

風穴禪師諱延沼餘杭劉氏子也 上堂舉  
 寒山詩曰梵志死去來魂識見問老讀盡百  
 王書未免受捶拷一稱南無佛皆以成佛道  
 問滿目荒郊翠瑞草却滋榮時如何師曰新  
 出紅爐金彈子六蓮破閣黎鐵面皮問如何是  
 互換之機師曰和盲熱想瞎問真性不隨緣  
 如何得證悟師曰猪肉案上滴乳香問如何  
 是清淨法身師曰金沙灘頭馬郎婦問一色  
 難分請師顯示師曰滿爐添炭猶嫌冷路上  
 行人祇守寒問如何是學人立身處師曰井  
 底泥牛吼林間玉兔驚問如何是道師曰五

鳳樓前曰如何是道中人師曰問取皇城使  
問不傷物義請師便道師曰劈腹開心猶未  
性燥問未定渾濁如何得照師曰下坡不走  
快便難逢問如何是衲僧行履處師曰頭上  
突棒口裏喃喃問靈山話月曹谿指月去此  
二途請師直指師曰無言不當瘞曰請師定  
當師曰先度汨羅江問任性浮沈時如何師  
曰牽牛不入欄問凝然便會時如何師曰截  
耳卧街問狼煙永息時如何師曰兩脚捎空  
問祖令當行時如何師曰點問不施寸刃便  
登九五時如何師曰鞭屍屈項 上堂舉  
古云我有一隻箭曾經久磨煉射時徧十方

浴處無人見師云山僧即不然我有一隻箭  
未嘗經磨煉射不遍十方要且無人見僧便  
問如何是和尚箭師作響弓勢僧禮拜師曰  
拖出這死漢問牛頭未見四祖時如何師曰  
披席把盃曰見後如何師曰披席把盃問未  
達其源時如何師曰鶴冷移巢易龍寒出洞  
難問不露鋒銚句如何辯主賓師曰口銜羊  
角鰓膠粘問將身御險時如何師曰布露長  
書寫罪原問學人辭問請訛句請師舉起訝  
人機師曰心裏分明眼睛黑問生死到來時  
如何師曰青布裁衫招大吹曰如何得不哭  
去師曰自宜躡避寂無聲問如何是真道人

師曰竹竿頭上禮西方問魚隱深潭時如何  
師曰湯盪火燒問如何是諸佛行履處師曰  
青松綠竹下問如何是大善知識師曰殺人  
不眨眼曰既是大善知識為甚麼殺人不眨眼  
眼師曰塵埃影裏不拂袖畫戟門前磨寸金  
問一即六六即一一六俱亡時如何師曰一  
箭落雙鷗曰意旨如何師曰身亡跡謝問摘  
葉尋枝即不問直截根源事若何師曰赴供  
凌晨去開塘帶雨歸問問盡是捏怪請師  
直指根源師曰罕逢穿耳客多遇刻舟人問  
正當恁麼時如何師曰盲龜值木雖優穩枯  
木生花物外春 上堂大衆集定師曰不

永樂北藏

古尊宿語錄

是無言各復英鑒問大衆雲集師意如何師  
曰景謝祁寒骨肉踈冷 師在南院作園  
頭一日南院到園問云南方一棒作麼生商  
量師曰作奇特商量良久師却問和尚此間  
作麼生商量南院拈棒云棒下無生忍臨機  
不讓師師於是豁然大悟南院云汝乘願力  
來荷大法非偶然也汝聞臨濟將終時語不  
曰聞之南院云臨濟道誰知吾正法眼藏向  
這瞎驢邊滅却渠平生如師子逢人即殺及  
其將死何故屈膝委尾如此對曰密付將終  
全主即滅又問三聖如何亦無語乎對曰親  
承入室之真子不同門外之遊人南院領之

第一九七册

又問汝道四種料簡語料簡何法對曰九語不滯九情即墮聖解學者大病先聖哀之為施方便如楔出楔云如何是奪人不奪境曰新出紅爐金彈子蓬破開梨鐵面門又問如何是奪境不奪人曰葛草乍分頭腦裂亂雲初綻影猶存又問如何是人境俱奪曰躡足

實

進前須急急促鞭當鞅莫遲遲又問如何是人境俱不奪曰常憶江南三月裏鷓鴣啼處百花香又問臨濟有三句當日有問如何是第一句臨濟云三要印開朱點窄未容擬議主賓分師隨聲便喝又問如何是第二句臨濟云妙解豈容無著問漚和爭赴截流機師

曰未問已前錯又問如何是第三句臨濟云但看棚頭弄傀儡抽牽全藉裏頭人師曰明破即不堪於是南院以為可以支臨濟不辜負興化先師所以付託之意師依止六年而南院歿後唐長興二年雲遊至汝水見草屋數椽依山如逃亡人家問田父此何所田父云古風亢寺世以律居僧物故又歲飢衆棄之而去餘佛像鼓鐘耳師曰我居之可乎田父云可師乃入留止畫乞村落夜燃松脂單丁者七年擅信為新之成叢林晉天福二年州牧聞其風盡禮致之上元日開法嗣南院漢乾祐二年牧移守郢州師又避寇往依之

牧館于郡齋陞座曰祖師心印狀似鐵牛之  
 機去即印住住即印破只如不去不住印即  
 是不印即是時有蘆陂長老出問某甲有鐵  
 牛之機請師不搭印師曰慣釣鯨鯢澄巨浸  
 却嗟蛙步驟泥沙蘆陂佇思師喝曰長老何  
 不進語蘆陂擬議師打一拂子曰還記得話

密八

九

頭麼試舉看蘆陂擬開口師又打一拂子牧  
 主云信知佛法与王法一般師問曰太守見  
 何道理牧主云當斷不斷反受其乱師便下  
 座寇平汝州有宋太師者施弟為寶坊  
 踊新寺迎師居焉法席冠天下學者自遠而  
 至周廣順元年賜寺名廣惠師九住二

十有二年以皇宋開寶六年癸酉八月旦日  
 登座說偈曰道在乘時湏濟物遠方來慕自  
 騰騰他年有叟情相似日日香烟夜夜燈至  
 十五日跏趺而化前一日手書別檀越閱世  
 七十有八坐五十有九夏得法上首汝州首  
 山念禪師

重刊古尊宿語序

過去如是如是見在如是如是未來如是如  
 是幸自可憐生無端黃面老漢拈花瞬目金  
 色頭陀忍俊脫頤不覺漏泄一人傳虛萬人  
 傳實何時而已哉人根有利鈍故機語有開  
 歛鍼砭藥餌膏盲頽起縱橫展拓太虛不痕

雖古人用過時無古今死路活行死恭活著  
觀照激發如龍得水故曰言語載道之器雖  
佛祖不得而盡也七佛偈及西天此土三十  
三傳枝出派列莫知其幾授受證據泊夫抑  
揚示誨見于傳燈而多有載不盡者往往散  
落異時有噴戲主者旁蒐廣採僅得南泉而  
下二十二家示衆機語厥後又得雲門真淨  
佛眼佛照等數家總曰古尊宿語非止乎此  
也據其所搜採而言爾夫古人得親故用親  
行到故說到其所說者如國家兵器不得已  
而用之從上為人只貴眼正是豈末流刻楮  
畫花雕蚶鏤蛤瞎學者眼所可同日語覺心

居士出善女倫秉烈丈夫志操不為富貴所  
障世相所縻著淨名衣坐空生室安住正受  
動靜提撕是執使之然哉謂曠所編古尊宿  
語刊于閩中而板亦漫矣兩浙叢林得之惟  
艱勇捐已資鏗梓流通命憚衲精校重惜不  
鄙索序噫亦異矣昔月上女抗舍利弗發明  
大涅槃菴提遮對曼殊室利不生不死死  
義達磨末震旦以後其間善女等倫橫機諸  
大老發明向上者多矣近世秦國計氏與夫  
空室道人皆以鍾鼎家世而為般若眷屬今  
覺心則發揮古宿機語以遺佛種無二無二  
分無別無斷故覺心魏氏紹興丞相文節公



孫余文昌之室先瑩住林庵虛席命慈林解  
無言者攝解催請主庵人覺心著語云菴主  
只在菴中為甚麼不見道有又無道無却有  
又不近又不遠舉頭鷄子過新羅參得著喫  
盃麪餘偈語多有皆不計較而得則日用中  
無非禪悅法喜之樂矣併見于此昔

聖宋咸淳丁卯春清明日江浙寺處明州府  
阿育王山廣利禪寺住持沙門物初大觀序  
唐宋諸碩師傳佛心宗道大德備室中垂示  
勘辨學者徵拈代別皆有機語流布寰中久  
矣惟傳燈一書嘗賜入藏諸師之語傳燈不  
能備載者有曠公藏主別集南泉趙州黃蘗

臨濟雲門真淨佛眼東山二十餘家總若干  
卷題之曰古尊宿語實有補於宗門

十一末

古尊宿語錄卷第八

永樂北藏

古尊宿語錄

第一九七冊

古尊宿語錄卷第九

密九

首山禪師大鑑下八世風穴法嗣

首山禪師諱省念萊州狄氏子僧問師唱誰家  
曲宗風嗣阿誰師云少室岩前親掌示僧云  
更請洪音和一声師云如今也要大家知問

密九

如何是和尚家風師云一言截斷千江口萬  
仞峯前始得玄問如何是首山境界師云一任  
衆人看僧云如何是境中人師云喫棒得也  
未僧禮拜師云喫棒且待別時問如何是佛  
法大意師云楚王城畔汝水東流僧云如何  
是學人親切處師云五九盡日又逢春僧云

永樂北藏

古尊宿語錄

畢竟事如何師云冬到寒食一百五問司徒  
郎中臨座側祖胤西來願舉揚師云王臣三  
請今朝赴萬民樂業普皆安僧云與麼則慈  
雲普潤處處皆通也師云野老謳歌時人皆  
唱後云諸上座佛法無多子只是你諸人自  
信不及若也自信得去千聖出頭來你面前  
亦無下口處何故只為你自信得及不向外  
馳求所以奈何不得直饒釋迦老子到這裏  
也與三十棒然則如此初心後學憑个什麼  
道理且問你諸人還得恁麼也未良久云若  
得恁麼直須恁麼無事珍重 上堂僧問  
如何是首山師云東山高西山低僧云如何

第一九七册

是山中人師云恰遇捧不在僧禮拜師便打問如何是道師云爐中有火無心撥處無蹤任意遊僧云如何是道中人師云坐看煙霞秀不與白雲齊問學人身心聚散時如何師云不聞天樂響僧云如何收攝師云莫逐四時移問菩薩未成佛時如何師云衆生僧云成佛後如何師云衆生衆生問覺花未發時如何辨真實師云冬不寒臘後看僧云莫便是也無師云錯問六國未寧時如何師云什麼處去來僧云寧後如何師云大地火起問寶劍未出匣時如何師云怨阿誰僧云出匣後如何師云不斬無罪之人僧禮拜師云

斬問寶劍未出匣時如何師云你不惜猶可僧云出後如何師云伏惟尚享僧云忽遇師子吼時如何師云一任野干鳴僧便喝師云果然僧又喝師云放你三十棒僧禮拜師云這瞎漢復云諸上座不得盲喝亂喝者裏尋常向你道賓則始終賓主則始終主賓無二密九賓主無二主若有二賓二主即是两个瞎漢二所以我若立時你須坐我若坐時你須立坐則共你坐立則共你立雖然如是到這裏急看眼始得若是眼孔定動即千里萬里何故如此如隔窓看馬騎相似擬議即沒交涉諸上座既然於此留心直須子細不要掠虛好

他日異時賺着你在諸人若也有事近前無  
事珍重 上堂僧問蓮花未出水時如何  
師云漏天漏地問出水後如何師云特地一  
場愁問候父殺母佛前懺悔殺佛殺祖向什  
麼處懺悔師云水深一丈問離凡離聖請師  
一句師云不可錯怪老僧也僧云謝師指示  
師便打問魚鼓未鳴時如何師云望天不見  
天僧云鳴後如何師云覩地不見地問和尚  
是大善知識為甚麼却首山師云不坐孤峯  
頂常伴白雲閑 問作何行業報得四恩  
三有師云殺人放火僧云與麼則大作業底  
人也師云苦痛深僧云如何是世尊不說說

師云任從滄海變終不為君通僧云如何是  
迦葉不聞聞師云贖人徒側耳問伏鏤錫劍  
來取師頭時如何師噓一声僧云苦痛深師  
便打問得舡便渡時如何師云猶是鈍漢問  
權借一問以為影草時如何師云放你三十  
棒問人在貧中請師賑接師云不接僧云為  
什麼不接師云喫棒得也未隨聲便打問龍  
宮海藏當有何物請師一別師云不掛三寸  
舌僧云為什麼不掛三寸舌師云誰知句後  
親問不落僧祇如何修證師云近前來與你  
道僧近前師便打問丹霞掩耳黃蘗拄杖意  
旨如何師云坐參都不問暢殺子平生僧云

稀逢難遇請師指示師云莫枕鳴問諸佛未見時如何師云拈匙不把筋僧云見後如何師云喫飯忘却匙問佛未出世時如何師云不可錯怪老僧也僧云出後如何師云舉似天下人問如何是超毘盧之句稱釋迦之談師云妙語無多子親言舉似誰僧云湛然時如何師云未明心地諦難過首山閑僧擬進語師便打問大悲千手眼那个是正眼師云即便歡瞻僧云歡瞻後如何師云撈天摸地問如何是和尚說法底口師云掛在壁上僧云忽有人來問時如何師云待我取回來即向你道問學人此處不薦擬向南方時如何

師云速僧云却不恁麼去時如何師云後會難逢僧云如何是和尚家風師云無絲傀儡有人牽僧云牽後如何師云妙有無言不較多僧云如何是妙有無言不較多師云有言須得句僧云如何是無絲傀儡有人牽師云當明提祖道方得後人接問學人求出世間時如何師云借水獻花先供養莫教落後索香錢僧云死生事大乞師一薦師云透漏遺蹤無走路僧云恁麼則被他捉着也師云今日到長安問如來演說三乘教未審是什麼教師云千言無一中僧云為什麼千言無一中師云不是上鉤人問一切法皆空如何悟

得真空理師云南地先抽笋塞北着皮裘僧云莫落是非也無師云自家看取問青青翠竹還有佛性也無師云南天北地僧云恁麼則推窮佛理也師云北地南天問鐘鼓未鳴時如何師云問前不鳴問後打僧擬議師便問如何是迦葉門前一盞燈師云孤峯朗

宛九

四

月連天照性似寒泉徹底清僧云勞而無功時如何師云日輪當午無私照自是時人見有移問寶劍未出匣時如何師云大洋海底澄心鏡僧云出匣後如何師云天外吐沙獨攝梢師乃云第一句薦得堪與祖佛為師第二句薦得堪與人天為師第三句薦得自救

不了時有僧問如何是第一句師云大用不揚眉棒下須見血僧云慈悲何在師云送出三門外問如何是第二句師云不打恁麼驢漢僧云將接何人師云如斯爭奈何問如何是第三句師云解問無人答僧云即今祇對者是誰師云莫使外人知僧云和尚是第幾句薦得師云月落三更穿市過問維摩一默文殊讚善未審此意如何師云當時聽衆必不如是僧云既不如是維摩默然又且如何師云知息者少負恩者多乃云若論此事實不掛一个元字脚便下座師住廣教上堂僧問如何是真如體師云編

乳坤僧云如何是真如用師云動天地問如何  
 何是大海師云出頭天外看僧云恁麼則包  
 含不盡也師云不見本來身問如何是學人  
 自己師云是你自己問黑豈未生芽時如何  
 師云萬里崖州君自去臨行惆悵怨他誰僧  
 云有何罪過師云昨夜貶文殊僧云未審什  
 麼時回師云專候天恩僧云天恩到時如何  
 師云齊賀太平年問牛頭未見四祖時如何  
 師云不啣喙僧云見後如何師云不啣喙問  
 久負沒絃琴請師彈一曲師云正值嚴凝久  
 披蓑帶雨歸問觀身無相觀法亦然時如何  
 師云晴天開水路僧云恁麼則掃地而盡去

也師云孤月照高岑問萬機喪盡時如何師  
 云死水不藏龍僧云轉動後如何師云碧眼  
 胡僧笑點頭問如何是正修行路師云貧兒  
 不雜食僧云撒手歸家去也師云香臭不曾  
 聞僧云三春無二月十五正團圓師云不是  
 聞黎用心處僧云如何是學人用心處問十  
 二時中作何行業即免生死師云你喚什麼作  
 生死僧云喚麼則無生死可免師云大衆盡  
 皺眉問如何是超佛越祖之談師云塞北風  
 霜緊江南雪不寒問承古有言自從一見桃  
 花後直至而今更不疑意旨如何師云三尺  
 杖子兩人昇僧云還許學人昇也無師云放



下着 師問僧恁麼來者是甚麼人云問  
者是誰師云老僧僧便喝師云向你道是老  
僧又惡發作麼僧又喝師云恰遇棒不在手  
僧云草賊大敗師云今日又似得便宜又似  
落便宜問如何是道師云脚下深三尺問蓮  
花未出水時如何師云水深一丈進云出水  
後如何師云從地高三尺其時有化主問學  
人與麼去時將何稟受師云义手奉賓德舉  
似莫沉吟僧云恁麼還當也無師云物逐人  
與僧云今日點茶當為何人師云去此無消  
息無心永莫回問如何是真如體師云敲磚  
打瓦僧云此意如何師云切忌踏着僧云有

一人不會唐言梵語來時師還接也無師云  
舉意便知有何勞側耳聽問學人不識文墨  
拾得个字來未審喚作什麼字師云久為雲  
水客休作問禪賓問如何是現前三昧師云  
三更不閉戶僧云還許學人商量也無師云  
切忌五更初問若能轉物即同如來三門佛  
殿請師轉師云長安道上無私曲縱遇知音  
到者稀問學人親到寶山空手回時如何師  
云家家門前火把子問靈丹一粒點鐵成金  
至理一言轉凡成聖如何是至理一言師云  
更舉一徧僧云與麼則退身三步師云笑破  
大衆口問如何是學人自己師云放參三下

鼓契粥五更鍾問久輔不逢時如何師云閣  
 黎有問老僧有答僧云如何得逢師云閣黎  
 不問老僧不答問維摩方丈不以日月為明  
 未審和尚方丈以何為明師云穿破天下人  
 翻體問久負無弦琴請師彈一曲師云無言  
 顯大道僧云還許學人和也無師云更莫遲  
 疑問十方薄伽梵一路涅槃門如何是一路  
 涅槃門師云龍蟠鳳舞子時前日出崑崙照  
 大千問塵塵見佛刹刹聞經如何是塵塵見  
 佛師云好个燈籠僧云學人不曾意旨如何  
 師云還我話頭來問無邊身菩薩為什麼不  
 見如來頂相師良久云即今還見也無僧疑

議師便打問如何是學人本來身師云牽牛  
 不入市僧云如何是有相身中無相身師云  
 泊合錯對闍黎問萬仞峯前如何卓立師云  
 眾僧云意旨如何師云苦問巧說不得只要  
 心傳如何是心傳底法師云有疑須假問僧  
 云恁麼則巧說不得也師云無言正好聽問  
 如何是佛法的大意師云不將小意對闍  
 黎僧云如何領會師云逢人莫錯舉問德山  
 棒臨濟喝未審明得什麼邊事師云你試道  
 看僧便喝師云瞎僧又喝師云這瞎漢只管  
 亂喝作什麼僧欲禮拜師擬拈棒僧約住云  
 莫亂打人好師擲下拄杖云明眼人難瞞僧

卷九

七

云草賊大敗問如何是生滅法師云新羅喫  
冷淘問久處沉迷請師一接師云老僧無恁  
麼閑工夫僧云和尚豈無方便師云要行即  
行要坐即坐僧云臨機一句截斷衆流請師  
垂示師云棒下迸流星僧云恁麼則萬象顯  
然師云遣人拽出問世尊說法如雷吼未審  
誰是不聞者師云無人敢定當僧云爲什麼  
無人敢定當師云果然不聞問亡僧遷化向  
什麼處去師云散闕正望三泉路厚朴花開  
始覺春問古人道東山西嶺青意旨如何師  
云一回舉着一回新僧云謝師指示師云勿  
不浪施問如何是佛師云苦問如何是然燈

永樂北藏

古尊宿語錄

前師云諸佛在我前僧云如何是然燈後云  
諸佛在我後僧云如何是正然燈師云青山  
無異路問有問有答盡在魔界無問無答事  
如何師云庭前罷舞休思曲僧云大衆證明  
也師云野老謳詞正好音問如何是和尚截  
人之機師云三門前點燈僧云未審意旨如  
何師云佛殿後燒香問如何是佛師云新婦  
騎驢阿家牽僧云未審此語什麼句中收師  
云三玄收不得四句豈能該僧云此意如何  
師云天長地久日月齊明問如何是佛師良  
久云會麼僧云不會師云何不高聲問僧再  
問師云瞎漢顛言倒語作什麼問如何是寐

第一九七册

疾惺惺底人師云莫向白雲深處坐切忌寒  
灰煨殺人師復舉興化示衆云今日放諸人  
一線道不用如何若何便請單刀直入興化  
爲你證明有旻德長老出衆禮拜起來便唱  
興化亦唱旻德只唱興化又唱德禮拜興化  
却云適來若是別人三十棒一棒也不較何  
故爲他旻德會一喝不作一喝用師云看他  
興化與麼作用爲什麼放得伊過諸上座且  
道什麼處是一喝不作一喝用是前一喝是  
後一喝那一个是賓那一个是主雖然如此也須  
子細始得良久云二俱有過二俱無過珍重  
師住寶應入院上堂有僧問盡大地人來各

各置一問問問各別未審寶應如何祇對師  
云好僧禮拜師云見何道理僧云謝師答話  
師云賊是小人智過君子刘司徒問龍庭金  
口問如何對玉機師云一輪迥脫三界外當  
軒照破萬家門司徒云臨行一句請師指示  
師云莫錯認定盤星座主問云如從飢國來  
忽遇王饑未敢便飡食即是不食即是師云  
名利已斡天下播手中如意有誰知主云與  
麼則珍重去也師云真師子兒一撥便轉問  
既是清淨伽藍爲什麼打魚鼓喫飯師云知  
恩者少負恩者多問承師有言金沙灘頭馬  
郎婦意旨如何師云高梳雲鬢恐人怪笑問

得力處乞師一言師云山高無異路僧云畢  
竟如何師云莫守白雲閑問向上一路請師  
指示師云對面不相識僧云為什麼不相識  
師云問處分明答處親問如何是觀音門入  
者師云超然一境無異路僧云如何是普賢  
門入者師云野雲不向目前飛問有問有答  
皆落唇吻無問無答請師道看師云不可錯  
怪老僧也僧云猶落唇吻師云落在什麼處  
僧無語師便打問萬法歸於一體時如何師  
云三斗喫不足僧云畢竟歸於何處師云二  
斗却有餘問文殊贊維摩不二法門意旨如  
何師云問前不明問後瞎僧云未審此意畢

密九

九

竟如何師云瞎問離聲離色如何舉唱師云  
一點青霄異僧云如何是異師云透過萬重  
關僧云只這如何透師便打云言前薦得辜  
負平生句後投機殊乖道體離此二途請師  
方便師豎拂云爭奈這箇何僧云與麼則太  
保證明師云你莫帶累太保問如何是佛師  
云朝看東南暮看西北問德山捧臨濟喝意  
旨如何師云寶應今日不用僧擬進語師云  
瞎漢便打問疑則兩賊為伴不疑則野塚為  
冢時如何師云北邙山下千丘萬丘未審那  
个是你家僧以坐具撼一撼師云泊不問過  
問如何是古佛心師云三个婆婆排班拜問

如何是清淨法身師云新羅人不裹頭僧云  
 向上還有事也無師云有僧云如何是向上  
 事師云新羅人不裹頭安負外問弟子不會  
 請師垂示師云水急浪開漁父見錦鱗透過  
 碧波中負外云承教有言是法住法位世間  
 相常住如何是常住底法師豎起拄杖召負  
 外云且道這箇是住底法不是住底法負外  
 云未曉之徒如何賑濟師云似稀似曲纔堪  
 聽又被風吹別調中負外云一物不將來時  
 如何師云何得對象妄語負外擬議師便喝  
 問如何是祖師西來意師云風吹日炙問只  
 如龍牙問德山山乃引頸此意如何師云德

山引頸寶應即偃身縮項問祇如和尚道新  
 婦騎驢阿家牽意旨如何師云百歲翁翁失  
 却父僧云百歲翁翁豈有父師云汝會也師  
 復云諸上座不見興化老人道直饒汝喝得  
 興化向虛空裏撲下來一點氣也無忽然甦  
 息却向汝道未在何故我未向紫羅帳裏撒  
 真珠與你諸人胡喝亂喝作麼師云實為如  
 斯今時兄弟只管橫喝豎喝及至窮著並無  
 言說看他臨濟會下有僧出來禮拜臨濟便  
 喝僧云老漢莫探頭好際云汝道落在什麼  
 處僧便喝又有僧問如何是佛法大意際便  
 喝僧禮拜際乃召衆云你道適來這一喝好

喝也無僧云草賊大敗際云過在什麼處僧  
云再犯不容際云要識臨際賓主話問取堂  
中二禪客師云諸兄弟學般若菩薩直須諦  
當去始得雖然如是曉者還稀珍重 師  
一日上堂汾陽昭和尚出問百丈卷簾意旨  
如何答云龍袖拂開全體現進云未審師意  
如何答云象王行處絕狐蹤昭於是言下大  
悟遂提起坐具碩視大眾云萬古碧潭空界  
月再三撈漉始應知禮拜歸衆時葉縣省和  
尚作首座纔退便問昭兄你適來見箇什麼  
道理便與麼道云正是我放身捨命處省便  
休 小叅示衆云老僧擬欲歸鄉什麼人

隨得去時有僧問未審和尚什麼時去師云  
待有伴即向汝道僧云無伴底事作麼生師  
云盡日不逢人明明不知處僧云忽遇一人  
又作麼生師云迷子不歸家失却來時路僧  
云請師指箇歸鄉路師云枯木藏龍不存依  
倚僧云和尚什麼時節却回師云一去不知  
音六國無消息僧云正當歸鄉底事又作麼  
生師云獨唱胡家曲無人和得齊僧云忽遇  
知音在時如何師云山上石人齊拍掌溪邊  
野老笑呵呵僧云歸鄉回來底事又作麼生  
師云八國奉朝衣四相無遷改僧云未審居  
何位次師云文殊不坐金臺殿自有逍遙竹

拂枝問如何是梵音師云驢鳴狗吠問如何是截徑一路師云或在山間或在樹下問如何是和尚不欺人底眼師云看看冬到來僧云畢竟如何師云即便春風至問遠聞和尚無絲可挂及至到來爲什麼有山可守師云道什麼僧便喝師亦喝僧禮拜師云放你三十棒久立衆慈伏惟珍重 師出鏡清十

二問荅洎翠岩代語師於一語下代三轉問時至草庵無一物爲什麼却有盈餘清云要道何難岩云適來道什麼師代云自不知又云洎成忘却又云共語不知音問盡乾坤不出一剎那今時人向什麼處辨明清云共語

商量岩云向你道什麼屢辨明師代云不問他別人又云明眼人笑你又云用辨即非問無神通菩薩爲什麼蹤跡難尋清云波斯眼黑岩云莫鬼語師代云不是用心處又云被他捉著又云不勞舉步問辨得親踈底人爲什麼却被親踈不肯清云不平按劍岩云嘗得也無師代云莫守閑又云大有人不解恁麼問又云不可辨親踈問明知生是不生之相爲什麼却被生之所流清云明知無力岩云不關老兄事師代云自領過又云喚什麼作生死又云爭得不知有問人人具眼達訪道人道即是不道即是清云頭上仙陀岩云莫



道乞辨明師代云分明舉似他又云莫道乞  
答話又云若不是寶應洎合遭他毒手問體  
本無瑕翳為什麼坐施良藥清云却正道著  
岩云且放老僧過師代云知過人難得又云  
更教誰喫捧又云今日草賊大敗問達者同  
遊一路行為什麼不行清云已到平頭岩云

客九

十二

老兄還達也未師云不爭先又云到了不知  
又云但請先行問盡令提綱為什麼不塞時  
人口清云自還得岩云老兄還知明州米價  
麼師代云還曾失麼又云須知老兄又云爭  
知今日問無形本寂寥為什麼有物先天地  
清云寶公曲尺誌公剪刀岩云領過得也未

永樂北藏

古尊宿語錄

師代云欺他作什麼又云阿誰與麼道又云  
不是關黎置問問十方薄伽梵為什麼一踏  
涅槃門清云家無二主岩云怪得人麼師代  
云到者方知又云一尚不可得又云常防此  
問問同氣連枝為什麼却根莖有異清云邵  
案進彩岩云阿誰道有異師代云紹得麼又

云見有前後又云今朝二十五師出風穴四  
賓主語僧云如何是賓中賓穴云攢眉看白  
雲師別云去來長自在不與白雲齊問如何  
是賓中主穴云入市雙瞳瞽師別云高聲唱  
叫遶街行問如何是主中賓穴云回鑿兩糴  
新師別云定國安邦賀太平問如何是主中

第一九七冊

主穴云磨礮三尺劍待斬不平人師別云收  
 番猛將寸草不留師出四種照用語問如何  
 是先照後用師云南岳嶺頭雲太行山下賊  
 問如何是先照後用師云太行山下賊南岳  
 嶺頭雲問如何是照用同時師云收下南岳  
 嶺頭雲捉得太行山下賊問如何是照用不

奇九

十三

同時師云昨日有雨今日晴師出四賓主語  
 問如何是賓中賓師云青山綠水分問如何  
 是賓中主師云捧下取分明問如何主中賓  
 師云退已讓人問如何是主中主師云斬盡  
 不留身師出四料簡語問如何是奪人不奪  
 境師云人前把出遠送千峯問如何是奪境

不奪人師云打了不曾嗔冤家難解免問如  
 何是人境兩俱奪師云萬人作一塚時人盡  
 帶悲問如何是人境俱不奪師云問處分明  
 峯處親師出德山三轉語於一句中各下三  
 轉問如何是函蓋乾坤句師云大地雪漫漫  
 又云普天匝地又云海底紅塵起如何是截  
 斷衆流句師云不通凡聖又云泊舍放過又  
 云橫身三界外問如何是隨波逐浪句師云  
 要道便道又云有問有答又云此去西天十  
 萬八千師舉僧問禾山如何是道山云耕人  
 田不種僧云如何是道中人云禾熟不臨場  
 因僧問師出語云耕人田不種意旨如何師

云大勛不豎賞僧云禾熟不臨場意旨如何  
師云任從風雨爛師出盤龍和尚問行者接  
待不易行者云開心挽子盛將來無縫合兒  
合將去師云橫擔拄杖登霄漢使煞農夫煮  
粥人師出僧問如何是祖師西來意荅云風  
火日炙師又云多年塵土無人拂一身常在

鎮天涯

勤辯語

師在風穴會中密

常勤誦蓮經衆咸謂念法華也偶知客退即  
就請師一日風穴見師侍立次乃垂涕告之  
曰不幸臨際之道至吾將墜于地矣師曰觀  
此一衆豈無人邪穴曰雖敏者多見性者少  
師曰如某者如何穴曰吾雖望子之又猶恐

永樂北藏

古尊宿語錄

耽著此經不能放下師曰此亦可事願聞其  
要於是風穴上堂舉世尊以青蓮目顧視大  
衆迦葉正當與麼時且道說箇什麼若道不  
說而說又是埋沒先聖且道說箇什麼師乃  
拂袖而退穴擲下拄杖便歸方丈侍者隨後  
入室請益念法華為什麼不祇對和尚穴云

多九

十四

念法華會也次日師與真園頭同上問訊次  
穴又問真曰作麼生是世尊不說說真曰鵝  
鳩樹頭鳴穴云你作許多癡福作什麼何不  
躡窠言句又問師曰汝作麼生師曰動容揚  
古路不墮悄然撲穴云你何看法華下語  
師受風穴印可之後浪迹韶光人莫知其所

第一九七册

以因楚和尚初至汝州宣化安下風穴令師  
 傳語纔相見展坐具次便問展即是不展即  
 是楚云自家看取師便喝楚云我曾親近知  
 識來未嘗輒敢恁麼造次師云草賊大敗楚  
 云來日若見風穴和尚待一一舉似師云一  
 任一任不得忘却師先回舉似風穴穴云今  
 日又披你收下一負草賊師云好手不張名  
 楚次日纔到相見便舉前話穴云非但昨日  
 今日連賊捉敗於是師乃名振四方遠近學  
 者承風而湊初住汝州首山為第一世也石  
 門遣使馳開堂書至師乃集衆於法堂上使  
 纔近前人事師約住云是洞上宗乘足雪嶺

家風使云書中已載師云一不成二不是使  
 無語師云且坐喫茶一日師問僧近離甚處  
 僧云襄州師云路上曾逢達磨也無僧近前  
 不審師云這箇是驢前馬後底僧云和尚又  
 如何師云非公境界且坐喫茶僧纔坐師又  
 問在什麼處過夏僧云石門師云水牯牛安  
 樂麼僧云及時水草師云為什麼傷人苗稼  
 僧云對和尚不敢造次師云放過即不可便  
 打師一日問僧是凡是聖僧云非凡非聖師  
 云太不定生僧云離此二途請師速道師云  
 首山今日燒香供養你去也僧云某甲特來  
 禮拜師云滴水難消一日問僧近離什麼處

寧九

十五

僧云廣慧師云穿雲不渡水渡水不穿雲  
此二途速道速道僧云某甲昨夜宿長橋師  
云你恁麼合喫首山棒僧云某甲未曾參堂  
師云兩重公案僧云恰是師云郝郝又一日  
師見僧參次乃問近離甚處僧云襄州師云  
夏在甚處僧云洞山師云還我洞山鼻孔來  
僧云不會師云却是老僧罪過又一日問僧  
上人近離甚處僧云南方師云遠來不易且  
坐喫茶又一日問僧近離甚處僧云襄州師  
云有事相借問得麼僧云便請師云且喜沒  
交涉又云鷄子過新羅又問僧近離甚處僧  
云西京師云路上還逢達磨也無僧云適來

已參見和尚了也師云為什麼築著鼻孔僧  
云已知痛痒師云打破大唐國裏覓箇知痛  
痒底人了不可得且坐喫茶有僧來參師乃  
問近離甚處僧云龍門師拽傍僧相一掴喝  
出去一日有僧侍次師乃喚僧名僧應諾師  
云且去別時來為你說僧云而今尚自不說  
別時決定不說師云我也罪過你也罪過僧  
一日入室師云且去別時來僧應諾師便打  
師每見僧來便云恁麼來者是誰僧云問者  
是誰師云是老僧僧便喝師云向道是老僧  
又惡發作什麼僧又喝師云恰遇棒不在僧  
云草賊大敗師云得便宜是落便宜有僧入

室師便喝僧亦喝師又喝僧禮拜師便打云  
 伏惟尚享一日因僧入室師喚僧名僧應諾  
 師云錯僧云某甲有什麼處來僧云芭蕉來師  
 新到相見師問從什麼處來僧云芭蕉來師  
 云芭蕉有何言教僧云曾見有僧問牛頭未  
 見四祖時如何蕉云知僧云見後如何不知  
 後有僧舉問襄陽石門徹禪師只如二尊宿  
 意旨如何徹云先行不到末後為初僧一日  
 入室師云恁麼來者是誰僧云某甲師云莫  
 道是別人僧禮拜師云適來見箇什麼道理  
 即禮拜僧云今日大似因齋慶讚師云我適  
 來一期向你恁麼道速須吐却僧云也知和

尚曲為某甲師云後有人問你向他道什麼  
 僧拂袖便出去師召僧名僧回首師便喝僧云  
 這老賊師乃以頌示之曰四門通一要一要  
 具三玄在賓全正令立主要須圓又一夜師  
 行道次見暗裏有僧師乃問是誰僧不對師  
 云我也識得你僧大笑師云你不得道是別  
 人復作一頌示之輕輕踏步恐人知語笑分  
 明更莫疑智者只此猛提取莫待天明失却  
 鷄 師次住寶安山廣教禪院亦為第一世  
 後徇衆請入城下寶應禪院禪院三處法席  
 海衆常臻淳化三年十二月初四日午時上  
 堂示衆曰今年六十七老病隨緣且遣日今

年記却來年事來年記著今朝日果至四年  
十二月日與時無爽前記上堂辟衆仍作偈  
曰白銀世界金色身情與無情共一真明暗  
盡時俱不照日輪午後是全身言訖安坐日  
將跌而逝壽年六十八茶毘收舍利 偈頌  
示衆諸子謾波波過却幾恒河觀音指彌勒

密九

又殊不柰何

靈雲見桃花

分明歷世

十七

三十春因悟桃花色轉新人人盡得靈雲意  
不識靈雲是何人 玄沙云諦當甚諦當

玄沙道處少人知密密相逢更莫疑今古  
相傳親的旨少年多是白頭兒 四家主  
頌 悟了却從迷裏悟迷悟從來無差牙始

永樂北藏

古尊宿語錄

知本末至于今今古相承無別路無別路莫  
問人說今古問來事元是主從他人問賓主  
識得賓全是主主中賓賓中主更互用無差  
互賓中賓主中主兩家用莫讓主把定乾坤  
大作主不容擬議斬全身始得名為主中主  
偶作三頌 我有一換不假修持若人

問著便喚沙彌我有一著不自棲泊若人更  
問劈口便著我有一宗勿示西京若人擬議  
別喚王公 送化主四頌 報你叅禪賓  
人中有見親若求端的旨騰月望陽春  
臨行少語是人伶莫辱家風汗舊負保護盡  
從今日去靜坐寒窓月那邊 幾多真子向

西東物外縱橫莫用功隨處化緣皆是道臨  
 行一句盡流通 廓然無事少人聞任意縱  
 橫勿計程步步登高看前路莫教失脚墮深  
 坑 示衆三首 背陰山子向陽多南來  
 北往意如何若人問我西來意東海東面有  
 新羅 咄哉巧女兒攬拔不解織貪看聞鷄  
 兒水牛也不識 咄哉拙郎君巧妙無人識  
 打破鳳林關穿靴水上立 問不落三寸請  
 師速道師云老僧到這裏却道不得關梨道  
 看僧云猶落三寸請師別道師云首山今日  
 失利問如何是首山境師云千花迥秀一葉  
 長芳僧云如何是境中人師云好事不如無

問因緣未熟時如何師云進僧云熟後如何  
 師云退問二龍爭珠誰是得者師云得者失  
 僧云不得者又如何師云珠在什麼處僧擬  
 議師便打問維摩默然未審意旨如何師云  
 罕逢穿耳客多遇刻舟人問如何是首山出  
 身路師云誰人障閔得僧云與麼則自在去  
 也師云去即打折你髻 師乃云要得親切  
 第一莫將問來問還會麼問在荅處荅在問  
 處你若將問來問老僧在你脚底你若擬議  
 則没交涉時有僧出禮拜師便打僧問挂錫  
 幽岩時如何師云錯僧云錯師便打  
 古尊宿語錄卷第九 密九

十八末



古尊宿語錄卷第十

第十

石門禪師大德下九世師首山

石門山慈照禪師諱慈聰師開堂拈香云西天二十八祖唐土六祖過去聖人盡得傳衣付法至唐代六祖之後得道者如稻麻竹葦

第十

不傳其衣只傳其法皆以香為信今日一辦香為什麼人通信某甲雖不言大衆已委悉熟此一炷香也僧問師唱誰家曲宗風嗣阿誰師云山連萬嶺地近洛川問和尚開堂於此日先將何法報君恩師云撐天拄地云君恩如此祖意如何師云分明領話問如何是

永樂北藏

古尊宿語錄

佛師云邛州多出九節杖云謝師指示師云莫作荅佛話會却問如何是祖師西來意師云九里江上望船舡云意旨如何師云市船亭前人不識問寶釧未出匣時如何師云在匣裏云出匣後如何師云放汝一線道僧禮拜師便打 上堂云上上之機人法俱遣

中下之機但除其間猶有法在天下之機據問而行若是出格道人全躰作用諸上座盡是出格道人老僧爭敢作用問如何是一著子師云明明似日連天照暗暗昏昏人自迷云如何得不迷師云千里萬里 早參示眾云且道昨日與今朝是同是別古人道昨

第一九七册

日今朝事恰同又道昨日今朝事不同同與  
 不同即且止且道即今一句作麼生波隨月  
 照影逐日移師入州看官路逢延慶長老問  
 中路相逢一句作麼生道師云某甲礼拜和  
 尚有分明日到院茶話次昨日聞學士說新  
 石門和尚和尚又在石門為什麼說新去師  
 云腦後合掌問未時無物去時空二路都迷  
 如何得不迷去師云秤頭半斤秤尾八兩  
 上堂云十五日已前諸佛生十五日已後諸  
 佛滅十五日已前諸佛生你不得離我這裏  
 若離我這裏我有鈎子鈎你十五日已後諸  
 佛滅你不得住我這裏若住我這裏我有錐

子雖你耳道正當十五日用鈎即是用錐即  
 是遂有頌云正當十五日鈎錐一時息更擬  
 問如何回頭日又出問如何是無縫塔師云  
 直下看云如何是塔中人師云退後退後問  
 如何是古佛心師云踏著秤槌硬似鐵云意  
 旨如何師云明日向你道問青山綠水即不  
 問急切密十一句作麼生道師云垂手過膝兩耳  
 垂肩汝州先師忌問先師還來也無師云三  
 巡茶罷一炷香云齋後向什麼處去師云風  
 搖樹響人不顧葉落歸根始知音 上堂  
 云鳳凰巖下鍾鼓喧轟石門家風朝朝舉唱  
 問蒼冥主甚是分明棒喝臨機誰人同道若

是同道者對眾證據良久云霜天冷徹骨雪  
 路少人行問如何是石門境師云一任眾人  
 看云如何是境中人師云明日來喫棒問嵩  
 少地近汝海波深石門玄機請師指示師云  
 幾時到汝海來僧無語師便打問如何是和  
 尚家風師云一句每當機逢人直是道問如  
 何是賓中賓師云札拜甚分明云如何是賓  
 中主師云觀地無回顧云如何是主中賓師  
 云往復問前程云如何是主中主師云萬里  
 絕同侶問如何是奪人不奪境師云山河大  
 地云如何是奪境不奪人師云番人失氈帳  
 云如何是人境俱奪師云有何佛祖云如何

是人境俱不奪師云問答甚分明問如何是  
 先照後用師云突兀峰頭點巨火長安城裏  
 不通風如云如何是照用同時師云突兀峯頭無  
 巨火長安城裏絕人行云如何是照用不同  
 時師云昨日十五日十六日張茂崇本  
 保十問問摩騰入漢已涉繁詞達磨單傳請  
 師指示師云冬不寒臍後看問五目不覩其  
 容二聽不聞其響落聲色即是不落聲色即  
 是師云問從何來問瞻之在前忽然在  
 後復是何物師云築著鼻孔問若能轉物即  
 同如來萬象是物如何轉得師云喫了飯無  
 些子意智問拈拄豎拂皆是止啼之說揚眉

瞬目未為作者之機如何是見前受用師云  
 早衙放過晚後出來問寸絲不挂法網無邊  
 為什麼却分迷悟師云兩桶一擔問心隨境  
 轉境逐心生心境兩忘甚處即是師云待你  
 悟始得問有情有用無情無用如何是無情  
 應用師云獨扇門子晝夜開問法尚應捨何  
 況非法如何是非法師云喫粥喫飯問愛河  
 浮更沒苦海出還沉如何出得師云錯  
 早叅示教云月未沒日已出萬象凝然什麼  
 處不分明既然分明分明一句作麼生道良  
 久云日月照臨無影樹不勞把住遠街行  
 示教問答須教起倒全龍頭蛇尾自欺瞞如

王秉劔由王意似鏡當臺要絕觀開口早經  
 千萬里低頭思慮万重關指人若也無正眼  
 何啻前程作野干 上堂云朝朝鼓響夜  
 夜鐘鳴聚集眾流復有何事過去諸聖成就  
 此門諸上座各各不欠少某甲已是不識好  
 惡諸上座更要喫辛受苦 上堂云無事  
 不要生事歸堂 上堂云鐘鼓才罷賓主  
 已分大眾齊來照用俱了若恁麼會得繼紹  
 古人若會不得寔為罔措莫有會者麼出來  
 對眾證據 上堂云切忌蹉過歸堂喫茶  
 上堂云第一句道得石裏迸出第二句道得  
 挨拶將來第三句道得自救不了歸堂

上堂云但得本莫愁末如何是諸上座本莫  
 是上來下去禮佛禮塔入室振衣歡娛笑樂  
 麼若認得這個是四大五蘊莫是趣寂息念  
 不出不入不聚不散麼會得認得个精魂如  
 何是上座本良久云歸堂 上堂云春景  
 温密十和萬物蘇舒山青水綠真堪養道遊方禪  
 子甚是及時祖佛家風且喜沒交涉僧侍立  
 次師云是撒沙著諸人眼裏也如今更不敢  
 不識好惡歸堂問寒時又寒熱時又熱寒底  
 是熱底是師云杖頭傀儡人長弄問逐日開  
 單展鉢以何報答施主之恩師云被這一問  
 和我愁殺云恁麼則謝供養也師云得什麼

人氣力僧禮拜師云明日更喫一頓  
 上堂云春景温密十和春雨普潤萬物生芽什麼  
 處不沾思且道承恩力一句作麼生道良久  
 云春雨一滴滑如油問如何是學人自己法  
 身師云每日搬柴不易此是大衆底如何是  
 學人自己底師云三生六十劫問大悲千手  
 眼為什麼在此師云見个什麼云恁麼則千  
 百億化身師云且領前話乃云上來下去為  
 什麼事若有所得埋沒諸兄弟若無所得畝  
 个什麼得與不得且止如何是見前妙用底  
 事良久云雲覆千山不露頂兩滴街前漸漸  
 深歸堂問請師指示个修行路師云殺人放

火云彼此修行為什麼却如此師云果然不  
 修行問親切處請師的旨師云莫忘却云莫  
 忘却時如何師云一年三百六十日云恁麼  
 則不忘却也師云你見个什麼道理云適來  
 謝茶師云未云請師別道師云兩社一寒  
 食每十早叅示眾月未沒日又出日月往來

無間隔奉勸禪流莫追尋特地生疑惑五  
 上堂云鳳凰山下鐘鼓喧轟石門家風朝朝  
 舉唱大眾上來賓主已分開口動舌照用俱  
 了若恁麼薦得甚處有佛祖若未薦得憑何  
 過日薦得薦不得即且致作麼生是無佛祖  
 底句良久敲禪床下座 小參早朝擊鼓

法堂上聚會晚後鐘聲方丈裏相見法堂上  
 聚會即不問作麼生是方丈裏相見底句自  
 代云不通風問還有不報四恩三有者麼師  
 云有云如何是不報四恩三有者師云撒手  
 卧長街光音非旨趣問牛頭未見四祖時為  
 什麼百鳥銜花獻師云果熟馨香鴉鳥啄云  
 見後為什麼不銜花師云万象頓息鬼神愁  
 云見與不見是同是別師云山河不碍青霄  
 路妙用縱橫處處通問親到寶山求寶時如  
 何師云求得即不中云求得後如何師云不  
 中不中乃云擬心即老動念即乖不擬不動  
 正在死水裏作活計作麼生是衲僧轉動一

句良久云朝聞鼓動暮聽鐘聲 上堂云  
 三春景裏日暖風和水畔經行林間宴坐觀  
 茲時景賓主已分開口動舌照用俱了若能  
 如是解去會得賓中主作麼生是主中主良  
 久云一條濟水透過新羅一日問直歲清涼  
 堰從你堰若遇洪水滔天時堰得麼云在裏  
 頭師云與誰同伴歲無語却請和尚代云透  
 過新羅問和尚若遇洪水滔天時堰得麼師  
 云上挂天下挂地云若遇劫火洞然時作麼  
 生師云橫出豎沒 上堂云四山霧起大地  
 黯黑日月收光正當與麼時如何弁主良久  
 拍禪床下座師浴出僧問三身中那身澡洗

師云因送亡僧歸喫茶次問亡僧遷化向什  
 麼處去師云風搖樹響葉落歸根學人良久  
 師云會麼云不會師乃澆茶三滴問如何得  
 人身去師云我常欲作驢身 上堂云上  
 來下去參請不無作麼生是依時及節底句  
 良久云朝聞鼓響夜聽鐘聲歸堂問門外三  
 車學人欲上牛車時如何師云未是極則處  
 云如何是極則處師云犬吠虛聲切癡人望  
 太陽問三义路頭未審教學人往何路師云  
 莫錯 上堂云鐘聲才罷鼓聲喧鐘鼓相  
 交會人天臨機妙用無別法開口動舌顯三  
 玄臨機照用須子細平換賓主疾如煙進前

更欲求佛祖擬議早是隔西天 上堂云  
 五白猫兒个距擰養來堂上絕虫行分明上  
 樹安身法切忌遺言許外甥作麼生是許外  
 甥底句莫錯舉 上堂舉普化語僧便問  
 大悲院裏有齋意旨如何師云日暖隈陽坐  
 天寒不舉頭 上堂云聞鍾聲即尋鍾聲  
 來無鍾聲向什麼處來若不來叢林何在既  
 來是何面目直饒不來不去正在死水裏作  
 活計作麼生是衲僧出氣一句良久云珍重  
 問十二時中如何用心師云喫粥喫飯云與  
 麼則打軟去也師云打軟去也問昨夜轉一  
 位今朝轉一位兩頭俱轉時如何師云未是

衲僧極則云如何是衲僧極則師云春未臨  
 朱夏云畢竟了如何師云九九八十一  
 上堂云各各英雄丈夫兒堂堂物我更何疑  
 見前歷歷明如日展縮當人示疾時超然不  
 得長空路獨脫禪光得自知多聞方便談今  
 古濟物須彰閃電機良久云去去西天路迢  
 迢十萬餘密十 上堂云天地與我同根萬物  
 與我一躰諸上座維那打鍾還覺心痛也無  
 若不覺痛與古人相違若覺痛為什麼含笑  
 上來直須子細僧入室問正當與麼時還有  
 師也無師云燈明連夜照甚處不分明云畢  
 竟事如何師云來日是寒食問古人急水灘



頭毛毳子意旨如何師云雲開月朗問急水  
灘頭連底石意旨如何師云屋破見青天云  
屋破見青天意旨如何云通上徹下○小參  
示衆云學般若菩薩湏具般若若眼不具般若  
眼即被般若謾却你去作麼生是上座般若  
眼出來對衆道看良久云沉却也珍重問如  
何是佛法大意師云出你口入你耳云莫愁  
這便是也無師云分明聞分明聽問為什麼  
朝朝風起雨點全無師云只是龍王不動頭  
云畢竟事如何師云待雨下了向你道云雨  
下了和尚為什麼不說師云老僧罪過問如  
何是人境兩俱奪師展兩手云不會師彈指

三下問十二時中如何弁主師云著衣喫飯  
量家第云弁得後如何師云作麼生是主僧  
無語 上堂云擬心即老動念即乖不擬  
不動正在死水裏作活計作麼生是衲僧轉  
身處只如古人與麼道還有為人處也無若  
言為人依言縛殺你若言不為人意在什麼  
處所以道涅槃心易曉老別智難明又云知  
見立知即無明本知見無見斯即涅槃若向  
這裏明得去未具衲僧眼直湏子細  
上堂云三春景謝朱夏將臨是禪子罷游之  
際幽窓掛錫之屐林下相逢合談何事良久  
云擬指千老路四光百萬程問牛頭未見四

祖時如何師云雲散見青天云見後如何師  
 云澄潭月現問如何是道師云車碾馬踏云  
 如何是道中人師云豎坐橫眠 上堂云  
 香煙才起是處皆知大眾雲臻從上宗乘只  
 可如是若能如是解掣鼓奪旗牙換主賓照  
 用同時捧喝齊彰直饒你如是解只是個賓  
 中主作麼生是主中主便有僧問香煙才起  
 是處皆知未審主山後如何師云向你道還  
 信麼云特伸請益師便喝云和尚為什麼諱  
 人道著師云瞎僧禮拜乃云一句語中須具  
 三玄一女門中須具三要從上諸聖摠具三  
 玄三要它若不具三玄三要摠屬盲用既能

如此留心直須子細良久云石門後輩諸事  
 寡拙久立先參歸堂懋敬問佛未出世時如  
 何師云平云出世後如何師云平云未審出  
 世與未出世是一是二師云妙用當機顯回  
 光只在人問大事未辦時如何師云切云辦  
 後如何師云切問如何是玄談師云掉向墻  
 南問如何是祖師西來意師云义手當曾云  
 恁盲如何師云打躬近前問一處火發任從  
 你救八方齊發如何師云快云還求出也無  
 師云若求出即燒殺你僧禮拜師云直饒你  
 不求出也燒殺你 大雨上堂云朝陽雲  
 掩夜月收光四山煙霧起大地絕纖埃正當

與麼時什麼人作主雖然如是爭奈千江競  
注万派流源被大海一時包了也莫道摠包  
容了爭奈奔波濟水透過新羅 上堂云  
金烏西墜玉兔東升晝夜循環有何了日何  
不日南午慶正位上看半夜子時長連床上  
偃息正當與麼時可謂千聖情尽影像全無

家十

九

歸家直得親於父母不得教生其恩愛直須  
殺却父母既殺却父母便須出家既然出家  
便能親於佛祖雖然如是須去却佛祖始得  
既殺却父母去却佛祖方可有繼粟衲僧見  
解猶未得衲僧全躰受用良久云作麼生是  
衲僧全躰作用教父殺母去佛去祖未是衲  
僧極則處進前更擬問如何北山山下有甚  
數 上堂云雲山聚會意為平生挈杖諸  
方擬逃生死何得空過遣日為什麼不進步  
商量若欲進步商量特地乖違便言只恁麼  
休去更辜負平生恁不如是又向什麼處留  
心良久云歸堂 上堂云龍騰滄海魚鼈

潛蹤虎嘯高岩野狐弄跡象王蹴踏寶岸皆  
崩師子嘯呻百獸隱匿鳳凰展翅衆鳥迷巢  
祖師家風中下莫湊目連驚子運智運通金  
色頭陀瞬眸釋主聲聞莫測十地寧知空生  
才唱天早雨花豈况繁詞率尔乱說通一線  
道直須滿口道將來道道直饒道得也是順

遊將來 上堂云參玄上士遊方高人直  
須具衲僧眼目良久云開口直教千聖情尽  
萬緣無繫父母俱亡賓主不立若如是解者  
猶是衲僧少許見解未是衲僧全躰受用作  
麼生是全躰受用良久云歸堂喫茶  
上堂云諸上座各各氣宇如王須具衲僧眼

目大地山河不碍眼光莫受人瞞且道于闐  
國王作何面目時有僧問承和尚有言山河  
大地不碍眼光未審于闐國王作何面目師  
云不出户云未審與什麼人同道師云至切  
是家親 上堂云朝朝擊鼓夜夜聲鐘聚  
集禪流復有何事若言無事屈延諸德若言

有事埋沒從上宗乘開口動舌揔沒交涉雖  
然如是初機後學須藉言語顯道作麼生是  
顯道底良久云林中百鳥鳴柴門閉不扃  
上堂問承古有言十五日已前用鈎十五日  
已後用錐即今十五日和尚用什麼師云這  
一條拄杖是清化主捨云和尚莫盲枷瞎棒

師云罪不重科乃云虛空有盡此道無窮如  
 拳作手如手作拳皆是自已展縮並不欠少  
 不由它人各各具足不肯承當勸請諸上座  
 承當埋沒諸上座直下承當去承當个什麼  
 歸堂喫茶董侍郎問文殊是七佛之師未審  
 文殊以何為師師云獨鎮五峰頭查學士與

師坐次弄鎗客參士便問弄鎗如何下手師  
 云逢場作戲問無情說法意如何師云朝  
 朝樹響夜夜風鳴云如何委悉師云晝有日  
 照夜有月明問德山棒臨濟喝如何是一喝  
 下事師云我不作這活計云意如何師云  
 非公境界問金鱗未出網時如何師云待汝

出網來向汝道云即今出也師意如何師云  
 西海裏事作麼生僧便喝師云瞎僧禮拜問  
 若能轉物即同如來未審三門佛殿如何轉  
 師云我向汝道汝還信麼云和尚誠言安  
 敢不信師云這添桶僧禮拜問如何是衲衣  
 下事師云露地不通風云與麼則一百五日

第十

十一

看也師云放你三十棒僧禮拜問不施寸刃  
 便登九五時如何師云七縱八橫云與麼則  
 蕉卷扇開去也師云舌柱上齧僧禮拜問黑  
 豈未生芽時如何師云正與麼云生芽後如  
 何師云鬼門闕外今宵路九里崖州獨自行  
 問如何是吹毛劍師云鏗云用後如何師云

伏惟尚享僧侍立次師問什麼處坐云後架  
裏坐師云你向什麼處舉話云與主人公舉  
話師云主人公姓什麼云不得姓師云名什  
麼云不得名師云與麼則不識主人公也僧  
便喝師不對問如何是手換之機師云東邊  
立了西邊立云還相見也無師云相見事作  
麼生僧便喝師云瞎僧禮拜問師唱誰家曲  
宗風嗣阿誰師云汝水河邊曾對勝失却撓  
棹至于今云汝原一曲師親唱向上宗乘事  
若何師云當處不留人劃時送千里師勘僧  
云孤輪獨照深山裏近離何方到此來云近  
離白馬師云更不再勘僧無語師云且坐契

茶師問僧韶陽境土君知好六祖家風試道  
看僧無語師云却是石門罪過且坐契茶舉  
盃官和尚喚侍者將犀牛扇子來者云扇子  
破也官云扇子既破還我犀牛兒來者無語  
代云攔下舉僧問龍牙十二時中如何着力  
牙云如無手人行拳始得師云道即殺道只  
得一半云和尚作麼生師云如無古人欲唱  
歌始得舉僧問石門徹和尚實際地如何  
進步徹云鳥道無前僧進語云幽谷白雲巖  
白雀擬心棲處隔山迷師別云栖心不住栖  
心地物外縱橫任法閑舉徹和尚離谷隱有  
僧問師住襄陽去盡襄陽男女各置一問問

問各別和尚如何支遣微云一音剖出塵沙  
 句豁達虚空應萬機師別云頭頭上活物  
 上具師問僧昔日叢林親際會再登鳳嶺事  
 若何云奉別和尚經今一年師云本分行脚  
 僧無語師云坐喫茶次住谷隱山太平寺  
 語 陸座拈香云此一炷香供養十方諸佛  
 人天大眾先願國安民泰教法興隆此一炷  
 香十五年前已呈醜拙了也如今還有委悉  
 者麼對衆商量時有僧問不施寸刃便登九  
 五時如何師云罕逢此問云與麼則人天有  
 賴大眾沾恩師云是何言歟乃云問話且止  
 欲得親切莫將問來問你擬進前早沒交涉

了也豈况切切有何所益若論佛法不在問  
 處雖然如是早是多途况久立尊官珍重  
 上堂云襄陽蕩蕩廣闊而無際無涯漢水滔  
 滔深遠而有終有始岷山一帶橫貫乾坤楚  
 岫千峰豎該日月鳳林閣下直透荆南來往  
 遊人且無障碍諸上座是透閣底人作麼  
 生是透閣底句試道看擬議千差路回光万  
 里程問粗令未行時如何師云獨卧沙場云  
 未審其中事作麼生師云寒灰不再煖問終  
 日忙忙那事無妨如何是那事師云覓頭不  
 見云為什麼如此師云三日後看僧禮拜師  
 哩問如何是沙門行師云三三兩兩各不相

知云畢竟如何師云截舌有分問一陽才啓  
 天地咸知依時及節事如何師云午夜燈光  
 連霄照云照後如何師云茶烟香篆一時清  
 問逐境不入流時如何師云早入了也云入  
 流不逐境時如何師云未是極則處云如何  
 是極則處師云七棒對十三問如何是奪人

第十

十三

不奪境師云峴山亭邊好用功云如何是奪  
 境不奪人師云雪消流水湧云如何是人境  
 俱奪師云霜結滿亭寒云如何是人境俱不  
 奪師云放你一線道問日往月來遷不覺年  
 衰老還有不老者麼師云有云作麼生是不  
 老者師云虬龍筋力高聲叫晚後精靈轉更

多問如何是學人深深處師云烏龜水底深  
 藏六云未審其中事若何師云路上行人莫  
 與知問如何是印空底句師云舌柱上齧云  
 如何是印水底句師云說話對聾人云如何是  
 印泥底句師云頭上喫棒口裏喃喃問一句  
 當機請師說法師云莫妄想云不妄想後如

何師云仙人礼枯骨餓鬼打死屍問浩浩之  
 中如何弁主師云襄江競渡舡云未曉之人  
 如何領會師云且領前話問學人擬歸鄉請  
 師指路頭師云借人扶上馬云莫便是和尚  
 為人處也無師云葛嶺那邊看問師子是獸  
 中之王為什麼却被六塵吞師云須知六塵



好手僧礼拜師云得便宜是落便宜問不斷  
 廉纖句如何絕朕迹師云絕迹即不好云與  
 麼去如何師云瞎僧礼拜問只尺之間為什  
 麼不親師顏師云折角泥牛無欄圈云與麼  
 則依而行之師云徧地閉田任意耕問承教  
 有言當觀法王法法王法如是如是法王  
 法師云如是云畢竟如何師云我知你與麼  
 道問王子未登九五時如何師云六宮深處  
 坐云登朝後如何師云當殿不稱尊問世尊  
 說法天雨四花和尚說法有何祥瑞師云莫  
 椀鳴問有問有答俱落魔境無問無答如何  
 辨道師云舌拄上齶云與麼則學人罪過師

云放你三十棒問如何是先照後用師云外  
 頭月明屋裏黑云如何是先照後用師云屋  
 裏月明外頭黑云如何是照用同時師云今  
 日好寒云如何是照用不同時師云喫棒了  
 呈款問如何是函蓋乾坤句師云好雪寒云  
 如何是截斷衆流句師云好怕你云如何是  
 隨波逐浪句師云今日立春問馬大師一喝  
 百丈直得三日耳聾如何師云萌芽未出土  
 枯葉已遭風僧擬議師便喝僧云喝即任喝  
 某甲不耳聾師云罪不重科問海晏河清為  
 什麼龍王不現師云待有即現云即今為什  
 麼不現師云踈田不貯水龍王不奈何問若

人有福曾供養佛未審佛曾供養什麼人來  
 師云明月照臨山谷裏背岩陰樹不招風云  
 恁麼則早晨燒香晚後禮拜師云苦痛蒼天  
 伏惟尚享問承古有言只這如今誰動口意  
 旨如何師云莫認驢鞍轡作阿爺下領問伯  
 牙遇子期時如何師云夜靜更深彈一曲遇  
 後如何琴破絲斷一時休問承教有言如我  
 按拍海印發光汝暫舉心塵勞先起如何是  
 海印發光師云青霄無異路問說通行不通  
 時如何師云莫以己妨人云行通說通時如  
 何師云未信你在問不施寸刃便登九五時  
 如何師云南面事作麼生云才施小刃便獲

大功也師大好不施寸刃問如何是和尚不  
 涉衆詞底句師云我向你道還信麼云與麼  
 則鐵卵生兒樹上飛師云一任捏怪  
 上堂云二年前葛藤今日再舉知有者已暢  
 平生不知有者對面千里諸上座盡是知有  
 者二年前事作麼生道良久云顏回不知何  
 處去却教夫子淚漣漣第十 上堂云道安岩  
 下朝朝鐘鼓聲喧傘蓋山前日日煙霞覆地  
 猿啼嶺上魚躍淵中山高則九夏花開谷深  
 則三冬積雪知有者暢快於平生不知有者  
 空愛好山好水諸上座盡是知有者不喚作  
 山不喚作水且道喚作什麼開口即迦擬議

即差 上堂次遇狂風起乃曰狂風忽起  
 拔樹鳴條祖令正行誰人當抵善戰者不顧  
 其首善聞者必獲其功莫有善戰妙聞者麼  
 出來山僧為你證明良久云陣雲橫海上拔  
 劍攬乾坤 上堂云寶花王座獨有慈尊  
 旃檀林中別無異黨孤非師子類燈非日月  
 明知有者已暢平生未知有者直湏子細  
 上堂舉仰山三生話次僧問古人且致和尚  
 即今第幾生中師云快活快活云與麼則隨  
 流認得無碍去也師云縛繫不自在  
 上堂云若擬對蒼如撒砂相似若約提綱宗  
 乘舉唱佛法無一人半人雖然如是被箇衲

子出來請師舉唱佛法向伊道什麼即得若  
 打它即龍頭蛇尾且道向伊道什麼良久云  
 山僧與上座兩家不著便 偈頌  
 歲旦示衆 一句為君宣今朝是大年桃  
 符已入土徧地捨金錢俗情多失位山僧獨  
 欣然直饒不恁麼塚上別鉏田 冬日示衆  
 一句為君說諸法及時節冬月是冬寒夏熱  
 是夏熱甚處不周旋何勞苦施設施設不施  
 設言詞尽湏決更擬問如何船底用鑽鐵  
 僧請益為山三生話師以頌答 昨夜三  
 更得一夢清涼河裏泥牛鬪天明問取郭大  
 翁識得南莊李胡子 拄杖 我有一

條拄杖亘日橫按膝上大小節目分明頭尾無非一樣卓下大地豁開堅起擎搯萬象關

市若遇知音回頭劈脊便棒

照用

照時把断軋坤路驗破賢愚喪膽魂饒君解佩蘇秦印也須歸欵候天恩

用便生擒

到命終却令蘇息尽殘軀歸欵已乾天下報

十六末

放汝殘年解也無

照用同時棒下玄不

容擬議聘愚賢輪劍直銜龍虎陣馬喪人亡

血滿田

照用不同時人人會者稀秋空

黃葉墜春尽落花飛

摠頌

一喝分

賓主照用一時行會得個中意日午打三更

三玄 報你諸方道三玄句不分欲明親

的旨騰月太陽春 三句 第一句點刻

分明莫莽鹵更擬進前問如何西天移來安

此土第二句妙用臨機無差互開口動舌勿

交涉棒下分明須薦取第三句問答分明有

言語諸方尽有好商量三歲孩兒皆怕苦

古尊宿語錄卷第十

密十

古尊宿語錄卷第十一

密十一

汾陽昭禪師南嶽下九世

唐明嵩禪師二人同嗣首山

太子院善昭禪師太原俞氏子剃髮受具杖策游方所至少留隨機叩發歷衆知識七十

密十一

一負後到首山問百丈卷席意旨如何山曰龍袖拂開全體現曰師意如何山曰象王行處絕狐蹤師於言下大悟拜起而曰萬古碧潭空界月再三勞擁始應知有問者曰見何道理便爾自肯師曰正是我放身命處後游衡湘及襄沔間每爲郡守以名利力致乃曰

永樂北藏

古尊宿語錄

第一九七册

我長行粥飯僧傳佛心宗非細事也前後八請堅卧不荅泊首山歿西河道俗遣僧契聰迎請住持師閉關高枕聽排闥而入謀之曰佛法大事靖退小節風尤懼應識憂宗旨墜滅幸而有先師先師已棄世汝有力荷擔如來大法者今何時而欲安眠哉師矍起握聰手曰非公不聞此語趣辦嚴吾行矣既至燕坐一榻足不越閭者三十年道俗同曰汾州而不敢名住後上堂謂衆曰汾陽門下有西河師子當門踞坐但有來者即便齧殺有何方便入得汾陽門見得汾陽人若見汾陽人者堪與祖佛爲師不見汾陽人盡是立

地死漢如今還有人入得麼快湏入取免得  
 孤負平生不是龍門客切忌遭點額那箇是  
 龍門客一齊點下舉起拄杖曰速退速退珍  
 重 上堂先聖云一句語須具三玄門一玄  
 門須具三要阿那箇是三玄三要底句快會  
 取好各自思量還得穩當也未古德已前行  
 脚聞一箇因緣未明中間直下飲食無味睡  
 卧不安火急决擇莫將為小事所以大覺老  
 人為一大事因緣出現於世想計他從上來  
 行脚不為游山翫水看州府奢華片衣口食  
 皆為聖心未通所以驅馳行脚决擇深奧傳  
 唱敷揚博問先知親近高德蓋為續佛心燈

紹隆祖代興崇聖種接引後機自利利他不  
 忘先跡如今還有商量者麼有即出来大家  
 商量 僧問如何是接初機底句師曰汝是  
 行脚僧曰如何是辨衲僧底句師曰西方日  
 出郊曰如何是正令行底句師曰千里持來  
 呈舊面曰如何是立乾坤底句師曰北俱盧  
 州長粳米食者無貪亦無嗔乃曰將此四轉  
 語驗天下衲僧纔見你出来驗得了也問如  
 何是學人着力處師曰嘉州打大像曰如何  
 是學人轉身處師曰陝府灌鐵牛曰如何是  
 學人親切處師曰西河弄師子乃曰若人會  
 得此三句已辨三玄更有三要語在切須薦

密十一

二

取不是等閑與大眾頌出三玄三要事難分  
得意忘言道易親一句明明該萬象重陽九  
日菊花新 上堂汾陽有三訣袖僧難辨  
別更擬問如何拄杖蒸頭楔時有僧問如何  
是三訣師便打僧禮拜師曰爲汝一時頌出  
第一訣接引無時節巧語不能詮雲紋青天

月第二訣舒光辨賢哲問荅利生心拔却眼  
中楔第三訣西國胡人說濟水過新羅北地  
用鑛鐵復曰還有人會麼會底出來通箇消  
息要知遠近莫抵恁麼記言記語以當平生  
有甚利益不用久立珍重 問布鼓當軒  
掛誰是知音者停鋤傾麥飯卧草不擡頭

問如何是道場師曰下脚不得問如何是祖  
師西來意師曰徹骨徹髓曰此意如何師曰  
徧天徧地問真正脩道人不見世間過未審  
不見箇甚麼過師曰雪埋夜月深三尺陸地  
行舟萬里程曰和尚是何心行師曰却是你  
心行問大悲千手眼如何是正眼師曰瞎恁

卷十二

麼則一條拄杖兩人昇師曰三家村裏唱巴  
歌曰恁麼則和尚同在裏頭師曰謝汝殷懃  
問如何是和尚家風師曰三玄開正道一句  
破邪宗曰如何是和尚活計師曰尋常不掌  
握供養五湖僧曰未審喫箇甚麼師曰天酥  
酥飯非珍饈一味糗羹飽即休問牛頭未見

四祖時如何師曰新神更着師婆賽曰見後如何師曰古廟重遭措大題

僧問如何是大道之源師曰掘地覓青天云何得如此師曰識取幽玄師舉三玄語曰汝還會三玄底時節麼直須會取古人意旨然後自心明去更得通變自在受用無窮喚

作自受用身佛不從他教便識得自家活計所以南泉云王老師十八上已解作活計僧便問古人十八上已解作活計未審作箇什麼活計荅曰兩隻水牯牛雙角無欄捲復曰若要於此明得去直須得三玄旨趣始得受用無礙自求慶快以暢平生大丈夫漢莫教

自辜觸事不通彼此無利濟與汝一切頌出曰第一玄法界廣無邊森羅及萬象摠在鏡中圓第二玄釋尊問阿難多聞隨事荅應器量方圓第三玄直出古皇前四句百非外閻氏問豐干乃曰這箇是三玄底頌作麼生是三玄底旨趣直教决擇分明莫只與麼妄道

我曾親近和尚來與我說了脫空謾語誑嚇他人喫鐵棒有日莫言不道又因採菊謂衆曰金花布地玉蕊承天杲日當空乾坤朗耀雲騰致雨露結爲霜不傷物義道將一句來還有道得底麼若道不得眼中有眉直湏出却始得所以風穴云若立一塵家國興威野



老嘖麼不立一塵家國喪亡野老安貼於此  
明去闍黎無分全是老僧於此不明老僧即  
是闍黎闍黎與老僧亦能悟却天下人亦能  
瞎却天下人要知闍黎與老僧麼拊其兩膝  
曰這裏是闍黎這裏是老僧且問諸上座老  
僧與闍黎是同是別若道是同去上座自上  
座老僧自老僧若道是別去又道老僧即是  
闍黎若能於此明得去一句中有三玄三要  
賓主歷然平生事辦衆尋事畢所以永嘉云  
粉骨碎身未足酬一句了然超百億又曰臨  
濟兩堂首座一日相見齊下喝僧問臨濟還  
有賓主也無荅云賓主歷然師作偈曰兩堂

永樂北藏

古尊宿語錄

首座揔作家其中道理有紛拏賓主歷然明  
似鏡宗師為點眼中花師舉揚宗乘渠渠惟  
以三玄三要為事臨濟宗真要訣也汾州在  
河東地苦寒立者往往足指墮師因此罷夜  
衆一日宴坐有異僧仗錫乘雲而至問曰和  
尚何故罷夜衆師荅以苦寒之故異僧云和  
尚會下有六人成大器願勿惜法施言訖乘  
雲而去師明日陞座記以偈曰胡僧金錫光  
為法到汾陽六人成大器勸請為宣揚自此  
夜衆遂不復罷時楚圓守芝慧覺智圓谷泉  
齊舉等俱在座下蒙林知名  
師初開堂有僧問靈山一會迦葉說聞今日

第一九七册

一會什麼人得聞師云大衆側聆進云恁麼則群生有賴師云不因墜寶座爭顯六師能問師唱誰家曲宗風嗣阿誰師云不歷僧祇劫直出古皇前進云恁麼則郡城有望師云五嶽峯巒秀四海盡歸朝 問虛空權譬喻隨處得彰名未審是箇什麼物師云居天人

密十一

五

不測入地更深埋進云恁麼則學人雖不識歷劫盡沾恩師云劒良胳膊從他開劈腹開心始是明師小叅云莫有人問話麼有即出來 僧問水紋魚散時如何師云水清魚不現長波自往來進云龍王當居何位師云在處存金殿乾坤我獨尊進云恁麼則更無過

者師云按劒誰得妙當人不自傷 師乃云若是按劒手汾陽不柰何還識得劒麼與你註破寰中無當剋海內獨橫行珍重 問如何是祖師西來意師云多年松樹鏡皴敲心間自有一條明問九有問荅賓主各逞嘉竒少室無言將何委的 師云千人叢裏罕逢此問學云千山萬水來於此已奉慈悲事坦然師云坐斷日頭天地黑萬象森羅在目前 學云官不容針私通車馬學人禮拜師云不禮拜更待何時 問如何是一句前事師云不落言詮的旨纖毫繞動即參差學云如何是一句後事師云兩陣相逢不迴

避學云恁麼則透皮徹骨去也師云橫拖倒  
 拽任塵漫學云終不敢辜負和尚師云至孝  
 是重華問如何是法眼師云已曾教瞎學云  
 未審向上事如何師云撈天摸地問久嚮汾  
 陽成勢全略展金毛示衆看師云三日後露  
 學云恁麼則退身三步師云一月後再來

問祖師心印絕有言詮臨機一句事如何師  
 云三千里外看途程學云恁麼即退後去也  
 師云萬仞峰峦不離此處 問問問不轉時  
 如何師云龍馬加鞭急鑾鈴嚮洛川問久嚮  
 西河師子及乎到來爲什麼不見師云汝識  
 師子學云恁麼則大衆盡得隨喜師云腦裂

始知忙 問正法門中如何是和尚得入處  
 師云衆星攢夜月不落紫微宮學云恁麼則  
 朗月獨當天也師云不昧夜行人

師上堂云一切衆生本源佛性譬如明月當  
 空祇為浮雲遮障不得顯現便有僧問明月  
 當天却被片雲遮時如何師云老僧有過關

密十一

六

黎湏知學云恁麼則分明辨的師云退後莫  
 思量問舉步涉千谿尋源路轉迷箇中一句  
 子請師為提撕師云千年無影樹今日見枝  
 柯學云若不申此問爭得見師機師云替人  
 看畫壁 上堂云夫說法者須及時節觀  
 根逗機應病用藥不及時節總喚作非時語

所以稜嚴會上云欲知佛性義當觀時却因緣若明君臣父子邪正觸淨顯然自分喚作野老謳歌皇道坦然佛法現前擒縱自在生殺臨機或明賓中主或明主中賓或明賓中賓或明主中主或兼帶或探竿影草或一句中有三玄三要還有問者麼出來對衆商量時有僧問智慧門難解難入學人不曾請師指示師云真正無私語句下要分明學云恁麼則謝師親開方便門也師云千萬年後不得忘却問靈龜未兆時如何師云海裏搖船笑舉棹望程途問甘露水頻淋爲什麼百草不生芽師云田踈不貯水龍王爭奈何

問寒暑漸盛貧者何依師云不掛無私服終日樂哈哈學云恁麼則應不孤露也師云深岩隱不得露地不彰形問不悟祖宗不信大道時如何師云打破琉璃瓶透出鳳凰兒學云今日親見和尚也師云三千里外算途程問匹馬單槍離群獨戰時如何師云舉手不拈弓低頭失却箭學云和尚是大善知識爲什麼如此師云敗將不斬問學人欲涉雲霄去到彼如何爲有情師云塞外將軍行正令不展紅旗得勝歸問面前無障礙爲什麼開口不得師云盡日無言說喃喃語更新學云恁麼則已能師子吼也師云不用野干

嗚學人便喝師云恰是學人擬議師便喝學人禮拜師云敗將不斬問如何是衲衣下事師云赫赤窮漢學云乞師方便指妙捷句来看師云木女穿針山色秀石人牽線海雲生問涅槃無異路方便有多門作麼生是無異路底句師云鍾鼓分明在日月不曾昏學云

恁麼則狗子吠人声師云不齧破人衣師上堂纔陞座便有僧問從上一人行棒一人行喝未審成得箇什麼邊事師云總不曾用學云堪嗟楚下鍾離昧師云庶子當機失戰場學人便喝師云作家學人禮拜師云却不作家以拄杖點便喝問殺父殺母佛前

懺悔殺佛殺祖向什麼處懺悔師云燈連挑夜月度盡幾多人學云恁麼則水精宮裏觀明月師云映輝明寶燭炎赫爍旌幢問日裏不點燈即不問如何是黑裏不揚眉師云牀底掃不出學云恁麼則和尚是用心人也師云天外豈能知

師上堂大眾方集便有僧問如何是汾陽境師云子夏峰高登者少西河水滿問津多學云如何是境中人師云坐久看風信燒香燭聖燈師因頌五位纔畢便有僧問如何是正中来師云旱地蓮花朵朵開學云開後如何師云金蕊銀絲承玉露高僧不坐鳳凰臺

問如何是正中偏師云玉兔就明初夜後金  
 雞須報五更前問如何是偏中正師云毫末  
 成大樹滴水作江河問如何是兼中至師云  
 意氣不從天地得英雄豈藉四時推問如何  
 是兼中到師云玉女拋梭機軋石人打鼓  
 響辭辭師因僧請問逐位頌出云 正中

來金剛寶劍拂天開一片神光橫世界晶輝  
 朗耀絕塵埃正中偏霹靂鋒機着眼看石火  
 電光猶是鈍思量擬議隔千山偏中正看取  
 輪王行正令七金千子總隨身途中猶自覓  
 金鏡兼中至三歲金毛牙爪備千邪百怪出  
 頭來哮吼一声皆伏地兼中到大顯無功休

作造木牛步步火中行真箇法王妙中妙  
 六相頌 見是阿那律分明無一物大地  
 及山河演出波羅密聞是跋難陀声通總莫  
 過遠近一齊了更不念摩訶香是苑伽女慈  
 悲心徧普淨穢盡能知即此我人母味是憍  
 梵鉢甜苦尋常說入口辨辛酸恰似當天月

觸是瞬若多善惡總能和屠割無嗔喜抵箇  
 是弥陀意是大迦葉毘盧俱一法幽室顯然  
 分枝派千花葉  
 龍德府尹李侯與師有舊虛承天寺致之使  
 者三反不赴使者受罰復至云必欲得師俱  
 往不然有死而已師笑曰老僧業已不出院

借往當先後之何必俱耶使者云師諾則先  
後惟所擇師乃令設饌具裝畢告眾曰老僧  
去也誰人隨得一僧出云某甲隨得師曰汝  
日行幾里僧云五十里師曰汝隨我不得又  
一僧出云某甲隨得師曰汝日行幾里僧云  
七十里師曰汝也隨我不得侍者出云某甲  
隨得但和尚到處某甲即到師曰汝却隨得  
老僧言訖謂使者曰吾先行矣怡然坐逝侍  
者即立化師壽七十八坐六十五夏  
唐明禪師諱智嵩師諱首山山以拄杖送師  
師接得有偈云和尚拄杖照破龍象臨濟家  
風落在我掌山云莫相帶累師打山一坐具

審上

九

永樂北藏

古尊宿語錄

山云果然帶累師云今日投敗這老漢山云  
又似得便宜又似落便宜師問僧迎葉門  
前客祇園會裏人云特來禮拜師云泊不問  
過僧便喝師云錯僧又喝師云放你三十棒  
僧云許和尚具一隻眼師云喫棒了聽欵  
問有相即不問如何是無相師云忻州齊和  
尚云如何會得師云岱州廡門關  
問師唱誰家曲宗風嗣阿誰師云地連嵩嶽  
水接伊川與麼則風穴一句親明旨未審家  
風事若何師云汝原無異路寶應萬群機問  
萬法還從一法生一法從甚處生師云湘州  
起筍管陶綿問如何是學人的的用心處師

第一九七册

云著衣喫飯自家事云與麼則和尚慈悲也  
師云寒温冷暖大家知問如何是承天家風  
師云胡餅日日新鮮佛法年年依舊云只這  
便是為別更有師云更有則錯云與麼則笑  
殺衲僧口也師云不得不笑云泊合不問過  
師云苦痛蒼天問如何是不動尊師云鎮天  
涯云意旨如何師云或在山中或在樹下問  
如何是佛師云金榜題名天下傳云與麼則  
承天鼓響天下咸聞師云紫羅帳裏感莫遣  
外人聞問臨濟推倒黃檗因甚維那喫棒云  
正狗不偷油雞狗燈盞走僧問和尚是大善  
知識不拘名利為什麼却著紫衣師云世尊

黃金相老僧紫磨身云與麼則前佛後佛同  
一字也師云過去梵王引見在釋迦欽問十  
二時中如何用心師云鷄寒上樹鴨寒下水  
云與麼則不假備證不尋佛祖師云省得山  
僧一半力問萬法歸一一歸何所師云梁王  
城畔趙官家云與麼則四海歸依也師云當  
今天子聖堯舜也不如師因開方丈門不得  
有僧問石壁山河無阻碍此門鎖為什麼開  
不得師云石壁山河即易就中此門難開云  
開後如何師云是什麼問如何是此經師云  
郭家剪子天下人聞問和尚能救世間苦還  
救得這箇也無師云喚什麼作這箇云與麼

客十一

十



則漸漸地凍冬後數九師以手一劃云爭奈者箇何云和尚今日上堂師云只有牽船人不知有梢翁問如何是賓中主師云相逢不相識云如何是主中賓師云家貧未是貧路貧愁殺人云如何是主中主師云王言如絲其出如綸師因賀歲太保問今日新歲已臨

舊歲何在師云今日釘桃符保無語師云會廢云不會師云去年今日事保罔措乃有頌今日釘桃符推邪道自如誰人相委悉除是碧眼胡問三乘教外別傳一句如何是別傳一句師云高麗元是新羅國云法海之中得其用也師云波斯鼻孔長三尺新羅走馬大唐知問到

此城幾里師云五里云往還不易師云賊打不防家問如何是吹毛劍師云好用者如何師云棺木裏努眼問不在內不在外不在中間在什麼處師云露地白牛嚙瑞草云未審意旨如何師云滿目溪山一帶煙

上堂云第一單鎗甲馬第二甲馬單鎗第三

第十一

十二

撒星排陣第十四第四衣錦歸鄉有僧問如何是單鎗甲馬師云不是金牙作爭敢射尉遲云如何是甲馬單鎗師云金鏃馬前落婁樊喪膽第十五寬云如何是撒星排陣師云陣雲橫海上未升聖明君云如何是衣錦歸鄉師云四海無消息回奉聖明君百法座主問百法千重鎖

因明閉不開師云且出千重鎖云出後如何  
師云處處無障礙縱橫任意游鄭工部入院  
見法座便問是什麼人位次師云老僧云自  
家爭敢師云工部莫壓良爲賤部云真箇師  
云不敢遂把手入方丈部云此室常出入未  
嘗有難得之法長老還有也無師以袖拂工  
部面云與麼則今日得清涼也師云且與後  
人作榜樣有尼大德會四衆到院設齋乃脫  
羅綺服布素問卸却珎御服著弊垢衣入塵  
化尊是維摩分上事是弟子分上事師云維  
摩會上誇天女今日闍黎決衆疑云今日不  
昧於當時也師云真師子兒一撥便轉女弟

子問金剛經中六波羅蜜那箇第一師云長  
城齊崩倒方見本來人云孝人不會請師直  
指師云白骨如山嶽滴血驗真容問如何是  
佛師云擬心即差用心即乖云畢竟如何師  
云大尽三十日小盡二十九鄭工部至茶話  
次云汾陽有箇昭禪師愛看讀某甲留一偈  
師云略請見示部舉云黃紙休遮眼青雲自  
有陰莫將閑學解埋沒祖師心師云工部慣  
得其便部云者賊師云更不再勘知郡張侍  
郎與部署到見方丈割破問和尚有護法善  
神爲什麼却被惡人窺算師云賊是小人智  
過君子上堂舜親割愛拋離俗網來入寶所

禮拜金仙為師作釋種眷屬既離苦海已達  
彼岸長行般若之慈舟撈渡愛河之溺子脚  
踏十方肩擔四海口說一乘之法眼識不二  
之門內無所有外無所依身如虛空虛空難  
比豈不號為無著邪既到此地黃河為酥酪  
須弥為飯食大地為卧具帝釋梵王執侍巾

密十一

十一

瓶維摩為侍者文殊普賢掃床摺被等妙二  
覺隨驢把馬所以經云一切眾魔及諸外道  
皆吾侍者諸德不教你作鄉頭里正耆長大  
户一箇箇你師子兒去成佛你祖去入如來  
藏去如來者諸法如義無所從來亦無所去  
故號如來豈不快哉諸德三界無法何處求

永樂北藏

古尊宿語錄

心四大本空佛依何住莫袈裟下多藏毒藥  
自傷其身乃有頌曰苦哉苦哉寔苦哉萬劫  
千生金地來袈裟底下藏毒藥却教佛自受  
沉埋問靈草未生芽時如何師云切忌動著  
云生芽後如何師云昨夜遭霜了問師子未  
出窟時如何師云眾獸潛藏云出窟後如何  
師云眾獸腦裂問如何是先照後用師云打  
動漢下鼓和起楚王歌云如何是先用後照  
師云龍沮解布千般計韓信能施堰水功云  
如何是照用同時師云長蛇偃月齊排出韓  
信張良唱大歌云如何是照用不同時師云  
鼎三已歸烏江去豎起金鷄賀太平問不在

第一九七册

內不在外不在中間在什麼處師云西天白  
 氍毹土然綿云未審此語如何師云南岳五  
 臺問寶所化城相去多少師云舉足下足問  
 六塵境上施就漆方便門中為指歸師云懷  
 州牛膝天下人聞云與麼則慈音一唱開玄  
 路頓使歸程直到家師云鎮州蘿蔔可重三

密十一

十三

斤問三句之中那句是極則師云徧地露形  
 終不見云更有安身立命處也無師云一生  
 長是鎮天涯 楊大年李駙馬與師問答問  
 弥陀演化在西方達磨傳心來東土胡來漢  
 現水到渠成五臺鎮靜以崢嶸百谷朝宗而  
 浩渺一靈之性托境而現形三文之中憑何

而立命師云仙人無婦玉女無夫楊云尼刷  
 頭不復生子師云陝府鐵牛能哢吡嘉州大  
 像念摩訶李云側跳上山巔師云騎牛不著  
 靴李問玄沙不出嶺保壽不渡河善財象知  
 識五十三員惠遠結黑白一十八士雪峯三  
 度上投子智者九旬講法華這六箇漢為復  
 野干鳴為復師子吼道道師云水急魚行澁  
 峰高鳥不棲揚云泗州大聖師云土上加泥  
 又一重李云舌上覆金錢師云半夜歌樂動  
 誰人得知音又問風穴提印南院傳衣昭公  
 演化於西河高師領徒於并壘南宗之旨北  
 土大典且道二師承誰息力師云不入蓮池

浴懶向雪山游楊云清涼山裏萬菩薩師云  
維摩會中諸聖集李云背負乾薪遭野火師  
云口是禍門問忉利透日月之上四禪免風  
火之灾三交駕大牛之車臨汝握全提之印  
獼猴有一面古鏡狸奴有萬里神光直下承  
當是何人也師云朝看東南暮觀西北楊云  
狸奴白牯却知有師云淹殺塚頭蒿李云月  
裏煮油鑄師云石人腰帶又問一切諸佛尽  
在裏許動即喪身失命覩着兩頭俱瞎擬議  
之時千山萬水直下會得也是炭庫裏坐地  
有不惜眉毛者通箇消息來師云百雜碎楊  
云平生不妄語師云也要道過李云出穴免

遭胃師云東西無滯礙南北得自在復有頌  
曰一言纒出徹龍庭攪動須弥帝釋驚三世  
諸佛齊坐了杖頭傀儡弄靈暗楊荅云今年  
桃李味甘香一顆千金買得嘗貯藥葫盧拖  
尾尾兜門小窄轉難截師又荅千年桃核未  
聞香幾度逢春難得嘗靈龜曳尾除蹤迹沙  
中抱子更難截楊又荅五臺山裏有文殊羅  
漢天台洞裏居為問紫胡一隻狗何如普化  
一頭駟師又荅忽聞師子吼引出象王威把  
定聖凡路誰人敢揚眉擬議塵沙劫動念隔  
千岐瞬目它方去早已着灰泥楊弄荅蜘蛛  
網中生虫兒不敢逃昨夜三尺雪百鳥尽遭

餓果鞅樹低垂鴉肥饒筭破借問末山尼何  
 如劉鐵磨師弄峇山高人難上海深不見底  
 樵夫謾踏鞋漁父休誇水言却超百億收來  
 維摩詰若覓同道人曠劫不相識師作宗本  
 頌左顧右覩黃昏弄鹵展手回來早是彰露  
 且道作麼生是彰露底句楊云正殺人時者

出頭師云兩脚梢空手又曾李云左鬚右髮  
 隱文章師云名利已彰天下去丫頭女子倒  
 騎牛師復云維摩一默文殊贊善若遇老僧  
 在彼各與三十棒且道這二老漢過在什麼  
 處揚云頭破作七分如阿梨樹枝師云迦葉  
 不擎拳阿難不合掌李云似犢牛兒未用角

時師云忙屈拳打令師復云教有明文佛身  
 充滿於法界老僧今日充滿於法界侍郎即  
 今在什麼處揚云布裙一截泥努出膝蓋子  
 師云寬口布袴三尺杖李云河水一擔直三  
 文師云只見鼻頭津不見頂後濕鄭工部到  
 汾陽昭和尚處茶話次部云某甲留一偈贈

密士

十五末

師偈曰黃紙休遮眼青雲自有陰莫將閑學  
 鮮埋沒祖師心復云只將此偈驗天下長老  
 汾陽云與麼則汾陽也在裏頭部云擔枷過  
 狀昭云更不再勘部云兩重公案昭云知即  
 得部良久昭嚧一聲部云文寶文寶昭云在  
 甚所在部云不容某甲出氣爭得喚它道淹

滯長老在此昭云是何言歟部云寔昭云也  
不得放過部云請師一偈昭云不閉紙墨遂  
上札荒草尋幽徑岩松迥布陰幾多玄學客  
失却本來心

唐明高禪師語錄終

密士

古尊宿語錄卷第十一

永樂北藏

古尊宿語錄

第一九七冊



古尊宿語錄卷第十二

密十

南嶽下第十世

汾陽昭禪師法嗣

慈明禪師諱楚圓族出全州清湘李氏少為書生年二十二依城南湘山隱靜寺得度其

密十二

母有賢行使之遊方師連眉秀目頎然豐碩然忽繩墨所至為老宿所呵以為少叢林師笑曰龍象蹴踏非驢所堪嘗索骨董箱以竹杖荷之游襄沔間與守芝谷泉俱結伴入洛中聞汾陽昭禪師道望為天下第一決志親依時朝廷方問罪河東澤潞皆屯重兵多勸

永樂北藏

古尊宿語錄

其無行師不願渡大河登太行易衣類廝養竄名火隊中露眠草宿至龍州遂造汾陽先是汾州預語首坐非久有異僧至傳持吾道一日忽率首座遊山首座云何往汾州云接侍者去首座云和尚顛倒作什麼汾州云但去果逢師至即與同歸經二年未許入室師每詣方丈汾州揣其志必罵詈使今者或毀詆諸方及有所訛皆流俗鄙事一夕訴曰自至法席不蒙指示念歲月飄忽已事未明有失出家之利語未卒汾陽叱曰是惡知識敢裨販我舉杖逐之師擬伸救汾陽急掩其口乃大悟曰是知臨濟道出常情乃服役七稔

第一九七册

云謁唐明嵩神昇諶洞山聰暨登揚太年李  
 郡尉之門機語契投於是法道大振宜春守  
 黃公宗旦請開法南源次遷道吾石霜福嚴  
 興化都尉李俠遵昂奏賜命服徵號僧問如  
 何是道曰踏著不噴云如何是道中人曰曾  
 馱背負問如何是祖師西來意曰渾家送上  
 渡頭艇問如何是異類中人曰頭長脚短云  
 謝師指示曰半幅全封云直恁麼去也曰閣  
 黎鼻孔為甚麼在山僧手裏僧無語師便打  
 問蓮花未出水時如何曰水深蓋不得云出  
 水後如何曰不礙往來看云花開後如何曰  
 南北馨香云結子後如何餒魚餒鼈問如何

是禪曰鼻孔入地師同大愚數輩辭汾陽相  
 讓不肯作叅頭汾陽云此行不可以戒鴈推  
 聽吾偈曰天無頭吉州城外起戈矛將軍足  
 馬林下過員州城裏鬧啾啾師遷出班云楚  
 圓何人敢受和尚如此記別即領衆作禮汾  
 陽復祝之曰吾在先師處親證三昧汝今已  
 得宜往南方大興吾道即造洞山寶禪師席  
 終日面壁寶問達磨九年面壁意旨如何師  
 云空腹空心寶翌日陞堂請師充第一座師  
 住南源開堂曰白槌云法筵龍象衆當觀第  
 一義師乃云大衆會麼宜陽秀水南嶽石橋  
 若也不會謾你諸人去也所以道達磨西來

教外別傳一句且道別傳個什麼直指人心見性成佛祇如諸人及是祖師指出底人還信得及麼若信得及與祖佛同參若信不及可謂自生退屈此日一會不是小緣將一瓣香為我無得禪師且道諸人還識無得禪師麼若也不識有疑請問僧問世尊出世梵王前引帝釋後隨今日和尚出世請師說法師云好僧去恁麼則粉骨碎身去也師云三月野花鋪地錦九秋黃葉以為陰問如何是祖師西來意師云畝地三蛇九鼠 上堂云若論此事絕有言詮侍者拈香早成多事所以釋迦掩室已涉繁詞居士默然却成多說

何故彼彼出家彼彼行脚且問諸人作麼生是出家行脚底事莫是著衣喫飯行住坐卧廣學多聞無言無說麼若恁麼會大似掉棒打月既不許恁麼會又作麼生會衆中還有識好惡者麼有即出來對衆證明若也未不能如是疑請問僧問鼓聲絕罷大衆雲臻祖三意西來請師舉唱師云汝從甚處來僧云汾陽一句師親唱南源今日事如何師云汝見南源問有言有說皆是世諦之談無言無說未是衲僧行履處幸對人天請師垂示師云放山僧一線道與閻黎葛藤僧云恁麼則專為流通師云一片白雲橫世界個中誰是出

密十二

三

頭人 師入州崇勝和尚請上堂云者裏崇勝法堂不可向者裏說佛說法去也然雖如是官不容針私通車馬恁麼大似擔水河頭賣象中還有檢點得底麼試出來檢點看有麼有麼時有僧問諸法已聞今日響請師方便演真乘師云天不高地不遠僧云孤峰出羣嶽萬里百花新師云不是直鉤客徒勞到海壩問昔日靈山分半座二師相見意如何師云來風可鑿進云恁麼則大眾側聆學人禮拜師云剎利人難得問如何是古佛家風師云金蟾初出海何處不分明進云還許學人請益否師云大海無邊際不宿水雲人乃

云若向言中取則埋沒宗風直饒句下精通敢保此人未悟所以道山青水綠雀噪鷓鴣鳴馮沐同源海雲自異未未諸佛口似燈籠過去諸佛應病施方現在諸佛墮坑落壑不落凡聖一句作麼生道良久云矢上更加尖便下座 師至仰山請上堂云寶鏡富臺森羅自顯太阿在手殺活臨時且道還有該不看者麼有即倒道將一句來如無後學初心有疑請問時有僧問知師久卧深潭裏大仰陞堂事若何師云雨來山裏暗雲出洞中明進云學人不會弄潮須是弄潮人問大通處春僧無語師云弄潮須是弄潮人問大通

智勝佛十劫坐道場佛法不現前不得成佛  
道未審意旨如何師云一場懺懺進云祇如  
大通智勝佛又如何師云八十翁翁若少年  
進云學人耳順之年乞師再垂方便師云衆  
人伏事問如何是佛師云蓮花捧足

客十二

四

父問海上雲游時如何師云若問如何是和  
尚受用處師云因僧擬進語師便打問失前  
忘後時如何師云不上堂豎起拄杖云過  
去諸佛現在諸佛未來諸佛西天二十八祖  
唐土六祖天下老和尚總變成南源拄杖子  
去也汝諸人向什麼處安身立命看看拄杖

子穿過你諸人觸體去也還有識痛痒者麼  
有即出來對衆跏趺看若無南源今日失利  
喝一喝卓拄杖一下下座示衆云無明實性  
即佛性幻化空身即法身諸仁者若也信得  
去不妨省力可謂善財入弥勒樓閣無邊法  
門悉皆周徧得大無碍悟法無生是謂無生  
法忍無邊刹境自他不隔於毫端十世古今  
始終不離於當念且問諸人阿那個是當念  
只如諸人無明之性即汝本覺妙明之性蓋  
為不了生死根源執妄為寔隨妄所轉致墮  
輪回受種種苦若能回光反照自悟本來真  
性不生不滅故無明寔性即佛性幻化空身

即法身只如四大五蘊不淨之身即無實義  
如夢如幻如影如響從無量劫來流浪生死  
貪愛所使無暫休歇出此入彼積骨如毗富  
羅山飲乳如四大海水何故為無智慧不能  
了知五蘊本空都無所寔逐妄所生貪欲所  
拘不能自在所以世尊云諸苦所因貪欲為  
本第十二若滅貪欲無所依止汝等若能了知幻身  
虛假本來空寂諸見不生無我人衆生壽者  
法皆如故幻化空身即法身法身覺了無一  
物唯有聽法說法虛玄大道無着真宗故云  
本源自性天真佛又云五陰浮雲空去來三  
毒水泡虛出沒若如是者為度一切苦厄乃

至無量無邊煩惱知解悉皆清淨是為清淨  
法身若到這個田地便能出此入彼捨身受  
身地徹天堂此界他方縱橫自在任意浮沉  
應物舒光隨機逗教喚作千百億化身恁麼  
說話可謂無夢說夢和泥合水撒屎撒屎不  
識好惡乃呵呵大笑云若向衲僧門下十萬  
八千未夢見他汗臭氣在雖然如是事無一  
向但以假名字引導於衆生喝一喝  
示衆云馬大師即心即佛當人未悟盤山非  
心非佛只成戲論之談雪峰毘毘誑小兒  
之作雲門頽笠笑殺傍觀少室自傷一場大  
錯德山入門便棒未遇奇人臨濟入門便喝

太殺輕薄黃梅呈頌人我未忘更言祖祖相傳適相誹謗到這裏須是個人始得所以道鷹生鷹子鶻生鶻兒然雖如此也是華縣茶瓶乃彈指一下示衆云上來也步步登高下去也通身無碍所以道有時先敲後唱有時先唱後敲有時敲唱同時有時敲唱不同時所以王登寶殿野老謳歌如今還有謳誦者麼良久云木人雖舉手石女不撻頭唱一喝示衆云百千法門同歸方寸河沙妙義揔在心源無三界可出無菩提可求人與非人性相平等既然如是為甚麼那吒撲帝鍾良久云波斯鼻孔長又長

示衆說佛說祖和

永樂北藏

古尊宿語錄

泥合水向上向下衲僧破草鞋搥不與麼無繩自縛且獨脫一句作麼生道還有人道得麼試對衆倒道將一句來有麼有麼良久云塚上更加泥唱一喝師問僧名甚麼僧云海滿師云海無增減為甚麼却滿云和尚莫謾海滿師云南源罪過師問僧近離什麼處云雲過千山碧師云着忙作甚麼云鴈去水聲淒師便喝僧亦喝師便打僧亦打師云你這瞎漢本分打出三門外念汝是新到且坐喫茶師問僧行脚人須知有行脚事作麼生是行脚事云知師云知底事作麼生云山高水深師云念汝速來且坐喫茶僧云諾諾師問

密十二

六

第一九七册

顯英首座近離甚處云金鑿師云夏在甚處  
 云金鑿云前後夏在甚處云金鑿師云先前  
 夏甚處云和尚何不領話師云我也不能勘  
 得你教庫下供過奴子來勘且點一椀茶與  
 你濕口師問僧近離甚處僧以手面前一劃  
 師云是何言狀僧便唱師云作甚麼僧撫掌  
 一下便打師云瞎漢亂做作麼以坐具真打  
 出法堂師道過瑯琊時覺禪師住焉先是舉  
 道者到瑯琊造方丈覺問近離甚處云兩浙  
 覺云舡來陸來云舡來覺云舡在甚處云步  
 下覺云不涉程途一句作麼生道舉以坐具  
 撼一城云杜撰長老如麻似粟拂袖便出覺

問侍者此是甚人云舉上座覺遂親下旦過  
 堂問莫是舉上座麼勿怪適來相觸忤舉便  
 唱云我在浙江早聞你名元來見解只如此  
 何得名播寰宇覺遂作禮云慧覺罪過及師  
 至瑯琊覺留之師為逗過數日因夜話及之  
 師笑曰舉見處總能自了覺默然師為作牧  
 童歌曰卷十二牧牛童定快活跣足披蓑雙角操橫  
 眠牛上向天歌人問如何牛未渴回首看平  
 田闊四方放去休欄過八面無拘任意遊要  
 收只在索頭撥小牛兒順毛拚角力未充難  
 提掇且從放在小平坡慮上高峯四蹄脫日  
 已高休喫草担定鼻頭無少老一時牽向園七



中眠和泥看伊東西倒咲呵呵好不好又將  
橫笛順風吹震動五湖山海島倒騎牛脫布  
襪知音休向途中討若問牧童何處居鞭指  
東西無一竇覺默得其遊戲三昧  
僧問如何是賓中賓師云禮拜更慇勤如何  
是賓中主師云拄杖常在手如何是主中賓

師云拄杖掇乾坤如何是主中主師云劍握  
旣人手問如何是佛師云滿湘斑竹杖問祖  
佛不立時如何師云口上生茆問終見便回  
時如何師云湖南鎮主進云末後慇勤請師  
道師云多少分明進云大衆側聆師云未敢  
相許問進前不得時如何師云截斷衆疑問

步步登高時如何師云雲生足下問如何是  
南源狗師云甯問如何是禪師云鼻孔入地  
問如何是佛師云石打不入 上堂云諸佛  
放光明助發寔相義乃豎起拄杖子云者個  
是南源拄杖子阿那個是寔相義你若見去  
被見聞所轉也若不見行脚眼在什麼處嚼

一喝下座 上堂云一塵終舉大地全收  
一毛頭師子百億毛頭現百億毛頭師子一  
毛頭現千頭萬頭但識取一頭乃豎起拄杖  
子云者個是南源拄杖子那個是一頭喝一  
喝卓拄杖一下下座問如何是佛師云人老  
病生問如何是接初機底句師云一刀兩段

問如何是驗衲僧底句師云寒山拾得問如何是正令行底句師云來千去萬問如何是立乾坤句師云天高海闊問與師並坐時如何師云線穿黃葉 上堂云天地与我同根萬法与我一體乃豎起拄杖子云者個是南源拄杖子那個是體良久云渡河須用筏到岸不須舡喝一喝卓拄杖一下下座

上堂豎起拄杖云河沙諸佛河沙國土總被南源拄杖子一口吞却其中衆生不覺不知你衲僧鼻孔在什麼處若知去處橫擔拄杖目視雲霄若也不知長連林上有粥有飯喝一喝下座俗官問如何是南源境師云鑿池

秋待月種竹夏遮陽如何是境中人師云城中公子般般貴林下道人事事貧問久昧衣珠請師指示師云草賊大敗僧云透走無路師云脚踏不動座主問承教有言因緣自然即不問如何是因緣師云記來多少時也進云如何是自然師云速退速退妨他別人問師住道吾上堂僧問達磨西來曲為今時不屈宗乘請師舉唱師云雲雨灑長空花開徧地春進云澗松清冷澹晚月照長川師云一言既流通今古誰言異進去雲生嶺上花發岩前師云相逢及道休官去林下何曾見一人進云今日遭逢和尚師便喝

上堂云佛以一音演說法衆生隨類各得解  
 且道晝行夜卧一句作麼生道良久以拄杖  
 早一下云德山證明下座問辯豈當軒學人  
 擬議如何得入師云還覺頭痛麼 上堂  
 云心隨萬境轉轉處實能幽隨流認得性無  
 喜後無憂拈起拄杖子云者個是道吾拄杖  
 子那個是諸人心河沙因土河沙諸佛西天  
 二十八祖唐土六祖盡在道吾拄杖子上轉  
 大法輪諸人還見麼若見朝遊西天暮歸東  
 土若也不見晨朝有粥齋時有飯卓拄杖一  
 下下座 上堂云有物先天地無形本寂  
 寥能為萬像主不逐四時凋拈拄杖云者個

案十三

九

是道吾拄杖那個是萬像主良久云若見諸  
 相非相即見如來喝一喝卓拄杖一下下座  
 上堂云有時先照後用有時先用後照有時  
 照用同時有時照用不同時所以道有明有  
 暗有起有倒乃喝一喝云且道是照是用緇  
 素辨得麼試出來呈醜拙着若無道吾今日  
 失利喝一喝下座 上堂僧出禮拜起便  
 喝師云作麼生僧又喝師云陪僧禮拜師云  
 三十捧且待別時來與你突問古人面壁意  
 旨如何師云有年無德 師住石霜開堂  
 日僧問維摩一默未稱師宗棒喝齊施中派  
 罔措今日一會請師方便師云石笋逢春長

霜花向日開進云典麼則陽鳥喃喃語雨過  
 百花新師云不日漁父引鳥知水淺深僧云  
 峻水隨流急雲開照碧天師云我行荒草裏  
 你又入深村僧應若云官不容針更借一問  
 師意如何師云放你三十棒三十年後方始  
 知痛痒僧舞袖而退師云夢見問方木調弦  
 時如何師云幡竿一尺二進云恁麼則和尚  
 手出今時也師云脚撥不動僧云莫道不知  
 音師云三十年後悟去不定問古鏡未磨時  
 如何師云新羅打鼓進云磨後如何師云西  
 天作舞上堂云青蓮視瞬已多繁迦葉微微  
 咲自謾少室坐羞痴截臂黃梅呈鮮頌多般

入門棒喝重重錯向上宗乘肉自剗公按見  
 成誰憺憺鑿嘆啐啐啞旁觀一宿覺來知是  
 誤不言師範更無端丈夫皆有衝天志北斗  
 南星背面看 偈頌  
 因僧請益三玄三要頌 第一玄三世諸  
 佛擬何宣垂慈夢裏生輕薄端坐還成落斷  
 邊 密十二 第二玄伶俐衲僧眼未明石火電光  
 知是鈍揚眉瞬目涉關山 第三玄萬象  
 森羅宇宙寬雲散洞空山嶽靜落花流水滿  
 長川 第一要豈話聖凡妙擬議涉長途  
 擗眸七顛倒 第二要峯頂敲捷召神通  
 自在來多聞門外叫 第三要起倒令人

咲掌內握乾坤千差都一照 報你通玄  
 士棒喝要臨時若明親的旨半夜太陽輝  
 因僧請益臨濟兩堂首座齊下喝頌  
 啐啄之機箭拄鋒瞥然賓主當時分宗師慙  
 物垂緇素北地黃河徹底渾 因人請益  
 慧超佛話有頌 僧問如何是佛師云汝  
 是慧超禮拜進前叉手思量十万世世  
 因僧請益雲門起佛越祖之談 起佛越  
 祖若何宣充齋餠恣情食湖南展鉢新羅  
 咬大石波斯索渡船 因僧請益乃述三  
 訣頌 第一訣大地山河泄維摩終默然  
 文殊便饒舌 第二訣展拓看時節語默

永樂北藏

古尊宿語錄

豈相干夜半秋天月 第三訣遠路難登  
 涉陸地弄舟舡眼中藏日月 三句頌  
 第一句天上他方皆罔措俱輪顛倒論多端  
 魏魏未到尼俱樹 第二句臨濟德山涉  
 路布未過新羅棒便揮遠者途中乱指注  
 第三句維摩示疾文殊去對談一默震乾坤  
 直至如今作咲具 因僧請益五位有頌  
 正中偏半夜烏雞室裏鳴海底然燈光世界  
 石上栽花長枝靈 偏中正日落西山觀  
 異影分明影像顯宗乘休把眉頭窺月井  
 正中來木馬生兒徧九坡進退任行通鳥道  
 豈並巢居界內隈 燕中至彼彼丈夫全

第一九七册

永樂北藏

古尊宿語錄

第一九七册

意氣矛盾交互不傷鋒展拓縱橫不相離  
 兼中到黑白已前休作造須明露柱未生兒  
 莫認狂僻途路走 都一頌 偏中歸  
 正極出玄正去偏來理事全須知正位非言  
 說朕非依倚屬有緣兼至去來興妙用到兼  
 何更逐言詮出沒豈能該世界蕩蕩無依鳥  
 道玄 因僧請益風穴佛話 杖林山下  
 竹筋鞭南北禪人万万千莫怪相逢不下馬  
 東西各自有前程 寄李駙馬 分身  
 千百億悲智難窮在俗還隨俗居宮即順  
 宮頭頭皆巨護處處現神通珍重吾宗幸多  
 能立古風 又 仰觀天畔一輪日

度清光四上出大士蓬頭問志公摩訶般若  
 波羅密 注杜順和尚頌 懷州牛喫  
 禾 河沙益州馬腹脹 天下召醫人 醫頭 灸猪左  
 膊上 成瘻 冬不人事頌一首示眾云  
 東山林木高幾歲幾回雨南嶺松枝瘦石生  
 石畔土金色見瞿曇二三八五  
 僧請益古人十二時詩乃頌之 雞鳴丑夢  
 裏逢人莽莽鹵 平旦寅覺來路上弄精  
 蒐 日出卯赫赫光明影裏坐 食時  
 辰食飽還知是病因 禺中已買賣論量  
 入市肆 日南午萬像分明作笑具  
 日昃未張公喫酒李公醉 晡時申省來

端坐醉醺醺 日入酉苑蓬竹戶硬撐柱  
黃昏戌日落西山 狐魅出 人定亥老鼠  
牀頭作隊隊 夜半子一輪明月蘇嚧哩  
慈明禪師偈頌語錄終

十二末

古尊宿語錄卷第十二

密十

永樂北藏

古尊宿語錄

第一九七冊



古尊宿語錄卷第十三 十三卷至十四卷 勿一

馬祖大寂禪師法詞

南泉禪師講普願鄭州王氏子也示衆云王  
老師賣身去也還有人買麼時有僧出衆云  
某甲買師云不作貴不作賤你作麼生買僧

且

無對 師同魯祖掃宗杉山喫茶次祖提起  
蓋子云世界未成時便有這箇師云今時只  
識這箇且不識世界宗云是師云師兄莫同  
此見麼宗提起盤子云向世界未成時道得  
麼師作掌勢宗以面作受掌勢 師與魯祖  
杉山歸宗辭馬祖各謀住庵中路分袂次師

永樂北藏

古尊宿語錄

挿下拄杖云道得也被這箇礙道不得也被  
這箇礙宗拽拄杖便打云也只是這箇王老  
師說甚麼礙不礙魯祖云只此一句大播天  
下宗云還有不播底麼祖云有宗云作麼生  
是不播底祖作掌勢 師寄書與茱萸云理  
隨事變寬廓非外事得理融寂寥非內僧問  
茱萸如何是寬廓非外茱萸云問一蒼百也  
無妨云如何是寂寥非內萸云覩對聲色不  
是好手又問趙州州作喫飯勢僧進後語州  
作拭口勢又問長沙岑岑瞪目視之僧進後  
語岑閉目示之僧舉似師師云此三人不認  
為吾弟子 趙州問和尚百年後向甚麼處

第一九七册

去師云山下作一頭水牯牛去州云謝師指  
 示師云昨夜三更月到窻 師刈菰次有僧  
 問南泉路向甚麼處去師豎起鐮云我這鐮  
 子是三十文買僧云我不問這箇南泉路向  
 甚麼處去師云我用得景快 師住庵時有  
 一僧來師云某甲上山作務齋 時上座做飯  
 喫了却送一分來其僧齋時做飯喫了將家  
 具一時打破就床而卧師伺不來遂歸見僧  
 偃卧師亦去身邊卧僧便起去師云得恁麼  
 靈利師住後云我往前往庵時有箇靈利道  
 者直至如今不見 師問僧夜來好風云夜  
 來好風師云吹折門前一株松僧云吹折門

前一株松又問一僧云夜來好風云是甚麼  
 風師云吹折門前一株松云是甚麼松師云  
 一得一失有一庵主人謂之曰南泉近日出  
 世何不去禮拜主云非但南泉直饒千佛出  
 與亦不去師聞令趙州往勘之州纔見庵主  
 便作禮主不願州從西過東從東過西而立  
 主亦不願州云草賊大敗拽下簾子便行舉  
 似師師云我從來疑着這漢僧問牛頭未見  
 四祖時為甚麼百鳥銜花獻師云為渠步步  
 踏佛階梯云見後為甚麼不銜花獻師云直  
 饒不來猶較王老師一線道 師問座主講  
 甚麼經云彌勒下生經師云彌勒幾時下生

云現在天宮未來師云天上無彌勒地下無  
 彌勒 上堂云諸子老僧十八上解作活  
 計有解作活計者出來共你商量是住山人  
 始得良久顧視大眾合掌曰珍重無事各自  
 修行大眾不去師曰如聖果大可畏勿量大  
 人尚不柰何我且不是渠渠且不是我渠爭  
 柰我何他經論家說法身為極則喚作理盡  
 三昧義盡三昧似老僧向前被人教返本還  
 源去幾恁麼會禍事兄弟近日禪師太多香  
 箇疑鈍人不可得不道全無於中還少若有  
 出來共你商量如空劫時有修行人否有無  
 作麼不道阿你尋常巧骨薄舌及手問著認

皆不道何不出來莫論佛出世時事兄弟今  
 時人擔佛著肩上行聞老僧言心不是佛智  
 不是道便聚頭擬推老僧無你推處你若東  
 得虛空作棒打得老僧著一任推時有僧問  
 從上祖師至江西大師皆云即心是佛平常  
 心是道今和尚云心不是佛智不是道學人  
 悉生疑惑初請和尚慈悲指示師乃抗聲答曰  
 你若佛休更涉疑却問老僧何處有恁麼  
 傍家疑佛來老僧且不是佛亦不曾見祖師  
 你恁麼道自覓祖師去曰和尚恁麼道教學  
 人如何扶持得師曰你急手托虛空著曰虛  
 空無動相云何托師曰你言無動相早是動

也虛空何辭道我無動相此皆是你情見曰  
虛空無動相尚是情見前遣某甲托何物師  
曰你既知不應言托擬何處扶持他曰即心  
是佛既不得是心作佛否師曰是心是佛是  
心作佛情計所有斯皆想成佛是智人心是  
采葉主皆對物恃他便妙用大德莫認心認  
佛設認得是境被他喚作所知愚故江西大  
師云不是心不是佛不是物且教你役人恁  
麼行履今時學人披箇衣服傍家疑恁麼閑  
事還得否曰既不是心不是佛不是物和尙  
今却云心不是佛智不是道未審如何師曰  
你不認心是佛智不是道老僧勿得心來獲

何處著曰恁既不得何異太虛師曰既不是  
物比什麼太虛又教誰異不異曰不可無他  
不是心不是佛不是物師曰你若認遮箇還  
成心佛去也曰請和尙說師曰老僧自不知  
曰何故不知師曰教我作麼生說曰可不許  
學人會道師曰會什麼道又作麼生會曰某  
甲不知師曰不知却好若取老僧語喚作依  
通人說見彌勒出世還被他搆却頭毛曰使  
後人如何師曰你且自看莫愛他後人曰前  
不許某甲會道今復令某甲自看未審如何  
師曰真會妙會許你作麼生會曰如何是妙  
會師曰還欲學老僧語縱說是老僧說大德

如何曰某甲若自會即不煩和尚乞慈悲指  
示師曰不可指東指西賺人你當哆哆和和  
時作麼不來問老僧今時巧點始道我不會  
圖什麼你若此生出頭來道我出家作禪師  
如未出家時曾作什麼來且說看共你商量  
曰恁麼時某甲不知師曰既不知即今認得  
可可是邪曰認得既不是不認是否師曰認  
不認是什麼語話曰到遮裏某甲轉不會也  
師曰你若不會我更不會曰某甲是學人即  
不會和尚是善知識合會師曰遮漢向你道  
不會誰論善知識莫巧點看他江西老宿在  
日有一學士問如水無筋骨能勝萬斛舟此

理如何老宿云遮裏無水亦無舟論什麼筋  
骨他學士便休去可不省力所以數數向道  
佛不會道我自修行用知作麼曰如何修行  
師曰不可思量得向人道恁麼修恁麼行大  
難曰還許學人修行否師曰老僧不可障得  
你曰某甲如何修行師曰要行即行不可專  
尋他輩曰若不因善知識指示無以得會如  
和尚每言修行須解始得若不解即落他因  
果無自由分未審如何修行即免落他因果  
師曰更不要商量若論修行何處不去得曰  
如何去得師曰你不可逐身尋得曰和尚未  
說教某甲作麼生尋師曰縱說何處覓去且

如你從旦至夜忽東行西行你尚不商量道去得不得別人不可知得你曰當東行西行搃不思量是否師曰恁麼時誰道是不是曰和尚每言我於一切處而無所行他拘我不得喚作徧行三昧普現色身莫是此理否師曰若論修行何處不去不說拘與不拘亦不說三昧如曰何異有法得菩提道師曰不論異不異曰和尚所說脩行迥然與大衆別未審如何師曰不管他別不別兼不曾學來若論看教自有經論座主他教家實大可畏你且不如聽法好曰究竟令學人作麼生會師曰如汝所問元只在因緣邊看你且不奈何緣

是認得六門頭事你但會佛那邊却來我與你商量兄弟莫恁麼尋逐不住恁麼不取古人語行菩薩行唯一人行天魔波旬領諸眷屬常隨菩薩後覓心行起處便擬撲倒如是經無量劫覓一念異處不得方與眷屬禮辭讚歎供養猶是進備位中下之人慢不奈何況絕功用處如文殊普賢更不話他兄弟作麼生道行是無覓一日行底人不可得今時傍家從年至歲只是覓究竟作麼生空弄唇舌生解曰當恁麼時無佛名無衆生名使某甲作麼圖度師曰你言無佛名無衆生名早是圖度了也亦是記他言語曰若如是悉屬

佛出世時事了不可不言師曰你作麼生言  
曰設使言言亦不及師曰若道言不及是及  
語你虛恁麼尋逐誰與你爲境曰既無爲境  
者誰是那邊人師曰你若不引教來即何與  
論佛既下論佛老僧與誰論遮邊那邊曰果  
雖不住道而道能爲因如何師曰是他古人  
如今不可不奉戒我不是渠渠不是我作得  
伊如狸奴白牯行履却快活你若一念異即  
難爲修行曰云何一念異難爲修行師曰才  
一念異便有勝劣二根不是情見隨他因果  
更有什麼自由分曰每聞和尚說報化非真  
佛亦非說法者未審如何師曰緣生故非曰

報化既非真佛法身是真佛否師曰早是應  
身也曰若恁麼即法身亦非真佛師曰法身  
是真非真老僧無舌不辭道你教我道即得  
曰離三身外何法是真佛師曰遮漢共八九  
十老人相罵向你道了也更問什麼離不離  
擬把楔釘他虛空曰伏承華嚴經是法身佛  
說如何師曰你適來道什麼語其僧重問師  
顧視數曰若是法身說你向什麼處聽曰某  
甲不會師曰大難大難汝看亮座主是蜀中  
人鮮講三十二本經論於江西講次來見開  
元寺老宿宿問見說座主鮮講經是否主云  
不敢宿云將什麼講主云將心講宿云心如

工伎兒意如和伎者爭辭講得主云莫是虛  
 空講得宿云却是虛空講得主拂袖便行宿  
 召座主主回首宿云是什麼主便開悟兄弟  
 看他快利麼僧云據和尚說即法身說法師  
 云若如是會早應身了也僧云既是應身豈  
 無說法者師云我不知僧云某不會師云不  
 會却好免與他分疎問教中道法身大士會  
 處即見法身佛地位菩薩即見報身佛二乘  
 唯見化身佛莫是此理否師云我眼不曾看  
 教兼無耳孔不曾聽你自看取若如是憶持  
 即已後始不柰何如似弄珠說珠光徧有金  
 盤在即得忽被拈却金盤去何處弄珠向什

麼處尋他光徧與不徧學人禮拜和尚笑云  
 大難大難古人罵你喚作田獵漁捕喚作搬  
 糞人好去珍重 師示衆云真理一如潛行  
 密用無人覺知呼為滲智亦云無滲不可思  
 議等空不動性非生死流道是大道無碍涅  
 槃妙用自足始與一切行處而得自在故云  
 於諸行處無所而行亦云遍行三昧普現色  
 身只為無人知他用處無蹤跡不屬見聞覺  
 知真理自通妙用自足大道無形真理無對  
 所以不屬見聞覺知無處細想如云不聞不  
 聞是大涅槃道者箇物不是聞不聞僧問大  
 道不屬見聞覺知未審如何契會師云須會



冥契自通亦云了因非從見聞覺知有見知  
屬緣對物始有者箇靈妙不可思議不是有  
對故云妙用自通不依傍物所以道通不是  
依通事湏假物方始得見所以道非明暗法  
離有離無潛理幽通無人覺知亦云冥會真  
理非見聞覺知故云息心達本源故号如如  
佛必竟無依自在人亦云本果不從生因之  
所生文殊云惟從了因之所了不從生因之  
所生從上已來只教人會道更不別求若思  
量作得道理盡屬句義三乘五性義理無不  
喚作行發處受用具足即得若論道即不  
是一向耽著被他識拘亦云世間智教云一

向耽著三藏學者為田獵漁捕為利養故然  
害大乘亦云貪欲成性所以云佛不會道我  
自備行我自有妙用亦云正因了六波羅密  
空即物拘我不得所以祖師西來恐你諸人  
迷著因果地位故來傳法救迷情頓悟花情  
已性是花種性亦云菩提花故江西老宿云  
不是心不是佛不是物先祖雖說即心即佛  
是一時間語空拳黃葉止啼之說如今多有  
人喚心作佛喚智為道見聞覺知皆是道若  
如是會者何如演若達多迷頭認影設使認  
得亦不是汝本來頭故大士呵迦旃延以生  
滅心說實相法皆是情見若言即心即佛者

如兔馬有角非心非佛牛羊無角汝心若是佛亦何用非他有無形相以何是道所以教中不許寧作心師不師於心心如工伎兒意如和伎者故云佛有道心不離見聞覺知皆屬因緣而有皆是炤物而有不可常炤所以心智俱不是道且大道非明暗法雖有無數勿一數不能及如空劫時無佛名無衆生名與塵時正是道只是無人覺知見他數不及他喚作無名大道早屬名句了也所以真理一如更無思想才有思想即被陰拘便有衆生名有佛名佛出世來喚作三界智人只如未出世時喚作什麼如云不得而得有無而與大

慈佛出世只令人會道躰非九聖喚作還源歸本躰辨大道今日既如是會道即無量劫來六道四生皆有去來是暫時行履處先聖本行集云我無所不行一切衆生雖在如是行處爲無了因故生貪欲名爲在纏不得自在暫時歧路雲駛月運舟行岸移衆生妄想物無不住豈况理能遷變今既如是會却向裏許行履不同前時爲了因會本果故了陰界空六波羅密空所以得其自在若不向裏許行履如何摧判得五種貪二種欲不守住聲聞隨於劫數所以諸佛菩薩具福智二嚴爲了因了六波羅密空體者箇受用所以不

存知見始得自在若知見即屬地位便有  
分劑心量被因果隔喚作酬因答果佛不得  
自在所以大聖訶他內見外見情量不盡二  
障二愚所以見河能漂香象真理無形如何  
知見大道無形理絕思量今日行六波羅密  
先用了因會本果故了此物是方便受用始  
得自由去住自在無障礙亦云方便勸莊嚴  
亦云微妙淨法身具相三十二只是不許分  
劑心量若無如是心一切行處乃至彈指合  
掌皆是正因萬善皆同無終始得自在所以  
天魔外道求我不得喚作無住心亦云無滲  
智不思議妙用自在菩提涅槃皆是循行人

境界皆屬明句若會本來非凡物即水不能  
洗水何以故本來無物故經云我王庫中寶  
無如是乃又大功德天黑暗女有智主人二  
俱不受所以道非明暗故云性海不是覺海  
覺海涉緣即須對物他便妙用無人覺知喚  
作極微細透金水色塵菩薩所因喚作受用  
具若水不洗水即昧不是明暗亦云無滲智  
又云無碍智若如是即一切處拘我不得知  
今更別求建立義句覓勝負知辭語言言衆  
生劣有佛聖教衆生求佛菩提皆屬貪欲亦  
云破戒比丘與道懸隔大道無明未曾有暗  
非三界攝非去來今如來藏實不覆藏師子

何曾在窟五陰本空何曾有處所且法身無  
 為不墮諸數法無動搖不依六塵故經云佛  
 性是常心是無常所以智不是道心不是佛  
 如今且莫喚心作佛莫作見聞覺知會者箇  
 物且本來無許多名字妙用自通數量管地  
 不得是大解脫所以道人心無住處蹤跡不  
 可尋故云無滲智不思議智者他池州崔使  
 君問五祖大師云徒衆五百何以能大師獨  
 受衣傳信餘人為什麼不得五祖云四百九  
 十九人盡會佛法唯有能大師是過量人所  
 以傳衣信崔云故知道非愚智便告大衆惣  
 須記取師云記得屬第六識不堪無事珍重

示衆云空劫之時無一切名字佛才出世  
 未便有名字所以取相師云只為今時執著  
 文字限量不等大道一切實無凡聖若有名  
 字皆屬限量所以江西老宿云不是心不是  
 佛不是物且教後人與麼行殺今時盡擬將  
 心躰會大道道若與麼學直至彌勒佛出世  
 還須發心始得有什麼自由分十一只如五祖會  
 下四百九十九人盡會佛法惟有盧行者一  
 人不會佛法只會道不會別事若認心是佛  
 心是三界來受主若認智是道智是多矯詐  
 若論佛出世時喚作三界智人說一切教義  
 句理喚作暫時受用具若喚心是佛認智是

道皆是處所以道無心意而受行暫時披  
 垢膩之衣來為人說破不是九聖物他家早  
 晚與人為因亦不曾與人為果若與人為因  
 即不自在被因果所拘不得自由佛未出世  
 時無人會得若出世邊論還許少分會但以  
 實理自通無師自尔本自無物由是見聞覺  
 知即是報化所以三十二相異於故若離彼  
 即同如來報化佛摠打却何處存立不是不  
 許只如彌勒又作九夫他熾然行六波羅密  
 他家觸處去得因什麼便不許他他不曾滯  
 著九聖所以那邊會了却來者邊行履始得  
 自由分今持學人多分出家不肯入家好趣

即認惡處即不認爭得所以菩薩行於非道  
 是為通達佛道他家去住得自由且如何若  
 知即被知處所拘若不恁麼爭得不許他他  
 者箇定不曾變異若不定即屬造化也他那  
 箇早晚曾變動所以十二分教決定不是我  
 我即向十二分教中行履得若十二分教是  
 我即受變也若論有滲果是二乘位若論無  
 滲是大乘名所以得名為大乘若是者箇不  
 是拘繫底物所以潛通密理無人覺知不是  
 見聞覺知問以意會得否師云若以意  
 會即思量得也他教中亦云種種生身我說  
 為量那箇不可思議不是意會得底物如水

裏有水即有影若無水時喚什麼作影法身  
由對報化得名若無報化法身向那邊認法  
身亦云是影經論極則頭只到法身實入理  
地那箇早晚同於經論經論不管伊如何排  
遣他且不到者裏大難大難師示衆云佛出  
世來只爲衆生不會道若不因善知識聞名  
無師自爾若因善知識聞忽引經論作證若  
自作得主不引經論最省心力若引經論將  
他眼作自己眼不得自由大道一如無師自  
爾若能如如不變故不曹迷報化非真佛莫  
認法身九聖果報皆是繫若認著即屬無常  
生滅也麤細而論纖毫不立窮理盡性一切

全無如世界未成時洞然空廓無佛名無衆  
生名始有少分相應直向那邊會了却來者  
裏行履不證凡聖果位據本而論實無少法  
可得豈况三乘五性差別名數但是有因有  
果盡屬無常生滅也並是出世安立假名相  
說非關本來事道不是明暗物一切莫認著  
大道冥通智莫能測故云相逢不相識共語  
不知名好去無事珍重 師示衆云自夏已  
來不安皆是罪過死者已死在者好自安排  
如今學人直須會取佛法去出世時都無名  
字密意潛通無人覺知喚作道人佛出世權  
說三乘五性他不是三乘五性人從那邊行

履他是自由人會取今有本有不從佛聞與  
 他為緣如今直須截斷兩頭句透那邊不被  
 九聖拘繫心如枯木始有少許相應引經說  
 義皆是與他分疎向他屋裏作活計終無自  
 由分恰如水世得蝦為眼如何得自由佛是  
 受果報人如今學人極則只認得箇法身猶  
 如水月空花影象不中兄弟直須會取不從  
 佛聞無師自尔報化非真佛根本一如無變  
 異故法過眼耳鼻舌身意心以無心意而現  
 行如今知解不是嘍囉漢此物不是九聖不  
 是愚智強喚作愚智本不是名字不得道著  
 道著則頭角生喚作如如早是變也兄弟直

十二

須向異類中行始得大難大難 師示衆云  
 佛出世來只教會道不為別事祖祖相傳直  
 至江西老宿亦只教人會者箇道佛法先到  
 此土五百年連磨西來此土恐尔滯着三乘  
 五性名相所以說法度汝諸人迷情且五祖  
 下五百人只虛行一人不會佛法不識文字  
 他家只會道如今學人直須明其道不論別  
 智決定不是物大道無形真理無對等空不  
 動非生死流三界不攝非去來今所以明暗  
 自去來虛空不動搖萬象自去來明暗實不  
 鑑如今有人將鑑覺知解者是道皆前境所  
 引隨他生死流何曾得自由若作此見解實

未有自由分所以智不是道可不難矣云是  
 什麼智是什麼道若論世間福智只得喚作  
 莊嚴具亦云福智二嚴亦云受用具皆是對  
 治喚作什麼佛出世只得喚作三界智人未  
 出世時喚作什麼物若論無滲本自具足妙  
 用自通無人覺知潛行密用蹤跡難尋所以  
 天魔波旬將諸眷屬久遠劫來覓菩薩一念  
 起處不可得天魔讚歎云佛法至妙我實難  
 測如今但會如如之理直下修行何不問如  
 何修行但會取無量劫來性不變異即是修  
 行妙用而不住便是菩薩行達諸法空妙用  
 自在色身三昧熾然行六波羅蜜空處處無

勿一

十三

命字子孫功地用

碍游於地獄猶如變觀不可道伊不得作用  
 衆生無量劫來迷於本性不自了寐雲塵暫  
 翳著諸惡欲雲駛月運舟行岸移暫時岐路  
 不得自在種種受苦不自覺知乃至今日會  
 取從來性與今日不別若言即心即佛如兔  
 馬有角若言非心非佛如牛羊無角所以如  
 來藏實不覆藏五蘊本空師子何曾在窟亦  
 云性水亦云法水如水如波性水如濕水不  
 洗水佛不度佛演若達多迷頭認影便道失  
 却頭傍家覓纒覓得又不是已頭功德天黑  
 暗女有智主人二俱不受直道性無住處是  
 菜著物亦云聞聞是大涅槃道者箇物不是



聞不聞江西老宿只道不是心不是佛不是物直須躰會諸實修行莫道我是禪師知解傍家舌上取辦兩脚稍空莫將爲是共道不相應兄弟麤細想念分劑但是貪求皆屬境三乘五性麤細而論不出情量纖毫暫起精魅所附他且不許見聞覺知自似箇癡鈍人

少神人百事不知最好普賢其時道我將心聞文殊云初心不能入云何獲圓通被一棒粉碎無事珍重示衆云燃燈佛道了也若心相所思出生諸法虛假皆不實何以故心上無有云何出生諸法猶如形影分別虛空如人取聲安置篋中亦如吹網欲令氣滿故

老宿云不是心不是佛不是物且教你兄弟行履據說十地菩薩住首楞嚴三昧得諸佛秘密法藏自然得一切禪定解脫神通妙用至一切世界普現色身或示成菩薩正覺轉大法輪入涅槃使無量入毛孔演一句經無量劫其義不盡教化無量億千衆生得無生

法忍尚喚作所知愚極微細所知愚與道全乖大難大難珍重

子湖山第一代神力禪師語錄師示衆云諸法蕩蕩何絆何拘汝等於中自生難易心源一統綿亘十方上上根人自然明白不見南泉道如斯癡鈍世且還稀歷歷分明有無

不是只少箇丈夫之志致見如斯疲勞汝今  
 欲得易麼自古及今未曾有一箇凡夫聖人  
 出現汝前亦無有一箇善語惡語到汝分上  
 爲什麼故爲善善無形爲惡惡無相既以無  
 我把什麼爲善惡立那箇是凡聖汝信否還  
 保任否有什麼回避處恰似日中逃影相似  
 還逃得麼今之既爾古之亦然今古齊時汝  
 還諱得麼佛法玄妙了得者自相策發無小  
 爲緣妨於大事汝不見道寧可終身立法誰能  
 一旦亡緣仁者要徑會禪麼各歸衣鉢下著  
 僧問如何是一心三觀師云我尚不見有  
 一心你喚什麼作三觀進云如何是三觀一

心法身還喫鉢也無師云鉢盂鑽子什麼人  
 受持進云未會請師慈誨師云未會幾許法  
 身師示衆云幸自可憐生苦死向人前討  
 些子聲色唇吻作麼我且問你聲色兩字作  
 麼生討得還會麼我道聲色如泡爲復爲你  
 說破爲當爲你討聲色試商量看莫生容易  
 志剛用心勿一若了根源終非他物十五譬如圓鏡男  
 未男現女來女彰乃至僧俗青黃山河萬物  
 隨其色相一鏡傳輝不可是鏡有多般但能  
 映物而露仁者還識得鏡未若不識鏡盡被  
 男女青黃山河類等礙汝光明有什麼出氣  
 處若識鏡去乃至青黃男女大地山河有想

無想四是多是胎卵情生天堂地獄成於一  
鏡中悉得其分割長短劫數若色若空並能  
了之更非他物汝豈不聞諸法如義光陰箭  
速莫謾悠悠大事曰緣決湏了取僧問如何  
是大圓鏡師云一切物著不得進云爲什麼  
一切物著不得師云汝是一切物還著得汝  
否僧問如何是南泉不變句師云道什麼進  
云如何領會師云道什麼僧問一塵之內大  
千世界如何是一塵師云即汝是進云如何  
是大千師云但識取一塵師復云說得千  
般美食不如一頓鹿飡能奇能異省徑省心  
還假如是疲勞馳求趨逸也無本自非有誰

強言無與麼道可謂虛空之心合虛空之理  
只少箇承受底漢子變弄接續得去能有利  
人之分也根劣之徒自益未圓焉能益彼著  
些子骨氣乘些子丈夫作麼生門風如何圖  
度湏作難遭之想可憐負荷之心歷歷明明  
有什麼一錢事到汝意恨下與汝爲於彼此  
生滅仁者如世良醫隨方與藥先識彼病然  
後施方法法如斯心心若此湏要作箇無繩  
自縛漢作麼莫立去師示衆云子湖一隻狗  
上取人頭中取人心下取人是僧便問如何  
是子湖一隻狗師乃吠三聲進云如何領覽  
師云縱饒領覽也只箇吠聲僧問如何是祖

師西來意師云你道祖師西來有意麼進云  
 既無意用西來作麼師乃云祖師西來也  
 只箇冬寒夏熱夜暗日明只為你徒無意立  
 意無事生事無內外強作內外無東西謾說  
 東西所以奢摩不能明了以至根境不能自  
 由僧問如何得不被諸境惑去師云你試點  
 惑你境出看進云某甲不見師云你既不見  
 惑境何來僧禮拜師云又見妄想去也師  
 云心源朗朗無物莫疑直下承當不勞功用  
 只少箇信之一字然實不易信莫非夙習之  
 徒聞者便能承受若是螢學之輩將三寸唇  
 舌惑亂於人后進初搵把他古聖言談向意

根下測度直至頭白齒黃並無纖毫得力處  
 仁者須打疊及時莫待臨終揮擯佛法因緣  
 浩浩快湏徹了無疑可中向這箇皮袋子內  
 辨得者箇去坐却天下人咽喉性命盡被汝  
 蓋覆乾坤盡被汝自由自在皎皎明白何勞  
 汝上來下去仁者本性具足本自周備直教  
 無纖塵法礙你眼光始得若有微塵底不盡  
 不是一生半劫賺汝皮囊汝性命根境法中  
 造諸妖怪山精鬼魅附汝行持得少為是鼓  
 弄片皮於佛法却為毒害識禮塔廟毀彼持  
 經師子身中虫自食師子身中肉仁者恰莫  
 向心田中認些子妄想將為極則他上祖是

什麼榜樣下去莫立問未了根源請師提獎  
師云還會麼僧云未會師云更問千則万則  
也無益僧問機不曉如何得心地無疑去師  
云心地有多少疑僧云如何是心地師云多  
少分明 師示衆云據仁者分上何得一生  
一滅一斷一常與汝爲於拘繫作其取舍是  
非及諸顛倒汝還知道諸聖門風無結縛麼  
只欲仁者承當還承當得麼可惜光陰莫令  
孤負却仁者豈不見目前太虛還有纖毫欠  
少麼麼若也於中體得者箇消息不妨出得  
凡聖境界了得世間出世間之智一法既爾  
万法亦然仁者還樂也無 僧問如何是佛

師云不重道僧云如何是法師云難什麼  
師示衆云天上人間輪回六道乃至蠢動含  
靈未曾於此一分真如中有些子相違處還  
信麼還領受得麼大凡行脚也須具大信根  
作箇丈夫始得何處得與麼難信他古人只  
見道箇卽心是佛卽心是法便承信去隨處  
茅茨石室長養聖胎只待道果成熟汝今何  
不効他行取仁者可煞分明並無叅雜治生  
產業與諸實相不相違背 僧問如何是千  
聖不傳底事師云阿誰向你說進云與麼則  
信受奉行去也師云信得及者卽行之信不  
及恰莫強爲不是口頭說信便信得去如人

說食終不得飽雖然口頭說飽爭奈肚內飢  
 何仁者直須飽去莫謾悠悠 僧問如何是  
 古聖心師云汝是凡夫心僧云如何是信得  
 師云信亦不由汝不信亦不由汝僧云信不  
 信且置作麼生師云是你心 師云仁者還  
 知子湖親切相為麼行時但行坐時但坐乃  
 至喫茶喫飯種種施為有甚麼相隱顯仁者  
 信取無別強為只是如今無疑作疑無事生  
 事於自心源却生顛倒譬如百千澄清大海  
 葉之為認些子浮漚目為全潮亦認些子螢  
 光作於日焰還生慙恥麼諸聖得道得果教  
 如恒沙汝今却作箇凡劣凡夫著恰莫因循

僧問如何是無礙底心師云恰是師云莫道  
 千聖同風便當得本參事好且問仁者什麼  
 處是千聖同你處行時坐時起時卧時試說  
 看還有法處麼仁者大道無邊誰前誰後真  
 空絕際是正是邪乃至眩目青黃作何形段  
 到汝分上喚作百工居肆各逐營生多少分  
 明何煩造作一切普備無法不彰了了現前  
 還諦得麼 道邵問如何是人人具足底事  
 師云汝豈不是道邵勝光因在子湖鑿地次  
 勝光鑿斷一條蚯蚓問云某甲今日鑿斷一  
 條蚯蚓兩頭俱動未審性命在那頭師提起  
 鑿頭向蚯蚓左頭打一下右頭打一下中心

空處打一下擲却鑿頭便歸 子湖又鑿地  
次亞鑿頭回視勝光云事即不無擬心即差  
勝光便問如何是事被師擱曾踏倒從此省  
悟 師別時有頌 從來事非物方便名爲  
佛中下競是非上流始知屈 臨行示頌三  
首 我聞過去佛縱橫盡丈夫示汝真歸處

千江月影孤 觀音與文殊示我常飛動吾  
今已歸真觸處皆無用 佛性本來無阻障  
衆生不識難歸向若見如來成佛時莫向世  
間求取相 僧問招慶云勝光被子湖一踏  
意作麼生招慶云古人叅玄不消一踏 師  
於門前下滂云子湖一隻狗上取人頭中取

人心下取人足往來好看臨濟下有二僧聞  
得遂遠來尋訪纔到果見其勝遂入門以手  
揭簾欽起未起被師喝云看脚下犬僧近前  
禮拜便問承師有言子湖有一隻狗上取人  
頭中取人心下取人足如何是子湖狗師云  
嗚嗚僧無語師便歸方丈後章州羅漢展和  
尚聞舉云者箇是喫屎狗僧便問如何是子  
湖狗展云孽喋却僧擬議展云早被人咬殺  
了也明招和尚在羅山聞舉逐云洎齋數緹  
草鞋我本欲遊章南如今不用去也休休僧  
便問如何是子湖狗招以手按膝放身近前  
云噓噓子湖山下有陶家爲無子夫妻每日

焚香發願求一男子師遂往其家乞竹先問  
是汝夫妻每日起心發願擬作箇什事云切  
緣家內無子願求一男師云我就汝乞一種  
物還得否云和尚要甚物但乞指揮師云不  
要別物欲乞一擔竹與汝一箇男子其家忻  
喜云此是小事一任斫去師斫大竹近一千  
竿陶公云和尚只討一擔何斫許多師云只  
此一擔尚未足在遂將大竹長者檢數竿破  
相接作一束將歸其家當夜感夢生得男子  
因此遂号神力子湖禪師諱利蹤澶州周  
氏子一日於半夜時在後架叫云賊賊衆皆  
驚起有一僧被師捉住云捉得也捉得也僧

云不是某甲師云是即是只是你不肯承當

古尊宿語錄卷第十三



勿一



古尊宿語錄卷第十四

勿二

趙州論禪師參南泉上堂師問明頭合暗頭  
合泉便歸方丈師便下堂云道老和尚被我  
一問直得無言可對首座云莫道和尚無語  
自是上座不會師便打又云這棒合是堂頭

老漢喫師在南泉井樓上打水次見南泉過  
便抱柱懸却脚云相救相救南泉上棚梯云  
三三四五師少時間却去禮謝云適來謝和  
尚相救南泉東西兩堂爭猫兒泉來堂內提  
起猫兒云道得即不斬道不得即斬却大泉  
下語皆不契泉意當時即斬却猫兒了至晚

永樂北藏

古尊宿語錄

問師從外歸來問訊次泉舉前話了云你作  
麼生救得猫兒師遂將一隻鞋戴在頭上出  
去泉云子君在救得猫兒師問南泉異即不  
問如何是類泉以两手托地師便踏倒却歸  
涅槃堂內叫悔悔泉聞乃令人去問悔箇什  
麼師云悔不利而兩踏南泉從浴室裏過見  
浴頭燒火問云作什麼云燒浴泉云記取來  
喚水牯牛浴浴頭應諾至晚間浴頭入方丈  
泉問作什麼云請水牯牛去浴泉云將得繩  
索來不浴頭無對師來問訊泉舉似師師  
云某甲有語泉便云還將得繩索來麼師便  
近前看鼻便拽泉云是即是太籠生師問南

第一九七册

泉離四句絕百非外請師道泉便歸方丈師云這老和尚每常口吧吧地及其問着一言不措侍者云莫道和尚無語好師便打一掌南泉便掩却方丈門便把灰圍却問僧云道得即開門多有人下語並不契泉意師云蒼天蒼天泉便開門師問南泉云心不是佛智不是道還有過也無泉云有師云過在什麼處請師道泉遂率師便出去 上堂謂衆曰此事的的沒量大人出這裏不得老僧到瀉山僧問如何是祖師西來意瀉山云與我將床子來若是宗師須以本分事接人始得時有僧問如何是祖師西來意師云庭前栢

樹子學云和尚莫將境示人師云我不將境示人云如何是祖師西來意師云庭前栢樹子師又云老僧九十年前見馬祖大師下八十餘負善知識箇箇俱是作家不似如今知識枝蔓上生枝蔓大都是去聖遙遠一代不如一代只如南泉尋常道須向異類中行且作麼生會如今黃口小兒向十字街頭說書藤博飯噎覓禮拜聚三五百衆云我是善知識你是學人僧問如何是清淨伽藍師云了角女子如何是伽藍中人師云了角女子有孕問承聞和尚親見南泉是否師云鎮州出大蘿蔔頭問和尚生緣什麼處師以手指云

西邊更向西問法無別法如何是法師云外  
 空內空內外空問如何是佛真法身師云更  
 嫌什麼問如何是心地法門師云古今榜樣  
 問如何是賓中生師云山僧不問婦如何主  
 中賓師云老僧無丈人問如何是一切法常  
 住師云老僧不諱祖其僧再問師云今日不

答話 上堂云兄弟莫久立有事商量無  
 事向衣鉢下坐窮理好老僧行脚時除二時  
 齋粥是襟用心力處餘外更無別用心處也  
 若不如如此出家大遠在問万物中何物最堅  
 師云相罵饒你接猪相墮饒你潑水問曉夜  
 不停時如何師云僧中無兩稅百姓問

如何是一句云若守着一句老却你師又云  
 若一生不離叢林不語十年五載無人喚你  
 作啞漢已後佛也不奈你何你若不信截取  
 老僧頭去 上堂云兄弟你正在第三寃  
 裏所以道但改舊時行履處莫改舊時人共  
 你各自家出家比來無事更問禪問道三十

二十人聚頭來問恰似欠伊禪道相似你喚  
 作善知識我是同受拷老僧不是戲好恐帶  
 累他古人所以東道西說問十二時中如何  
 用心師云你被十二時使老僧使得十二時  
 你問那箇時問如何是趙州主人公師咄云  
 這箇桶漢學人應喏師云如法籬桶看問如

勿二

三

何是學人本分事師云樹搖鳥散魚驚水渾  
問如何是少神底人師云老僧不如你學云  
不占勝師云你因什麼少神問至道無難唯  
嫌揀擇是時人窠窟師云曾有問我直得五  
年分疎不得有官人問丹霞燒木佛院主為  
什麼眉鬚墮落師云官人宅中變生作熟是  
什麼人云所使師云却是他好手問毘目仙  
人執善財手見微塵佛時如何師遂執僧手  
云你見箇什麼有屈問如何是沙門行師云  
莫生兒尼云和尚勿交涉師云我若共你打  
交涉堪作什麼問如何是趙州主人公師云  
日庫奴問如何是王索仙陀婆師云你道老

僧要箇什麼問如何是玄中玄師云說什麼  
玄中玄七中七八中八問如何是仙陀婆師  
云靜處薩婆訶問如何是法非法師云東西  
南北學云如何會去師云上下四維問如何  
是玄中玄師云這僧若在合年七十四五問  
王索仙陀婆時如何師驚起打躬叉手問如  
何是道師云不敢不敢問如何是法師云勅  
勅攝攝問趙州去鎮府多少師云三百學云  
鎮府來趙州多少師云不隔問如何是學人  
自己師云還見庭前栢樹子麼 上堂云  
若是久叅底人莫非真實莫非亘古亘今若  
是新入衆底也須究理始得莫趣者造三百

五百一千傍邊二衆叢林稱道好箇住持泊  
 平道者佛法恰似炊砂作飯相似無可施為  
 無可下口却言他非我是面赫赤地良由世  
 間出非法語真實欲明者意莫辜負老僧問  
 在塵為諸聖說法摠屬披搭未審和尚如何  
 示人師云什麼處見老僧學云請和尚說師  
 云一堂師僧摠不會這僧語話別有一僧問  
 請和尚說師云你說我聽問真化無跡無師  
 弟子時如何師云誰教你來問學云更不是  
 別人師便打之問此事如何辨師云我恠你  
 學云如何辨得師云我恠你不辨學云還保  
 任否師云保任不保任自看問如何是無知

鮮底人師云說什麼事問佛法久遠如何用  
 心師云你見前漢後漢把攬天下臨終時半  
 錢也無分問時人以珍寶為貴沙門以何為  
 貴云急合取口云合口還得也無師云口若  
 不合爭能辨得問如何得不被諸境惑師垂  
 一足僧便出鞋師收起足僧無語有俗官問  
 佛在日一切衆生仗依佛滅度後一切衆  
 生仗依什麼處師云未有衆生學云現問次  
 師云更覓什麼佛問還有不報四恩三有者  
 無師云有學云如何是師云這殺父漢篡你  
 只少此一問問如何是和尙意師云無施設  
 摩 上堂云兄弟但改往修來若不改大

有着你處在老僧在此間三十餘年未曾有  
 一箇禪師到此間設有來一宿一食急走過  
 且趁軟煖處去也問忽遇禪師到來向伊道  
 什麼師云千鈞之弩不為飛鼠而發機師云  
 兄弟若從南方來者即與下載若從北方來  
 即為裝載所以近上人問道即失道近下人  
 問道者即得道兄弟正人說邪法邪法亦隨  
 正邪人說正法正法亦隨邪諸方難見易識  
 我者裏易見難識問善惡惑不得底人還獨  
 脫也無云不獨脫云為什麼不獨脫云正在  
 善惡裏屋問離却上來說處請和尚指示師  
 咄云煖破鉄瓶屋將鉄瓶添水來請和尚吞

詰師咲之問世界變為黑穴未審此箇落在何  
 路云不占云不占是什麼人師云田厚奴問  
 無言無意始稱得句既是無言喚什麼作句  
 師云高而不危滿而不溢學云即今和尚是  
 滿是溢師云爭奈你問我問如何是靈者師  
 云淨地上肩一堆屎學云請和尚的旨師云  
 莫惱亂老僧問法身無為不墮諸教還許道  
 也無師云作麼生道學云与麼即不道也師  
 笑之問如何是佛如何是衆生師云衆生即  
 是佛佛即是衆生學云未審兩箇那箇是衆  
 生師云問問大造無根如何接唱師云作便  
 又作麼生師云既是無根什麼處繫縛你問

正修行底人莫被鬼神測得也無師云測得  
 云過在什麼處師云過在覓處云向麼即不  
 修行也師云修行問孤月當空光從何生師  
 云月從何生問承和尚有言道不屬修但直  
 染汚如何是不染汚師云檢校內外云還自  
 檢校也無師云檢校云自己有什麼過自檢  
 校師云你有什么事示衆云老僧此間  
 即以本分事接人若教老僧隨伊根機接人  
 自有三乘十二分教接他了也若是不會是  
 誰過歟已後遇著作家漢也道老僧不辜他  
 但有人問以本分事接人問從上至今即心  
 是佛不即心還許學人商量也無師云即心

且置商量箇什麼問古鏡不磨還照也無師  
 云前生是因今生是果問三刀未落時如何  
 師云森森地云落後如何云迥迥地問如何  
 是出三界底人師云籠罩不得問牛頭未見  
 四祖百鳥銜花供養見後為什麼百鳥不銜  
 花供養師云應世不應世問白雲自在時如  
 何師云爭似春風處處閑問如何是露地白  
 牛師云月下不用色云食噉何物師云古今  
 豈不著云請師答話師云老僧答與麼師  
示衆云擬心即差僧便問不擬心時如何師  
 打三下云莫是老僧辜負閑梨麼問凡有問  
 答落在意根不落意根師如何對師云問學

云便請師道師云莫向者裏是非問龍女親獻佛未審將什麼獻師以兩手作獻勢

示衆云此間佛法道難即易道易即難別處難見易識老僧者裏即易見難識若能會得天下橫行忽有人問什麼處來若向伊道從趙州來天謗趙州若道不從趙州來又埋沒

自己諸人且什麼生對他僧問觸目是謗和尚如何得不謗去師云若道不謗早是謗了也問如何是正修行路師云解修行即得若不解修行即差差落他因果裏又云我教你道若有問時但向伊道寒即言寒熱即言熱若更什麼法但向伊道寒即言寒熱即言熱若更

問道不問者箇事但云問什麼事若再問趙州說什麼法便向伊道和尚來時不交傳語上座若要知趙州事但自去問取問不顧前後時如何師云不顧前後且置你問阿誰○示衆云迦葉傳與阿難且道達磨傳與什麼人問且如二祖得髓又作麼生師云莫謗二

祖師又云達磨也有語在外者得皮在裏者得骨且道更在裏者得什麼問如何是得髓底道理師云但識取皮老僧者裏髓也不立云如何是髓師云與麼皮也摸未著問與麼堂堂豈不是和尙正位師云還知有不肯者麼學云與麼即別有位師云誰是別者學云



誰是不別者師云一任叫問上上人一撥便轉下下人來時如何師云汝是上上下下云請和尚答話師云話未有主在云某甲七千里來莫作心行師云據你者一問心行莫不得麼此僧一宿便去問不紹傍來者如何師云誰學云惠延師云問什麼學云不紹傍來者師以手撫之問如何是衲衣下事師云莫自瞞問真如凡聖皆是夢言如何是真言師云更不道者兩箇學云兩箇且置如何是真言師云唵啞唵發問如何是趙州師云東門西門南門北門問如何是定師云不定學云爲什麼不定師云活物活物問不隨諸有時

如何云合與麼學云莫便是學人本分事師云隨也隨也問古人三十年一張弓兩下箭只射得半箇聖人今日請師全射師便起去○師示衆云至道無難唯嫌揀擇才有言語是揀擇是明白不在明白裏是你還護惜也無○問和尚既不在明白裏又護什麼處惜箇什麼處師云我亦不知學云和尚既不知爲什麼道不在明白裏師云問事即得禮拜了示衆云法本不生今則無滅更不要道才語是生不語是滅諸人且作麼生是不生不滅底道理問早是不生不滅麼師云者漢只認得箇死語問至道無難唯嫌揀擇才有言語

是揀擇和尚如何示人師云何不盡引古人語學云某甲只道得到這裏師云只這至道無難唯難揀擇 上堂云看經也在生死裏不看經也在生死裏諸人且作麼生出得去僧便問只如俱不留時如何師云實即得若不實爭能出得生死問利劍鋒頭快時如何師云老僧是利劍快在什麼處問大難到來如何迴避師云恰好 上堂良久大衆揔來也未對云揔來也師云更待一人來即說話僧云候無人來即說似和尚師云大難得人 示衆云心生即種種法生心滅即種種法滅你諸人作麼生僧乃問只如不生

不滅時如何師云我許你者一周師因參次示明又未明道昏欲曉你在阿那頭僧云不在兩頭師云與麼即在中間也云若在中間即在兩頭師云這僧多少時在老僧者裏作與麼語話不出得三句裏然直饒出得也在三句裏你作麼生僧云某甲使得三句師云何不早與麼道問如何是通方師云離却金剛禪 示衆云衲僧家直須坐斷報化佛頭始得問坐斷報化佛頭是什麼人師云非你境界 示衆云大道只在目前要且難覩僧乃問目前有何形段令學人覩師云任你江南江北學云和尚豈無方便為人師云

適來問什麼問入法界來還知有也無師云誰入法界學云為麼即入法界不知去也師云不是寒灰死水花錦成現百種有學云莫是入法界處用也無師云有什麼交涉問若是實際理地什麼處得來師云更請閉梨宜一遍問万境俱起還有惑不得者也無師勿二云有學云如何是惑不得者云你還信有佛九法否學云信有佛法古人道了如何是惑不得者云為甚不問老僧學云問了也師云惑也問未審古人尚令人還相近也無師云相近即相近不同一躰學云為什麼不同師云法身不說法學云法身不說法和尚為人也

無師云我向惠裏吞話學云爭道法身不說法師云我向惠裏救你何爺他終不出頭問學人道不相見時還回牙也無師云測得迴牙學云測他不得迴牙箇什麼師云不為麼是你自己學云和尚還受測也無師云人即轉近道即轉遠也學云和尚為什麼自隱去師云我今見共你語話學云爭道不轉師云合為麼著示衆云教化得底人是今生事教化不得底人是第三生寬若不教化恐墮却一切衆生教化亦是寬是你還教化也無僧云教化師云一切衆生還見你也無學云不見師云為什麼不見學云無相師云即

今還見老僧否學云和尚不是衆生師云自知罪過即得示衆云龍女心親獻盡是自然事問既是自然獻時為什麼師云若不獻爭知自然  
示衆云八百个作佛漢覓一箇道人難得問只如無佛無人處還有修行也無師云除却者兩箇有百千萬億學云道人來時在什麼處師云你尚處即不修行也其僧禮拜師云大有處著你在問白雲不落時如何云老僧不會上衆學云豈無賓主師云老僧是主闍梨是賓白雲在什麼處問大巧若拙時如何師云喪却棟梁材示衆云佛之一字吾不喜聞問和尚還為人也無

師云為人學云如何為人師云不識玄旨徒勞念靜學云既是玄作麼生是旨師云我不把本學云者箇是玄如何是旨師云答你是旨示衆云各自有禪各自有道忽有人問你作麼生是禪是道作麼生抵對他僧乃問既各有禪道從上至今語話為什麼師云  
初二 為你遊竟學云未審如何為人師乃挺身不語示僧云不得開過念佛念法僧乃問  
十 如何是學人自己念師云念者是誰學云無伴師叱者驢上堂示衆云若是第一句與祖佛為師第二句與人天為師第三句自救無藥有僧問如何是第一句師云與祖佛為師

師又云大好便頭起學人再問師云又却人  
 天去也 示衆云是他不是不將來老僧  
 不是不抵對僧云和尚將什麼袂對師長吁  
 一聲云和尚將這個袂對莫辜負學人也無  
 師云你適來肯我我即辜負你若不肯我我  
 即不辜負你 示衆云老僧今夜吞活去

也解問者出來有僧才出禮拜師云比來拋  
 磚引玉只得个墜子問狗子還有佛性也無  
 師云無學云上至諸佛下至螻子皆有佛性  
 狗子為什麼無師云為伊有業識性在問如  
 何是法身師云應身云學人不問應身師云  
 你但管應身問朗月當空時如何云開裂名

什麼學云某甲師云朗月當空在什麼處問  
 正當二八時如何師云東東西西學云如何  
 是東東西西師云覓不著問學人全不會時  
 如何師云我更不會云和尚還知有也無師  
 云我不是木頭作麼不知云大好不會師拍  
 掌笑之問如何是道人師云我向道是佛人

問凡有言句舉手動足盡落在學人網中誰  
 此外請師道師云老僧齋了未喫茶馬大夫  
 問和尚還修行也無師云老僧若修行即禍  
 事云和尚既不修行教什麼人修行師云大  
 夫是修行底人云某甲何名修行師云若不  
 修行爭得據在人王位中饒得來赤凍紅地

無有解出期大夫乃下淚拜謝示衆云聞梨不是不將來老僧不是不祇對又云聞梨莫擎拳合掌老僧不將禪床拂子對問思憶不及處如何師云過者遠來云過者遠來即是及處如何是思不及處師豎起手云你喚作什麼云喚作手和尚喚作什麼師云百種名字我亦道云不及和尚百種名字且喚什麼師云未麼即你思憶不及處僧禮拜師云教你思憶得及者云如何是師云釋迦教祖師教是你師云祖未佛古人道了也如何是思憶不及處師舉指云喚作什麼僧良久師云何不當頭道着更疑什麼問如何是和尚家

風云老僧耳背高聲問僧再問師云你問我家風我却識你家風問万境俱起時如何師云万境俱起云一問一答是起如何是不起師云禪床是不起底僧才禮拜次師云記得問答云記得師云試舉看僧擬舉師問問如何是目前佛師云殿裏底云者個是相見佛如何是佛師云即心是云即心猶是限量如何是佛師云無心是學云有心無心還許學人揀也無師云有心無心惣被你揀了也更教老僧道什麼即得問遠遠投師未審家風如何師云不說似人學云為什麼不說似人師云是我家風學云和尚既不說似人爭奈四

海來技師你是海我不是海學云未審海內  
事如何云老僧釣得一箇問祖佛近不得底  
是什麼人師云不是祖佛學云爭奈近不得  
何師云向你道不是祖佛不是衆生不是物  
得麼學云是什麼師云若有名字即是祖佛  
衆生也學云不可只爲麼去也師云卒未去  
你去在問如何是平常心師云狐狼野干是  
問作何方便即得聞於未聞師云未聞且致  
你曾聞箇什麼來問承教有言隨色摩尼珠  
如何是本色師召僧名僧應喏師云過者邊  
來僧便過又問如何是本色師云且隨色走  
問平常心底人還受教化也無師云我不差

他門戶學去爲麼則莫沉却那邊人麼師云  
大好平常心問如何是學臥任底物師盡未  
來際揀不出問如何是大修行底人云寺裏  
網維是問學人才到惹不知門戶頭事如何  
師云上座名什麼學云惠南師云大好不知  
問學人欲學又諺於和尚如何得不謗去師  
云你名什麼學云道皎師云靜處去者米用  
子問如何是和尙大意師云無大無小學云  
莫便是和尙大意麼師云若有纖毫万劫不  
如問万法本闢而人自闢是什麼人語師云  
出來便死問不是佛不是物不是衆生這箇  
是斷語如何是不斷語師云天上天下唯我

獨尊問佛祖在日佛祖相傳佛祖滅後什麼人傳師云古今總是老僧分上學云未審傳箇什麼師云箇箇惣屬生死云不可埋沒却祖師也師云傳箇什麼問凡聖俱盡時如何師云頭你作大德老僧是障佛祖漢問遠聞趙州到來為什麼不見師云老僧罪過問胡切二月當空未審室中事如何師云老僧自出家不會作活計學云向麼即和尚不為今時也師云自疾不能救焉能救諸疾學云事奈學人無依何師云依即踏著地不依即一任東西問在心心不測時如何師云測阿誰學云測自己師云無兩箇問不見遠表時如何師

指淨瓶云是什麼學云淨瓶師云大好不見遠表問如何是歸根師云擬即老問不離言句如何得獨脫師云離言句是獨脫學云適來無人教某甲來師云因什麼到此學云和尚何不揀出師云我早箇揀了也問非心不即智請和尚一句師云老僧落你後問如何是畢竟師云畢竟學云那箇畢竟是師云老僧是畢竟你不解問者話學云不是不問師云畢竟在什麼處問不挂寸絲時如何師云不挂什麼學云不挂寸絲云大好不挂寸絲問如救頭然底人如何云便學學云什麼處云莫占他位次問空劫中阿誰為主云老僧



在裏許也學云說什麼法云說你問底問承  
古有言虛明自照如何是自照云不稱他照  
學云照不著處如何云你話墮也問如是的  
師云一念未起時問如何是法王師云州裏大  
王是云和尚不是師云你擬造返去都來一  
箇王不認問如何是佛心師云你是心我是  
佛奉不奉自看學云師即不無還奉得也無  
師云你教化我看問三身中那箇是本來身  
師云闕一不可問未審此土誰為祖師師云  
達磨來這邊想是學云和尚是第幾祖師云  
我不落位次學云在什麼處云在你耳裏問  
不弃本不還末如何是正道云大好出家見

學云學人從來不曾出家云歸依佛歸依法  
學云未審有家可出也無云直須出家學云  
向甚處安排他云直向家裏坐問明眼人見  
一切還見色也無云打却著學云如何打得  
云莫用力學云不用力如何打得云若用力  
即乖問祖佛大意合為什麼人云只為今時  
學云爭奈不得何云誰之過學云如何承當  
云如今無人承當得力二而麼即無依倚也師  
云又不可無却老僧問了事底人如何云正  
大備行學云未審和尚還備行也無云著衣  
喫飯學云著衣喫飯尋常事未審備行也無  
云你且道我每日作什麼問毫釐有差時如

何云天地懸騰云毫釐無差時如何云天地  
 懸隔問如何是不睡底眼云凡眼肉眼又云  
 雖未得天眼肉眼力如是學云如何是睡底  
 眼云佛眼法眼是睡底眼問大庾嶺頭趁得  
 及為什麼提不起師拈起衲衣云你甚處得  
 者箇來云不問者箇師云与麼即提不起問  
 不合不散如何辨師云你有一箇我有一箇  
 云者箇是合如何是散師云你便各問如何  
 是不錯路師云識心見性是不錯路問明珠  
 在掌還照也無師云照即不無喚什麼作珠  
 問靈苗無根時如何師云你從什麼處來云  
 太原來師云大好無根問學人隨作佛時如

何師云大熱費力生云不費力時如何師云  
 与麼即作佛去也問學人昏鈍在一浮沉如  
 何得出師只據坐云某甲實問和尚師云你  
 甚處作一浮一沉問不在几不在聖如何免  
 得兩頭路師云去却兩頭來吞你僧不審師  
 云不審從什麼處起在者裏從老僧起在市  
分二裏時從什麼處起云和尚為什麼不定師云  
 我教你何不道今日好風問如何是大闍提  
 底人師云老僧吞你還信否云和尚重言那  
 敢不信師云吞箇闍提人難得問大無慚愧  
 底人什麼處着得師云此問着不得云忽然  
 出頭爭向師云持取去問用處不現時如何

師云用即不無現是誰問不指一法如何是和尚法師云老僧不說茆山法云既不說茆山法如何是和尚法師云向你道不說茆山法云莫者箇便是也無師云老僧未曾將者箇示人問如何是目前獨脫一路師云無二亦無三云目前有路還許學人進前也無師云與麼即千里萬里問如何是昆盧向上事師云老僧在你脚底云和尚為什麼在學人脚底師云你元來不知有向上事問如何是合頭師云是你不合頭云如何是不合頭師云前句辯取問如何和尚的的意師云止止不須說我法妙難思問澄澄絕點時如何師

云墮坑落壑云有什麼過師云你屈着与麼人問未審出家誓求無上菩提時如何師云未出家被菩提使既出家使得菩提有秀才見師手中拄杖乃云佛不奪衆生願是否師云是秀才云某甲就和尚乞取手中拄杖得否師云君子不奪人所好秀才云某甲不是君子師云老僧亦不是佛師因出外見婆子挿田云忽遇猛虎作麼生婆云無一法可當情師云除漢子云除師云猶有者箇在有秀才辭去云某甲在此拈拄和尚多時無可報答和尚待他日作一頭驢來報答和尚師云教老僧爭得鞍師到道吾處終入僧堂吾云

南泉一隻箭來師云看箭吾云過也師云中  
 也問百骸俱潰散一物鎮長靈時如何師云  
 今朝又風起問三乘十二分教即不問如何  
 是祖師西來意師云水牯牛生兒也好者取  
 云未審此意如何師云我亦不知問万國來  
 朝時如何師云逢人不得喚問十二時中如  
 何淘汰師云奈河水濁西水流急云還得見  
 文殊也無師云者朦朧漢什麼處去來問如  
 何是道場師云你從道場來你從道場去脫  
 躰是道場何處更不是問萌芽未發時如何  
 師云熟着即腦裂云不熟時如何師云無者  
 閑工夫問如何數量師云一二三四五云數

量不拘底事如何師云一二三四五問什麼  
 世界即無晝夜師云即今是晝是夜云不問  
 即今師云爭奈老僧何問迦葉上行衣不踏  
 曹溪路什麼人得披師云虛空不出世道人  
 都不知問如何是混而不雜師云老僧菜食  
 長齋云還得超然也無師云破齋也問如何  
 是古人之言云辨諦聽諦聽問如何是學人本  
 分事師云与麼嫌什麼問如何是出家兒師  
 云不朝天子父母返拜問觀面事如何師云  
 你是觀面漢

古尊宿語錄卷第十四

十六末

勿二

古尊宿語錄卷第十五

勿三

趙州論禪師語錄

師上堂云金佛不度爐木佛不度火泥佛不度水真佛內裏坐菩提涅槃真如佛性盡是貼躰衣服亦名煩惱不問即無煩惱實際

勿三

地什麼處著一心不生万法無咎但究理而坐二三十年若不會截取老僧頭去夢幻空花徒勞把捉心若不異万法亦然既不從外得更拘什麼如羊相似更乱捨物安口中作麼老僧見藥山和尚道有人問著但教合取狗口老僧亦道合取狗口取我是垢不取我

永樂北藏

古尊宿語錄

是淨一似獵狗相似專欲得物喫佛法向什麼處著一千人万人盡是覓佛漢子覓一箇道人無若兩空王為弟子莫教心病最難醫未有世界早有此性世界壞時此性不壞從一見老僧後更不是別人只是箇主人公者箇更向外覓你麼兩麼時莫轉頭換面即失却問如何是佛向上人師云只者牽耕牛底是問如何是急師云老僧兩麼道你作麼生云不會師云向你道急急著靴水上立走馬到長安靴頭猶未濕問四山相逼時如何師云無路是趙州問古殿無王時如何師云一聲云兩麼即目啓陛下師云賊身已露

第一九七册

問和尚年多少師云一串數珠數不盡問和尚承嗣什麼人師云從諗問外方忽有人問趙州說什麼法如何祇對師云蓋責未賤問如何是佛云你是佛麼問如何是出家師云爭得見老僧問佛祖不斷處如何師云無情漏問本源請師指示師云本源無病云了也如何師云了人知云兩麼時如何師云由我安名字着問純一無雜時如何師云大煞好一問問無為寂靜底人莫落在沉空也無師云落在沈空云究竟如何師云你驢作馬問如何是祖師西來意師云床脚是云莫便是也無師云是即脫取去問澄澄絕點時如何

師云老僧者裏不著客作漢問鳳飛不到時如何師云起自何來問實際理地不坐一塵時如何師云一切惣在裏許問如何是一句師應喏僧再問師云我不惠擊問初生孩子還具六識也無師云急流水上打毬子問頭到來時如何師云猶較老僧百步問如何定和尚家風師云老僧自小出家抖擻破活計問請和尚離四句道師云老僧常在裏許問扁鵲醫王為什麼有病師云扁鵲醫王不離床枕又云一滴甘露普潤大千問如何是露地白牛師云者畜生問如何是大人相師側目視之僧猶是隔階趨附在師云老僧無

工夫趁得者閑漢問緣有心念落在人天直無心念落在眷屬時如何師云非但老僧作家亦答你不得問凡有施為盡落糟粕請師不施為答師叱尼云將水來添鼎子滂問如何是般若波羅密師云摩訶般若波羅密問如何是咬人師子師云故依佛故依法故依僧莫咬老僧問離却言句請師道師咳嗽問如何得不謗古人不負恩去師云闍梨作麼生問如何是一句師云道什麼問如何是一句師云兩句問唯佛一人是善知識如何師云魔語問如何是善提師云者箇是闍提問如何是大人相師云好箇鬼孫問寐寐無依

時如何師云老僧在你背後問如何是伽藍師云別更有什麼云如何是伽藍中人師云老僧為闍梨問二龍爭珠誰是得者師云老僧只管看問如何是離目果底人師云不因闍梨問老僧實不知問來盲摸象各說異端如何是真象師云無假自是不知問如何是三第一句師咳嗽云莫便是否師云老僧咳嗽也不得問大海還納衆流也無師云大海道不知云因什麼不知師云終不道我納衆流問如何是昆盧師師云昆盧昆盧問諸佛還有師也無師云有云如何是諸佛師師云阿彌陀佛阿彌陀佛問如何是學人師師云雲

有出山勢水無投澗聲云不問者箇師云是你師不認問諸方盡向口裏道和尚如何示人師脚跟打火爐示之云莫便是也無師云恰認得老僧脚跟問不行大道時如何師云者販私蓋漢云却行大道時如何師云還我公驗來問如是本來身碑自從識得老僧後只這漢更不別云為麼即和和尚隔生去也師云非但今生千生萬生亦不識老僧問如何是祖師西來意師云東壁上挂葫蘆多少時也問方圓不就時如何師云不方不圓云為麼時如何師云是方是圓問道人相見時如何師云呈漆器問諦為什麼觀不得師云

諦即不無觀即不得云畢竟如何師云失諦問行又不到問文不到時如何師云到以不到道人看如涕唾云其中事如何師唾地問如何是祖師西來意師云如你不喚作祖師意猶未在本云本來底如何師云四目相觀更無第二主宰問不具形儀還會也無師云即今還會麼問如何是大無慚愧底人師云皆具不可思議問學人擬向南方學此佛法去如何師云你去南方見有佛處急走過無佛處不得住云為麼即學人無依也師云柳絮林絮問如何是急切處師云一問一答問不籍三寸還假令時也無師云我隨你道你



作麼生會問如何是和尚家風師云空定宇宙  
 人無數云請和尚不答話師老僧合為麼問  
 二龍爭珠誰是得者師云失者無虧得者無  
 用問如何是大人相師云是什麼有俗士獻  
 袈裟問披為麼衣服莫辜負古人也無師拋  
 下拂子云是古是今問如何是沙門行師云  
 履手不展脚問牛頭未見四祖時如何師云  
 飽柴飽水云見後如何師云飽柴飽水問如  
 何是學人自己師云喫粥了也未云喫粥也  
 師云洗鉢盂去問如何是毘盧師師云白駝  
 來也未云來也師云牽去餵草問如何是無  
 師智師云老僧不曾教開梨問如何是親切

一句師云話墮也問不借口還許商量也無  
 師云正是時云便請師商量師云老僧不曾  
 出問二祖斷臂當為何事師云粉骨碎身云  
 供養什麼人師云來者供養問無邊身菩薩  
 為什麼不見如來頂相師云你是開梨問豈  
 是日光夜是火光如何是神光師云日光火  
 光問如何是恰問慶師云錯云如何是問慶  
 師云向前一句裏辯取問如何是大人相師  
 以手摸面又手歛容問如何是無為師云者  
 個是有為問如何是祖師西來意師云欄中  
 失却牛問學人遠來請和尚指示師云才入  
 門便好驀面唾問如何是直截一路師云淮

南缸子到也未云學人不曾師云且喜到來  
 問栢樹子還有佛性也無師云有去幾時成  
 佛師云待虛空落地云虛空幾時落地師云  
 待栢樹子成佛問如何是西來意師因什麼  
 向院裏罵老僧云學人有何過師云老僧不  
 能就院裏罵得閣梨問如何是西來意云板

初三

五

齒生毛問貧子來將什麼過而師云不貧云  
 爭奈覓和尚何師云只是守貧問無邊身苦  
 薩為什麼不見如來頂相師云如隔羅敷問  
 諸天甘露什麼人得喫師云謝你將來問趙  
 過乾坤底人如何師云待有而底人即報來  
 問如何是伽藍師云三門佛殿問如何是不

生不滅師云本自不生今亦無滅問如何是  
 趙州主師云大王是問急切處請師道師尿  
 是小事須是老僧自去始得問如何是丈六  
 金身師云腋下打領云學人不曾師云不會  
 請人裁問學人有幾時如何師云大宜小宜  
 學人大宜師云大宜東北角小宜僧堂後問  
 如何是佛向上人師下岸床上下觀瞻相云  
 者漢如許長大截作三椽也得問什麼向上  
 向下且問如何是密密意師以手恰之云和  
 尚猶有者個在師云是你有者個師示衆  
 云老僧三十年前在南方火爐頭有個無宿  
 主話直至如今無人舉着問和尚受大王如

是供養將什麼報答師云念佛云貪子也解  
念佛師云喚侍者將一錢向伊問如何是和  
尚家風師云屏風雖破骨格猶存問如何是  
不遷之義師云你道者野鴨子飛往東去西  
去問如何是西來意師云什麼處得者消息  
來問如何是壘中人師云布地茶盞錢米問  
大耳三歲第三度覓國師不見未審國師在  
什麼處師云在三歲鼻孔裏問盲龜值浮木  
孔時如何師云不是偶然事問久居崑崙谷時如  
何師云何不隱去問如何是佛法大意師云  
禮拜著僧擬進話次師喚沙彌文遠文遠到  
師叱云適來去什麼處來問如何是自家本

意師云老僧不用牛刀問和尚姓什麼師云  
常州有云甲子多少師云蘇州有 上堂  
云才有是非紛然失心還有答話分也無有  
僧出撫侍者一下云何不祇對和尚師便歸  
方丈後侍者請益適來僧是會不會師云坐  
底見立底立底見坐底問如何是道師云牆  
外底云不問者個師云問什麼道云大道師  
云大道通長安問撥塵見佛時如何師云撥  
塵即不無見佛即不得問如何是無疾之身  
師云四大五陰問如何是聞提師云何不問  
善提云如何是善提師云只者便是聞提師  
有時屈指云老僧喚作拳你諸人喚作什麼

僧云和尚何得將境示人師云我不將境示人若將境示闍梨即埋沒闍梨去也云爭奈者個何師便却重問一問一答想落天魔外道設使無言又犯他匡綱如何是趙州家風師云你不解問云請和尚答話師云若據你合喫二十棒師示眾云才有是非紛然失心還有答話分也無有僧出將沙彌打一堂便出去師便歸方丈至來日問侍者昨日者師僧在什麼處侍者云當時便去也師云三十年弄馬騎被驢子撲鎖府大王問師尊年有幾箇齒在師云只有一箇牙大王云爭喫得物師云雖然一箇下下咬著問如何是學

人珠師云高聲問僧禮拜師云不解問何才道高下即不問如何是學人珠何不與麼問僧便再問師云洎合放過者漢問二邊窳窳師如何開揚師云今年無風波問大衆雲集合談何事師云今日拽木頭豎僧堂云莫只者箇便是接學人也無師云老僧不解雙陸加三不解長行問如何是真實人七師云春夏秋冬云與麼即學人難會師云你問我真實人棘問如何是佛法大意師云你名什麼云某甲師云舍元斃裏金谷園中問如何是七佛師師云要眠即眠要起即起問道非物外物外非道如何是物外道師便打云和尚莫打

某甲已後錯打人去在師云龍地易辨袖子  
難誦師見大王入院不起以手自拍膝云舍  
麼大王云不會師云自小出家今已老見人  
無力下禪床問如何是忠言師云你娘醜陋  
問從上至今不忘底人如何師云不可得聲  
心常思念十方一切佛問如何是忠言師云  
喫鉄捧問如何是佛向上事師便撫掌大笑  
問一燈燃百千燈一燈未審從什麼處發師  
便超出一隻履又云作家即不與麼問問歸  
根得旨隨照失宗時如何師云老僧不答者  
話云請和尚答話師云合與麼問如何是不  
思處師云快道快道問非思量處如何師云

連道連道問如何是衣中寶師云者一問媼  
什麼云者箇是問如何是寶師云與麼即衣  
也失却問万里無店時如何師云禪院裏宿  
問狗子還有佛性也無師云家家門前通長  
安問觀面相呈還查大意也無師云低口云  
收不得麼如何師云向你道低口問如何是  
目前一句師云老僧不如你問出來底是什  
麼人師云佛菩薩問靈草未生時如何聖觀  
著即腦裂云不觀時如何師云如同立死漢  
云還許學人和合否師云人來莫向伊道問  
祖意與教意同別師云才出家未受戒到麼  
問人問如何是聖師云不凡云如何是凡師

云不聖云不凡不聖時如何師云好箇禪僧  
 問兩鏡相向那箇家明師云關梨服皮蓋須  
 彌山問學人近入叢林乞師指示師云蒼天  
 蒼天問前句已往後句難明時如何師云喚  
 作即不可云請師分師云問問高峻難上  
 時如何師云老僧不向高峯頂問不與方法  
 為侶者是什麼人師云非人問請師宗乘中  
 道一句子師云今日無錢與長官問學人不  
 別問請師不別答師云奇怪問三乘教外如  
 何接人師云有此世界來日月不曾換問三  
 處不通如何離識師云識是分外問衆機來  
 湊未審其中事如何師云我眼本正不說其

中事問淨地不止是什麼人師云你未是其  
 中人在云如何是其中人師云止也問如何  
 是万法之源師云棟梁椽柱云學人不會師  
 云拱斗叉手不會問一物不將來時如何師  
 云放下著問路達達道人不得語默對未審  
 將什麼對師云人從陳州來不得許州信問  
 開口是有為如何是無為師以手示之云者  
 箇是無為云者箇是有為如何是無為師云  
 無為云者箇是有為師云是有為 師示衆  
 云佛之一字吾不喜聞問和尚還為人無  
 師云佛佛問盡却今時如何是的的處師云  
 盡却今時莫問那箇云如何是的師云向你

道莫問云如何得見師云大無外小無內問  
 離四句絕百非時如何師云老僧不認得死  
 云者箇是和尚分上事評恰是云請和尚指  
 示師云離四句絕百非把什麼指示問如何  
 是和尚家風師云內無一物外無所求問如  
 何是歸根得旨師云答你即乖問如何是九  
 心師云答你即乖也問出家底人還作俗否  
 師云出家即是座主出焉不出老僧不管云  
 為什麼不管師云為麼即出家也問無師弟  
 子時如何師云無漏智性本自具足又云此  
 是無師弟子問不見遺表時如何師云因什  
 麼為麼問澄而不清渾而不濁時如何師云

不清不濁云是什麼師云也可伶生云如何  
 是通方師云離却金剛禪問如何是祖師的  
 的意師啼唾云其中事如何師又啼地問如  
 何是沙門行師云離行問真休之處請師指  
 師云指即不休問無問時如何師云乖常語  
 問四山相逼時如何師云無出跡問到者裏  
 道不得時如何師云不得道云如何道師云  
 道不得處問但有言句盡不出頂如何是頂  
 外事師喚沙弥文遠文遠應喏師云今日早  
 晚也問如何是毘盧師云莫惡口問至道  
 無難唯嫌揀擇如何得不揀擇師云天上天  
 下唯我獨尊云此猶是揀擇師云田庫奴什

麼處是揀擇問如何是三界外人師云爭奈  
 老僧在三界內問知有不有底人如何師云  
 你若更問即故問老僧 師示衆云向南方  
 起叢林去莫在者裏僧便問和尚者裏是甚  
 處師云我者裏是柴林問如何是毘盧師師  
 云性是弟子尚歸得旨持如何師云太慌  
 忙生云不審師云不審從甚處起問利劍出  
 匣時如何師云黑云正問之時如何辨白師  
 云無者開工夫云又手向人前爭奈何師云  
 早晚見你又手云不又手時如何師云誰是  
 不又手者問如何是沙門得力處師云你什  
 麼處不得力問如何是和尚示學人處師云

目前無學人云与麼則不出世也師便珍重  
 問祖意与教意同別師作拳安頭上云和尚  
 猶有者箇在師卸下帽子云你道老僧有箇  
 什麼問心又不停不住時如何師云是活物  
 是者箇正被心識使在云如何得不被心識  
 使師便低頭問道從何生師云者箇即生也  
 道不屬生滅云莫是天然也無師云者箇是  
 天然道即不与麼問祖意与教意同別師云  
 會得祖意便會教意問如何是異類中行師  
 云唵啞唵啞啞唵問高峻難上時如何師云  
 老僧自住峯頂云爭奈何曹溪路側何師云曹  
 溪是惡云今時為什麼不到師云是乘高峻



問如何是寶月當空師云塞却老僧耳問毫  
 釐有差時如何師云窺云應機時如何師云  
 屈問如何是沙門行師展手拂衣問祖佛命  
 不斷處如何師云無人知問未審權機喚作  
 什麼師云喚作權機問學人近入叢林不會  
 乞師指示師云未入叢林更是不會問徒上

古德持何示人師云不因你問老僧也不知  
 有古德云請師指示師云老僧不是古德問  
 佛花未發如何辯得真實師云是真是實云  
 是齟人分上事師云老僧有分鬪梨有分問  
 如何是佛師云你是什麼人問葛直路時如  
 何師云葛直路問如何是玄中不斷玄師云

你問我是不斷玄問還有不報四息三有者  
 也無師云有云如何是師云者辜恩負德漢  
 問貧子來將什麼物向他師云不欠少問如  
 何是趙州正主師云老僧是從諗有婆子問  
 婆是五障之身如何免得師云願一切人生  
 天願婆婆永沉苦海問胡月當空時如何師

云猶是<sup>切三</sup>塔下漢云請師接上塔師云月落了  
 來相見 師有時示衆云老僧初到藥山  
 時得一句子直至如今鞣地飽師因問周  
 貧外你還見臨濟也無負外豎起拳師云那  
 邊見外云者邊見師云什麼處見臨濟貧外  
 無對師問周貧外什麼處來云非來非去師

云不是老鷄飛來飛去師因看金剛經次僧  
便問一切諸佛及諸佛阿耨菩提皆從此經  
出如何是此經師云金剛般若波羅密經如  
是我聞一時佛在舍衛國僧云不是師云我  
自理經也不得因僧辭去師云聞梨出外忽  
有人問還見趙州否你作麼生祇對云只可  
道見師云老僧是一頭驢你作麼生見僧無  
語示衆我此間有出窟師子亦有在窟師子  
只是難得師子見時有僧彈指對之師云是  
什麼云師子兇師云我喚你師子兇早是罪  
過你更行趨踏師新到離什麼處云離雪峯  
師云雪峯有什麼言句示人云和尚尋常道

盡十方世界是沙門一隻眼你等諸人向什  
麼處肩師云聞梨若迴寄箇鐵子去師因捨  
衣袂大衆次僧便問和尚惣捨却了用箇什  
麼去師召云湖州子僧應喏師云用箇什麼  
示衆云未有世界早有此性世界壞時此性  
不壞僧問如何是此性師云五蘊四大云此  
猶是壞如何此性師云四大五蘊定州有一  
座主到師問習何業云經律論不聽便講師  
舉手示之還講得者箇麼座主忙然不知師  
云直饒你不聽便講得也只是箇講經論漢  
若是佛法未云和尚即今語話莫便是佛  
法否師云直饒你問得答得想屬經論佛法

未在主無語師問一行者從什麼處來云北  
院來師云彌院何似者院行者無對有僧在  
邊立師令代行者語僧代云從那院來師笑  
之師又令文遠代之文遠云行者還是不取  
師語話師問座主所習何業云講維摩經師  
云維摩經步步是道場座主在什麼處無對  
師令全益代座主語全益云只者一問可識  
道場麼師云你身在道場裏心在什麼處速  
道取云尚不是覓學人心師云是云只者  
一問一答是什麼師云老僧不在心所裏法  
過眼耳鼻舌身意而知解云既不在心數裏  
和尚為什麼覓師云為你道不得云法過眼

耳鼻舌身意而不解作麼生道不得師云喫  
我涕唾師問僧你曾看法華經麼云曾看師  
云經中道衲衣在空開假名阿練若誑惑世  
間人你作麼生會僧擬禮拜師云你披衲衣  
來否云披來師云莫惑我云如何得不惑去  
師云自作活計莫取老僧語師問座主所習  
何業云講維摩經師云那箇是維摩祖父云  
某甲是師云為什麼却為兒孫傳語無對  
師一日上堂僧總出禮拜師乃合掌珍重又  
一日僧禮拜師云好好問云如何是禪師云  
今日天陰不答話問新到從何方來云無方  
面來師乃轉背僧將坐具隨師轉師云大好

無方面問新到從什麼處來云南方來師云  
 三千里外逢莫戲云不曾師云摘楊花摘楊  
 花豐干到五臺山下見一老人干云莫是文  
 殊也無老人云不可有二文殊也干便禮拜  
 老人不見有僧舉似師師云豐干只具一隻  
 眼師乃令文遠作老人我作豐干師云莫是

勿三

十三

文殊也無豈有二文殊也師云文殊文殊師  
 問二新到上座曾到此間否云不曾到師云  
 喫茶去又問那一人曾到此間否云曾到師  
 云喫茶去院主問和尚不曾到教伊喫茶去  
 即且致曾到為什麼教伊喫茶去師云院主  
 院主應喏師云喫茶去師到雲居雲居云老

老大大何不覓箇住處師云什麼處住得雲  
 居云前面有古寺基師云向麼即和尚自住  
 取師又到茱萸菜萸云老大大何不覓箇  
 住處去師云什麼處住得茱萸云老大大  
 住處也不識師云三十年弄馬騎今日却被  
 駢撲師又到茱萸方丈上下觀瞻茱萸云平  
 地喫交作什麼師云只為心寵師一日持拄  
 杖上茱萸法堂上東西來去萸云作什麼師  
 云探水萸云我者裏一滴也無探箇什麼師  
 將杖子倚壁便下去師見僧來挾火示之云  
 會麼僧云不會師云你不得喚作大老僧道  
 了也師挾起火云會麼云不會師却云此去

舒州有投子山和尚你去礼拜問取因緣相契不用更來不相契却來其僧便去才到投子和尚處投子乃問近離什麼處云離趙州特來礼拜和尚投子云趙州老人有何言句僧乃具舉前話投子乃下禪床行三五步却坐云會麼僧云不會投子云你歸舉似趙州其僧却歸舉似師師云還會麼云未會師云也不較多也洞山問僧什麼處來云掌鞋來山云自解依他云依他山云他還指關梨也無無對師代云若允即不違普化喫生菜臨濟見云普化大似一頭驢普化便作驢鳴臨濟便休去普化云臨濟小厮兒只具一隻眼

師代云但尚本分草料保壽問胡釘鉸莫便是胡釘鉸否云不敢保云還釘得虛空麼云請打破虛空來保壽便打却云他後有多口阿師与你點破在胡釘鉸後舉似師師云你因什麼被他打云不知過在什麼處師云只者一縫上不奈何更教他打破釘鉸便會師代云且釘者一縫師問新到離什麼處云雪峯來師云雪峯有什麼言句示人云雪峯尋常道盡十方世界都來是沙門一隻眼你諸人向什麼處拜師云你若回寄關梨一箇鉢子去有俗行者到院燒香師問僧伊在那裏燒香礼拜我又共你在者裏語話正與麼時

生在那頭僧云和尚是什麼師云與麼即在  
 那頭也云與麼已是先也師笑之師與小師  
 文遠論義不得占勝占勝者輸餽餅師云我  
 是一頭馱遠云我是馱胃師云我是馱薑遠  
 云我是馱中虫師云你在彼中作麼遠云我  
 在彼中過夏師云把將餽餅來師坐次一僧  
 才出禮拜師云珍重僧仲問次師云又是也  
 師因在簷前立見鶯子語師云者鶯子喃喃  
 地招人言語僧問未審他還甘也無云依備  
 似曲才堪聽又被風吹別調中有僧辭去師  
 云什麼處去云閩中去師云閩中大有兵焉  
 你須迴避云向什麼處迴避師云恰好有僧

上叅次見師袖衣蓋頭坐次僧便退師云聞  
 梨莫道老僧不祇對師問僧從什麼處來云  
 南方來師云共什麼人為伴云水牯牛師云  
 好箇師僧因什麼與畜生為伴云不異故師  
 云好箇畜生云爭肯師云不肯且從還我伴  
 來師問僧堂中還有祖師也無云有師云喚  
 來與老僧洗脚堂中有二僧相推不肯作第  
 一座主事白和尚師云惣教他作第座云教  
 誰作第一座師云裝香著云裝香了也師云  
 戒香定香師問僧離什麼處云離京中師云  
 你還從渣闕過麼云不應師云今日捉得者  
 取私葢漢因送亡僧師云只是一箇死人得

無量人送又云許多死漢送一箇生漢時有  
僧問是心生是身生師云身心俱不生云者  
箇作麼生師云死漢有僧見貓兒問云某甲  
喚作貓兒未審和尚喚作什麼師云是你喚  
作貓兒因鎮州大王來訪師侍者來報師云  
大王來師云大王万福侍者云未在方到三  
門下師云又道大王來也因上東司召文遠  
文遠應喏師云東司上不可与你說佛法也  
因在殿上過乃喚侍者侍者應喏師云好一  
殿功德侍者無對師因到臨濟方始洗脚臨  
濟便問如何是祖師西來意師云正值洗脚  
臨濟乃近前側聆師云若會便會若不會更

莫啗啄作麼臨濟拂袖去師二三十年行脚  
今日為人錯下注脚師因到天台國清寺見  
寒山拾得師云久響寒山拾得到來只見兩  
頭水牯牛寒山拾得便作牛鬪師云叱叱寒  
山拾得咬齒相看師便歸堂二人來堂內問  
師適來因緣作麼生師乃呵呵大笑一日二  
人問師什麼處去來師云禮拜五百尊者來  
二人云五百頭水牯牛犛尊者師云為什麼  
作五百頭水牯牛去山云蒼天蒼天師呵呵  
大笑師行脚時見二庵主一人作丫角童師  
問訊二人殊不顧來日早晨丫角童持一鐺  
飯來放地上分作三分庵主持席于近前坐

了角童亦將席近前相對坐亦不喚師師乃  
 亦將席于近前坐了童目顧於師庵主云莫  
 言侵早起更有夜行人師云何不教詔這行  
 者庵主云他是人家男女師云泊舍放過了  
 童便起顧視庵主云多口作麼了童從此入  
 山不見師因看經次沙弥丈遠入來師將經  
 側示之沙弥三出師隨後把住云速道速道文  
 遠云阿弥陀佛阿弥陀佛師便歸方丈因沙  
 弥童行叅師向侍者道教伊去侍者向行者  
 道和尚教去師云沙弥童行得入門侍者在  
 門外師行脚時到一尊宿院才相見便云有  
 麼有麼尊宿豎起拳頭師云水淺缸難泊便

出又到一院見尊宿便云有麼有麼尊宿豎  
 起拳頭師云能縱能奪能取能掠礼拜使出  
 師一日拈数珠問新羅長老彼中還有者箇  
 也無云有師云何似者箇云不似者箇師云  
 既有為什麼不似無語師代云不見道新羅  
 大唐問新到什麼處來云南方來師豎起指  
 云會麼云不會師云動止萬福不會師行脚  
 時問大慈般若以何為躡慈云般若以何為  
 躡師便呵呵大笑而出大慈來日見師掃地  
 次問般若以何為躡師放下掃帚呵呵大笑  
 而去大慈便歸方丈師到百丈百丈問從什  
 麼處來云南泉來犬云南泉有何言句示人



師云有時道未得之人亦須峭然去百丈叱  
 之師容愕然百丈云大好峭然師便作舞而  
 出師到投子處對坐齋投子拈齋餅向師喫  
 師云不喫不久下糊餅投子教沙弥度向師  
 師接得餅却礼沙弥三拜投子默然師目向  
 文速行次乃以手指一片地云這裏好造一  
 箇廛鋪子文速便去彼中立云把將公驗来  
 師便打一摑遠云公驗分明過師問新到近  
 離甚處云臺山師云遠見文殊也無僧展手  
 師云展手頗多文殊誰覩云只守氣急殺人  
 師云不覩雲中鴈焉知沙塞寒問遠速投師  
 請師一接師云孫臏門下因什麼鑽龜僧拂

袖出去師云將為當帶折他雙足師与首座  
 看石槁乃問首座是什麼人造云李膺造師  
 云造時向什麼處下手無對師云尋常說石  
 槁問著下手處也不知有新羅院主請師齋  
 師到門首問此是什麼院云新羅院師云我  
 与你隔海問僧什麼處来云雲居来師云雲  
 居有什麼言句云有僧問靈羊掛角時如何  
 雲居云六六三十六師云雲居師兄由在僧  
 却問未審和尚尊意如何師云九九八十一  
 有一婆子曰晚入院来師云作什麼婆云寄  
 宿師云者裏是什麼所在婆可呵大笑而去  
 師出外逢見一箇婆子提一箇籃子師便問

什麼處去云偷趙州筭去師云忽見趙州又  
 作麼生婆子近前打一掌師問僧什麼處來  
 云江西來師云趙州着在什麼處僧無對師  
 從殿上過見一僧禮拜師打一棒云禮拜也  
 是好事師云好事不如無師因叅潼關潼關  
 問師云你還知有潼關麼師云知有潼關云  
 有公驗者即得過無公驗者不得過師云忽  
 遇鑿駕來時如何問云也須檢點過云你要  
 造返師在南泉時泉牽一頭水牯牛入僧堂  
 內巡堂而轉首座乃向牛背上三拍泉便休  
 去師後持一束草安首座面前首座無對有  
 秀才見師乃讚嘆師云和尚是古佛師云秀

才是新如來有僧問如何是涅槃師云我耳  
 重僧再問師云我不害耳聾乃有頌膝膝大  
 道者對面涅槃門但坐念無際末年春又春  
 有僧問生死二路是同是別師乃有頌道人  
 問生生死死若為論雙林一池水胡月耀乾  
 坤喚他句上識此是弄精魂欲會箇生死顛  
 人說夢春有僧問諸佛有難火焰裏藏身和  
 尚有難向什麼處藏身師乃有頌渠說佛有  
 難我說渠有灾但看我避難何處有相隨有  
 無不是說去來非去來為你說難法對面識  
 得來十二時歌雞鳴丑愁見起來還漏逗裙  
 子福衫箇也無袈裟形相些些有棍無腰袴

無口頭上青灰三五斗比望備行利濟人誰  
知變作不啣潘平旦寅荒村破院實難論解  
齋粥未全無粒空對開窓與隙塵唯催噪勿  
人親獨坐時聞落葉頗誰道出家憎愛斷思  
量不覺浹沾中日出卯清淨却翻為煩惱有  
為功德被塵謾無限田地未曾掃攢眉多稱  
心少耐耐棟黑黃老供利不曾將得才教驢  
哭我堂前草食時辰煙火徒勞望四隣饅頭  
餓子前年別今日思量空嚙津持念少嗟嘆  
頻一百家中無善人來者祇道覓茶喫不得  
余噎去又嘆禺中已削髮誰知到如此無端  
被請作村僧屈辱飢棲受欲死胡張三累辜

永樂北藏

古尊宿語錄

四茶敬不曾生此子適來忽爾到門頭唯道  
借茶蒸借紙日南午茶飯輪還無定度行却  
南家到北家果至北家不推註苦沙鹽大麥  
醋蜀黍米飯壘萬首唯稱供養不尋閑和尚  
道心須堅固日映未者回不殘光陰地曾聞  
一炮忘百飢今日老僧身便是不習禪不論  
義鋪箇破蓆日裏睡想料上方梵率天也無  
如此日又背暗時申也有燒香禮拜人五箇  
老婆三箇瘦一雙面子黑皺皺油麻茶實是  
玢金剛不用苦張筋頭我來年鷲麥熟羅睺  
羅兒與一文日入百除却荒涼更何守雲水  
高流定妻無厯寺沙彌頭長有出格言不到

第一九七册

口在續牟尼子孫後一條拄杖震樹葉不但  
 登山兼打狗黃昏戌獨坐一間空暗室陽燄  
 燈光永不逢眼前純是金州潦鱷不閉虛度  
 日唯聞老鼠鬧啾啾憑何更得有心情思量  
 念箇波羅蜜人史支門前明月誰人愛向裏  
 唯愁卧去時勿箇衣裳著甚蓋劉維那趙五  
 戒口頭說善甚奇怪任佻山僧囊裏空問著  
 鄙緣恕不會半夜子心境何曾得暫止思量  
 天下出家人似我住持能有幾土榻林破蘆  
 廢老榆木枕全無被尊像不燒安息香灰裏  
 唯聞牛糞氣見起塔乃有項本自圓成  
 何勞疊石在遊雕鷲与吾懸隔若人借問終

不相畫因見諸方見解異途乃有項可  
 趙州南石橋北觀音院裏有弥勒祖師遺下  
 一隻履直至如今覓不得因魚鼓有頌  
 四大猶來造化功有聲全貴裏頭空莫怪不  
 与凡夫說只為宮商調不同因蓮花有頌  
 哥異根苗帶雪鮮不知何代别西天淤泥深  
 淺人不識出水方知是白蓮趙王与師作  
 真讚碧溪之月清鏡中頭我師我化天下  
 趙州哭趙州和尚二首師難澆水動王  
 侯心印光潜塵尾收碧落霧靈松嶺月滄溟  
 浪覆濟人舟一燈乍滅波旬喜雙眼重昏道  
 侶愁縱是了然雲外客每瞻瓶机淚還流

其二 佛日西傾祖印隳珠沉舟沼月沉輝  
影敷丈室爐烟慘風起禪堂松韻微隻履乍  
來留化跡五天何處又逢歸辭空弟子絕悲  
喜猶自清然對雪幃

三十末

古尊宿語錄卷第十五

勿三

廿

永樂北藏

古尊宿語錄

第一九七册

永樂北藏

古尊宿語錄

第一九七册

古尊宿語錄卷第十六

勿四

雪峯禪師法嗣

雲門匡真禪師浙西嘉興張氏子依空王寺志澄律師出家稟具窮律部初叅睦州跋禪師州繞見師來便閉却門師乃扣門州云誰

師云<sup>力</sup>州云作什麼師云已事未明乞師指示州開門一見便閉却師如是連三日去扣門至第三日州始開門師乃授入州便拈住云道道師擬議州托開云秦時轆轤鑽師從此悟入師到雪峰莊見一僧師問上座今日上山去那僧云是師云寄一則因緣問堂頭

和尚祇是不得道是別人語僧云得師云上座到山中見和尚上堂眾纔集便出捋腕立地云這老漢項上鐵枷何不脫却其僧一依師教雪峯見這僧與麼道便下座攔臂把住其僧云速道速道僧無對雪峯托開云不是汝語僧云是<sup>力</sup>語雪峯云待者將繩棒來僧云不是某語是莊上一浙中上座教<sup>力</sup>來道雪峯云大眾去莊上迎取五百人善知識來師次日上山雪峰繞見便云因什麼得到與麼地師乃低頭從茲契合師在雪峰時有僧問雪峰如何是觸目不會道運足焉知路峰云蒼天蒼天僧不明迷問<sup>力</sup>天意旨如何師

云三斤麻一疋布僧云不會師云更奉三尺竹後雪峰問喜云我常疑箇布衲師行脚時見一座主舉在天台國清寺齋時雪峰拈鉢孟問某道得即與你鉢孟某云此是化佛邊事峰云你作座主奴也未得某云不會峰云你問我與你道某始禮拜峰便蹋倒某得七年方見師云是你得七年方見主云是師云更與七年始得師在浙中蘊和尚會裏一日回喫茶次舉蘊和尚乘語云見聞覺知是法法離見聞覺知作麼生有傍僧云見定如今目前一切見聞覺知是法法亦不可得師拍手一下蘊乃舉頭師云猶欠一著在蘊云我

到這裏却不會師到共相共相問什麼處來云雪崩來相云要急言句舉一則來云前日典座來和尚何不問他相云典座且置師云箭過新羅師在嶺中時問卧龍和尚明已底人還見有已麼龍云不見本已始明得已又問長連牀上學得底是第幾機龍云第二機師云作麼生是第一機云緊悄草鞋師在嶺中時有僧問如何是法身上事云向上與你道即不難汝喚什麼作法身僧云請和尚鑒云鑒即且置作麼生說法身僧云與麼與麼師云此是長連床上學得底我且問你法身還解喫飯麼僧無語後有僧舉似梁家庵



主主云雲門直得入泥入水資福云欠一粒  
也不得剩一粒也不得師在雪峯與長慶西  
院商量雪峯上堂云盡大地撮來如粟未大  
拋向面前漆桶不會打鼓普請看西院問師  
雪峯與麼道還有出頭不得處麼師云有院  
云作麼生是出頭不得處師云不可恁作野  
狐精見解也又云狼藉不少又云七曜覆天  
又云南閻浮提北鬱單越師一日與長慶舉  
趙州無賓主詰雪峯當時與一踊作麼生師  
云某甲不與麼慶云你作麼生師云石橋在  
向北師與長慶舉石鞞三平話師云作麼生  
道克得石鞞喚作半箇聖人慶云若不還曾

爭辨真偽師云入水見長人師到洞巖巖問  
作什麼來師云親近來巖云亂走作什麼師  
云暫時不在巖云知過即得師云和尚亂走  
作什麼師到踈山踈山問得力處道將一句  
來師云請和尚高聲問山便高聲問師云和  
尚早朝喫粥麼山云作麼生不喫粥師云亂  
叫喚作麼又因踈山示衆云老僧咸通年已  
前會得法身邊事咸通年已後會得法身向  
上事師問承聞和尚咸通年已前會得法身  
邊事咸通年已後會得法身向上事是不山  
云是師云如何是法身邊事山云枯椿師云  
如何是法身向上事山云非枯椿師云還許

學人說道理也無山云許你說師云枯椿豈不是明法身邊事非枯椿豈不是明法身上事山云是師云法身還該一切不山云作麼生不該師指淨瓶云法身還該這箇麼山云闍梨莫向淨瓶邊會師便禮拜師到曹山山示衆云諸方盡把格則何不與他道一轉語教伊莫疑去師便問密密處爲什麼不知有山云祇爲密密所以不知有師云此人作麼生親近山云不向密密處師云不向密密處還得親近也無山云始得親近師應諾諾師問曹山如何是沙門行云喫常住苗稼者師云便與麼去時如何云你還畜得麼師云

學人畜得山云你作麼生畜師云著衣喫飯有什麼難山云何不道披毛戴角師便禮拜因瑠長老舉菩薩手中執赤幡問師作麼生師云你是無禮漢瑠云作麼生無禮師云是你外道奴也作不得師到天童童云你還定當得麼師云和尚道什麼童云不會即目前包裏師云會即目前包裏因見信州鵝湖上堂云莫道未了底人長時浮逼逼地設使了得底人明得知有去處尚乃浮逼逼地師下來舉此語問首座適來和尚示衆云未了底人浮逼逼地了得底人浮逼逼地意作麼生首座云浮逼逼地師云首座在此久住頭白

齒黃作這箇語話首座云未審上座又作麼  
生師云要道即得見即便見若不見莫乱道  
首座云祇如堂頭道浮逼逼地又作麼生師  
云頭上著枷脚下著杻座云與麼則無佛法  
也師云此是文殊普賢大人境界師行脚時  
有官人問還有定乾坤底句麼師云蘇嚕蘇  
嚕悉哩薩訶師到江州有陳尚書請師齋相  
見便問儒書中即不問三乘十二分教自有  
座主作麼生是衲僧行脚事師云會問幾人  
來書云即今問上座師云即今且置作麼生  
是教意書云黃卷赤軸師云這箇是文字語  
言作麼生是教意書云口欲談而辞喪心欲

緣而慮忘師云口欲談而辞喪為對有言心  
欲緣而慮忘為對妄想作麼生是教意尚書  
無語師云見說尚書看法華經是否書云是  
師云經中道治生產業皆與實相不相違背  
且道非非想天有幾人退位書無語師云尚  
書且莫草草十經五論師僧拋却特入叢林  
十年二十年尚不奈何尚書又爭得會尚書  
禮拜云某甲罪過師到歸宗僧問大衆雲集  
合談何事宗云兩兩三三僧云不會宗云三  
三兩兩師却問其僧歸宗意旨如何僧云全  
體與麼來師云上座曾到潭州龍牙麼僧云  
曾到來師云打野樵漢師因乾峯上堂云法

身有三種病二種光須是一一透得更須知  
有照用臨時向上一竅在峰乃良久師便出  
問庵內人爲什麼不見庵外事峰呵呵大笑  
師云猶是學人疑處在峰云子是什麼心行  
師云也要和尚相委峰云直須與麼始解穩  
坐地師應喏喏乾峰示衆云舉一不得舉二  
放過一著落在第二師出衆云昨日有人從  
天台來却往徑山去峰云典座來日不得普  
請便下座師問乾峰請師答話峰云到老僧  
也未師云與麼則學人在遲也峰云與麼那  
與麼那師云將謂猴白更有猴黑師到灌溪  
時有僧舉崔巽語云十方無壁落四面亦無

門淨裸裸赤灑灑沒可把問師作麼生師云  
與麼道卽易也大難出僧云上座不肯和尚  
與麼道那師云你適來與麼舉那僧云是師  
云你驢年夢見灌溪麼僧云某甲話在師云  
我問你十方無壁落四面亦無門淨裸裸赤  
灑灑沒可把你道大梵天王與帝釋商量箇  
什麼事僧云豈干他事師喝云逐隊喫飯漢  
陳尚書問雲居供養主云雲居高低於弟子  
王無語尚書問師師云尚書莫教話墮師在  
嶺中時問一老宿一切時中如何辨明老宿  
云喚什麼作一切時中師云釋迦老子道了  
也彌勒猶自不知又見一老宿上堂云若是

商量舉覺如當門利劔相似一句下須有殺活始得師出眾云和尚上堂多時大眾歸堂老宿云道什麼云日月易流師在嶺中願維那處起彼時問古人豎起拂子放下拂子意旨如何維那云拂前見拂後見師云如是如是又云是諾伊是不諾伊又云可知禮也師

聞洛浦勘僧云近離甚處僧云荆南浦云有一人與麼去還逢麼僧云不逢浦云爲什麼不逢僧云若逢卽頭粉碎浦云閣梨三寸甚密師後於江西見其僧問云還有此語不僧云有云洛浦倒退三千里師在靈樹知聖大師會中爲首座時僧問知聖如何是祖師西

來意聖云老僧無語却問僧忽然上碑合著得什麼語時有數僧下語皆不契聖云汝去請首座來洎師至聖乃舉前話問師師云也不難聖云著得什麼語師云有人問如何是祖師西來意但云師知聖深肯問學人有疑請師不責從上宗乘事作麼師云三拜不虛

師上堂良久云夫唱道之機固難諧剖若也一言相契猶是多途况復惻惻有何所益然且教乘之中各有殊分律爲戒學經爲定學論爲慧學三藏五乘五時八教各有所歸然一乘圓頓也大難明直下明得與衲僧天地懸殊若向衲僧門下句裏呈機徒勞佇思門

庭敲磬千差萬別擬欲進步向前過在尋作  
 舌頭路布從上來事合作麼生向者裏道圓  
 道頓得麼者邊那邊得麼莫錯會好莫見與  
 麼道便向不圓不頓處卜度者裏也須是箇  
 人始得莫將依師語相似語測度語到處早  
 中將爲自己見解莫錯會祇如今有什麼事  
 對衆決擇看時有州主何公禮拜問曰弟子  
 請益師云目前無異草有官問佛法如水中  
 月是不師云清波無透路進云和尚從何得  
 師云再問復何來進云正與麼時如何師云  
 重疊闕山路有官問千子圍繞何者爲的師  
 云化下住持已奉來問問今日開筵將何指

教師云來風深辨進云莫祇者便是麼師云  
 錯問從上古德以心傳心今日請師將何施  
 設師云有問有答進云與麼則不虛施設也  
 師云不問不答問凡有言句皆是錯如何是  
 不錯師云當風一句起自何來進云莫祇者  
 便是也無云莫錯問如何是啐啄之機師云  
 響進云還應也無師云且緩緩問如何是學  
 人的的事師云痛領一問問如何是祖師西  
 來意師云日裏看山問如何是和尚家風師  
 云久雨不晴進云如何是久雨不晴師云  
 眼著問如何是不帶朕師云天台普請南嶽  
 遊山問如何是向上一路師云九九八十一

問如何是教主師云太無禮生問如何是一代時教師云對一說問如何是正法眼師云普問如何是端坐念實相師云河裏失錢河裏擺問如何是沙門行師云會不得進云為什麼會不得師云祇守會不得問如何是尋常之用師云且那裏葛藤去問如何是教意師云你看什麼經僧云般若經師云一切智智清淨還夢見未僧云一切智智清淨且置如何是教意師云心不負人面無慙色放你三十棒問如何是報得四恩三有去師云抱頭哭蒼天問如何是正法眼師云粥飯氣問如何是三昧師云到老僧一問還我一句來

問如何是諸佛出身處師云東山水上行問乞師指箇入路師云喫粥喫飯時有僧問如何是一句師云舉問如何是說時默師云清機歷掌進云如何是默時說師云嘎進云不默不說時如何師將棒趁問如何是雲門劍師云祖問如何是諸佛出身處師云更請一問問如何是露地白牛師云覲機無改路進云放着什麼處師云再舉不逾塵問如何是塵塵三昧師云桶裏水鉢裏飯問如何是一如體玄師云欠你一問問如何是玄中的師云掣進云如何即是師云速退速退妨他別人問問如何是非思量處師云識情難測問

鑿壁偷光時如何師云恰問一言道盡時如何師云裂破進云和尚作麼生下手拈撥師云拈取糞箕掃帚來問如何舉唱即得不負來機師云道什麼進云還可來意也無師云且緩緩問如何是透法身句師云北斗裏藏身問如何是本來宗師云不問不答問如何是三界唯心萬法唯識師云我今日不答話進云為什麼不答話師云驢年會麼問如何是吹毛劍師云鶻又云鶻問如何是內外光師云向什麼處問學云如何明達師云忽然有人問你作麼生道進云明達後如何明即且置還我達來問如何是切急一句師吃

問如何是本來心師云舉起分明問如何是衲僧孔竅師云放過一着進云請師道師云對牛彈琴問如何是大乘修行師云一植在手問如何是一切智智清淨師云僧堂入佛殿問如何是不掛脣吻一句師云合取狗口問如何是海印三昧師云你但禮拜問著待我東行西行問如何轉動即得不落階級師云南斗北斗八問如何是當今施設師云道即不難鑿徒何來問如何是不瞞底眼云不省問如何是不犯之令云那箇師僧還見麼問如何是大人相師乃擎拳問如何是佛法大意云一佛二菩薩問如何是兄弟添十



字師云我共汝說葛藤問如何是和尚為人  
一句師云心不負人面無慙色速禮三拜問  
如何是天然之事師云跣步向前作什麼問  
如何是教意師云吃捺舌頭更將一問來問  
如何是七縱八橫師云放汝一着  
上堂云舉一則語教汝直下承當早是撒屎  
著你頭上也直饒拈一毛頭盡大地一時明  
得也是剗肉作瘡雖然如此也須是實到者  
箇田地始得若未且不得掠虛却須退步向  
自己根脚下推尋看是什麼道理實無絲髮  
許與汝作解會與汝作疑惑況汝等且各各  
當入有一段事大用現前更不煩汝一毫頭

氣力便與祖佛無別自是汝諸人信根淺薄  
惡業濃厚突然起得如許多頭角擔鉢囊千  
鄉萬里受屈作麼且汝諸人有什麼不足處  
大丈夫漢阿誰無分獨自承當尚猶不著便  
吓受人欺瞞取人麩分纔見老和尚開口便  
好把特石驀口塞便是屎上青蠅相似聞啞  
將去三箇五箇聚頭商量苦屈兄弟古人一  
期為汝諸人不奈何所以垂一言半句通你  
入路知是般事拈放一邊自著些子筋骨豈  
不是有少許相親處快與快與時不待人出  
息不保入息更有什麼身心閑別處用切須  
在意珍重 上堂良久云觸目不會道運

足焉知路僧問如何是觸目菩提師云與我  
拈却佛殿問如何是最初一句師云九九八  
十一僧便禮拜師云近前來僧便近前師便  
打問如何是實學底事師云大好消息進云  
畢竟是誰家之子師云臘月二十五問承教  
有言一切智智清淨時如何師便唾之進云  
古人方便又作麼生師云來來截却汝脚跟  
換却汝觸體鉢盂裏拈却是筋拈却鼻孔來  
進云甚處有許多般師云者掠虛漢便打問  
如何是禪師云是進云如何是道師云得問  
如何是一切法皆是佛法師云三家村裏老  
婆盪衢溢路會麼學云不會師云非但汝不

會大有人不會在問學人簇簇地商量箇什  
麼師云大衆久立問如何是諸佛出身處師  
云佛前裝香佛後合掌問十二時中如何得  
不被諸境惑去師云三門頭合掌問四面森  
森如何是靈樹師云風鳴雨息進云如何是  
靈樹枝條師云曬眼皮草問如何是觸目菩  
提云拈却露柱學云豈干他事云驢年會麼  
問醍醐上味為什麼翻成毒藥師云望問如  
何是活師云心不負人學云如何是殺師云  
三日後不得唱衣學云不殺不活時如何師  
以拄杖趁出問學人與麼來請師實說師云  
知問金剛為什麼倒地師云不著力問殺父

殺母佛前懺悔殺佛殺祖向什麼處懺悔師  
云露問不起一念還有過也無師云須彌山  
問如來唯一說無二說如何是如來說師云  
那箇師僧何不問問闍中如何辨主師云務  
原是什麼人坐問學人實問請師實答師云  
你作麼主辨進云正當與麼時如何師云的  
問從上古德以何為的師云看取舌頭  
上堂云諸和尚子莫妄想天是天地是地山  
是山水是水僧是僧俗是俗良久云與我拈  
案山來看便有僧問學人見山是山見水是  
水時如何師云三門為什麼從這裏過進云  
與麼則不妄想去也師云還我話頭來

上堂良久云還有人道得麼道得底出來衆  
無語師拈拄杖云適來是箇小屎坑如今是  
箇大屎坑下座問萬法歸一一即不問如何  
是萬法師云你來這裏說葛藤瞞我問聖僧  
為什麼被大蟲咬師云與天下人作榜樣問  
十二時中如何用心即得不負於上來師云  
省力進云省力事如何師云省取前話問薑  
機不到處如何知有師云該得麼進云日用  
事如何師云一箭到新羅大漢國裏說葛藤  
問學人擬伸一問還許也無師云佛不奪衆  
生所願問如何舉唱即得不負來機師云痛  
領一問問千聖功圓冥然時如何擊琢師云

句裏明人問三界中何物勝於佛師云通你  
一問問摘葉尋枝即不問如何是直截根源  
云速禮三拜問已事未明如何指示云不避  
來機還當得麼問盡其機來師還接也無師  
云一問不錯學云一問且置師還接不師云  
細看前話問毘盧向上即不問虛空請師留  
些子師云把却汝咽喉你作麼生道問如何  
是學人自己師云一投一割進云莫便是不  
師云蘇嚕蘇嚕 上堂云今日與諸人舉  
一則語大衆聳聽良久有僧出禮拜擬伸問  
次師以拄杖趁云似這般戒胡種長連床上  
納飯阿師堪什麼共語處這般打野獐漢以

拄杖一時趁下問大衆雲集合談何事師云  
向下文長付在來日進云便與麼去時如何  
師云墮進云什麼處是墮師云長連床上飽  
喫飯了脫空妄語問靈山一會何似今日師  
云言中有響學云當今事住麼生師云不煩  
再問問以字不成入字下是未審是什麼字  
師云九九八十一進云學人不會請師指示  
云我又辜你什麼處問從上古德得箇什麼  
便稱尊貴師云愛問不愛答進云與麼則不  
假和尚舌頭嚼去也師云熨斗煎茶銚不同  
問和尚為人語話還有未道著底句也無師  
云說不及進云為什麼如此師云秬為如此

問大拍盲底人來師還接也無師放身倒問  
 如何是雲門山師云庚峯定穴問牙齒敲破  
 皆落名言如何得不落古人蹤師云通機自  
 辯問如何是和尚家風師云皮枯骨瘦問如  
 何是道師云七顛八倒進云為什麼如此師  
 云一不得向二不得開問暗室得明時如何  
 師云朗州此去多少 上堂云一言纒舉  
 千差同轍該括微塵猶是化門之說若是袖  
 僧合作麼生若將祖意佛意這裏商量曹溪  
 一路平沉還有人道得麼道得底出來時有  
 僧問如何是超佛越祖之談師云餠餅進云  
 這箇有什麼交涉師云酌然有什麼交涉問

當今一句請師道師云放你一線道還我一  
 句來問不涉廉纖請師道師云一怕汝不問  
 二怕汝不舉三到老僧教跳四到你退後速  
 道速道僧便禮拜師便打問目前蕩盡時如  
 何師云熱發作麼其僧禮拜而退師云且來  
 且來僧近前師便捧云這掠虛漢說我問  
 何是法王主師云义手著問盲龜值浮木孔  
 時如何師云老僧义手去也問學人正在迷  
 途請師一接師云道什麼問如何是教意師  
 云答猶未了進云和尚什麼處答師云將謂  
 汝靈利問如何是衲僧正眼師云那箇師僧  
 近前來其僧近前師吐云去問教中即不問

如何是宗門中事師云既有來問速禮三拜  
 問絕消息如何履踐師云三十年後進云  
 祇令如何師云莫乱統問性源還有語也無  
 師云莫問問佛病祖病將何醫云審即諧進  
 云將何醫師云幸有力問百步穿楊請師指  
 的師云答這話去也問言詮不及處如何體  
 會師云對衆快禮拜問鈴鐺之子如何進步  
 師云目前不辨進云豈無尊貴師云不較多  
 進云作麼生師云作麼生問九有言說皆是  
 葛藤如何是不葛藤師云大有人見汝問問  
 急急相投請師指教師云作麼生道進云不  
 會請師道師云作麼 上堂云大衆汝等

還有鄆州針麼若有試將來看有麼有麼衆  
 無對師云若無散披衣裳去也便下座問盡  
 大地人來師如何接師云提綱有路進云莫  
 祇這便是指示不師云合取狗口問時中不  
 明如何得不落綠塵去師云閉門哭蒼天問  
 十二時中如何體悉師云不難辨進云還有  
 學人入頭處也無云細看前語問靈山一會  
 迦葉親聞未審聞箇什麼句師云不避來鋒  
 速道速道進云是什麼句師云掣電之機徒  
 勞佇思問千聖不傳古今不歷如何是和尚  
 接人一句師云觸忤老兄得麼進云如何是  
 接人一句師云作麼問有何運要令學人心

息師云放你三十棒問目前坦然時如何師云海水在汝頭上進云還著得也無師云向這裏脫空妄語問施主設齋將何報答師云量才補職進云不會師云不會即喫飯問如何是向上事師云截却汝肚腸換却匙筋拈將鉢盂來看僧無對師云這掠虛漢問如何是佛法大意師云來鋒有路問如何是學子又轉身處師云利上堂良久云狄這箇帶累殺人便下座上堂云道即道了也時有僧出禮拜歌伸問次師拈拄杖便打云識什麼好惡這一般打野攪漢恁似這箇僧爭消得施主信施惡業衆生恁在這裏覓什麼

乾屎橛咬以拄杖一時趁下問如何是禪師云拈却一字得麼問扶桑柯畔日輪未出時如何師云知問背楚投吳時如何師云而南看北斗問六國未寧時如何師云千里何明進云爭奈不明何師云賴遇適來道了問如何是本源師云受什麼人供養問如何是直十四截一路師云主山後進云謝師指示師云合取皮袋問曹溪的旨請師垂示師云三十年後問密室玄宮時如何師云倒進云宮中事作麼生師云重問萬機吐不出時如何師云大衆不匪進云猶是學人疑處在師云語覆前撥去問要急相應唯言不二時如何師云

對衆舉大衆可不知進云如何承當師云隨  
 年問一生積惡不知善一生積善者不知惡  
 此意如何師云燭問遠遠投師師意如何師  
 云七九六十三進云學人近離衡州師喝云  
 是你草鞋跟斷僧云珍重師喝云靜處薩婆  
 訶問如何是學人自己師云一佛二菩薩問  
 六國未寧時如何師云雲掌雨色問上無攀  
 仰下無己躬時如何師云藏身一句作麼生  
 道僧便禮拜師云放過一著置將一問來僧  
 無語師云這死蝦蟆問如何是色即是空師  
 云拄杖敲汝鼻孔問如何是和尚非時為人  
 一句師云早朝牽犁晚間拽把問三乘五性

即不問如何是衲僧門下事師云日勢稍晚  
 速禮三拜問又值為什麼不識師云測問如何  
 是心師云心進云不會師云不會進云究竟  
 如何師咄云靜處東行西行問三界唯心萬  
 法唯識時如何師云舌根裏藏身進云藏身  
 後如何師云蘇嚕蘇嚕問如何是途中受用  
 師云七九六十三進云如何是世諦流布云  
 江西湖南新羅海問密室不通風時如何  
 師云響露鳴風進云如何是密室中人師云  
 再陳難辨問直與麼來時如何師云照從何  
 立進云不去不來時如何師云前語道什麼  
 問進向無門時如何師云三千八百



上堂云放你橫說豎說徒朝至暮無人塞你口不放你說又作麼生 上堂大衆集良久暮拈拄杖云看看北鬱丹越人見汝般柴不易在中庭裏相撲供養你更為你念般若經云一切智智清淨無二無二分無別無斷故僧便問如何是一切智智清淨師云西天斬頭截臂這裏自領出去問掛錫幽巖時如何師云在什麼處問如何是深中淺師云山河大地進云如何是淺中深師云大地山河進云如何是深師云朝到西天暮歸唐土問迦葉入定時如何師云匿得麼進云還見十方不師云好手透不出問真如湛寂妙絕無

門時如何師云自機廻照進云祇這裏如何師云莫錯問千般方便誘引歸源未審源中事如何師云有問有答速道將來僧應喏師云迢遙也問如何是雲門劍師云揭進云用者如何師云蘇嚕蘇嚕問如何是祖師西來意師云沒即道進云不會師云壯一問問能詮表裏時如何師云風不入進云表裏事如何師云錯問萬機俱罷時如何師云塚上生芝草問觀身無己觀外亦然時如何師云熟發在麼進云與麼則水消瓦解去也師便打問龍門有意進水無能時如何師云來機即易再舉還難進云正與麼時如何師云快問

古人面壁意旨如何師云念七又云定問百  
 不會底人來師如何接師云話頭也進云什  
 麼處是話頭師云七抹對十三問承古有言  
 了即業障本來空未了還須償宿債未審二  
 祖是了未了師云確問從上古德相傳何事  
 師云速禮三拜問如何是雲門一路師云親  
 進云如何即是師云顛言倒語作麼問承古  
 有言撥心即差如何得不差師云洪機歷掌  
 進云後人再問作麼生師云遲風難改問三  
 身中阿那身說法師云要問如何是釋迦身  
 師云乾屎橛問請師提綱宗門師云南有雲  
 峯北有趙州問大徹底人見一切法是空不

師云蘇魯蘇魯問終日切切不得箇入路乞  
 師指箇入路師云當機有路問如何是超佛  
 越祖之談師云蒲州麻黃益州附子問如何  
 是教意師云撩起來作麼生道進云便請師  
 道師云對牛彈琴問玄機一路如何體會師  
 云三十年後問柳示雙趺當表何事師云言  
 進云未審師意如何師云緊帽草鞋問不是  
 玄機亦非自擊時如何師云倒一說問劫火  
 洞然時如何師云更夢見什麼 上堂云  
 我共汝平展遇人識人與麼老婆說話尚自  
 不會每日飽飯喫了上來下去覓什麼梳這  
 野狐隊仗向這裏作什麼以拄杖一時趁下

問初秋夏末前程忽有人問如何祇對師云  
 大衆退後進云過在什麼處師云還我九十  
 日飯錢來問學人近到法席未審家風事如  
 何師云不歷一問作麼生道問十方國中  
 唯有一乘法如何是一乘法師云何不別問  
 進云謝師指示師便喝問承古有言一塵掃  
 舍一切塵如何是一塵師云吃噉舌頭更將  
 一問來問學人不問師還答也無師云將汝  
 口掛壁上不得問一切尋常時如何師云雖  
 然屎臭氣熏我我且問你晝行三千夜行八  
 百你鉢盂裏什麼處著僧無對師脫空妄語  
 漢問如何是教眼師云速禮三拜問承古有

勿四

十七

言牛頭橫說豎說不知有向上開揆子如何  
 是向上開揆子師云東山西嶺青問如何是  
 露地白牛云歸依佛歸依法歸依僧進云白  
 牛何在師咄之問樹凋葉落時如何師云體  
 露金風問如何是布袋裏珍珠師云說得麼  
 問如何是祖宗的子弟師云言中有響

上堂云夫學般若菩薩須識得衆生病即識  
 得學般若菩薩病還有人揀得麼出來對衆  
 揀看衆無語乃云若揀不得莫妙我東行西  
 行 上堂云我今日共汝說葛藤屎及屎  
 大泥猪疥狗不識好惡屎坑裏作活計所以  
 道盡乾坤大地三乘十二分教三世諸佛天

下老師言教一時向汝眼睫上會取去饒汝  
 便向這裏一時明得亦是不著便漢無端跳  
 入屎坑可中於我衲僧門下過打脚折時有  
 三僧出一時禮拜師云一狀領過問如何得  
 速超三界去師云如何得速超三界去進云  
 是師云是即休問終日忙忙時如何師云覲  
 機無響路進云作麼生師云說不得問一擺  
 淨盞時如何師云爭柰老僧何進云此是和  
 尚分上師云這掠虛漢問如何是道師云透  
 出一字進云透出後如何師云千里同風問  
 古人道知有極則事如何是極則事師云爭  
 柰在老僧手裏何進云某甲問極則事師便

棒云咄咄正當撥破便道請益這般底到處  
 但知亂統近前來我問你尋常在長連床上  
 商量向上向下起佛越祖你道水拈牛還有  
 起佛越祖底道理麼僧云適來已有人問了  
 也師云這箇是長連牀上學得底不要有便  
 言有無便言無僧云若有更披毛戴角作麼  
 師云將知你祇是學語之派又云來來我更  
 問你諸人橫擔拄杖道我參禪學道便覓箇  
 起佛越祖底道理我且問你十二時中行住  
 坐卧倚屎送尿至於茆坑裏蟲子市肆賣買  
 羊肉菜頭還有起佛越祖道理麼道得底出  
 來若無莫妨我東行西行便下座師見僧入

來便云瓦解冰消僧云學人有什麼過師云  
 七棒對十三問如何是西來意師云長連床  
 上有粥有飯問承古有言道無橫徑立者皆  
 危如何是道雲普請看問如何是三乘教外  
 一句師云闍黎一問老僧躑跳三千里進云  
 謝師指示師云住住你道老僧話作麼生無

對師云三十年後來與汝三十棒問大衆雲  
 集合談何事師云譚汝屢裏老爺問曹溪一  
 句闍黎知聞未審雲門一句什麼人得聞師  
 云闍黎不聞進云學人親近得不師云子細  
 細看上堂云如來明星現時成道有  
 僧問如何是明星現時成道師云近前來近

前來僧近前師以拄杖打越上堂有僧

出禮拜云請師答話師召大衆大衆舉頭師

便下座上堂良久有僧出禮拜師云太

遲生僧應喏師云這漆桶上堂有解問

話者置將一問來僧出禮拜云請師鑒師云

拋釣釣鯤鯨釣得箇蝦蟆云和尚莫錯師云

朝走三千暮走八百作麼生無語師便打

上堂僧問如何是本源師拈起拄杖云若是

提起即向上去也僧又問如何是本源師云

南瞻部洲北鬱單越問普賢為什麼騎象文

殊為什麼騎師子師云我無象也無師子且

騎佛殿出三門去也問如何是教意師云山

河大地又云正好辨猶是曲說教意若約提  
網即未在問一切智通無障礙時如何師云  
掃地潑水相公來問隨流認得性時如何師  
云東堂月朗西堂閣問如何是三乘教外別  
傳底事師云你若不問我即不答你若問我  
即朝到西天暮歸唐土僧云乞師指示師云  
一不成二不是問如何是祖師西來意師云  
青天白日竊語作麼問如何是佛法大意師  
云日裏麒麟看北斗問學人到這裏為什麼  
道不得師云野狐窟裏坐問不落古今是何  
曲調師拽拄杖便下座問如何是佛法大意  
師云面南看北斗問古人斬蛇意旨如何師

便打問如何是和尚家風師云閣黎受戒太  
早問如何是賓中主師云騎一問進云如何  
是主中主師云叉手著進云賓主相去多少  
師云如眼如目進云合談何事師云三九二  
十七問自到和尚法席不會乞師指示師云  
截却你頭得麼問乞師指示令學人須息昏  
迷師云襄州米作麼價問二尊相見時如何  
師云不是偶然上堂天帝釋與釋迦老子  
在中庭裏相爭佛法其鬧便下座問如何是  
曹溪的的意師云老僧愛瞋不愛喜進云為  
什麼如此云路途劒客須呈劒不是詩人不  
識詩問二尊相見共談何事師云不決即道

問人天交接其意如何師云對衆呈機 上  
 堂和尚子且須明取衲僧鼻孔且作麼生是  
 衲僧鼻孔乃云摩訶般若波羅密今日大普  
 請便下座問如何是西來意師云山河大地  
 進云向上更有事也無師云有進云如何是  
 向上事云釋迦老子在西天文殊菩薩居東  
 土問父母俱喪時如何云俱喪且置那個是  
 你父母僧云苦痛深師云酌然酌然問如何是  
 大施主師云對機不辨問徹底冥濛底人來  
 師如何拯濟師云兩重公案一狀願過問說教  
 當為何人云近前來高聲問僧近前問師便  
 打問和尚年多少師云七九六十八進云為

什麼七九六十八師云我為你滅却五年問  
 十方薄伽梵一路涅槃門如何是一路涅槃  
 門師云我道不得進云和尚為什麼道不得  
 師云是你舉話即得問如何是法說師云大  
 衆久立速禮三拜如何是隨意說師云晨時  
 有粥齋時有飯如何是隨宜說師云三德六  
 味施佛及僧如何是方便說師云是汝鼻孔  
 重三斤半如何是大悲說師云皈依佛法僧  
 問生死根源即不問如何是目前三昧師云  
 吃嚙舌頭三千里進云今日得遇和尚也師  
 云放你三十棒問乞師指示師云上大人丘  
 乙已進云學人不會師云化三千七十七士問

不離三德六味還有佛法也無師云祇怕你不問進云請師道師云三德六味施佛及僧上堂云眼睫橫亘十方眉毛上透乾坤下透黃泉須彌山寨却汝咽喉還有會麼若會得搜取占波國共新羅國關額 上堂云江西即說君臣父子湖南即說他不與麼我

此間即不如此良久云汝還見壁麼世一上堂云去去逾相鈍置有什麼了時却問衆云我與麼道還有過麼問如何是祖師西來意師云一不得問進云喏師咄云話也不領問今日供養羅漢羅漢還來也無師云汝若不問我即不道進云請師道師云三門頭合

掌佛殿裏裝香問如何是衲僧本分事師云南有雪峯北有趙州進云請和尚不繁辭師云不得失却問學云喏師便打問承古有言會即事同一家不會即離牙擘齒如何得事同一家師云乱走作麼 上堂云從上來且是箇什麼事如今抑不得已且向汝諸人道盡大地有什麼物與汝為對為緣若有針鋒與汝為隔為礙與我拈將來喚什麼作佛作祖喚什麼作山河大地日月星辰將什麼為四大五蘊我與麼道喚作三家村裏老婆說話忽然遇著本色行脚漢聞與麼道把脚拽向階下有什麼罪過雖然如此揅箇什麼



道理便與麼莫越口快向這裏亂道須是箇  
漢始得忽然被老漢脚跟下尋著勿去處打  
脚折有什麼罪過既與麼如今還有問宗乘  
中話麼待老漢荅一轉了東行西行有僧擬  
問次師以往杖劈口打便下座問師子頻呻  
時如何師云嗔呻且置試哮吼看僧應嗜  
云這箇是老鼠啼 上堂云我有一句語  
不敢望你會還有人舉得麼良久云將謂胡  
鬚赤更有赤鬚胡便下座 上堂云不得  
已且作死馬醫向汝道是箇什麼是東是西  
是南是北是有是無是見是聞是向上是向  
下是與麼是不與麼這箇喚作三家村裏老

婆說話是你有幾箇到此境界相當即相當  
不相當靜處薩婆訶便下座 上堂云諸  
方老和尚道須知有聲色外一段事似這箇  
語話誑詭人家男女三間法堂裏獨自妄想  
未曾夢見我本師宗旨在作麼生消得他信  
施臘月三十日箇箇須償他始得任汝教跳  
去是你諸人各自努力珍重問目前無一法  
還免得生死不師云你驢年未免得在問如  
何是道師云去進云學人不會乞師道師云  
閻黎公驗分明何在重判問維摩一默還同  
說也無師云痛領一問進云與麼則同說也  
師云適來道什麼問如何是清淨法身師云

花藥欄進云便與麼會時如何師云金毛師  
 子 上堂因聞鍾鳴乃云世界與麼廣闊  
 為什麼鍾聲披七條 上堂云不可雪上  
 加霜去也珍重便下座 上堂云諸方老  
 秃奴曲木禪牀上坐地求名求利問佛答佛  
 問祖答祖何榮送屎也三家村裏老婆傳口  
 今相似識箇什麼好惡恁似這般底水也難  
 消 上堂云人人自有光明在看時不見  
 暗昏昏便下座師入京在受春殿聖上問如  
 何是禪師云皇帝有勅臣僧對師在文德殿  
 赴齋有勅常侍問靈樹果子熟也未師云什  
 麼年中得信道生 上堂云你諸人無端

走來這裏覓什麼老僧祇解喫飯屙屎別解  
 作什麼你諸方行脚參禪問道我且問你諸  
 方參得底事作麼生試舉看又云中間諱汝  
 屋裏老爺得麼向老漢腦後覓得些子啼  
 唾嚼將為自己便道我解禪解道饒你念得  
 一大藏教擬作麼生去古人事不得已見你  
 乱走向汝道菩提涅槃是埋沒你是釘極繫  
 却你又見你不曾向汝道非菩提涅槃知是  
 般事早是不著便也又更覓他注解這般底  
 滅胡種族從上來恁似這般何處到今日我  
 向前行脚時有一般人與我注解他是不惡  
 心被我一見見是一場笑具是我三五年

不死這般滅胡種底一斧打脚折如今諸方  
 大有出世紐捏你何不去彼中在這裏覓什  
 麼乾屎橛師便下地以拄杖一時打趁下去  
 問如何是萬法一決師云莫教失却問問死  
 中得活時如何師云朝行三千夜行八百問  
 大衆雲集合談何事師云今日放下令行去  
 也僧禮拜師便打問如何是透法身句師云  
 海晏河清道士問視聽無聲無形老君說了  
 也雲門一句請師指示師云迢然西天路士  
 無語師擬下座士云再請師舉揚宗旨師云  
 道得底出來衆無對師云與麼則辜負請主  
 去也便下座 上堂大衆集定師乃拈起

拄杖云不得已且向這裏會取看看三門在  
 露柱上便下座 十二時歌 夜半子  
 愚夫說相似 雞鳴丑癡人捧應首 平旦  
 寅曉何人 日出卯韓情枯骨咬 食時辰  
 歷歷明機是悞真 禺中已去來南北子  
 日南午認向途中苦 日昃未夏逢說寒氣  
 晡時申張三李四會言真 日入酉恒機何  
 得守 黃昏戌看見時光誰受屈 人定亥  
 直得分明沉苦海 偈頌 雲門箬剔  
 白雲低水急遊魚不敢棲入戶已知來見解  
 何勞更舉轆中泥 藥病相治學路醫扶籬  
 摸壁小兒戲幽谷不語誰人測管解師承孰

不知 康氏圓形滯不明 魔深虛喪擊寒冰  
 鳳羽展時超碧漢 晉鋒八博擬何憑 是機  
 是對對機迷 闢機機遠遠 機棲夕日日 中誰  
 有挂因底底事 隔情迷 太陽溢日極玄微  
 誰人說道我 渠非句中有 路人皆響觀而難  
 遭第一機 卅歲依山人事 稀松下相逢話  
 道奇鋒前一句 超調御擬問如何 歷劫違  
 說古松高雲不齊 鴻鶴鶴抱幾年 棲割磬同  
 時殊有異羽張騰 漢碧霄低 萬像森羅極  
 細微素話當人 知道非相逢相見 呵呵笑顧  
 佇停機復是誰 話盡途中事 言多何省機  
 貴人言是妙 上士見知虧 大道何曾討 無

端入荒草卷來復卷去 不覺虛生老 上刁  
 見天下不見地 塞却咽喉何處出 氣笑我者  
 多 兩我者少 喪時光 藤林荒 畝人意 滯肌  
 厄 舉不顧 即差互 擬思量 何劫悟 咄咄  
 咄力 韋希禪子 訝中眉 垂  
 抽顧頌 墜嘆

古尊宿語錄卷第十六

發 勿四

古尊宿語錄卷第十七

勿五

雲門匡真禪師語錄

室中語要一百八十五則垂示代語二百九

十則 室中語要

示衆云盡十方世界乾坤大地以拄杖一盡

勿五

百雜碎三乘十二分教達磨西來放過即不

可若不放過不消一喝 示衆云西天二十

八祖唐土六祖天下老和尚拗在拄杖頭上

直饒會得個儻分明祇在半途若不放過盡

是野狐精師一日云古來老宿皆為慈悲之

故有落草之談隨語識人若是出草之談即

永樂北藏

古尊宿語錄

第一九七册

不與麼若與麼便有重話會語不見仰山和  
 尚問僧近離甚麼僧云廬山仰山云曾遊五  
 老峯麼僧云不曾遊仰山云開梨不曾遊山  
 師云此語皆為慈悲之故有落草之談有時  
 云若言即心即佛權且認奴作郎生死涅槃  
 恰似斬頭覓活若說佛說祖佛意祖意大似  
 將木槌子換却你眼睛相似 舉古云聞  
 聲悟道見色明心師云作麼生是聞聲悟道  
 見色明心乃云觀世音菩薩將錢來買餠餅  
 放下手云元來祇是饅頭有時云燈籠是你  
 自己把鉢盂噓飯飯不是你自已有的僧便問  
 飯是自己時如何師云者野狐精三家村裏

漢復云来来不是你道飯是自己僧云是師  
 云驢年夢見三家村集漢有時云真空不壞  
 有真空不異色僧便問作麼生是真空師云  
 還聞鐘聲麼僧云此是鐘聲師云驢年夢見  
 麼 舉疎山和尚問僧什麼處來僧云嶺  
 中來山云曾到雪峯麼僧云曾到山云我已  
 前到時是事不足如今作麼生僧云如今足  
 也山云粥足飯足僧無語師云粥足飯足  
 舉孚上座參雪峯峯聞乃集眾孚到法堂上  
 顧視雪峯便下看知事明日却上禮拜云某  
 甲昨日觸忤和尚峯云知是般事便休時有  
 僧問師作麼生是觸忤和尚處師便打

舉僧問資福古人拈槌豎拂意旨如何福云  
 古人與麼那僧云拈槌豎拂又作麼生福便  
 喝出師云古人是什麼眼目僧云和尚作麼  
 生師云驢年會麼僧無對師復召僧来来僧  
 近前師以拂子葛口打 舉三平頌云即  
 此是聞非見聞師云喚什麼作見聞無餘聲  
 色可呈君師云有什麼口頭聲色箇中若了  
 全無事師云有什麼事體用無妨分不分師  
 云語是體體是語復拈起拄杖云拄杖是體  
 燈籠是用是分不分不見道一切智智清淨  
 舉一宿覺云幻化空身即法身師拈起拄杖  
 云盡大地不是法身 舉僧問趙州某甲

乍入叢林乞師指示州云喫粥了也未僧云  
喫粥了也州云洗鉢盂去師云且道有指示  
無指示若道有指示向他道什麼若道無指  
示者僧何得悟去 舉僧問雪峯乞師指  
示峰云是什麼其僧於言下大悟師云雪峰  
向伊道什麼有時云平地上死人無數過得  
荆棘林是好手僧云與麼則堂中第一座有  
長處也師云蘇魯蘇魯 舉無情說法忽  
聞鐘聲云釋迦老子說法也蓋拈起拄杖問  
僧者箇是什麼僧云拄杖子師云驢年夢見  
一日云三家村裏賣卜東卜西卜忽然卜著  
也不定僧更問忽然卜著時如何師云伏惟

師云大用現前不存軌則僧便問如何是  
大用現前師乃拈拄杖高聲唱云釋迦老子  
來也有時以拄杖打火鑪一下大衆眼目定  
動師乃云火鑪放跳上三十三天見麼見麼  
衆無語師云無智人前莫說打你頭破百裂  
師云看看看法身變作燈籠超佛越祖之談  
從你脚跟下過也僧云脚跟下認得時如何  
師云鈍置殺我僧云與麼則迥然不在者裏  
也師云十萬八千 舉藥山語云光境俱  
忘復是何物師云直饒與麼道猶在半途未  
是透脫一路僧便問如何是透脫一路師云  
天台華頂趙州石橋 舉仰山云如來禪

即許師兄會僧便問如何是如來禪師云上  
 大人又拈起扇子云我喚作扇子你喚作什  
 麼僧無語師云扇子上說法燈籠裏藏身作  
 麼生僧却問如何是和尚禪師叱云元來祇  
 在者裏 舉雪峰喚僧近前來僧近前峰  
 云去師舉了問僧你作麼生道得又手句你

弟子圖象為文用二片

若道得又手句即見雪峰 舉三祖云一  
 心不生萬法無咎師云祇者裏悟了乃拈起  
 拄杖云乾坤大地有什麼過 舉一宿覺  
 云一切數句非數句與吾靈覺何交涉師云  
 行住坐卧不是靈覺喚什麼作數句  
 舉繁山云光境俱忘復是何物師云東海裏

藏身須彌山上走馬復以拄杖打牀一下大  
 衆眼目定動乃拈拄杖趨散云將謂靈利者  
 漆桶 舉僧問乾峰十方薄伽梵一路涅  
 槃門未審路頭在什麼處峰以拄杖劃云在  
 者裏師拈起扇子云扇子教跳上三十三天  
 築著帝釋鼻孔東海鯉魚打一棒雨似盆傾  
 相似會麼有時云諸方拈槌豎拂云會麼但  
 云莫壓良為賤却云是是待伊擬議便打  
 舉教云心生種種法生心滅種種法滅乃拈  
 起拄杖云重多少僧云半斤師云驢年夢見  
 舉夾山語云百草頭上薦取老僧師合掌云  
 不審不審又以拄杖指露柱云夾山變作露



柱也看看 舉仰山問僧近離甚處僧云  
向南山拈起拄杖云彼中還說者箇麼僧云  
不說山云不說者箇還說那箇麼僧云不說  
山召大德叅堂去其僧便去山復召其僧僧  
應喏山云近前來僧近前山便打師云仰山  
若無後語爭識得人 舉雪峰喚僧近前

勿五

四

來僧近前峰云甚處去僧云香請去峰云去  
師云此是隨語識人 舉叅同契云回互  
不回互師云作麼生是不回互乃以手指板  
頭云者箇是板頭作麼生是回互師云喚什  
麼作板頭 舉見聞覺知無障礙聲香味  
觸常三昧師云一切處不是三昧行時不是

三昧有處云聲香味觸體在一邊聲香味觸  
在一邊見解偏枯 舉夾山坐次洞山到  
來云作麼生夾山云祇與麼師代洞山云不  
放過又作麼生代夾山便喝師又拈夾山云  
祇與麼元來祇在蝦蟆窟裏又云祇與麼也  
難得 舉祖師偈云法法本來法師云行

弟子其完保文張通春等計共刊云

住坐卧不是本來法一切處不是本來法祇  
如山河大地與你日夕著衣喫飯有什麼過  
又云法本法無法師拈起拄杖云不是本無  
法 舉傳大士頌云空手把鋤頭步行騎  
水牛師云是你從向北騎一頭水牯牛到這  
裏乃拈起拄杖云不見道千頭萬頭到這裏

但議取一頭 舉寶公云如我身空諸法  
 空千品萬類悉皆同師云你立不見立行不  
 見行四大五蘊不可得何處見有山河大地  
 來是你每日把鉢盂噉飯喚什麼作飯何處  
 更有一粒米來 舉一切聲是佛聲一切  
 色是佛色師拈起拂子云是什麼若道是拂  
 子三家村集老婆禪也不會 舉南方禪  
 客問國師此間佛法如何國師云身心一如  
 身外無餘師云山河大地何處有也有時云  
 要識祖師麼以拄杖指云祖師在你頭上教  
 跳要識祖師眼睛麼在你腳跟下又云這箇  
 是祭鬼神茶飯然雖如此鬼神也無厭足有

時云若說菩提涅槃真如解脫是燒楓香供  
 養你若說佛說祖是燒黃熟香供養你若說  
 趕佛越祖之談是燒餅香供養你婦依佛法  
 僧下去一日拈起拄杖舉教云凡夫實謂之  
 有二乘折謂之無緣覺謂之幻有菩薩當體  
 即空乃云衲僧見拄杖但喚作拄杖行但行  
 坐但坐拗不得動著 舉夾山語云百草  
 頭上薦取老僧開市集識取天子又云一塵  
 纔起大地全收 舉雪峰云三世諸佛向  
 火餒上轉大法輪師云火餒為三世諸佛說  
 法三世諸佛立地聽師因喫茶了拈起盞子  
 云三世諸佛聽法了盡鑽從盞子底下去也

見麼見麼若不會且向多年曆日集會取  
 舉槃山語云光非照境境亦非存光境俱忘  
 復是何物師云盡大地是光喚什麼作自己  
 你若識得光去境亦不可得有什麼屎光培  
 光境既不可得復是何物又云此是古人意  
 悲之故重話會語者集個儻分明去放過即  
 不可若不放過復舉手云蘇盧蘇盧  
 舉傳大士云禪河隨浪靜定水逐波清師拈  
 拄杖指燈籠云還見麼若言見是破凡夫若  
 言不見有一隻眼在你作麼生會良久復拈  
 拄杖云盡大地不是浪師有時拈拄杖打牀  
 一下云一切聲是佛聲一切色是佛色尔尔巴

鉢盂噶飯時有箇鉢盂見行時有箇行見坐  
 時有箇坐見者般底作與麼去就把棒一時  
 趁散有時拈起拂子云者集得箇入處去捏  
 怪也日本國集說禪三十三天有箇人出來  
 喚云叫叫特厚見擔枷過狀舉古人道  
 一處不通兩處失功兩處不通觸途成滯拈  
 起拄杖云山河大地三世諸佛盡在拄杖頭六  
 上有甚滯礙如今明也暗向什麼處去祇者  
 明便是暗一切衆生祇被色空明暗隔礙便  
 見有生滅之法舉一宿覺云六般神用  
 空不空一顆圓光色非色師拈起拂子云者  
 箇是圓光是色非色喚什麼作色與手拈將

來看 舉夾山云百草頭上薦取老僧關

市集識取天子師云蝦蟆入你耳朵裏毒蛇

穿你眼睛中且向葛藤處會取 舉十方

薄伽梵一路涅槃門師云你若不識大食國

裏人在你眼裏裏賣香藥 舉般若經云

無二無二分無別無斷故師乃指露柱云與

般若經相去多少 舉經云經書呪術一

切文字語言皆與寶相不相違背師拈拄杖

云者箇是什麼若道是拄杖入地獄不是拄

杖是什麼一日拈拂子撼一下云日月星辰

撲落地上見麼良久起身云近後突著你眼

睛 舉十方薄伽梵一路涅槃門師云者

箇是屋上頭是天手裏是拄杖作麼生是涅槃

門有時云彈指聲欬揚眉瞬目拈槌豎拂

或即圓相盡是撩鉤搭索佛法兩字未曾道

著道著即撒屎撒尿 舉瓦官參德山瓦

官為侍者同入山斫木德山將一椀水與瓦

官官接得便喫却山云會麼官云不會山又

將一椀水與瓦官官接得又喫却山云會麼

官云不會山云何不成梳取那不會官云

不會又成梳箇什麼山云子大似箇鐵椀瓦

官住院後雪峯去訪茶話次峰云當時在德

山會裏斫木因緣作麼生官云先師當時肯

我峰云和尚離先師太早其時面前有一椀

水峰云將水來官便過與雪峰峯接得便潑却師代云莫壓良為賤因齊次將餠餅一咬云咬著帝釋鼻孔帝釋害痛復以拄杖拍云在你諸人脚跟下變作釋迦老子見麼見麼問羅王聞說呵呵大笑云者箇師僧相當去不奈你何若不相當揔在我手裏有時以拄杖打鉢一下云你若箇漢忽然者裏聞聲悟了一切山河大地日月星辰有什麼過舉洛浦云一塵絲起大地全收師云鳥窠拈布毛便有人悟去因喫茶次舉一宿覺云三身四智體中圓八解六通心地印師云喫茶時不是心地印乃拈拄杖云且向者裏會取

舉僧問雪峰如何是觸目菩提峰云好箇露柱有處云還見露柱麼師拈起拄杖云有底體上會事見露柱祇喚作露柱有處道不見有露柱見解偏枯見露柱但喚作露柱見拄杖但喚作拄杖有什麼過舉僧問靈雲佛未出世時如何靈雲豎起拂子僧云出世後如何雲亦豎拂子師云前頭却實後底打不著又云不說出不出何處有一問時節秋如雪峰夏末於僧堂前坐衆緣集峰拈起拄杖云者箇為中下根人便有僧問忽遇上上人來時如何峯拈起拄杖師云我不似雪峯打破狼藉僧便問未審和尚如何師便打

舉僧問玄沙如何是學人自己沙云是你自己師云沒量大人被語脉裏轉却有僧問如何是學人自己師云忽然路上有人喚衲僧齋你也隨例得飯喫因齋次拈起餠餅云我秋供養江西兩浙人不供養向北人僧云為什麼祇供養江西兩浙人不供養向北人師云天寒日短兩人共一椀勿五舉國師云南方佛法半生半滅比間身心一如身外無餘師云喚什麼作身心一如又云汝等要識國師底麼自代云不可辜負國師去也舉肅宗帝請國師看戲國師云有什麼身心看戲帝再請國師云幸自好戲師云龍頭蛇

尾舉國師三喚侍者侍者三應國師云將謂吾辜負你誰知你辜負吾師云作麼生是吾辜負你汝若會得也是無端又云作麼生是侍者辜負國師處師云粉骨碎身未報得舉藥山問僧什麼處來僧云湖南來山云洞庭湖水滿也未僧云未滿山云許多時雨水為什麼未滿雲巖代云湛湛地洞山代云什麼劫中曾欠少師云祇在這裏舉雪峯云飯籬邊坐已死人臨河渴死漢玄沙云飯籬裏坐餓死漢水裏沒頭浸渴死漢師云通身是飯通身是水舉僧問資福古人拈提豎拂意旨如何福云嘆師云雲上

加霜 舉僧問資福如何是一塵入正受

福作入定勢僧云如何是諸塵三昧起福云

你問阿誰師云這阿師話墮也不知又云前

頭早是葛藤又道你問阿誰 舉菜莢上

堂云你諸人莫向虛空裏釘榭時有靈虛上

座出衆云虛空是榭菜莢便打虛云和尚莫

錯打某甲勿五便婦方丈師云矢上加尖僧云

和尚適來與麼道那師云槌鐘謝響得箇蝦

蟆出來 舉僧問投子密巖意旨如何子云

須是與麼人始得趙州云何不與他本分草

料師問僧作麼生是本分草料僧擬議師便

打 舉古云寂寂空形影師展兩手云山

河大地何處得也又云一切智通無障礙師

云拄杖走到西天却歸新羅國窠乃敲牀云

這箇是你鼻孔 舉僧問夾山如何是道

山云太陽溢目萬里不挂片雲師云不喚作

一句不喚作法身是什麼僧問如何是學人

自己師云老僧入泥入水僧云某甲粉骨碎

身去也師喝云大海水在你頭上速道速道

僧無語師代云也知和尚恐某甲不實有時

云直得乾坤大地無纖毫過患猶是轉句不

見一色始是半提直得如此更須知有全提

時節有時云泡幻同無礙一切處不是幻一

切處不是無礙有時云橫說豎說菩提涅槃

真如佛性摠是向下商量直得拈槌豎拂時節亦是橫說豎說對前頭猶較些子僧問請師向上道師云大眾久立速禮三拜

舉崇壽問僧還是燈籠麼僧無語師代云推倒燈籠 舉趙州問僧什麼處去僧云摘茶去師云開口 舉法身說法青青翠竹盡是法身未是提綱拈掇時節 舉有為無三世無為有三世有為是斷滅法何處得三世無為有三世不是守寂處法 舉寶學是葛藤言句拈槌豎拂時節於寶學猶在半途 舉三種人一人因說得悟一人因喚得悟第三人見舉便迴去你道便迴去意

作麼生復云也好與三十棒 舉法身喫飯早是剗肉作瘡將謂合有與麼說話

舉僧問雲居湛然時如何居云不流師云不流說什麼湛然又云此是截鐵之言 舉藥病相治盡大地是藥那箇是你自己師云遇賤即貴僧云乞師指示師拍手一下拈起拄杖云接取拄杖子僧接得拗作兩截師云直饒與麼也好與三十棒 舉翠巖夏末上堂云我一夏已來與師僧說話看翠巖眉毛在麼保福云作賊人心虛長慶云生也師云閑靜時云不敢望你有逆水之波且有順水之意也難得乃舉良遂初忞麻谷谷見來便



去鋤草良遂到鋤草處谷都不顧便婦方丈  
 閉却門良遂連三日去敲門至第三日纔敲  
 門麻谷問阿誰良遂云和尚莫瞞良遂若不  
 來禮拜和尚洎被經論賺過一生師云便有  
 逆水之波如今得入是順水之意亦喚作雙  
 放時節又云麻谷問阿誰良遂道莫瞞良遂  
 不是識破麻谷相見時節若不來禮拜和尚  
 洎被經論賺過一生亦知有賺人處自後良  
 遂歸京辭皇帝及左右街大師大德再三相  
 留茶筵次良遂云諸人知處良遂恁知良遂  
 知處諸人不知師云作麼生是良遂知處  
 拳心經云無眼耳鼻舌身意師云為你盲

眼見所以言無不可如今見時不可說無也  
 然雖如此見一切有什麼過一切不可得有  
 什麼聲香味觸法 舉光明寂照徧河沙  
 問僧豈不是張拙秀才語僧云是師云話墮  
 也 舉僧辭石霜霜問松去陸去僧云遇  
 松即松過陸即陸霜云我道半途稍難僧無  
 語師代云三十年後此話大行又云臨行一  
 句末劫不忘 舉生法師云敲空作響擊  
 木無聲師以拄杖空中敲云阿耶耶又敲板  
 頭云作聲麼僧云作聲師云這俗漢又敲板  
 頭云喚什麼作聲 舉僧問石霜教中還  
 有祖師意麼霜云有僧云如何是教中祖師

勿五

十一

意霜云莫向卷中求師代云不得辜負老僧  
 却向屎坑裏坐地作什麼 舉石霜云須  
 知有教外別傳一句僧問如何是教外別傳  
 一句霜云非句師云非句始是句 舉洞山  
 云須知有佛向上事僧問如何是佛向上事  
 山云非佛師云名不得狀不得所以言非  
 舉洞山云塵中不染丈夫兒師云拄杖但喚  
 作拄杖一切但喚作一切 舉法身清淨  
 一切聲色盡是塵纖語話不涉塵纖作麼生  
 是清淨又云作麼生是法身師云六不收又  
 云三十三天二十八宿 舉古云如我身  
 空諸法空千品萬類悉皆同師云身不可得

一切諸法豈是有也所以古人道無情有佛  
 性又云無情不喚作法身說法有時云光不  
 透脫有兩般病一切處不明面前有物是一  
 又透得一切法空隱隱地似有箇物相似亦  
 是光不透脫又法身亦有兩般病得到法身  
 為法執不忘己見猶存坐在法身邊是一直  
 既透得法身去放過即不可子細點檢來有  
 什麼氣息亦是病 舉僧問國師如何是  
 本身盧舍那國師云與老僧過淨瓶來僧取  
 淨瓶至國師云却安舊處著僧送安舊處又  
 來問如何是本身盧舍那國師云古佛過去  
 久矣師云無朕跡 舉僧問淮溪久綱灌

溪到來祇見箇漚麻池溪云你祇見漚麻池  
且不識漚溪僧云如何是漚溪溪云劈箭急  
師云何不與第一機抵對 舉韋監軍見  
帳子畫牛抵樹問僧牛抵樹樹抵牛無對師  
代云歸依佛法僧 舉老宿問僧聞說雪  
峯有箇子話是不僧云不見說著宿云聞說  
有僧云祇是師僧亂舉宿云不亂舉底事作  
麼生無對師代云某甲新到未曾叅堂  
舉佛問外道汝義以何為宗師代外道云者  
老和尚我識得你也外道云以一切不受為  
宗代佛云放過一著佛云汝以一切不受為  
宗耶代外道云者瞿曇莫教失却問 舉雪

峰云盡大地是你將謂別更有師云不見楞  
嚴經云衆生顛倒迷已逐物若能轉物即同  
如來 舉教云諸法寂滅相不可以言宣  
師云見定如今說話何處有說不說不見道  
去不到去來不到來 舉一切真如卷一  
切師云喚什麼作山河大地又云是諸法空  
相不生不滅不垢不淨或拈拄杖示衆云拄  
杖子化為龍吞却乾坤了也山河大地甚處  
得來或畫圓相云還有人出得麼 舉教云  
是法住法位世間相常住師云釋迦老子甚  
處去也 舉僧問投子如何是此經子云  
維摩法華又問塵中不染丈夫現時如何子

云不著師云不喚作法身不喚作第一義亦  
 為說法亦為說真空師齊次拈起起筋云我  
 不供養南僧祇供養北僧時有僧問為什麼  
 不供養南僧師云我要鈍置伊僧云為什麼  
 祇供養北僧師云一箭兩塚有僧拈問祇如  
 前意作麼生師云好即同榮或時以拄杖打  
 露柱勿五一下云三乘十二分教說得著麼自云  
 說不著復云咄者野狐精僧問祇如師意作  
 麼生師云張公喫酒李公醉十三舉古云有  
 驚人之句僧問如何是驚人之句師云響  
 舉國師云語漸也返常合道論頌也不留朕  
 跡師云拈起豎拂彈指時節若檢點來也未

是無朕跡有時拈拄杖云乾坤大地殺活總  
 在這裏僧便問如何是殺師云七顛八倒僧  
 云如何是活師云要作飯頭僧云不殺不活  
 時如何師便起云摩訶般若波羅密有時云  
 過人即途中受用乃拈起拄杖云拄杖不是  
 途說話不是途舉法身喫飯幻化空身  
 即法身師云乾坤大地何處有也物物不可  
 得以空墮空若約點檢來將謂合有與麼說  
話舉應化非真佛亦非說法者師曰應  
 化之身說即是法身說亦喚作觀體全真以  
 法身喫法身又云飯不是法身拄杖不是法  
 身有時云宗門七縱八橫殺活臨時僧便問

如何是殺師云冬去春來僧云冬去春來時  
如何師云橫擔拄杖東西南北一任打野裡  
示衆云任你橫說豎說未是宗門苗裔若據  
宗門苗裔是甚熱梳鳴三乘十二分教說落  
達磨西來說夢若有老宿開堂為人說法將  
利刀殺却百千萬箇有什麼過又云持謂合  
有與麼說話底道理一日云拈槌豎拂彈指  
揚眉一問一答並不當向上宗乘僧便問如  
何是向上宗乘師云地下閻浮大家捻道得  
秋如關市裏坐朝時猶肉案頭茹坑裏蟲子  
還有超佛越祖之談麼僧云有底不肯師云  
有底不肯不可商量時便有不商量時便無

也若約那箇語話體上會事直言未到見解  
偏枯有時云我尋常道一切聲是佛聲一切  
色是佛色盡大地是法身拄作箇佛法中見  
如今見拄杖但喚作拄杖見屋但喚作屋有  
時云作而無作用而無用乃拈起拄杖云不  
是用而無用喚什麼作拄杖 舉丹霞云  
百骸俱潰散<sup>力五</sup>一物鎮長靈師云拄杖不可不  
靈也喚什麼作百骸甚處得來 舉一切  
賢聖皆以無為法而有差別師云拄杖不是  
無為法一切不是無為法 舉誌公云雞  
鳴丑一顆圓光明已久師云腦後即不問你  
三千里外道將一句來 舉睦州喚僧趙

州喫茶入水之義雪峰棍徒歸宗拽石經頭  
 以字國師水枕羅漢書字諸佛出身處東山  
 水上行總是向上時節示衆云直得觸目無  
 滯達得名身句身一切法空山河大地是名  
 名亦不可得喚作三昧性海俱備猶是無風  
 匝匝之波直得忘知於覺覺即佛性矣喚作  
 無事人更須知有向上一竅在有時云一切  
 處無不是說法打鐘打鼓時不可不是若與  
 麼一切處亦不是有一切處亦不是無又云  
 不可說時即有不說時便無也若約提唱即  
 未在人門中即得 舉生死涅槃合成  
 一塊乃拈起扇子云是什麼不是合成一塊

得與麼不靈利直饒與麼也是鬼窟裏作注  
 計 舉僧問南泉牛頭未見四祖時爲什  
 麼百鳥銜花獻泉云步步蹋佛階梯僧云身  
 後爲什麼不銜花獻泉云直饒不來猶較玉  
 老師一線道師云南泉祇解步步登高不解  
 從空放下僧云如何是步步登高師云香積  
 世界僧云如何是從空放下師云填溝塞壑  
 有時云若問佛法兩字東西南北七縱八橫  
 朝到西天暮歸唐土雖然如此向後不得錯  
 舉 舉祖師偈云心隨萬境轉轉處實能  
 函僧問如何是轉處實能幽師云吃嚙舌頭  
 老僧倒走三千里又問如何是隨流認得性

師云餛頭餛子摩訶般若波羅密 舉玄沙  
與韋監軍茶話次軍云占波國人語話稍難  
辨何況五天梵語還有人辨得麼玄沙提起  
托子云識得這箇即辨得師云玄沙何用繁  
辭又云適來道什麼又云有什麼難辨  
舉古人云以空名召空色師云拄杖不是空  
名召得不是空色喚什麼作拄杖不是空名  
因南泉示眾云自小養一頭水牯牛擬向溪  
東放不免食他國王水草擬向溪西放不免  
食他國王水草不如隨處納些些他認不見  
後有僧舉似師師云南泉水牯牛隨處納些  
些你道在牛內納牛外納直饒你向這裏說

得納處分明我更問你索牛在後長慶云你  
道古人前頭為人後頭為人 舉王大王  
向雪峯道擬蓋一所佛殿去如何峯云大王  
何不蓋取一所空王殿大王云請師樣子峯  
展兩手師云一舉四十九 舉報慈讚龍  
牙偈云日出連山月圓當戶不是無身不欲  
全露有僧問請師全露龍牙撒開帳子云還  
九磨僧云不見牙云將服來後報慈聞舉云  
龍牙祇道得一半師令僧舉我與你道共僧  
便舉師云我不妨與你道有時云諸方盡向  
繩墨裏脫出我者裏即不然僧問未審和尚  
如何師云草鞋三十文買 舉攬真成立

色相宛然一切法不遷僧便問作麼生是不  
 遷師云還見燈籠麼僧云見師云靜處薩婆  
 訶示衆云作等諸人每日上來下去問訊即  
 不無若過水時將什麼過有久住僧對云步  
 師深喜之 舉僧辭大隨隨問什麼處去  
 僧云峨嵋禮拜普賢去隨拈起拂子云文殊

勿五

十六

普賢揔在者集其僧畫一圓相拋向背後却  
 辰兩手隨云侍者將一點茶來與者僧師舉  
 了云我即不與麼有僧云和尚又如何師云  
 西天斬頭截臂者裏自領出去 舉黃蘗  
 一日舉手作捏勢云天下老和尚揔在者裏  
 我若放一線道從汝七縱八橫若不放過不

消一捏僧問放一線道時如何蘗云七縱八  
 橫又問不放過不消一捏時如何蘗云普復  
 有僧問師如何是七縱八橫師云念老僧年  
 老僧云如何是普師云天光迴照僧云如何  
 是天光迴照師云髻髻少人知有時云一顆  
 圓光明已久還有人問麼僧便問如何是一  
 顆圓光明已久師云西天斬頭截臂人云除  
 却須彌山拈却佛殿脊一日披袈裟云我抖  
 擻法身也揔無對師云汝問我僧便問和尚  
 抖擻法身意旨如何師云我也知你親  
 舉玄沙示衆云諸方老宿盡道接物利生忽  
 遇三種病人來作麼生接患盲者拈拄豎拂



他又見患聾者語言三昧他又聞患瘧者教伊說又說不得且作麼生接若按此人不得佛法無靈驗有僧請益師師云你禮拜著僧禮拜起師以拄杖便捏僧退後師云你不是患盲復喚近前僧近前師云你不是患聾乃豎起拄杖云還會麼僧云不會師云你不是患瘧其僧於此有省 舉古云一言纔舉大地全收師云且道是什麼言自云着鳥啼時西嶺上遂令僧你問我僧便問是什麼言師云噫 舉馬大師云一切語言是提婆宗以此箇為主師云好語祇是無人問僧便問如何是提婆宗師云西天九十六種

你是最下種 舉摩法師云諸法不異者不可續是截鶴夷嶽盈壑然後為無異者哉師云長者天然長短者天然短又云是法住法位世間相常住乃拈起拄杖云拄杖不是常住法 舉古云一念劫收一切智師拈起拄杖云乾坤大地收在上頭若透得去拄杖也不見有直饒與麼也是不著便 舉須菩提說法帝釋雨華尊者問曰此華從天得耶帝曰弗也從地得耶帝曰弗也從人得耶帝曰弗也從何得耶帝釋舉手尊者云如是如是師云帝釋舉手處作麼生與你四大五蘊釋迦老子同列 舉世尊初生下一手

指天一手指地周行七步目顧四方云天上天下唯我獨尊師云我當時若見一棒打殺與狗子喫却貴箇天下太平 舉禾山示衆云有作家戰將麼出來時有僧出云未甯彼中還有也無師云格 舉僧問雪峰佛未出世時如何峯橫按拄杖而坐師云常舉德山問維那有幾人新到那云八人山云喚典座來一時生按過師拄云更說什麼生按過 舉雪峯勘僧什麼處去僧云識得即知去處峰云你是了事人亂走作什麼僧云莫塗汗人好峰云我即塗汗你古人吹布毛作麼生與我說來看僧云殘羹餽飯已有

人喫了也師別前語云築著便作屎臭氣代後語云將謂是鑽天鷄子元來是死水裏蝦蟆 舉韶山勘僧云莫便是多口白頭因麼因云不敢山云有多少口因云徧身是山云大小二事向甚處荷因云向韶山口集荷山云有韶山以即向韶山口集荷無韶山口向甚處荷王因無語山使打師代云這話隨阿師放你三十棒又代云將謂是師子兒又云韶山今日无解冰消 舉僧到曹溪有守衣鉢上座提起衣云此是大庾嶺頭提不起底僧云為什麼在上座手集座無語師云彼彼不了師代云遠駕不如親到又云將謂是

師子兒 舉睦州問僧莫便是清華嚴麼  
 僧云不敢州云夢見華嚴麼僧無語師云門  
 前大狼藉生 舉湖南報慈垂語云我有  
 一句子徧大地僧便問如何是徧大地底句  
 慈云無空缺師云不合與麼道別云何不庵  
 外問 舉南泉示衆云昨夜三更文殊普  
 賢相打各與二十棒取向二鐵圍山趙州出  
 衆云和尚棒教誰喫泉云王老師有什麼過  
 州便禮拜師代云深領和尚慈悲某甲歸衣  
 鉢下得箇安樂 舉崇壽見僧做餠餅次  
 隔窓問云你還見我麼僧云不見壽云還我  
 餠餅錢來僧無語師代云和尚禮拜餠餅好

舉僧問趙州如何是妙峯頂州云不答你若  
 話僧云為什麼不答州云我若答落在平地  
 師代云俱胝和尚 舉長慶見僧來云何  
 得無禮師代云某甲罪過又云甲辰乙巳  
 舉長慶問秀才云佛教云衆生日用而不知  
 儒書亦云日用而不知不知箇什麼秀才云  
 不知大道師云灼然不知 舉僧問睦州  
 雲山還有蛇不州云者蚯蚓師代云白骨連  
 山 舉長慶拄拄杖云識得這箇一生參  
 學事畢師云識得這箇為什麼不住 舉雲  
 巖掃地次道吾云何得太區區生巖云須知  
 有不區區者吾云與麼則第二月也巖堅起

掃帚云這箇是第幾月吾拂袖出去師云奴  
見婢殺勤 舉仰山問俗官云官君何位  
官云推官山乃豎起拂子云還推得這箇麼  
官無語師代云久嚮和尚 舉僧到翠巖  
值巖不在乃下看主事主事云叅見和尚也  
未僧云未主事却指狗子云要見和尚但禮  
拜者狗子僧無語後翠巖歸聞此語云作麼  
生道免得與麼無語師代云欲觀其師先觀  
弟子 舉座主就華嚴講請翠巖齋巖云  
山僧有箇問座主若道得即禱巖便拈起餅  
餅云還具法身麼主云具法身巖云與麼則  
喫法身也主無語本講座主代云有什麼過

巖不肯東使云喏喏師代云特謝和尚降重  
空筵 舉雪峯示衆云世界闊一文古鏡  
闊一丈世界闊一尺古鏡闊一尺玄沙拍面  
前火鑪云火鑪闊多少峯云似古鏡闊沙云  
這老漢脚跟未點地在後東使拈問僧為復  
古鏡致火鑪與麼大火鑪致古鏡與麼大西  
院云與麼問人也未可在師云餽飯泥茶鑪  
舉僧問雲居山河大地從何而有居云從安  
想有僧云與其甲想出一銚金得麼居便休  
去僧不肯師聞得云已是葛藤不能折合得  
待伊道想出一銚金得麼拈拄杖便打  
舉閩中書監軍尋常是僧云某甲待官滿出

江西湖南置一問問殺江西湖南老宿僧云  
 監軍作麼生問軍云不勞手脚僧無語師代  
 云話墮也又云伏惟尚纒 舉王太傅問  
 北院云古人道音現色身徧行三昧佛法為  
 什麼不到北俱廬州院云秋為徧行所以不  
 到師云如法置一問來 舉王太尉入佛  
 殿拍鉢孟問僧這箇是什麼鉢僧云藥師鉢  
 尉云祇聞有降龍鉢僧云持有龍即降尉云  
 忽遇拏雲撲浪來又作麼生僧云他亦不顧  
 尉云話墮也玄沙云盡你神力走向什麼處  
 去保福云歸依佛法僧百文作覆鉢勢師云  
 他日生天莫辜負老僧 舉地藏問崇壽

你久後將什麼利濟於人壽云無不利濟藏  
 云無一法得利濟師云直饒與麼也子  
 又云當時但喚近前來已後教伊無的喫  
 舉泉州王太傅問僧上座住甚處僧云牛月  
 山傳云忽遇月頭月尾又作麼生僧無語師  
 代云將謂與麼更有與麼 舉龍牙尋常  
 道雲君師只得第二句我得第一句西院云  
 秋如龍牙與麼道還扶得也無師云須禮拜  
 雲居始得西院云傍觀者哂 舉崇壽問  
 僧還是燈籠麼僧云是壽云兩箇師代云三  
 頭兩面又云七箇八箇  
 古尊宿語錄卷第十七 勿五

永樂北藏

古尊宿語錄

第一九七册

古尊宿語錄卷第十八

勿六

雲門禪師語錄

師因不安云打草鞋行脚去無對師云汝問我與汝道僧便問和尚什麼處去師云四維上下對機設教去代前語云和尚宜契薑附

初六

一

湯 上堂云割久雨不晴代云一箭兩槩或云遇賤即貴遇明即暗代云一起一倒 一 日云咬齒一句作麼生道代云合或云初秋 是末責情三十棒代云某甲如是問僧新羅 國與大唐國是同是別代云僧堂佛殿廚庫 三門 上堂云教意提不起過在什麼處代

云為你蝦蟆活 上堂云你道古佛與露柱 相交是第幾機無對師云汝問我與汝道僧 便問師云一條條三十文代前語云南山起 雲北山下雨僧又問作麼生是一條條三十 文師云打與 一曰云商量舉覺箇什麼代 云益貴米賤或云佛法兩字拈却成得箇什 麼代云死蝦蟆或云佛法不用學燈籠露柱 欺你去作麼生得不欺你去代云趙州南石 橋北 一日云古人面壁閉却門還透得這 裏麼代云這裏是什麼乾屎橛又云一或云 般柴來去行住坐卧四威儀中還出得釋迦 老子鼻孔麼代云和尚也是量才補職師或

舉手云古佛為什麼不到這裏代云不可降  
 尊就卑因僧設報慈和尚齋師問僧汝道報  
 慈和尚有幾身代云今日齋飯如法問僧般  
 柴來去普賢菩薩在什麼處代云般柴早是  
 辛苦 上堂大衆集定云是大過患子細點  
 檢代云不用別人問僧世間是什麼人罪最  
 重代云平出 一日云古人道一句合頭語  
 萬劫繫駟楸作麼生明得免此過代云趙州  
 石橋嘉州大像或云虛空還有長短也無代  
 云這箇師僧得與麼肥這箇師僧得與麼瘦  
 一日云常徒之見過在什麼處代云洎作過  
 中會 上堂大衆集定云有理不伸死而不

弔有理能伸罕遇奇人置將一問來代云過  
 師有時問僧作麼生代云少喫或云是你諸  
 人繞天下行脚不知有祖師意露柱却知有  
 祖師意你作麼生明得露柱知有祖師意代  
 云九九八十一示衆云一舉不弄說作麼生  
 是一舉又云你若不相當且覓箇入頭路微  
 塵諸佛盡在你舌頭上三藏聖教在你脚跟  
 下不如悟去好還有人悟得麼出來道看代  
 云養子之緣代前語云長安雖樂 上堂大  
 衆集定云風不來樹不動便下座代云樹折  
 船沉或云第一句作麼生道若道不得作麼  
 生得心息代云和尚莫要草鞋拄杖麼 一



日云從上古人作麼生辨人代云城地因君  
 置師因摘茶云摘茶辛苦置將一問來無對  
 又云你若道不得且念上大人更不相當且  
 順朱代云功不浪施代前語云勞而無功或  
 云今日二十七拈向什麼處代云壁上挂問  
 僧三乘十二分教什麼人承當得代云沙彌  
 童行 一日云汝作麼生辨得無礙法代云  
 閑家具或云還有句內藏身麼代云領 一  
 日云京華還有棟梁也無代云家家觀世音  
 或云不相當且順朱識取好代云因學人置  
 得 示衆云剎即難七九六十三作麼生道  
 代云不可搵無人去也又云泊合向後道師

或云日集來往日集辨人忽然中夜教取箇  
 物來未曾到處作麼生取代云瞞却多少人  
 示衆云看看佛殿入僧堂裏去也代云羅浮  
 打鼓韶州舞 上堂拈起拄杖云看看三千  
 大千世界一時搖動便下座代云拽 一日  
 云作麼生是雙明一句代云一箭兩梁或云  
 作麼生是不瞞人底句代云莫道這箇是瞞  
 人底 一日云泥水不分過在什麼處代云  
 昨日莫徑人設齋或云日集來往 搵識你作  
 麼生是影身一句代云某甲亦見日頭從東  
 邊上 一日云盡力作麼生道代云五箇餠  
 餅三椀茶或云作麼生是平伸一問代云便

摺傍僧 一日云空不異色作麼生道代云  
園頭甚要或云作麼生是不沉影底句代云  
現 上堂大衆集師良久云久雨不晴代云  
一棹兩當蓋覆將來 一日云教中有言謗  
斯經故獲罪如是拈却當門齒將經來代云  
不空買索或云你多年在叢林裏乃舉手便  
放下云向後不得與麼代云若與麼便成辜  
負和尚 一日云昨日有一句語不敢望你  
會還有人舉得麼代云驀又云走殺多少人  
上堂大衆集定云摠上來也各自東行西行  
便下座代云不少或云古人一言悟道觸緣  
見性拈起作麼生商量代云雲居鼓上藍鐘

一日云日裏來往上上下下一問一答住汝  
當荷夾差一問來作麼生當荷代云謂言侵  
早起更有夜行人又云一起一倒又云生在  
翼州 上堂云乾坤側日月星辰一時黑作  
麼生道代云好事不如無師因說事了起立  
以拄杖打禪牀一下云適來如許多葛藤貶  
向什麼處去靈利底即見不靈利底著我熱  
瞞代云雪上加霜 示衆云日月傍照三天  
下正照四天下我與你注破了也一句道將  
來代云東弗于代西瞿耶尼或云佛法不用  
道著世間什麼物最貴代云莫道這箇是賤  
底又云乾屎橛 一日云今日十五入夏也

寒山子作麼生代云和尚問寒山學人對捨  
 得或云你諸人傍家行脚還識西天二十八  
 祖麼代云坐底坐卧底卧又云少喫因齋次  
 指白菟器云這箇知有超佛越祖之談代云  
 五九四十五又云和尚自喫飯一日云是  
 你傍家行脚作麼生是不落賓主底句道將  
 來代云便出去或云是你師僧在江西湖南  
 所在過夏衣鉢分付什麼人了來代云不是  
 瞞却一人來又云不作大人相一日云非  
 貴賤據什麼代云鰍跳不出斗示衆云看  
 看殺了也便作倒勢云會麼若不曾且向拄  
 杖頭上會取代云龍頭蛇尾蛇尾龍頭又代

作倒勢一日云我每日共你葛藤不能到  
 夜如今在這裏置將一問來代云祇恐和尚  
 不答或云作麼生是脚跟下一句代云有麼  
 師或問僧你為什麼帶累我代云某甲帶累  
 和尚或云作麼生出得這裏代云朝遊羅浮  
 暮歸檀特一日云明已底人還見有已麼  
 代云把將來又代展兩手或云作麼生是麼  
 舌一句代云和尚祇待某甲道一日云你  
 師僧繞天下行脚見老和尚開口便上來東  
 聽西聽何不向洗鉢盂處置將一問來代云  
 也知和尚為物之故因見火頭云你辛苦我  
 賞你這箇拄杖子吞却祖師也無對代云功

不浪施又云禡不單行師因披衲衣云古人道披衣蓋乾坤乃拈起衲衣抖擻云北斗一時黑作麼生代云也知和尚出身早又云不道與麼去或云佛法還有變步也無代云鉢盂鞋履拄杖針筒一日云佛法拈却我不問你還有識世諦法麼代云某甲若道有被和尚領過初六或云摩菟顯正過在什麼處代云有什麼過示衆云天衆函蓋乾坤目機鉢兩不涉春緣作麼生承當代云一鉢破三關師或云南來北往飛禽走獸為什麼却有異代云辨却多少人或云你諸人擔鉢囊行脚不知有佛法佛殿上豈吻却知有佛法代云

佛殿裏裝香三門外合掌師或以拄杖一劃云微塵諸佛盡在這裏還辨得盡麼代云日出東方夜落西一日云作麼生是扣門一句代云打或云迷本底人觸途俱滯悟本底人為什麼有四大見代云益州附子建州薑師或云你諸方愛答話還有透不得底句麼代云來或云達磨西來為什麼難得兒孫代云放師因說事了起立云你諸人忽然今夜認悟去早起持刀截却我頭我說了也乃拈衲衣抖擻云作麼生代云學人不得辜負和尚或云口祇堪喫飯你道古人拈棧豎拂揚眉動目作麼生辨代云為山笠子江西別又

云龍頭蛇尾或云佛法中菩提涅槃真如解脫並為增語汝道世諦以何為增語代云關市象一箇兩箇又云菩提涅槃師或云古人道觸目是道拈却醬甕阿那箇是道無對師云蒼天蒼天代前語云是什麼心行或云見即不可子細看代云長安雖樂示衆云十五日已前不問你十五日已後道將一句來代云日日是好日上堂良久云鈍置殺人便下座代云不獨因看誌公頌問僧半夜子心住無生即生死古人意作麼生代云不可恁作野狐精見解也或云古人道人盡有光明在看時不見暗昏昏作麼生是光明代

云廚庫三門勿六又云好事不如無六一日云佛法大殺有祇是舌頭短代云長也又云大斧斫了手摩訶師齊次問僧應是從前叢林學得底言語恁拈却你道我飯作麼生滋味代云菜羹少鹽醋或云是你諸人行脚須知有隔身句作麼生是隔身句代云初三十一或云大智非明真空絕跡還有人明得這箇道理麼若有人明得出来道看代云捏問僧常徒底人過在什麼處你與我拈出来代云不可平地生堆阜又云和尚佛法身心何在或云一言總舉千差同轍是什麼言代云如是我聞又云要道有什麼難因見狗子乃打一

下云你為什麼咬這露柱代但以脚趂狗子  
 便云 舉華嚴經云金色光明雲青色光明  
 雲你道我尋常還有這箇時節麼代云亦不  
 得屈著和尚因開法堂門云作麼生是入門  
 一句有僧云喏師云漆桶無對代云掩面出  
 去代後語云道著 一日衆集定云莫錯認  
 一著便下座代云謝和尚重重相為或云是  
 你諸人行脚須知有入頭路還有人道得麼  
 出來道看代云也不得辜負和尚 示衆云  
 中有一寶秘在形山拈燈籠向佛殿裏將三  
 門來燈籠上作麼生代云逐物意移又云雷  
 起雲興 一日云宗門作麼生舉令代云咩

師或云阿耶耶新羅國裏打鐵火星燒著我  
 指頭自代云非但指頭師或云從上祖師三  
 世諸佛說法山河大地草木為什麼不省去  
 代云新到行人事又云和尚京中喫麵多師  
 或云萬法絃絃三世諸佛天下老和尚一時  
 出頭過在什麼處代云著什麼來由 一日  
 云忽然有一箇老宿把弓刀按劍入地獄如  
 箭射還有人會得這箇時節麼代云鑰匙在  
 和尚手裏或云古人道難得不錯怪人句作  
 麼生是不錯怪人句代云爭塞得人口 一  
 日云眼睫橫亘十方眉毛上透乾坤下透黃  
 泉須彌塞却你咽喉還有人會得麼若有人

曾得椶取占波共新羅闕額代云晒或云古  
人道聲香味觸常三昧我與你葛藤乃拈拄  
杖云這箇拄杖子是三昧你若識得拄杖子  
即識得天下老宿又云你若識得拄杖子未  
夢見天下老宿脚跟下一莖毛代云和尚不  
使別人 一日云一箭兩梁作麼生代云長  
安雖樂或云日謝樹無影這箇是佛殿那箇  
是無影代云洎分南北 一日云作麼生道  
得不落第二問代云洪州鞋履 一日拈起  
拄杖云解脫深坑敦跳代云出或云一語明  
得不要分外代云將謂是天地師或云塵無  
自性攬真成立作麼生是成立底事代云五

尺拄杖三尺竹 一日云說即天地懸殊不  
說即眼睫裏藏身眉毛上敦跳代云三三或  
云古人道一語無二語作麼生是一語代云  
早朝粥齋後茶師或拈起拄杖云是你諸人  
作麼生辨雲門雲門作麼生辨你諸人代云  
平問僧佛法還有青黃赤白也無代云東方  
甲乙木西方庚辛金 一日云作麼生是塵  
中辨主代云道州去江華不遠師或云有一  
人問著口似木楔有一人問著口似懸河你  
道二人過在甚處代云有即拈出 示衆云  
叢林言語即不要作麼生是宗門自己代但  
展兩手或云迷身一句作麼生道代云何處

有也或云目前不溺作麼生道代云下不舉  
 上示衆云江西即說君臣父子湖南即說  
 他不與麼我此間揔不如是你還識壁麼代  
 云何異一日云作麼生是不續再問代云  
 秋風過去春風至因齋時聞鼓聲師云釋迦  
 老子叫喚也時有僧問未審釋迦老子叫喚  
 作麼師云你與麼驢年夢見麼代云今日喫  
 飯甚是遲或云我今年老七十八也所作事  
 難也良久問僧你道淨瓶年多少無對代云  
 甲子會一日云靈利底人難得作麼生是  
 靈利底人代云不妨或云問一荅十問十荅  
 百底人從什麼處來代云西京來一日云

會佛法底人共什麼人語話代云行者問僧  
 云三藏聖教天下老和尚言語揔拈却蝦蟆  
 口裏道將一句來代云昨日新雷起師舉古  
 人道讀經千徧紙上見經不識忽然國師問  
 你作麼生又云忽然國師拈起作麼生代前  
 語云唵代後語云朝看華嚴夜讀般若或云  
 凡有請問不得離於袂對作麼生道代云路  
 逢劍客須呈劍一日云作麼生是一句通  
 褒貶代云雖是善因而招惡果或云行住坐  
 卧著衣喫飯是法身那箇是你四大代云和  
 尚今年年尊一日云你若辨我我辨你是  
 尋常更有一條作麼生辨代云識或云節角



語須是箇人始得作麼生是節角語代云摩  
 斯吒落水 一日云繞天下行脚辨人底人  
 你道具什麼眼代云聽水 上堂云遇人即  
 鼻孔遼天便下座代云識好惡師或云鬧市  
 裏道將一句來代便唱聲云人家莫點燈火  
 上堂云為衆竭力禍出私門代云衆禍已除  
 或云照盡一句作麼生道代云某甲不欲開  
 蝦蟆口師在餠餅寮喫茶云不向汝道罪過  
 無對復云第一須忌火便起去代云大衆不  
 得辜負和尚師或云佛法大殺有祇是灸瘡  
 痛代云灸瘡痛猶可 一日云臨坑不損人  
 代云也是又云某甲識好惡或云古人道舉

即易作麼生代云以貌取人 一日云葦點  
 是什麼時節代云不可道是蝦蟆蛤跛或云  
 不是雲門罪過便起去代云事不孤起師或  
 云己事若明始消他供養作麼生是你明底  
 事又云舉一明三萬里崖州代云一切由和  
 尚代前語云飽師或拈起拄杖問僧這箇汝  
 不得道著作麼生是袖僧孔竅無對又云你  
 若道不得向鼻孔裏道將一句來代云新羅  
 火鐵鄴州針又云疋上不足因僧來叅師拈  
 起袈裟云你若道得落我袈裟纒續裏你若  
 道不得又在鬼窟裏坐作麼生代云某甲無  
 氣力或云不明 底人過在什麼處代云大

人不合如此 一日云放下一句無不盡代  
 云養子之緣或云不用指東劃西什麼人會  
 佛法代云三家村裏老翁婆 一日云你若  
 衣鉢下坐縛殺你你若走上來走殺你作麼  
 生是不停之句代云速或云新羅國裏置將  
 一問來代云便請 一日云萬法從甚處起  
 代云糞堆頭師或云第一句作麼生道你若  
 明得陝府鐵牛吞却乾坤代云謝和尚重重  
 相為 一日云作麼生是問中具眼代云瞽  
 示衆云舉一不得舉二你若舉二放你舉三  
 代云開師或云天堂地獄鑊湯鑪炭蓋却你  
 頭三世諸佛揔在你脚跟下三十年後鼻孔

遼天代云不可更作野狐精見解也 一日  
 云五音六律是有是無代云不可蝦蟆窟裏  
 作活計師或云一句該通五千餘首蘇嚕薩  
 訶代云三門頭打鼓佛殿裏行香師或云如  
 今半夏也敲磬處道將一句來師復云蜜怛  
 哩孤密怛哩智又云蜜怛哩孤密怛哩智作  
 麼生代云啣<sup>勿六</sup>又云噉 一日云三十年後  
 會去在代云點兒落節或云頭上霹靂即不  
 問你脚下龍過道將一句來代云朝起雲夜  
 降雨師問僧德山便棒你道學人還有長處  
 也無代云無端 一日云一切智智清淨中  
 還有生滅麼代云夜又說半偈或云若知去

處什麼劫中無祖佛代云敬 示衆云作麼  
生是不露鋒骨句代云今時人湏是明明向  
道始得師乃有頌不露鋒骨句未語先分付  
進步口喃喃知君大因措或云十方國土中  
唯有一乘法你道自己在 一乘法裏一乘法  
外代云入又云是 一日云紐半破三針筒  
鼻孔裏道將一句來代云海裏使風山上船  
或云折半列三針筒鼻孔在什麼處與我箇  
筒拈出來看代云上中下或云分疆列土作  
麼生道代云文殊自文殊解脫自解脫師或  
云衲僧湏得巴鼻即識得天下人作麼生是  
衲僧巴鼻代云德山棒 示衆云淺聞即深

永樂北藏

古尊宿語錄

悟深聞即不悟代云迷迷達達磨或云衲僧湏  
識古人眼作麼生是古人眼代云蝦蟆跳上  
天 一日云處處道將一句來代云鬧市裏  
天子百草頭上老僧或云暗道將一句來代  
云藏頭露尾 一日云將南作北將北作南  
作麼生道代云由阿誰或云未打板已前道  
將一句來代云著什麼來由 一日云以有  
為有作麼生免得去代云患師或云解患非  
患明得了作麼生是眼代云晝見日夜見星  
一日云明暗爲什麼不相管代云難爲怪笑  
或云過在什麼處得與麼難代云辨 一日  
云沙漫不分是什麼人分上事代云不可作

第一九七册

沙彌行者見解也師或拈起拄杖云莫道老和尚瞞你貴之與賤縱橫十字一時這裏會得了莫辜負老僧代云百鳥爲子屈又云抑與之與師或云見麼自云見又云見什麼代云花師舉古人云至道無難唯嫌揀擇這箇是僧堂這箇是佛殿那箇是不揀擇代云何必如此師或云全抽半抽作麼生道復云作麼生是半抽代云跳出死蝦蟆又云作麼生是全抽代云案山雷主山雨師或云你自鈍置第一不得錯舉代云事不孤起一日云識得道得出來道看話端道什麼代云識罪或云作麼生是不再問底句代云今年春氣

早夜來陽鳥啼又云佛殿裏裝香三門前合掌一日云入夏來十一日也還得入頭麼作麼生道代云來日十二師因喫茶拈起茶盞云一口吞盡作麼生代云茶又喫却示衆云西天二十八祖唐土六祖天下老和尚揀出頭來過在什麼處又云你在此間三冬兩夏忽然出外有人問雲門老和尚道什麼你向他道什麼代云驀而哩這野狐精代前語云他不是顛或云古人道從門入者非實作麼生是門代云道得也無用處因聞鼓聲云鼓聲咬破七條又指僧云抱取貓兒來代云不用別人師問僧行脚事即不問汝三

十二相八十種好道將一句來還有人道得  
 麼代云但薩阿竭二千年師或云不問汝叢  
 林言教這箇是天這箇是地以手指身云這  
 箇是我又指露柱云這箇是露柱那箇是佛  
 法代云也大難師在僧堂中喫茶拈起托子  
 云蒸餅饅頭一任汝喫你道這箇是什麼代  
 云乾狗屎又云茶又喫了也師或云你還識  
 德山麼莫道我歷良為賤代云也知和尚因  
 某甲置得師聞齋鼓聲云你道鼓因什麼置  
 得代云因皮置得師聞齋鼓聲云你還識得  
 老婆禪麼代云鼓聲喚喫飯去一日云古  
 人道巧拙具生殺作麼生是生殺代云天上

不足死下有餘 上堂大衆集已師云大衆  
 齋去却問僧你道我教伊去還有過也無代  
 云也不是和尚特地如此師行次以拄杖打  
 露柱一下云新羅天子教跳上梵天代云無  
 端師或云世諦不要道佛法道將一句來代  
 云父子之情 一日云通明底人什麼物與  
 麼來代云莫教屈著人又云釋迦老子須彌  
 山或云古人道朝朝抱佛眠起時還共起你  
 道見解朦朧底人作麼生代云未到問僧云  
 眼中無色識識中無色眼色眼二俱無何能  
 今見色去却古人道將一句來代云把將饅  
 頭蒸餅來又云靈上更如雷又云有什麼師

或云幡竿頭倒卓是第幾機代云打一日  
 云學佛法底人如恒河沙百草頭上道得一  
 句來代云俱師因出門云古人道從門入者  
 非寶汝道從門出者作麼生代云一師入堂  
 齊次拍聖僧供鉢問僧云你若喫盡又在解  
 脫深坑裏你若喫不盡又不唧啣作麼生代  
 云大衆喫飯次上上堂云劃斷即不可復云  
 你若不會三十年後莫道不見老僧代云和  
 尚恐人埋沒代前語云今日上堂大衆著便  
 師或以拄杖打露柱一下云你作麼生不說  
 禪復云埋沒人家男女無對自云擔枷過狀  
 自代前語云爭怪得別人師或云湖裏魚變

成龍即不問你作麼生是針眼魚代云點師  
 聞打槌聲云妙喜世界百雜碎擊鉢孟向湖  
 南城裏喫粥代云浴後喫一日云什麼語  
 中無世諦什麼語中無地獄代云天晴日出  
 雨下雷與或云平常心是道你平常道將一  
 向來代云五箇餠餅三箇飽一日云一句  
 辨邪正忽有人問作麼生是辨邪正底句你  
 作麼生道代云西天與此土不同或云今日  
 已前不要今日已後不要正當今日道將一  
 句來代云正好師或云病過因即瘥你道過  
 什麼因道得底道看代云尚或云鉢盂匙筋  
 與露柱相去多少代云分開好又云尋常得

此便 一日云當鋒一句作麼生道代云領  
 或云作麼生是辨慈風一句代云識取好  
 一日云迷身一句作麼生道代云昨日雷聲  
 起今朝陽鳥啼師或云不用教跳道將一句  
 來代云死蛤跛也無用處 一日云作麼生  
 是提婆宗代云西天今嚴此土還較或云洪  
 道何物具四德代云死貓兒又云把不具底  
 來 一日云荆棘不彫擇道將一句來代云  
 拈放一邊或云有一切見底人是什麼人代  
 云三家村裏納稅漢 一日云不占田地道  
 將一句來代云摠屬和尚或云倒道將一句  
 來看代云訶薩 一日云息節一句作麼生

道代云知時好師或云天下亂走將什麼過  
 水代云且曬着師或時拈拄杖作射勢云官  
 家進器械來也看看代云和尚不得放過又  
 云僧堂前師或云一夜展脚睡天明道將一  
 句來代云何不快起或云作麼生是赤脫一  
 句代云也大無端 一日云以有為有此人  
 過在什麼處代云苦或云還有不識祖師底  
 人麼代云仁義道中又云不患 一日云識  
 過無過不識過過也不知代云熱或云曹溪  
 路上還有俗談也無代云二事一時 一日  
 云佛法外置將一問來代云一箇便多或云  
 既知來處什麼劫中無祖師代云某甲今年

不着便或云寸草不生不學禪不學道代云  
 走什麼閑或云還有吞不盡句麼代云蛇師  
 行次以拄杖打露柱一下云什麼麼來自云  
 西天來復云來這裏作什麼自云說佛法乃  
 喝云欺我唐土人又以拄杖打一下便行却  
 拈問僧汝道我意作麼生僧便問祇如師意  
 作麼生代云不用行主又云師子咬人復問  
 僧祇如當機合下得什麼語代云費又云百  
 歲老兒作歌舞 一日云慕劄一句作麼生  
 道代云因一事長一智或云大藏教將什麼  
 辨代云點 一日云佛殿為什麼不見僧堂  
 代云痛或云衲僧鼻孔不問汝泥裏洗土

塊道將一句來代但彈指又云衲僧鼻孔又  
 作麼生道代云疏山說水師或問僧作麼生  
 是不寐句無對師云汝問我與汝道僧便問  
 作麼生是不寐句師云啣代前語云不可向  
 鬼窟裏作活計又云作麼生是啣代云會此  
 意又云文殊五字或云作麼生是入鄉隨俗  
 底句代云君子可入 一日云作麼生是提  
 綱一句代云雪峰南趙州北 一日云靈苗  
 不動根過在什麼處代云悞却多少人或云  
 一顆圓光明已久作麼生是一顆圓光代云  
 謝和尚重重相為師或云作麼生是對明一  
 句代云露師或云非色非聲體上明得是第



幾機代云不可向野狐窟裏作活計 一日云布幔天網打龍布絲網撈蝦搗規你道螺蚌落在什麼處代云具眼師因卸却七條語僧云汝道來生莫不會佛法麼僧無語代云和尚幸是大人又云某甲不敢道復云為什麼不敢道又云自有和尚在師歲夜問僧餅餡是羅漢藥石還將得鐔鐔飽子來麼無對代云今日東風起師或云你若不相當且向古人達化門中道將一句來若道不得向異處道將一句來作麼生道代云前來猶是可能一日云遠即照近即明作麼生道代云入水始見長人又云更不要也師或拈拄杖云且

向這裏會也有利益也無利益總不會顛預佛性籠侗真如代云天上不足天下有餘一日云萬法從什麼處起代云不可向和尚道蝦蟆口裏也因齋時聞鼓聲云古人道一切聲是佛聲喚作佛聲喚作鼓聲代云和尚道了也又云和尚不宜喫麵因見僧來參師打露柱一下云來這裏瞞我代云但打露柱一搨云為人自安 一日云至道無難唯難揀擇作麼生是不揀擇又云如來妙色身羅羅李代云不出代前語云古人道了也因齋時打帳座一下云這箇喫又打飯林一下云這箇不喫代云一匙兩當因搬米問僧人擔

米米擔人代云搃得又云搬米辛苦猶是可  
 又問僧大橋有多少米僧云七十碩師拈起  
 拄杖云七十碩米一時在拄杖頭上擔將來  
 即得若擔不得餓殺你代云不可為小小  
 一日云有所說野干鳴無所說師子吼我與  
 麼是野干鳴作麼生是師子吼代云九九八  
 十一師或云埋沒兩字不用道著代云深領  
 和尚慈悲又云因某甲所置師或云善財入  
 門也作麼生道得出去代云朝遊羅浮師或  
 云餽餅從你橫咬豎咬不離這裏道將一句  
 來代云今日新麵 一日云有賞有罰道將  
 一句來代云遇賤即貴天晴日出或云龍潛

師弱起自何來作麼生是不活底句代云有  
 什麼難辨 一日云敲磕一句作麼生道代  
 云驢生馱馬生騾或云作麼生得道斷商  
 童代云來年更有新條在惱亂春風卒未休  
 一日云辨得親疎為什麼被親疎所使代云  
 阿誰置得或云古人道會即途中受用不會  
 即世諦流布完國道將一句來代云一錢兩  
 箇二錢三箇 一日云一句道將來代云正  
 上不足因夏末問僧初秋夏末不觸平常道  
 將一句來代云初三十一中九下七師問僧  
 通身是水阿誰喫代云泊與和尚作笑具  
 古尊宿語錄卷第十八

勿六

古尊宿語錄卷第十九

勿七

雲門匡真禪師語錄

勤辨 師見新到云雪峯和尚道開却路  
達磨來也我問你作麼生僧云築著和尚鼻  
孔師云地神惡哉把須弥山一搥教跳上梵

勿七

天授破帝釋鼻孔你為什麼向日本國裏藏  
身僧云和尚莫瞞人好師云築著老僧鼻孔  
又作麼箇無對師云將知你抵是學語之流  
代無語處云和尚抵恐某甲不實又云邏邏  
哩問新到你是甚處人僧云新羅人師云將  
什麼過海僧云草賊大敗師云你為什麼在

永樂北藏

古尊宿語錄

我手裏僧云恰是師云教跳無對代前語云  
常得此便又云一任教跳問新到你在南岳  
山借我二百錢為什麼不還無對代云今日  
小出大遇又云今日不著便問僧心法變忘  
是第幾座僧云第二座師云作麼生是第一  
座僧云不敢虧於和尚師不肯代云韶州茶  
未問僧什麼處來僧云摘茶來師云人摘茶  
茶摘人無對代云和尚道了某甲不可更道  
師問僧你是修造那云是師云盡乾坤是個  
屋作麼生是屋主無對師云你問我與汝道  
僧便問師云幾代前語云瞞却多少人來  
師問僧汝是湖南出家那僧云是師云識三

第一九七册

門下金剛麼僧云不可更識也師云野狐窠裏出頭無對代云若不出頭代初問處云祇是個泥人又云識得者泥人有甚用處又云念某甲新入衆師問僧甚處來僧云禮塔來師云祖師道什麼僧云和尚道什麼師云釋謂是個靈利漢無對代云抵為仁義道中師問僧甚處來僧提起衲衣師云我問你其處來僧云和尚為什麼不領話師便打代云且喜代前語云和尚休得也未僧辭師師云你辭去那云是師云前頭江難過僧云一切臨時師云蘇盧薩訶代前語云臨行不可無札去也代後語云太龜心又云近日世界不

好師問僧甚處過夏僧云和尚合知師云我即知僧云且道某甲甚處過夏師云老鼠孔裏出頭無對代云道著代前語云便出去僧辭師師云莫教敗關僧云和尚有什麼事但問師云草賊大敗無對代云敗也代前語云不少因普請般米了坐次云近日不唧啣<sub>勿七</sub>糍<sub>二</sub>擔得一斗米不如快脫去僧云和尚脫向甚處去師云噯僧疑再問師云釘釘了代云酌然代前語云今日般未困又云尚近師問僧還見燈籠麼僧云不可更見也師云翻嫌繫露柱代云深領和尚佛法深心代前語云好事不如無問僧近離甚處僧云查渡師云蹋

破多少草鞋無對代云可惜草鞋又云不虛  
蹋破草鞋師見飯頭云汝是飯頭麼云是師  
云顆裏有幾米米裏有幾顆無對代云某甲  
瞻星望月又云福利門中不得不作師因齋  
次問僧你是甚處人云淮南人又問一僧你  
是甚處人云京兆師拈起蒸餅云我也無可  
到你淮南人也無可到你京兆人二僧無對  
師遂拈蒸餅捩轉云我惜你作麼生又無對  
代云不是和尚惜代前語云普同供養又云  
且留供養和尚問僧看什麼經云已有人問  
了師云你為什麼在我脚下僧云恰是師云  
伏惟尚饗代云蒼天蒼天又云將謂韶州無

問僧看什麼經云般若燈論師云西天金剛  
座上甚人說佛法僧云和尚合知師云你夢  
見麼無語代云不獨某甲代前語云跳出死  
蝦蟇又云將謂西天無又云墮因齋次問僧  
喫得幾箇餠僧云喫得四個師云你為什  
麼鼻孔裏祇有一莖毛無對師云脫空妄語  
代前語云直須慎初又須護末因齋次問僧  
羹受飯裏飯受羹裏過在什麼處道得別有  
商量無對代云好羹好飯又云不可道和尚  
蝦蟇裏因僧辭師師下座把僧手云著幾  
錢無對師云你問我僧便問師云都不直半  
分錢代云有什麼信物送路將來又云臨行

因見龍藏字問僧龍藏出得個什麼無對師云你問我與你道僧便問師云出個死蝦蟆代云屎臭氣又云饅頭蒸餅因般米次師以拄杖打僧一下云這個師僧不去般米是不僧云般米入倉了也師云般米入倉了且置阿誰喫飯僧便出去師云脫空妄語漢又拈問僧作麼生免得不被主家道得脫空妄語代云為什麼壓良為賤又云因一事長一智代是不庭云和尚著甚來由師在僧堂前問僧這個鐘子是什麼物作無對師云你問我僧便問師云衲僧作代但打鍾一下云摩訶般若波羅蜜又云衆僧堂前師問修造

僧甚處來僧云山上斫木來師云還所得合盤麼僧云和尚放某甲過即道師云放你過作麼生道僧便禮拜師便打代云某甲也謂麼又云可惜成功不毀又云斫問僧甚處來僧云般柴來師云維那打鼓不般柴作麼生無對代云錯領又云可惜般柴工夫又云和尚位處當人某甲參學又云纔施少許功勞師問僧甚處來云山下來師云有幾人僧云四人師豎起拄杖云揔在者裏無對代云却已而已又云悞却多少人問僧喫得幾個餅餅云三個師拈起餅云這個是第幾個無對師云你問我僧便問師云不出代云欺敵

者亡問僧甚處來僧云湖南來師云夏在甚  
處僧云湖南師云開通寺在甚處僧云不會  
師云叅堂去無對代云喏代初語云和尚遠  
問學人近對又云纔始新到師齊次問僧你  
道鉢盂裏多少飯無對代云野又云飽便休  
又云一杓兩杓師見僧齊次問鉢盂匙筋拈  
向一邊把將餽飽米無對代云好羹好飯又  
云休問僧看什麼經僧拈起經師云鬼窟裏  
出頭僧云和尚見個什麼師云賊物見在無  
對代云仁義道中不合如此問僧看什麼經  
僧云般若經師云經中道一切智智清淨是  
麼僧云是師云你眼為什麼穿過石榴樹僧

云古人何在師云古人即知是你不知無對  
代云大有人不識勢師問僧甚處來云嶺中  
來師云夏在甚處僧云招慶師云招慶有何  
言句僧近前應喏師云一不成二不是無對  
師云酌然代云抵守是師因齊次拈起鉢  
謂僧云撥分一半與你又却不分僧云為什  
麼不分師云為你打野裡代云將食與人也  
不惡又云謝和尚供養又云和尚無端作麼  
師因喫茶次云茶作麼生滋味僧云請和尚  
鑒師云鉢盂無底尋常事面上無鼻笑殺人  
無對師云趁隊噎飯漢代云抵守是又代以  
茶便澆又云且待某甲點一椀茶師問僧甚

處過夏僧云和尚合知師云我即知僧云且道其中甚處過夏師云不消一割代云更不消也問僧看什麼經僧應喏師云因什失却僧云某甲甚處失却師云自領出去代云同路又云和尚大人不合作問僧完圖餅角子即不要你半截底把將來僧應喏師云這個是完圖底把將來代云齋與不齋當來無礙又云檀越所修福師問新到什麼處來僧云郴州師云夏在甚處僧云荆南分金師云分得多少僧展兩手師云這個是走磑僧云和尚莫別有麼師云乾屎撮一任咬代云若不言瑕爭得玉轉問僧看什麼經僧云瑜伽

論師云為甚義墮僧云什麼處義墮師云自領出去代云悔不先下手問僧曾講百法論是不僧云是師云為什麼脫空妄語代云事不孤起又云著因為亡僧唱衣次問僧如今唱衣亡僧還向這裏麼代云勞煩大眾不能等候打徧去也問僧甚處來僧云般柴來師云般得多少轉一宿竟僧云二十轉師云你為什麼打落當門齒無對師便打云李語之流代云也知和尚佛法身心又代前語云搬柴早是辛苦問僧看什麼經其僧却指傍僧云和尚問何不祇對師云露柱為什麼倒退三千里僧云豈干他事師云李語之流代



云泊合不識勢又代珎重便出又云著者非  
一師在西京時問僧你是甚處人僧云于闐  
國人師云還到西天麼僧云到師拈起拄杖  
云掣電之機不問你還到這裏麼僧云不會  
師呵呵大笑代云深領和尚降尊就卑又云  
將謂此上無又云勲問新到甚處來僧云南  
嶽來師云觀音為什麼入洞庭湖裏去僧云  
某甲初心不會師云叅堂去代云喏又云感  
著多少人來又云和尚問觀音某甲對弥勒  
師齋次問僧半夜般柴即不問你齋時將什  
麼喫飯僧拈起鉢盂師以拄杖打落僧無語  
代云引又云兩片皮又云匙筯鉢盂手中單

子因喫茶次問僧你是柴頭不僧云是師云  
更勸一甌茶代云辛苦受盡又云功不浪施  
又云和尚念某甲辛苦問僧你是園頭不僧  
云是師云蘿蔔為什麼不生根無對代云兩  
水多又云不解恍惚使人問僧你是甚人僧  
云知客師云客來將何祇待僧云隨家豐儉  
師云這個是<sup>七</sup>老梳竹筯客來將何祇待僧云  
謝和尚慈悲師云蝦跳不出斗無對師云你  
問我僧便問將何祇待師便打代初問處便  
打又云一盤飯兩椀茶又云貪觀天上月師  
問僧你是甚處出家僧云趙州孫師云師翁  
是甚處人代云突飯老和尚師因見水磨題

梁云未為不朽後即破換師問僧既是未為不朽為什麼却被水推無對代云不因一事難長一智又云堯舜之君猶稽於化師問僧不煮泥水作麼生道代云南山打鼓北山舞因齋次問僧者裏還有超佛越祖之談麼僧云有師云什麼處去也無對代云新羅國裏又云和尚恐某甲不實代前語云喫飯時不合與麼道師問柴頭你為什麼拽折大梁鋸僧云無師云無即休代云彼此又云平地又云也知和尚為頭首辛苦師問僧什麼處來僧云南岳來師云我此間不曾與人葛藤近前來僧乃近前師云去代云念學人遠來又

云今日無彩因僧在師前立以拄杖打一下其僧回首師展手云把錢來無對代云若不轉頭爭知後事又云但薰面唾因入厨問菜頭云鍋裏多少茄子無對師云你問我與你道僧便問師云消不得代云一桶又代後語云是因普請<sup>勿七</sup>歸三門下問僧因作什麼面目僧云和尚合知師云我即不知僧却問因作什麼面目師拈拄杖云遇長即長遇短即短僧云未審因與麼道和尚與麼道師云我也知你親無對代云爭知又代前語云老少黃白師問飯頭佛是千百億化身你每日作飯一杓幾個釋迦老子無對代云一僧一升米

又云今日齋飯較細問僧甚處來僧云南華塔頭來師云祖師有什麼言句僧云有師云不得錯率僧云請和尚領話師云我道你一不成二不是代云和尚大殺教令問磨頭人打羅羅打人無對代云近來喫麩多又云客來須看賊來須打問僧什麼處來僧云南華塔頭來師云還見祖師麼僧云用見作什麼師云你又去那裏作什麼僧云有什麼過師云既去無過見有什麼過無對代云若不如是爭知慈悲問僧甚處來僧云赴齋來師云將觀錢來僧云和尚欠少個什麼師云你又欠少個什麼僧云不欠少師云不欠少又赴

齋作什麼無對代云何妨又云赴塊問僧你是向北人僧云是師以一摑無對師云你問我僧却問和尚甚處人師又以一摑無對代前問處打一摑又代後云仁義道中有僧粥後來見師師云喫粥了也未僧云了也云咬著露柱麼僧云咬著師云看硬著你無對代云也知和尚恐人不實又云硬阿誰師因開門有僧便入師募背擒住云有什麼事僧云有什麼事師以一摑無對代云退己進於人為存賓主礼代擒住處云募面唾這野狐精又代云因學人置得師指露柱問東京僧你鄉中還有這個麼僧云有師云喚作什麼僧

云喚作露柱師云三家村裏老翁也解與麼道無對代云本色師見僧來乃拿起拳作打勢僧近前作受勢師與一掴無對代云便出去又云一彩兩賽又代云行因招禍又云謝重重相為問僧甚處來僧云大普請般柴來師云小普請為什麼不到無對代云依前又是大普請又云辛苦受盡問新到甚處來僧云不敢師云放你三十棒無對代云某甲也溜麼又云可惜許七間法堂問僧甚處來云荆南來師云夏在什麼處僧云分金師云有事相借問得麼僧云便請師云鷓子過新羅僧無對代云是於借問處代云鷓子過新羅

師在僧堂內喫茶問設茶僧云什麼處安排僧指板頭云在這裏師云你更設一堂茶始得無對代云近日錢難得又云小財不去大財不來又云上閒下板頭問僧甚處來僧云郴州師云夏在什麼處僧云西禪師云說什麼法僧展兩手垂兩邊師便打僧云某甲話在師却展兩手無對師打趂出代云便出去問僧甚處來僧云南華礼塔來師云莫脫空僧云實去來師云五戒不持無對代云彼此不出因齋次問僧盂裏幾餅餅裏幾盂僧拈起餅師云問著個老婆無對代云不消又於問處云大衆喫飯次師因普請入柴寮云老

底不用去還有老底麼僧云有師云在什麼  
處僧乃推出一僧師云這個猶是後生無對  
代云若與麼却普請去始得師因喫茶次云  
什麼人接盞子有僧便接師云村裏老翁拜  
冬至無對代云抵為行仁義却招禍及身  
有僧來叅師問曾聽講來麼僧云是師云見  
說有唯識論勿七是不僧云是師云非非想天說  
個什麼僧云不會師云且念文書代云禪師  
愛欺座主又云吽噉又云維摩頭法華尾  
有僧辭師師云甚處去僧云湖南去師云前  
頭津鋪難過僧云某甲有隨身公驗師云這  
個是念上大人無對代云小小村鎮不見可

言又云和尚大殺代前語云便珍重出去  
師問新到云把將公驗來僧云有人問了也  
師云由是念上大人僧云莫錯師云草賊大  
敗無對代前語云且存仁義代後語云大似  
村鎮頭又云久嚮問僧一切聲是佛聲一切  
色是佛色拈却了也與我道僧云拈却了也  
師云與麼說驢年會麼無對代云君子一言  
代初語云狂又云不存少許佛法身心問僧  
甚處來僧云摘茶來師云摘得幾個達磨代  
云新茶宜少喫又云因摘春茶不廢功力  
因僧辭師師云甚處去僧云慶上去師云打  
野裡漢代云珍重又云臨行因晒麥問僧晒

了也未僧云了也師云饅頭從你橫咬豎咬不離這裏道將一句來代云新交麩少喫又云三事蒸作餲餅糖餅問僧有什麼經云顯揚聖教論師云適來一問為什麼照不著僧云什麼處照不著師云夢見顯揚聖教歷代云若不如是爭見當人又云照不著

師問看經僧表首是什麼字僧拈起經師云我也看僧云和尚既有為什麼却問師云爭奈與麼何僧云有什麼過師云自屎不棄臭代云今日方知又云德山拄杖紫胡狗又云和尚此問大殺靈利鼓山有小師久在崇壽却歸嶺中到保福處相看福知來却入帳子

內衲衣蓋頭坐僧云和尚出汗那不對有僧奉似師師云見成公案不能折合代云鈍置殺人又云草賊大敗師問僧看什麼經僧云咒師云與麼語話未有主在僧云和尚莫錯師云自領出去代云便出去問僧我有個不露鋒骨底句作麼生有長老云收師云與麼道得一半代云深領和尚慈悲又云句咏又云泊不別處因修藏問僧作麼生是藏僧應喏師云這個是藏脚還我藏米無對代云爭得不修藏又云王問新到甚處過夏云雲蓋師云多少人僧云七十人師云你為什麼不在數代云新到分上未受與麼又云恐久

住曠問僧甚處來僧云郴州師云你為什麼  
失脚代云魯般門下弄大斧又云客是主人  
相師問僧甚處來云查渡師云你為什麼蓋  
不著僧云和尚莫塗糊某口師云銼趾不出  
斗代云新到便蒙和尚重重嚴節又云見面  
問僧古人道無邊刹境自他不隔於毫端新  
羅日本與這裏作麼生僧云不別師云入地  
獄代云不可作地獄見解又云爭得玉婦  
問僧你不得銼置我僧云和尚因什麼到與  
麼地師云我銼置你猶可你銼置我更殺代  
云事不孤起又云和尚也大無端又云某甲  
甚處不下馬問僧你諸人行脚道我知有與

我拈三千大千世界來眼睫上著僧云喏師  
云錢塘為什麼去國三千里僧云豈干他事  
師云者掠虛漢代云和尚倚勢欺人又云常  
得此便問僧甚處來僧云南華塔頭來師云  
還見祖師麼僧云南華橋折師云南嶽石橋  
又作麼生無對云學語之流代云便出去又  
云上也問僧甚處來僧云涅槃堂裏來師云  
亡僧還喫飯麼僧云不喫師云活人還喫飯  
麼無對代云一杓兩杓又云欠他一個餠餅  
也不得又云也能抵對師問僧講律來是麼  
僧云是師云律鈔中說大小乘無分別作麼  
生是無分別無對代云靈樹置將一句來

師問僧法身還喫飯麼僧云諸方老宿不肯法身無形無相作麼生喫師云與麼道夢見法身麼僧云有不肯處作麼生師云自不知乃云法身喫飯又代云將謂有衲僧孔竅猶是潑屎潑屎役云灼然百千人中未有一人到此境界自云和尚作麼生代云咄這有頭無尾漢師問僧三藏聖教古今老和尚憑個什麼照僧云高也著低也著師云你與麼不得代云得與麼狼藉生因鑄鍾婦山齋了請師打鍾師打了大眾打師問僧打鍾箇什麼僧云喚和尚喫飯師不肯代云譬如開又云息苦停酸師入京朝覲婦至大橋山門煎

茶迎師師喫茶果次僧侍立師語二叅隨僧云是你京中無可喫乃拈一椽果子與一僧其僧接得便去又語一僧云我不與你僧無對師云那裏也有也其僧又無對別有僧出云某甲今日也隨和尚來請一分得麼師云噯僧云某甲罪過觸忤和尚師云我不能噉得你無對代前語云也知果子少兩人共一椽又云未到山便蒙和尚管顧代後語云某甲更是師婦山受大眾叅了乃云我譙山得六十七日問你六十七日事作麼生衆無對代云和尚京中婦無信物又云和尚京中喫麵多因數僧來叅師問作什麼來云般柴來



師云婦向北去不得辜負老僧無對後云來  
來三愚共成一智作麼生代云一畝地代前  
語云不因一事不長一智因齊次云今日喫  
飯不得遷化去也排比唱衣無對後云你問  
我僧便問將什麼唱師云駟年摸著麼又云  
我與你三家村裏葛藤更問僧又問師擎起  
碗云這個是定州碗子一唱三十文代前語  
云錢是足陌因齊次問僧你道人喫飯飯喫  
人無對師云你問我與你道僧乃問師云謝  
你答話代前語云不因喫飯難得此言  
因僧隨師出三門師問古人道大用現前不  
存軌則作麼生是不存軌則無對後云你問

我與你道僧便問師引聲云釋迦老子來也  
僧又無對師遂行數步以拄杖打松樹一下  
云嘎嘎會麼僧云不會師云你與麼駟年會  
麼代前語云多華樹朝無半子代後語云由  
是師因見僧量米乃問籬裏多少達磨無對  
師云你問我僧便問師云斗量不盡代云因  
一事長一智又代趨却米籬便行因園頭請  
師喫茶師云你若煎茶我有個報答你處無  
對師云汝問我與汝道園頭云請師報答師  
云多著水少著末代云得人一牛還人一馬  
又云金享茶六百錢一斤師因齊次拈起  
蒸餅云我這個祇供養向北人是你諸人認

不得時有僧問某甲為什麼不得師云鉢置  
 殺人代云某甲猶可代前語云兩彩一賽  
 問僧古人道直須一句下悟去作麼生僧云  
 直須一句下悟去師云你為什麼鼻孔裏祇  
 對我僧云某甲什麼處是鼻孔裏祇對師云  
 莫見代云某甲慎初和尚護末又云南柯又  
 云少奧又云戒文一切摠不起十一師問侍者  
 客來將什麼接待者無對代云和尚要拄杖  
 即遣因歲日在堂中點茶師問僧設羅漢齋  
 得生天福你得飯喫無對師云你問我與你  
 道僧便問為什麼與麼道師云先來不著便  
 如今著屎噉代前語云非唯施主某甲也蒙

因聞鼓聲問僧打鼓為什麼人無對師云你  
 問我僧便問師云打鼓為三軍不為你代云  
 柴不辦十二師生次有僧非時上來師云作什  
 麼僧云請盃師云你有什么麼疑僧云某甲曾  
 問和尚一宿竟般柴般一宿竟師乃敲拈  
 子三下云你作麼生會僧云一切臨時師乃  
 拉拳云我共你相撲一交得麼無對次日其  
 僧再上值師漱盃次師乃將水挽過與僧云  
 送去厨下著其僧送去了却來師見來乃後  
 後門出去其僧云比來請盃却得一口梳  
 問僧作麼生是打靜一句僧云誰敢出頭師  
 云你問我僧便問師以拄杖劃地一下問僧

將什麼轉大藏教僧云莫越於此師云拈却  
菩提換却涅槃又作麼生僧云今日七明日  
八師云依佈似佛莽鹵如僧因僧請喫湯次  
師云作麼生無對師云你問我僧便問師以  
湯滴云一滴落地萬神俱醉會麼僧云不會  
師云不會即禮拜著因見僧商量次師打牀  
一下僧然然師云作麼生是打靜一句僧云  
出頭即偈師云三十年後不得錯幸  
因供養羅漢問僧今夜供養羅漢你道羅漢  
還來也無無對師云你問我與你道僧便問  
師云換水添香僧云與麼即來也師云有什  
麼饅頭餛子速下來師拈拄杖問僧這個是

什麼僧云拄杖子師云入地獄師見僧乃召  
來來僧便來師云蒼天蒼天僧無語師云蒼  
天本是你哭為什麼却我哭因入菜園見糞  
堆上牌子問僧道什麼僧無對師云你問我  
僧便問師云恐人無信問修造庵主云佛破  
折了也忽然施主未將何瞻敬庵主合掌師  
云奴見婢勤因聞蚊子叫問僧蚊子吞却  
祖師也僧云非蚊子吞祖師祖師亦吞蚊子  
師不肯乃云你問我僧便問師云何恠香林  
云為渠有分師問僧近離甚處僧云查渡師  
云夏在甚處僧云湖南報慈師云甚時離彼  
僧云去年八月師云放你三頓捧僧至來日

却上問訊云昨日蒙和尚放三頓棒不知過  
 在什麼處師云飯袋子江西湖南便溜麼去  
 僧於言下大悟遂云某甲自今已後向無人  
 煙處卓個草庵不畜一粒米不種一莖菜接  
 待十方往來知識與他出却釘去却換除却  
 臟腑帽子脫却纜臭布衫教伊洒洒地作個  
 衲僧豈不俊哉師云飯袋子身如椰兒大開  
 與麼大口問僧佛法還有長短也無僧云這  
 簾子長五尺師云這個是簾子那個是佛法  
 僧云喚什麼作簾子師云脫空妄語漢  
 因一日齋晚僧看厨庫而立師見乃打一棒  
 僧回首師云文殊普賢香積世界去也

問僧看什麼經僧云般若經師云作麼生是  
 清淨僧云共和尚商量了師云駢年夢見又  
 云來來更共你葛藤蚊蠅裏藏身東海鯉魚  
 致跳上三十三天作麼生僧云和尚與麼道  
 即得師云這虛頭漢問僧看什麼經僧云般  
 若經師云作麼生是清淨僧云什麼處不清  
 淨師云繩床入<sup>勿七</sup>把樹裏去也見麼僧云和  
 尚莫瞞人師云瞞人且置你道我作麼生無  
 對師云這掠虛漢師因見僧在殿角立次乃  
 拍手一下云佛殿露柱走入厨庫去也僧回  
 首看師云見你不會却來祇候佛殿因僧侍  
 立次師云不問有言不問無言你作麼生道

僧無語師云你問我僧便問師喚小師某口  
小師應喏師云你又得箇師弟也師問僧人  
日般柴那僧云是師云古人道不見一法是  
你眼睛乃於般柴處拋下一片柴云一大藏  
教祇說這個師於普請處謂衆云今日困  
有解問話底置將一問來若不問向後鼻孔  
透天莫道我瞞你師問僧轉金剛經那云是  
師云一切法即非一切法是名一切法乃拈  
扇子云喚作扇子是名拈了也在什麼處後  
朝至暮顛倒妄想作麼因喫茶次問僧色香  
味觸具四塵你道茶具幾塵僧無語師云不  
得辜負我師因見僧看經乃云看經須具看

經眼燈籠露柱一大藏教無欠少拈起拄杖  
云一大藏教摠在拄杖頭上何處見有一點  
來展開去也如是我聞十方國土靡周沙界  
師問僧從苗辨地因語識人作麼生僧云不  
錯師云不敢因僧設齋師云你是甚處人僧  
云某處人師云報典座與阿師設齋  
師因喫茶次問僧曹溪路上還有俗談也無  
僧云請和尚喫茶師云靜處薩婆訶師問僧  
餠餅是什麼人做僧拈起餠餅師云這個且  
放一邊長連牀上學得來餠餅是甚人做僧  
云和尚莫瞞某甲好師云這虛頭漢師行次  
一僧隨後行師豎起拳云如許大栗子喫得

幾個僧云和尚莫錯師云是你錯僧云莫壓  
 是為賤師云靜處薩婆訶師問直歲今日作  
 甚來歲云刈茆來師云刈得幾個祖師歲云  
 三百個師云朝打三千暮行八百東家杓柄  
 長西家杓柄短作麼生歲無語師以拄杖打  
 趁因僧齋歸師問齋主有什麼供養僧豎起  
 拳師云我這裏問你即恁麼僧堂前有人問  
 你作麼生道僧云一切臨時師云學語之流  
 師問僧你作什麼僧云涅槃頭師云還有不  
 病者麼僧云不會師云恁麼不會不恁麼不  
 會僧無語師云汝問我僧便問作麼生是不  
 病者師指傍僧有南雄僧上白氈一段師云

汝道我向什麼處著僧無語師代云拄杖頭  
 上師却問傍僧你在南雄時識此僧麼僧云  
 識師云喚去茶堂內喫茶 師問僧不占田  
 地句作麼生道僧云不會師云不會且作韶  
 州客師問僧喫得幾個餲餅僧云忘却師云  
 喫了忘却未喫忘却僧云忘却說什麼喫與  
 未喫師云是你忘却甚處得來 師問僧你  
 從向北來還曾遊臺麼僧云是師云關西湖  
 南還曾見長笛鳥說禪麼僧云不見師拈起  
 拄杖以口作吹勢引聲云禪禪師問僧甚處  
 過夏僧云和尚實問即道師云作賊人心虛  
 舉臨濟三句語問塔主抵如塔中和尚得第

幾句主無語師云你問我主便問師云不快  
 即道主云作麼生是不快即道師云一不成  
 二不是師一日從方丈出有僧過拄杖與師  
 師接得却過與僧僧無語師云我今日著便  
 僧云和尚為什麼著便師云我拾得口喫飯  
 師問僧甚處來僧云崇壽來師云崇壽有何  
 言句僧云崇壽指筯子謂眾云識得筯子周  
 巾有餘師云我即不與麼僧云和尚又如何  
 師云識得筯子天地懸殊師問堂中首座云  
 你道乾坤大地與汝自己同別首座云同師  
 云一切物命蛾蟻子與你自己同別首座  
 云同師云你為什麼于戈相待因在醋窰內

指云這一甕醋得與麼滿那一甕醋得與麼  
 淺僧云人貧智短馬瘦毛長師大笑而  
 問座主講什麼經主云涅槃經師云涅槃具  
 四德是不主云是師拈起椀子云這個具幾  
 德主云一德也無師云古人因其與麼道主  
 云古人與麼道如何師敲椀子云會麼主云  
 不會師云且講經著因齋次有僧侍立師云  
 你還飽也未僧無語師拈拄杖云拄杖却飽  
 大師遺表 伏聞有限色身詎免榮枯之  
 歎無形實相孰云遷變之期既風燈炬焰難  
 留在水月空花何適因避典弄之咎將陳委  
 蛇之詞臣中謝伏念臣跡本寒微生從草莽

爰自鬚亂切慕空門潔誠誓屏於他緣銳志  
 唯探於內典其或忘餐待問立雪求知困風  
 霜於十七年間涉南北於數千里外始見心  
 後罷跳意馬休馳身隈韶石之雲頭交楚山  
 之雪以至榮逢景蓮屢沐天波詰道談空誓  
 苔乾坤之德開蒙發滯星馳雲水之徒獲揚  
 利益之因迥自聖明之澤加以聯叨鳳詔累  
 對龍庭繼奉頒宣重疊慶賜撫躬惆悵殞命  
 何酬不謂臣駑馬年衰難勝睿渥遽縈淪於  
 疲瘵唯待盡於朝昏星漢程遙遐眄而纒瞻  
 北極波濤去速迴脾而已逐東流伏願鳳曆  
 長春扇皇風於拂石之劫龍圖永固齊壽考

於芥子之城臣限餘景無時微躬將謝不獲  
 奔辭丹闕祝別彤庭臣無任瞻天戀聖激切  
 屏營之至謹奉表以聞  
 遺誠 夫先德順化未有不留遺誠至若  
 世尊將般涅槃亦遺教勅吾雖無先聖人之  
 德既忝育眾一方殆盡不可默而無示吾自  
 居靈樹及徙當山凡三十餘載每以祖道寬  
 夕激勵汝等或有言句布在耳目具眼者知  
 切須係任吾今已衰邁大數將絕剎那遷易  
 頃息待盡然淪溺生死幾經如是非獨于今  
 矣吾自住持已來甚煩汝等輔贊之勞但自  
 知媿耳吾滅後置吾於方丈中上或賜塔額

初七

十末



祇懸於方丈勿別營作不得哭泣孝服廣備  
祭祀等是吾切意蓋出家者本務超越母得  
同俗其住持等事皆仍舊貫接諸來者無失  
常則諸徒弟等仰從長行訓誨凡係山門莊  
業什物等並盡充本院支用勿互移屬他寺  
教有明旨東西廊物尚不應以互用汝當知  
矣或能遵行吾誠則可使佛法流通天神攝  
衛不負四恩有益於世或違此者非吾眷屬  
勉旃勉旃大期將迫臨行略示遺誡努力努  
力好住還會麼若不會佛有明教依而行之

古尊宿語錄卷第十九

勿七

永樂北藏

古尊宿語錄

第一九七册

永樂北藏

古尊宿語錄

第一九七册

古尊宿語卷第二十

勿八

僧錄司右闡教兼鍾山靈谷禪寺住持 淨戒 重校

南嶽下十一世

楊岐會禪師

道吾真禪師

慈明禪師法嗣

勿八

楊岐會禪師袁州之宜春冷氏子也諱方會  
佐慈明甚久九峰道俗請住楊岐  
入院上堂僧問如何是楊岐境師云獨松崑  
畔秀嶺向下山帝進云如何是境中人師云  
貧家女子携籃去牧童橫笛望源歸  
上堂云百丈把火開田說大義是何言無楊

永樂北藏

古尊宿語錄

第一九七册

岐兩日種禾六有個奇特語乃云達磨大師  
無當門齒

上堂揚岐一言隨方就圓若也擬議十萬八

千下座

上堂揚岐一語呵佛叱祖明眼人前不得錯  
舉下座

上堂不見一法是大過患拈起拄杖云穿却釋  
迦老子鼻孔作麼生道得脫身一句向水洗  
水處道將一句來良久云向道莫行山下路果  
聞猿叫斷腸聲 上堂坐斷乾坤天地點  
黑放過一着雨順風調然雖如是俗氣未除  
在僧問欲免心中鬧應須看古教如何是古

教師云乳坤月明碧海澄進云未審作麼  
 生看師云脚跟下進云忽遇洪波浩渺時如  
 何師云放過一着十字縱橫又作麼生僧便  
 喝撫掌一下師云看者一負戰將進云打草  
 蛇驚師云也要大家知 上堂秋雨洗秋林  
 秋林成翠色傷嗟傳大士何處尋弥勒

上堂凡聖不存佛祖何立大衆清平世界不  
 許人攙奪行市

師於興化寺開堂府主龍圖度疏與師師纔  
 接得乃提起云大衆府主龍圖駕部諸官盡  
 為你諸人說第一義諦了也諸人還知麼若  
 知家國安寧事同一家若不知曲勞僧正度

與表白宣讀且要天下人知表白宣疏了乃  
 云今之日賢侯霧擁海衆臨筵最上上乘請  
 師敷演師云若是最上上乘千聖側立佛祖  
 潛蹤何故如此為諸人盡同古佛還信得及  
 麼若信得及大家散去若不散去山僧謾你  
 諸人去也遂陞座拈香云此一瓣香祝延

今上皇帝聖壽無窮又拈香云此一瓣香奉  
 為知府龍圖駕部諸官伏願常居祿位復拈  
 香云大衆還知落處麼若也未知却為注破  
 奉醉石霜山慈明禪師法乳之恩山僧不免  
 薰天灸地去也便燒淨行大師白槌云法筵  
 龍象衆當觀第一義師云大衆早是落二落

三了也諸人何不負丈夫之氣若不煞者有  
疑請問作問昔日梵王請佛天雨四花府主  
臨筵有何祥瑞師云片雲收岳面浪自靜瀟  
湘進云大衆露息學人禮謝師云斷頭舡子  
下揚州僧問埋兵掉鬪即不問今日當場事  
若何師云揚岐入界末未曾逢見者作家僧  
以手劃一劃師云分身兩處看 師乃云更  
有問話者請出來諸供養中法供養最勝若  
據祖宗今下祖佛潛蹤天下點黑豈容諸人  
在者裏立地更待山僧開两片皮雖然如是  
且向第二機中說些葛藤繁興大用舉步全  
真既立名真非離真而立立處即真者裏須

會當處發生隨處解脫此喚作鬧市裏上竿  
子是人揔見你道金不博金一句作麼生道  
還有人道得麼試出來踏跳看如無山僧今  
日失利但某此際禁幸伏遇知府龍圖通判  
駕部洎諸官僚請住雲蓋道場可謂諸官願  
弘深廣為國忠臣建立法幢上嚴帝祚然願  
諸官壽齊山岳永佐明君作大股肱為佛施  
主諸院尊宿在會信心世世生生共營大事  
久立珍重 上堂春兩普潤一滴滴不落別  
處拈拄杖卓一下云會麼九年空面壁年老  
轉心孤 歲旦上堂僧問舊歲已隨殘臘去  
今日新春事若何師云鉢盂裏滿盛進云與

麼則三年逢一閏九月是重陽師云野火燒不盡春風吹又生進云專為舉似諸方去也師云你道雲蓋末後一句作麼道進云七九六十三師云念言語漢

上堂寅朝清旦古今揔見更問如何也是癡漢 上堂一塵繞舉大地全收拈起拄杖云

如今舉也卓禪林一下云山河大地塞却諸人眼睛有不受人謾底出衆道看良久云玉笛橫吹動天地未曾逢着個知音叅 上堂三春將抄四海廓清風恬浪靜是人知有且道將長就短一句作麼生道良久云笑度黑風翻大海未曾聞道釣舟傾叅

上堂拈拄杖卓一下云大衆達磨縱有真消息也落諸人第二機叅

上堂有句無句如藤倚樹文殊維摩撒手歸去雲蓋與麼道也是看錮錮更有後語不得錯舉下座

上堂阿呵呵是什麼僧堂裏喫茶去下座

叅駕部歸寺上堂釋迦老子為先鋒弥勒大士為殿後衆中還有着力者麼出衆來與雲蓋着力看如無雲蓋自逞神通也三五日出入相看首座大衆你且道拈裏還有隔礙底道理麼上座僧堂裏展鉢時與上座同展睡時與上座同睡立地時與上座同立地長者

長法身短者短法身弥勒運用與去來何處  
有間隔雖然如是且道雲蓋在舡頭在舡尾  
衆中還有靈利底衲僧覩得見麼良久云人  
人盡道平地險登樓方覺遠山青叅  
上堂雲蓋不會禪只是愛瞋眠打動震天雷  
不直半分錢 上堂拍禪牀一下云休戀江

湖勿八五六月收取然輪歸去來 楊岐詮老來  
師上堂拈花付囑有屈當人面四壁九年胡言  
漢語當人分上把斷乾坤且道作麼生是把  
斷乾坤底句還有人道得麼如無雲蓋失利  
揚岐提刑山下過師出接提刑乃問和尚法  
詞何人云慈明大師楊云見個什麼道理便

法嗣他云共鉢孟契鉢楊云與麼則不見也  
師捺膝云什麼處是不見楊大笑師云須是  
提刑始得師云請入院燒香楊云却待回來  
師乃敲茶信楊云者個却不消得有甚乾嚙  
嚙底禪希見示些子師指茶信云者個尚自  
不要豈况乾嚙嚙底禪楊擬議師乃有頌示

作王臣佛祖間措為指迷源殺人無數楊云  
和尚為什麼就身打劫師云元來却是我家  
裏人楊大笑師云山僧罪過萬壽先馳馳書  
至師問萬壽峰前師子吼當人返擲事如何  
僧云踏跳上三十三天師云與麼則雲蓋直  
下覩也僧云草賊大敗師云更不弄勘且坐

喫茶

慈明遷化僧馳書至師集眾掛真舉哀師至  
 具前拱起坐具云大衆會麼遂指真云我昔  
 日行脚時被者老和尚將一百二十斤擔子  
 放在我身上如今且得天下太平却願視大  
 衆云會麼衆無語師捉臂云嗚呼哀哉伏惟  
 尚饗送武泉常老出門乃問出門便作還鄉  
 計到家一句作麼生道泉云和尚善為住持  
 師云與麼則身隨寒影去脚大草鞋寬泉云  
 和尚善為開田師云兔子何曾離得窟  
 一日七人新到師問陣勢既圓作家戰將何  
 不出陣與揚岐相見僧以坐具便打師云作

家僧又打師云一坐具兩坐具又作麼生佛  
 擬議師背面立僧又打師云你道揚岐話頭  
 落在什麼處僧指面前云在這裏師云三十  
 年後遇明眼人不得錯舉且坐喫茶  
 一日道吾供養主馳書至師問春兩霖霖無  
 暫息不觸波瀾試道看主云適來已通信了  
 師云者個是道吾底那個是化主底主指云  
 春兩霖霖師撫掌大笑云不直半分錢主便  
 喝師云者暗漢向道不直半分錢又惡發作  
 什麼主撫掌一下師云且坐喫茶  
 一日石霜供養主至師問征行戰將假道經  
 過劄案圓何不與揚岐草戰主云昔時誤



向途中覓今日親逢老作家師云楊岐且輪  
小捷去也主便喝師云亂做作什麼主持坐  
具劃一劃師云齋後鐘主云監師云只者個  
別更有在主無語師云敗將不斬且坐喫茶  
師問僧楊岐路僻高步何來僧云和尚幸是  
大人師云喫僧云和尚幸是大人師云楊岐  
近日耳聲且坐喫茶 師問僧秋色依依  
朝離何處僧云去夏在上籃師云不涉程途  
一句作麼生道僧云兩重公案師云謝上座  
答話僧便喝師云那裏學得者虛頭來僧云  
明眼尊宿難謾師云與麼則楊岐隨上座去  
也僧擬議師云念你鄉人在此放你三十棒

師問僧雲深路僻高步何來僧云天無四辟  
師云踏破多少草鞋僧便喝師云一喝兩喝又  
作麼生僧云你看者老和尚師云拄杖不在  
且坐喫茶 一日八人新到師問一字陣圓  
作家戰將何不出陣與楊岐相見僧云和尚  
照顧話頭師云楊岐今日抱馬拖旗去也僧  
云新戒打退鼓師云道僧擬議師云道僧撫  
掌一下師云謝上座答話僧無語師云將頭  
不猛累及三軍且坐喫茶  
漳州道吾禪師諱悟真開堂日表白宣既罷  
乃云請和尚不勞謙讓為衆舉揚師云直饒  
與麼道也落第三卷便陸座上首白槌了師

乃云便與麼覩得一時着便若論玄微見與  
 不見一時殺暗時有僧問承師有言明暗兩  
 字哉斷衆流請師便道師云作麼生道僧云  
 作家師便唱僧撫掌師云恰是問三千劍客  
 無施用便卷朱簾賀太平時如何師云逼塞  
 虛空內開張日月前進云恁麼則千花岩畔  
 澄孤月五鳳樓前舞纛旗去師云白雲千里  
 万里僧拂袖歸衆師云暗問仄馬單鐙請師  
 布陣師云分為兩段僧撫掌師云你又作麼  
 生僧無語師喝云暗漢乃云一問一答未有  
 休期直饒你問到未來際我也答到未來際  
 所以古人喚作無盡法藏亦喚作無碍辯門

且道如今喚作無盡法藏是無碍辯門是還  
 有道得底麼試出來道看如無拄杖子為你  
 諸人道去也以拄杖劃一劃云一時領過下  
 座師在北禪上堂云青山峭峻白日如梭  
 龍門無客鬧市人多諸人且道即今下菜行  
 頭有幾人納稅百姓時有僧出禮拜師云北  
 禪寺裏却有一個僧問不落二三請師速道  
 師云前三點後三點僧便喝師亦喝僧禮拜  
 師云有恁麼暗漢上堂云拗折秤衡將什  
 麼定斤兩拈却鉢盂匙筯將什麼喫粥飯不  
 如向三家村裏東卜西卜忽然卜着脫却鼻  
 孔上堂拈拄杖卓一卓喝一喝云你還肯

麼你若肯心肝五臟頭目髓腦一時屬老僧  
你若不肯心肝五臟頭目髓腦一時分付擲  
下拄杖便下座上堂一切智智清淨無二  
無二分又道無法可說是名說法且道龍宮  
海藏甚處得來良久云三要點開天地眼一  
曲無私謔古今上堂直上直下如何指南  
十字縱橫作麼生提綱良久云風散亂雲長  
空靜夜深明月照窓前上堂乃喚維那令  
昨日四人新到人事新到纔出師云雖是小  
過令人大怒新到纔展坐具師云當為空王  
如來作禮便歸方丈上堂云過界元正又  
逢今節問諸禪人是生是滅紅日長輝玉輪

圓缺疾焰過鋒眼中電掣鬪髀常吟是決不  
決汝等諸人還拜父母墳靈也無良久云人  
行荒草裏鬼哭密林間問王老夜燒錢意  
旨如何云白日看星月僧擬議云會麼僧云  
不會師乃云王老夜燒錢白日看星月磕額  
禮慈尊手把冥香囊上堂拈拄杖卓一卓  
喝一喝乃云一喝一卓眼生八角鼻孔吐沙  
眉毛卓朔若也會得西山月落若也不會胡  
餅飢飢下座上堂僧問如何是第一句師  
云直下衝雲際東山絕往來問如何是第二  
句師云面前渠不見背後拈兜拈問如何是  
第三句師云頭上一堆塵脚下三尺土問如何

道來時不將絲頭來去時不將絲頭去意旨  
 如何師云三生六十劫未是長期僧無語師  
 云會麼僧云不會師云洞庭八百里未是闊  
 問如何是透出乾坤句師云捧下最分明僧  
 無語師乃云透出乾坤句未語先剖陳屈躬  
 來更問捧下取分明 上堂衆集師以拄杖  
 擲下カハ來隨後跳下衆擬散師乃召大衆衆回  
 首師乃云為老僧收取拄杖便歸方丈上堂  
 云開心椀子盛將來無縫合盪合取去擬思  
 量何劫悟看取眉毛有幾許去 上堂云夜  
 來雷声震地今朝細雨霏霏乾枯滋潤万物  
 萌芽且道嘉州大象疑驢長得多少還有道

得者麼若也道得陝府鐵牛是常不輕菩薩  
 若道不得土宿拽脫你鼻孔 上堂若據祖  
 今到這裏搃須茫然放老僧一線且向眉睫  
 裏東覷西覷 問如何是先照後用師云語  
 路分明說投針不回避如何是先照後用師  
 云金剛親面親分付話道分明好好陳如何  
 是照用同時師云祖佛道中行路異森羅影  
 裏不留身如何是照用不同時師云清涼金  
 色光先照峨嵋銀界一時鋪乃云叅須實叅  
 學須實學又須要明古人血脉且道作麼生  
 是古人血脉良久云智不到處切忌道着  
 上堂云寒風浩浩無時節浪打懸崖石頭裂

洞庭湖裏釣舡傾雪路行人山路絕清風月  
白透幽閑畢竟以何為妙訣下座上堂向  
上一路千聖不傳學者勞形如猿捉影你等  
諸人還明得這時節麼若明得去天上人間  
堪受供養若明不得問羅老子眼目分明  
上堂汝等諸人盡學佛法非即便言非是即  
便言是直須縑素分明不得錯認定盤星好  
珠重上堂云如天普蓋似地普擎三世諸  
佛揔在你鼻孔裏三十年後不得辜負老僧  
上堂舉僧問大隋劫火洞然大千俱壞未審  
這個壞不壞隋云壞僧云與麼則隨他去隋  
云隨他去又問龍濟劫火洞然大千俱壞未

永樂北藏

古尊宿語錄

審這個壞不壞濟云不壞僧云為什麼不壞  
濟云為同大千此二老宿一人道壞一人道  
不壞且道壞底是不壞底是會麼壞與不壞  
俱非內外不隔纖毫尋常面對上堂問如  
何是奪人不奪境師云菴中閑打坐白雲起  
峯頂如何是奪境不奪人師云閃爍紅霞散  
天童指路親如何是人境兩俱奪師云剛骨  
尽隨紅影沒蒼苗惣逐白雲消如何是人境  
俱不奪師云久旱逢初雨他鄉遇舊知問如  
何是賓中賓師云誰說有疎親如何是賓中  
主師云磕額無回互對面與誰陳如何是主  
中賓師云瑞雲空裏布霹靂震乾坤如何是

第一九七册

主中主師云古皇令高舉巧辨徒申吐問如何是正中来曰皎潔乾坤震地雷如何是正中偏曰諸子投來見大仙如何是偏中正曰万水千山明似鏡如何是蕪中至曰施設縱橫無所畏如何是蕪中到曰黑白未分已前過師乃云古人道主真元不異問答理俱全

同安又云賓主睦時全是妄君臣合處正中邪一等是出世尊宿接物利生言教有異為復見處偏枯為復利生不普明眼底人通個消息 上堂云有物先天地無形本寂寥能為万象主不逐四時凋且道是什麼物還識得麼若識得乾坤大地森羅洞明若也不識

被物撥着轉身不得 上堂云鋒刃上踏跳微塵裏走馬勞勞去復來個是知音者

上堂云昨日三人新到出來人事僧才出槽拜師云不落平常卦筮直述來情僧云和尚休得也師云此由是落平常僧云恰是歸泉師云龍蛇易辨杓子難瞞下座 勤辯

師問僧先行不到末後太過僧擬提起坐具師指云離却坐具作麼生道僧云和尚那裏得這消息來師便打僧擬提坐具師又打云暗漢僧擬議師又打云且坐喫茶僧便坐師云什麼處來僧云石霜師云怪得 師問僧有一事借問上座只是不得打老僧僧云若

甚末由師提起生具云爭奈這個何僧云草  
乱做師便打僧云莫乱做莫乱做師又打云  
且坐喫茶僧云適来道着甚末由和尚為什  
麼却打某甲師云你適来去什麼處来僧無  
語師乃揸眉一下 師問僧昨日在<sub>上</sub>已相  
見了也今日人事又作麼生僧云合取狗口  
師云也是僧便打師云老僧過在什麼處僧  
云再犯不容師却云將謂是個漢師便打云  
參堂去 數人新到禮拜師云揸是浙裏師  
僧僧云糊孫向火師云踏跳作麼僧云今日  
得見和尚師云伏惟尚饗僧無語師便打  
師在慈明會裏一日提螺師一籃送院云賣

螺師令衆下語皆不契有一老宿揭簾見以  
目顧視師放身便卧師放籃子便行  
師問僧甚處来僧云殿寮裏来師云釋迦老  
子作何面孔僧便喝師云作麼僧又喝師云恰  
是僧云一任踏跳師便打 一日新到  
人事乃云請和尚相看師云不易道得且坐  
<sub>勿八</sub>  
喫茶泐潭尊使禮拜乃云德華禮拜師云是  
箇浙裏師僧云不消如是師云由是舊時氣  
息僧云若師云若即且致別作麼僧良久云  
一任踏跳師撫掌一下 王提刑問建三生  
云某甲四十年為官作麼脫得此塵去生熟  
對師代云一任踏跳又看上峯路建云這個

是上峯路提刑云寺在上頭那瓊云是提刑  
 云恁麼則不去也瓊無語師代云今日勘破  
 偈頌 滿山水牯牛 水牯滿山峭峻機分  
 明人類頭幽奇兩途語出分明慶夜鳥投林  
 曉復飛

杖林山下竹筋鞭 杖林山下竹筋鞭搭索

拏鈎火裏牽拽近不能推放後回旋却到使

君前 北斗藏身 雲門透法身從此

覓疎親 道和風暖三春寒更新

百丈野狐 語路分明在憑君子細看和

兩西風急近火轉加寒 麻三斤

同袍叅學問通津來扣宗師正佛因為說三

斤麻最好三斤天下說尖新幾多匠者頻拈  
 撥柶綠縑侶有疎親余今更為重秤過那吃  
 太子析全身 興化問雲居何必話  
 何必不必一七二七龍樹馬鳴焰光透出

古尊宿語錄卷第二十

勿八



古尊宿語錄卷第二十一

勿九

白雲端禪師

南嶽下十二世

佛照光禪師

南嶽下十六世

北礪簡禪師

師佛照下五人附錄

舒州白雲禪師諱守端衡陽周氏子示衆云

善言言者言所不能言善跡跡者跡所不能  
跡每日開口動舌無非是言作麼生說箇言  
所不能言喚作言即便是跡作麼生說箇跡  
所不能跡到這裏一大藏教一字用不着到  
這裏一大藏教字字用得着為甚麼先用不  
着又却用得着且道誦說在甚麼處不見道  
勿九

千峯勢到嶽邊止萬派聲歸海上消自古自  
今向其間鑽仰者如稻麻竹葦端的透徹者  
百千中無一二若果然透得十二時中不妨  
慶快應機接物利樂有情盡乾坤星辰日月  
盡大地草木叢林都作一箇出入游戲之場  
古者道玉轉珠回祖佛言精通猶是污心田

老盧只解長春米何得黃梅萬古傳山僧在  
庵中亦有示衆云直下雖然沒許般透如未  
盡活還難海門昨夜狂風起無限波濤一掃  
乾恁麼地先與人開却路然後兩手撥向人  
前靈利底不用絲毫氣力便提得去還有麼  
若提不去敢問諸人十二時中應用施為分

別賢愚是是非非是箇甚麼。示衆云古者  
 道上士聞道勤而行之中士聞道如存若忘  
 下士聞道大笑之大衆若約衲僧門下却許  
 他大笑者有些些骨氣何謂如此衆眼難瞞  
 示衆舉玄沙因誤服藥徧身紅爛僧問如何  
 是堅固法身沙云曠滴地後來懷和尚頌  
 云滴滴通身是爛膿釣魚船上願家風時人  
 只看絲綸上不見蘆花對蓼紅亦有人問法  
 華如何是清淨法身只荅他道屎臭薰天  
 又云蓮華葉上化生兒且道與古人是同是  
 別法華亦有一頌云 屎臭薰天亦偶然  
 法華爭敢為君宣鼻中若有通天竅一任橫

行不着穿 一日示衆云未透者須教伊  
 識已透者須共伊行盡大地是沙門一隻眼  
 教阿誰識實際地不受一塵向甚麼處行  
 所以道他人住處我不住他人行處我不行  
 不是為人難共住大都緇素要分明少處減  
 些子多處添些子為甚麼少處更減多處更  
 添勿九神仙秘訣父子不傳 示衆云明明知道  
 只是這箇為甚麼透不過只謂見人開口時  
 便喚作言句見人閉口時便喚作良久默然  
 又道動轉施為開言吐氣盡十方世界內無  
 不是自己所以隨在途中隱隱猶懷舊日嫌  
 不見雲門道開聲悟道見色明心舉手云觀

世音菩薩將錢買胡餅放下手原未却是饅頭不見山僧住法華時道無業禪師云一臺頭凡聖情念未盡未免入驢胎馬腹裏去直饒一毫頭凡聖情念頓盡亦未免入驢胎馬腹裏去瞎漢但恁麼參 僧問智不到處切忌道着道着時如何師云風吹日炙云恁麼則無處容身去也師云確搗磨磨云官不容針私通車馬師云可貴可賤僧彈指一下師云恰是僧吐舌師云家貧猶自可路貧愁殺人僧呵呵大笑師云放過一着 僧問龍門未透時如何師云不是這箇調云透後如何師云不是這箇調僧擬議師云買賣不當買

示衆云如我按指海印發光拈起拄杖云山河大地水鳥樹林情與無情盡向拄杖頭上作大師子吼演說摩訶大般若且道天台南岳說個甚麼法門南岳說洞上五位修行君臣父子各得其宜莫守寒岩異草青坐着白雲宗不妙天台說臨濟三玄三要四料簡一喝分賓主照用一時行要會個中意日干打三更廬山出來道你兩個漢正在葛藤窠裏不見道欲得不招無間業莫謗如來正法輪此三個見解若上衲僧秤子秤一箇重八兩一箇重半斤一個不直半分錢但願春風齊著力一時吹入我門來 上堂豎起拄杖

曰鋒刃上踣跳橫按曰徹塵裏走馬勞勞去  
勿力  
 後來箇是惺惺者擲拄杖下座 上堂不曾  
 迷莫求悟為甚麼從上來却有師承祖嗣若  
 也會得入鄉隨俗若也不會餓死首陽山然  
 雖如是入水見長人 上堂今日至即一陽  
 生於此日拈起拄杖召大眾曰且道這箇作  
 麼生若也見得且恁麼應時納祐若數至大  
 年朝前頭大有事在所以承天尋常十度發  
 言九度休何謂如此當門不用栽荆棘後代  
 兒孫惹着衣然雖如是三十年後太公釣魚  
 參 上堂今日也是這箇明日也是這箇作  
 麼生是那箇漆桶參堂去淨空居士郭功甫

訪師上堂夜來枕上作得箇山頌謝功甫大  
 儒直要與天下有鼻孔衲僧脫却着肉汗衫  
 莫言不道遂曰上大人丘乙己化三千七十  
 士尔小生八九子佳作仁可知禮也 示眾  
 云有時碓戴生花有時佛面百醜千拙醉倒  
 街頭自是張公喫酒燈籠皺斷眉頭露柱呵  
 呵拍手 白雲禪師語終

東山五祖演禪師語三卷在士字函中  
 圓悟佛果禪師語一十七卷具列別函  
 大慧普覺祖師語三十卷在說戒函不錄  
 佛照禪師諱德光臨江軍新喻縣彭氏子隸  
 業光化歷衆目菴應菴萬菴典牛十餘負尊

宿晚見育王大慧舉僧問趙州如何是趙州  
州云東門西門南門北門你作麼生會答云  
大小趙州坐在屎窖裏慧云你甚處見趙州  
答云莫瞌睡慧打一竹篋答云莫掩彩慧喚  
侍者問這僧名甚麼答云不得名慧云你看  
這漆桶亂做答云未為分外又入室次慧舉  
竹篋問云喚作竹篋則觸不喚作篋則背如  
何答云請和尚放下竹篋與學人相見慧擲  
下竹篋云如何相見答云伎倆已盡慧云你  
看這漢杜撰禮拜便出又一日入室次慧問  
喚作竹篋則觸不喚作竹篋則背不得下語  
不得無語不得向意根下卜度不得向舉起

處承當速道速道答云杜撰長老如麻似粟  
慧云你是第幾箇答云今日捉敗這老賊慧  
付頂相書贊印證云有德必有光其光無間  
隔名實要相稱非青黃赤白自是聲譽大彰  
應刺史李浩之命出世台之鴻福繼升天寧  
光孝自謂平生多得拙力遂號拙菴淳熙三  
年春孝宗皇帝詔居靈隱復育王徑山巖  
元間優詔順老育王東菴云  
上堂從來共住不知名這漆桶任運相將只  
麼行擡脚不起自古上賢猶不識賊身已露  
這次九流豈可明少賣弄拍禪床下座  
上堂若說佛法供養大眾雪上加霜若說覺

法供養大眾擔水河頭賣搥不與麼刺腦入  
 膠盃別有機關也是胡孫伎倆畢竟如何氣  
 似藉袋令人可愛 浴佛上堂指天指地逞  
 囉囉凌辱宗風罪過多惡水蒸頭澆一杓免  
 敬平地起干戈 上堂一月普現一切水一  
 切水月一月攝諸佛法身入我性我性同共  
 如來合喝一喝大小永嘉和屎合屎 上堂  
 牛頭橫說豎說不知有向上關挨子便是德  
 山臨濟何曾踏著汝等諸人皮下還有血麼  
 直饒踏著關挨也未夢見育王脚跟下汗臭  
 氣在 佛照禪師徑山育王語終  
 北澗禪師諱居簡字敬叟西蜀潼川龍氏依

邑之廣福院園澄得度徧叅荆楚見別峯塗  
 毒於徑山晚叅佛照於育王經十五寒暑遂  
 大發明及訪瑩仲溫與語知師奇偉溫得大  
 慧居洋嶼時竹篔付師後出世台之報恩湖  
 之觀音大覺思溪園覺宣之彰教常之顯慶  
 碧雲蘇州慧日天興道場杭之淨慈云  
 升座法不孤起仗境方生法隨法行法幢隨  
 處建立所以永嘉道建法幢立宗旨明明佛  
 勅曹溪是豈獨曹溪三千大千世界無有如  
 芥子許不是菩薩降生出家修道轉法輪般  
 涅槃處只今欲建楊岐白雲宗旨豎最勝幢  
 直得鴉飛不度與湖海毀佛謗法不入眾數

大闢提人同一手作發吾花木瓜樹下垃圾  
堆頭明月夜光照天照地去也忽有箇忍俊  
不禁出來道是則是爭奈千兵易得一將難  
求良久云心不負人面無慚色 上堂教  
中道衲衣在空開假名阿練若誰感世間人  
自謂行真道沒等諸人認被誰感了也便好  
拽轉痛與一頓若無報恩今日失利

上堂識得一萬事畢了事衲僧一字不識直  
饒恁麼未稱全提禹力不到處河聲流向西  
上堂一大藏教總是魔說日可冷月可熱是  
假易除是真難滅 上堂伶俐衲僧十成  
峭措箇裏守株那邊待兔昨夜文殊普賢起

佛見法見貶向錢園王老師吟自領出去  
上堂舉石林問龐居士有箇借問居士不惜  
言句否士云便請舉來林云元來惜言句士  
云者箇問訊不覺落佗便宜林掩耳而去士  
云作家作家師拈云纔生便剗不得一半失  
之東隅桑榆已晚只如居士道作家作家且  
道石林還甘麼 上堂汲井花水煮薑薇  
露清淨法身遭點汚良久云活灰世界一年  
一度 上堂我見燈明佛本光瑞如此至  
若山河大地明暗色空萬象森羅燈籠露柱  
皆發本光瑞是汝諸人因甚脚跟下黑漫漫  
地 上堂行亦禪坐亦禪飢噉飯困墮眠

三到投子九上洞山無端掘地覓青天

上堂懸崖撒手自肯承當絕後再甦欺君不

得所以道我立地待汝搆去擲主丈云討什

麼益 上堂那吒太子折肉還母析骨還

父正當與麼時太子在什麼處師拈云肉還

母骨還父日西沉水東注良久云露

上堂敗闕在雙林都無跡可尋海枯終見底

人死不知心 上堂舉孝宗皇帝問佛照

禪師釋迦入山六年所成者何事佛照對云

持謂陛下忘却師頌云借婆衫子拜婆年監

本匙挑不上禪扶起玉龍轟霹靂明星猶在

九重天 上堂人棄我取人取我與寺

識團無本可據毀於佛謗於法不入衆數分

明有眼難緇素 上堂舉安禪師破句讀

楞嚴經師頌云未到忘筌地勢籃等跳綴錯

行樵子徑却到葛洪家 上堂簷頭滴滴

分明歷歷明眼衲僧卓主丈云切忌從這裏

入 移佛上堂東邊移了復西移不動尊

還有動時弗打併他蹲坐處安知四十九年

非 上堂諸方今日書符底書符採藥底

採藥碧雲窮廝煎餓廝吵只者一著盡情拈

却良久云開眼也着合眼也着 上堂舉

密師伯與洞山在餅店密於地上畫一圓相

謂洞山云把將去山云拈將來後來保寧勇



和尚云非但二人提不起盡大地人亦提不起北碚敢道保寧計窮力盡 上堂去年梅今歲柳天地有全功物物還依舊衲子生涯也如舊頭上青灰三五斗臘雪後春風前真教蹉過饅頭邊 上堂今朝三月初五大色半晴半雨園林過了清明無限落花飛絮釋迦慳彌勒富絕憐杜宇不知時啼得血流無用處 上堂諸佛不出世四十九年說說箇什麼祖師不西來少林有妙訣也好藏拙是假易除是真難滅 上堂世事悠悠不如山丘避喧求靜騎牛覓牛黃河合眼跳特地一場愁 上堂色不是色菜花黃

梨花白聲不是聲燕語黃鶯鳴觀音菩薩將錢買胡餅放下手却是饅頭洞裏春光澤不惜一時流入武陵谿 上堂舉趙州入僧堂云有賊有賊見一僧便云賊在者裏僧云不是某甲趙州托開云是即是不肯承當師云趙州收屨太寬放去太急淨慈則不然冢賊難防家財必喪卓拄杖云只可錯捉不可錯放 上堂仲夏初吉有好消息露柱燈籠參學事畢證據則任汝證據鞭逼則任汝鞭逼以拂子擊禪床云當機覩面提覩面當機疾 上堂牛頭橫說豎說不曾動舌曾祖見僧面壁自納敗闕淨慈敗闕釘撮向空

熨斗煎茶銚不同 上堂舉常不輕菩薩我  
 不敢輕於汝等汝等皆當作佛師云已所不  
 欲勿施於人 小象一陽來復小人道消消  
 剥群陰君子道長大似依文解義取笑傍觀  
 須知有物先天地無形本寂寥能為萬象主  
 不逐四時凋又誰管你晷運推移日南長至

孟夏漸熱仲秋漸涼主文子忍俊不禁出來  
 道我則不然寒時向火熱即乘涼為復是世  
 諦流布為復是佛法商量贏得莊周蝶夢長  
 物初觀禪師南岳十八世嗣北磻禪師  
 晦機熙禪師南岳十九世嗣物初禪師  
 廣智全悟笑隱訢禪師二十世嗣晦機

仲方倫禪師南岳二十世嗣晦機禪師  
 覺源雲禪師南岳廿一世嗣廣智和尚

右附錄五人

物初禪師諱大觀四明鄞縣陸氏子遊方徧  
 參吳楚諸知識咸以法器重之欲致已席下  
 而師習中礙膺終未釋晚依北磻禪師於南  
 屏一衲蕭然寒暑不易潛衆十年人無知者  
 一日入室次機語契合遂大發明後出世屢  
 遷名利至坐育王道場妙喜宗風為之特振  
 上堂一冬二冬你儂我儂暗中偷笑當面脫  
 空雖是尋常茶飯 誰知米裏有虫夜來好風  
 吹折門前一株松 上堂用黑豆法換人眼

晴如恒河沙會火爐頭話能有幾箇九九  
三世諸佛不知有翻身踢倒五須彌何用法  
身藏北斗藏北斗分明向外揚家醜

百題賸語僧默集師平居應酬藁請題云

與世同波於世無涉冷然其間亦聊以自適  
萬象爲賓朋萬籟爲鼓吹斯亦足矣欄隙仿

勿九

九

律白間虛明興弗容過竺冊魯典遮眼爲樂  
或便謂予從事乎討論矣職提唱外酬應或  
需韻句事功或需記錄或求於予性不善拒  
然法不孤起理不它隔言在此而意在彼或  
便謂予長乎文言矣纔一脫藁掃不見蹤跡  
如是者有年吾徒嘿予潛會粹成編薛於予

永樂北藏

古尊宿語錄

前恍然永師後身見破甕中物前身知藏僧  
忽省書未了經也擬揭增報自訟斐淺輕出  
欲敘而秉畀之嘿捍護堅甚則誡之曰吾宗  
素不尚此毋重吾過嘿曰目連之集異爲子  
之法蘊泊夫華竺諸賢率多論著雜華取淵  
才雅思又何如予因自笑曰治亂不關寵辱  
不聞山林自踰斯默自業予世之賸人也謬  
當弘宗亦有本末瑣瑣筆墨臺臺酬應又吾  
之賸事也說而無說文而非文又吾之賸語  
也人賸事賸語賸思足識其中有無欠賸句  
亦或有所取  
上堂塵劫來事只在今時當斷不斷斗換星

第一九七冊

移拈主丈卓一下云花須連夜發莫待暖風  
 吹 上堂智不到處切忌道着道着則頭  
 角生古人恁麼告報育王則不然智不到處  
 滿口道着道得着有名不用鑄頑石  
 因臘茶示衆午窓夢緒慣逢迎杵臼驚聞隔  
 竹聲未啜睡魔先辟易策勳不戰屈人兵  
 見桂花示衆一出湖山即檀芳更何龍躡敢  
 言香掩關憑几無言說時見零金點石床  
 上堂舉龐居士問焉大師不與萬法為侶是  
 甚麼人大師云待汝一口吸盡西江水即向  
 汝道師云大小祖師只知開口易不覺舌頭  
 長當時若問育王但云若要向汝道直待虛

空落地自然出他一頭何故車不橫推理無  
 曲斷 聞猿示衆秋徑無人葉亂飛攀翻  
 寒影掛危枝恍然曾是當年見日落香林靜  
 立時 上堂八月秋何處熱露冷風高重  
 重漏泄何必三登投子掘地覓天九上洞山  
 捫空釘椽良久云踏着秤錘硬似鐵  
 焙經上堂祖佛之言汗牛衝棟時人所得假  
 鼠飲河曾聽火燄上說法來終不向語脉裏  
 轉一嗅便識猶是鈍根展卷方知白雲萬里  
 以字不是八字不成從頭盡掃白底是烝黑  
 底是字此話難明 上堂今朝正月半拈出  
 舊公案水上挂燈毬大家普請看卓杖下座

佛智晦機禪師諱元熙豫章唐氏子登進士  
棄從西山明覺院明公祝髮焉參寧退耕行  
石帆郢東叟編謁吳楚諸師晚依育王物初  
觀禪師座下十年人無知者一日清默書記  
同入室機語峻捷眾咸驚異觀乃字以晦機  
囑令母早應世一衲二十年囊無長物元貞  
二年出世百丈遷淨慈徑山妙喜宗風大振  
江右緇白敬慕遂迎歸大仰終老焉  
上堂雲門道箇普字盡大地人不柰他何殊  
不知雲門開口早已四稜塌地當時若與震  
威一喝待此老惡哉徐徐打箇問訊道莫恠  
觸忤好非圖救取此老亦能振起雲門綱宗

永樂北藏

古尊宿語錄

雖然口是禍門 上堂獨坐大雄峰寒灰  
撥不紅一星焚火出孤鶴過遼東 結制  
上堂以手作結布袋勢云南山今日結布袋  
口了也汝等諸人各各於中身心安居平等  
性智忽有箇衝開碧落撞倒須彌的莫道結  
子不堅密須知楊天網子百千重 上堂  
三界無法何處求心何處有法何處無心白  
雲爲蓋流水作琴古今無間誰是知音擊拂  
子云一曲兩曲無人會雨過夜塘春水深  
師因開先遣訴侍者來參次問云黃龍向泐  
潭得旨領徒遊方及見慈明氣索汗下過在  
甚麼處訴曰千年桃核裏覓甚舊時人又一

第一九七册

日以百丈野狐話詰之且道不落因果便墮野狐身不昧因果便脫野狐身利害在什麼處訴擬答師遠喝一喝訴後出世爲龍翔開山云

晦機禪師語錄

廣智全悟大禪師諱大訴字笑隱龍興南昌陳氏子依郡之水陸院彰上人祝髮首參一山萬禪師於廬山開先久之遺叅百丈晦機熙公公示以本色鉗鎚成大法釋庶公遷淨慈師隨至掌外記一時名公卿士樂聞道妙聲震東南出世吳興烏回繼遷錢塘鳳山報國天竺永禪天曆己巳文宗皇帝以金陵潛宮爲大龍翔集慶寺詔師開山爲第一代焉

上堂驅耕夫牛奪飢人食啐啄同時箭鋒相直一拳還一拳一踢還一踢牛頭南馬頭北結夏上堂栢巖開粥過夏西院商量兩錯嘉州大像腳踏地陝府鐵牛頭戴角喝一喝切忌無繩自縛 上堂黃龍南和尚云說妙說玄乃太平之奸賊行棒行喝爲亂世之英

雄所以佛法二字烏回未嘗道着雖然也要大家知有拈拄杖云鎮州出大蘿蔔頭寺原白家三盞酒客來隨分納些些相逢不用揚家醜卓拄杖下座 上堂長連牀上拈得鼻孔十字街頭打失眼睛汝諸人還曾檢點也未明如日黑似漆萬仞崖頭撒手行無位

真人赤骨律

上堂拈麈豎拂捏日生花

舉古論今虛空釘檝楊岐和尚道須彌山可  
透金剛圈不可透大海水可吞栗棘蓬不可  
吞直饒吞得透得未是衲僧分上事如何是  
衲僧分上事歸堂喫茶去

上堂言發非

聲色前不物著甚來由聲色裏睡眠聲色裏

勿九

十三

坐卧却較些子所以道卽此見聞非見聞無  
餘聲色可呈君箇中若了元無事體用無妨  
分不分藉拈拄杖云水流黃葉來何處牛帶  
寒鴉過別村卓拄杖下座

上堂回悟禪

師住東京天寧日舉僧問雲門如何是諸佛  
出身處門云東山水上行若是天寧則不然

有問如何是諸佛出身處只向他道薰風自  
南來殿閣生微涼其時大慧祖師於言下大  
悟諸禪德不妨奇特者箇是論實不論虛底  
事如人歸京必須親到見京裏人說京裏話  
一點外來也着不得雖然雲門道東山水上  
行因甚不悟圓悟道薰風自南來因甚便悟  
去報國不惜眉毛爲諸人下箇注腳諸佛出  
身處東山水上行薰風自南來殿閣生微涼  
衆中有全身擔荷者出來與山僧相見

上堂安養國中水鳥樹林悉皆念佛知足天  
上樹相撐脚演說苦空豎起拂子云山僧拂  
子穿汝諸人鼻孔諸人向甚處出氣

上堂選佛場開牛欄馬廐心空及第活陷泥  
 犁畢竟如何仰面不見天低頭不見地月明  
 幽室寒星分拱辰異 上堂今朝又是五  
 月一大盡小盡數不出八臂那叱沒奈何夜  
 又屈膝眼睛黑 上堂金佛不度爐木佛  
 不度火泥佛不度水真佛屋裏坐喝一喝云  
 文殊普賢勿九因甚在尔脚跟下過 師舉青  
 州布衫重七斤古人道了也畢竟萬法歸一  
 一歸何處時有僧出云東廊頭西廊下師云  
 什麼處見趙州僧擬對師云捧土不成龍  
 元文宗皇帝詔師開山大龍翔集慶寺上堂  
 釋迦世尊捨金輪而登佛位今上皇帝從佛

位而御金輪收攝三千刹海於一印中具足  
 八萬法門於一毫上如華嚴會上菩薩得無  
 盡福德藏解脫門於一器中出生種種美味  
 飲食又於衆會仰觀空中而雨種種瓊寶隨  
 衆生心悉令滿足然後得其寶者盡證法門  
 食其味者咸成妙道無一塵而不具足佛事  
 無一法而不圓滿正宗即今崇建寶坊闡揚  
 法施諸天音樂不鼓自鳴梵唄詠歌自然敷  
 奏十方菩薩咸集道場八部天龍同伸慶讚  
 還有不歷化城徑登寶所者麼擊拂子云四  
 海已歸皇化裏時清休唱太平歌復舉世尊  
 與衆行次以手指地云此處宜建梵刹時天



帝釋將一竿竹插地上云建梵利竟世尊微  
笑師云帝釋爲三十三天之主雖則一期施  
設其柰理事未備今上皇帝以興龍潛邸改  
創梵宮復命禪宗發揚向上宗旨與天帝釋  
所成功德何啻百千萬億倍縱使虛空爲口  
讚嘆莫窮臣僧借水獻華輒成一頌丈六金  
身一莖草瑠樓玉殿恰相當交羅帝網山河  
影旋繞須彌日月光華雨晝飄龍座暖天風  
時送御爐香大千共仰恩光近五色祥雲擁  
帝傍 上堂舉臨濟示衆云赤肉團上有  
一無位真人常在汝諸人面門出入未證據  
者看看時有僧出問云如何是無位真人濟

下禪牀搦住其僧擬議濟以手托開云無位  
真人是什麼乾屎橛便歸方丈師云兩鋒相  
直者不虛發由基之箭斲堊而不變者始可  
運郢人之斤臨濟尋常氣宇如王却作小厮  
兒戲幾乎法道遇大風而止龍翔今日作死  
馬醫無位真人築著磕著證據將來依然是  
錯且道是臨濟錯龍翔錯從教天下人卜度  
上堂龍翔孟八郎惡辣難近傍佛祖也潛踪  
從教人起謗雲門扇子跳上天趙州葫蘆掛  
壁上寒山掃地接豐干却是南嶽讓和尚  
文宗皇帝聖忌滿散藏經上堂尊而無上高  
超象帝之先貴下可名坐斷毘盧之頂其體

之大則容攝十虛其用之廣則包括萬類如  
月涵衆水無分淨穢之殊春在百華不見正  
偏之相妙有不有真空不空所以道無邊刹  
境自他不隔於毫端十世古今始終不離於  
當念擲大千於方外納須彌於芥中於斯見  
得便見文宗皇帝昔從佛地示現王宮撫治  
邦家又安宗社化導已周復歸佛位寂然不  
動智普應於十方廓爾無私化已周於沙界  
龍翔與麼贊揚且道還契聖意也無良久云  
優鉢天香吹不斷又從兜率下閻浮  
仲方禪師諱天倫四明象山張氏子依廣德  
天寧竺源祝髮遊方參晦機熙公公曰湖山

藹藹湖水洋洋浸爛你鼻孔塞破你眼睛因  
甚不知師云通身無影象步步絕行踪公云  
未更道師拂袖便出依座下屢以此事扣  
問公終不說乃往吳興桃花塢結茆一日聞  
雷有省徹見熙公用處後出世東泉佛岩保  
寧上堂云獨樹不成林人人總知有梵刹一  
纔興大家出隻手昆明池裏失却劍曲江江  
內撈得鋸上堂諸佛不出世亦無有涅槃  
這裏悟去山河大地日月星辰運行四時有  
什麼過上堂見見之時見非是見見猶離  
見見不能及須彌山上走馬大洋海底翻身  
前三三後三三一聲無孔笛吹過汨羅灣

上堂入荒田不揀信手拈耒草懷州牛喫禾  
益州馬腹脹天下老和尚口掛壁上便下座  
臘八上堂昨夜見明星悟道後園風打籬竿  
倒曉來無迹可追尋靈山依舊生青草上  
堂涅槃自性無繫屬故言語道斷心行處滅拈  
拄杖云扶過斷橋水伴歸明月村卓拄杖下座  
上堂舉僧問雲門云久雨不晴時如何門云  
割雲門一割猿啼巴峽熊耳峯高石頭路滑  
上堂舜若多觸處逢渠阿那律通身是眼不  
信問取鐙籠便見衲僧擔板上堂知幻即  
離不作方便離幻即覺亦無漸次拈拄杖云  
穿却釋迦老子鼻孔天下老和尚無出氣處卓

拄杖下座上堂初三十一中九下七七九  
六十三九九八十一朝往西天暮歸唐土一  
馬生三寶石牛攔古路叅上堂修多羅教  
如標月指昨日有人從西州來接得東州信  
報道大食國裏人在眼睫上賣香藥喝一喝  
仲芳和尚語錄終

天界演梵善世利國崇教大禪師覺源曇和  
尚天台楊氏子出家於紹興之法果寺禮大  
均為師得法於咲隱訶禪師出世金陵牛頭  
之祖山石城之清涼繼遷蔣山勅改龍翔為  
天界詔師住持統領天下教門  
上堂行不動塵語不動唇見成行貨黃金白

銀君不見洞山老問佛只答麻三斤

上堂恢揚岐宗風坐南泉鉢位佛祖命根柄

僧已鼻卓拄杖云東頭買賤西頭賣貴

上堂一句子黑漆黑無霜柄有準則良久云

會麼確搗東南磨推西北示衆文遠當

年侍趙州東司說法未輕酌回光一念分明

屢午夜霜清月滿樓上堂少室峯前曹溪

門下燈燈相繼的的相傳自古自今絲毫

易且以何為驗樓臺上下火照火車馬往來

人看人上堂朝到西天暮歸唐土鑑在

機先未敢相許保寧八字打開了也莫有控

勒不住者麼便下座上堂長者長法身

短者短法身即今現前一衆坐立儼然有長

有短諸人盡知盡見畢竟阿那箇是法身若

也會得捧鉢盂向香積世界喫飯若也不會

長連床且喫粥喫飯上堂擁之不聚撥

之不散類之不齊混之不濫絕照忘緣十方

坐斷隔江招手見諸訊盡力承當得一半蔣

山與麼提持馭年也未夢見上堂六月

一日前萬象森羅替說禪六月一日後八角

磨盤空裏走今朝正當六月一無位真人赤

骨律金毛師子解翻身無角鐵牛眠少室十

聖三賢捻不知咲倒寒山并拾得上堂

經有經師論有論師龍河放一線道分科烈

段去也拈杖卓一下云且道是何章句

佛成道上堂雪山六載背廬都忽見明星雙

眼枯證得烏龜成白鷺至今陪口為分疎

上堂只個見成公案衆中領解者極多錯會

者不少所以金鑰不辨玉石不分龍河者裏

直要分辨去也張上座李上座一箇手臂長

一箇眼睛大捻似今日達磨一宗教甚麼人

擔荷噓一声下座 上堂成音王已前弥

勒佛已後有個現成公案未敢與汝說破何

故心不負人面無慚色

天界覺源曇公大禪師藏水塔銘

翰林學士宋旨嘉議大夫知制誥兼權國史金華堂直學

永樂北藏

古尊宿語錄

浮圖之為禪學者自隋唐以來初無定止惟

借律院以居百丈大智禪師方建叢林規矩

至宋樞閣竄威然猶不分等第惟推在京鉅

刹為之首南渡後始定江南為五山十刹俾

其拾級而升黃梅曹溪諸道場反不預其間

則其去古也遠矣元氏有國文宗潛邸在金

陵及至臨御詔建大龍翔集慶寺獨冠五山

蓋矯其弊也國朝曰之錫以新額就寺建官

搢轄天下僧尼當是時覺源禪師實奉詔蒞

其職夫當興王之運親受聖皇崇敬以統釋

教事誠千載之奇逢也其順拜也法當勒拜

行以貽示後世師諱慧曇字覺源天台大族

第一九七册

揚氏母賈夢吞明珠而有娠及生容貌巖然  
 幼不與羣童狎長依越之法果寺苾芻大均  
 恣修出世法及冠薙滌尋受具足戒學律於  
 明慶景公習華嚴於高麗教公聽止觀於上  
 竺澄公無不貫練時廣智禪師訢公弘揚達  
 磨正宗於中天竺師往造焉智問曰何處來  
 師對曰遊山來智曰笠子下拶破洛浦迦叅  
 底作麼生師曰未入門時呈似了也智曰即  
 今日甚不拈出師擬議智便喝師當下恍然  
 有省他日智展兩手示師曰八字打開了也  
 曰甚不肯承當師曰休來鈍置智曰近前來  
 為汝說師即掩耳而出智領之乃留侍香天

唐己巳龍翔新勅文宗特詔廣智開山師隨  
 至掌藏鑰繼分座相與激揚祖佛機緣禪背  
 法門綱紀識見出群聲譽彰著至順辛未奉  
 行臺檄出世牛首山之祖堂師力行古道躬  
 役起廢殿堂廊廡凡叢林宜有者悉新脩之  
 至正癸未陞居清涼作新一如牛首道行開  
 于帝師大寶法王授以淨覺妙行禪師之號  
 乙未遷保寧丙申王師定建業師謁  
 皇上於棘門上見師氣貌魁偉傑特歎曰真  
 樞慧僧也命主蔣山太平興國禪寺時丁歎  
 歲師化食以給其衆丁酉賜改龍翔為天果  
 寺詔師住持上親撫睿畫書天下第一禪林

六大字揭於門以旌宗極遠迹學徒聞風奔  
赴堂庭至無所容凡祖庭規矩師備行之濟  
濟繩繩粲然攸叙觀者喟喟曰三代禮樂無  
以加焉吳元年丁未大內新成特登寶位詔  
師引千二百報披閱大藏真經用嚴清淨  
地師升師子座舉揚大法上親帥群臣幸臨  
瞻聽師法音洪暢妙契  
皇情為之大悅出內帑帛三十匹以施自是  
每設廣薦法會師必升座說法車駕幸臨恩  
數優洽洪武元年戊申春開善世院詔師領  
院事服紫衣及金欄方袍御製誥章其畧曰  
自予肇業命汝庄宗德風振起於法門景運

賈襄於家國特授演梵善世利國崇教大禪  
師住持大天界禪寺統諸宗釋教事當是時  
遴選有序銓衡至公宗社有志之流山林抱  
道之士聯鑣而迭出咸居名山大剎焉自古  
崇尚法門於斯為盛章縫之士以禱子為世  
查奏請除之上以章疏示師師對曰孔子以  
佛為西方大聖人以此知真儒必不非釋非  
釋必非真儒矣上亦以佛之教陰翊王度却  
不聽已酉冬師疾作不署院事康成春疾良  
已燕處東軒誘接來學庄弘祖道孜孜無少  
懈夏六月廷議西域未臣伏上以彼域敦尚  
佛乘特命師往詔尚書趙某為之副師承命

即日登途自浙閩而之洋凡歷國邑布室  
天子威德莫不聞而來歸辛亥秋道憇僧伽  
羅國其王奉師於佛山精舍執弟子禮寢夜  
參承王令閩國臣民悉得瞻禮師隨撥開導  
咸蒙法益九月二十一日庚午示微恙王命  
醫進藥餌師從容謝却之王與群臣惶惶惕  
惕若失所恃乙亥沐浴更衣亟命尚書至謂  
曰某幻緣終此不能復命矣既而屹然端坐  
夜過半問云天明也未對曰未也少頃復問  
對曰日出矣遂恬然而逝實是月丙子日也  
其王斲香為龕以奉之師世壽六十有八僧  
臘五十有三留七日顏貌如生王加歎異乃

聚香代薪特築壇而茶毘之王及百僚哀慕  
壇下勅闔國比丘旋繞梵唄時有白煙一道  
上燭于天薪盡火滅舍利無筭舌根牙齒不  
壞迺拾舍利靈骨及不壞者拊葬其國辟支  
佛塔先是彼佛曾亦懸記今之開拊適符其  
言非偶然也甲寅冬尚書趙某還朝奏陳其  
事 皇上聞而嗟悼勅天界蔣山二寺住持  
宗泐等以師之遺衣藏於兩華臺之左云師  
廣額豐頤平頂大耳兩臉紅玉色耳白如珂  
雪目光爛爛射人學者見之不威而懾及即  
之也盎然春溫嘗示衆曰春風浩浩春日遲  
遲黃鸝啼在百華枝箇中無限意消息許誰



知語未既遽有僧問曰心意識過捺不住時如何師厲聲曰是誰過捺師室中謂僧曰二六時無你喏啄分無你趣向分會麼僧曰措師曰未明三八九難免自沉吟每遇禪徒隨扣而應未嘗務為奇巧聞見自然有所悟入師五會說法門人輯錄成書欲傳後學師則二毅然斥去之師為人寡言咲喜怒任真不以二資賦異其顏色鳩儒碩學世子勲臣問道無虛日遭際昌辰寵養優渥凡位居臣列被召必以名惟師詔勅咸以大禪師為稱前所未有也雖位隆望重師處之恒若寒素然而荷負大法無一息敢忘廣廈細梅之間從容召

對據經持論每罄竭其蘊畜故君子稱重而宗教有所賴焉其嗣法弟子蔣山法印天界行椿育王常在中天竺淨戒等若干人皆有聞於時翰林李澄親預入室狀師遺事授同參淨戒謁瀟為塔上之銘瀟嘗從師遊知師頗詳而與證戒交尤洽不敢以不敏辭龍翔禪林實甲天下初建之初非名德之重莫當斯任是故廣智握真如印柄道明宗睿使輝光照燭於幽隱矣及今六合載清真人撫運尊崇大法錫額建官以統御其衆非師乘宿頭力亦孰能當其始乎嗚呼何其規重矩疊而一唱一新也在昔馬駒蹴踏機用森叢出

其門者無非龍象有是學者曰有是師先德  
 固亦然矣方之廣智之傳實由正宗師之所  
 契親得法隨固非常情之可擬然稱人之善  
 必本其父師之故厚之至也瀛敢竊取茲義  
 序其事而為之銘銘曰

金陵有寶刹 昔為潛龍居 飛翔起中天

樓閣重重現 聖皇握金輪 重御四大海

易為大天界 以表正法故 惟師乘願力

示現優曇華 帝命作搃持 欲符於前烈

弘護法王法 如寶雙眼目 祇恐昏翳蝕

光明不遍照 統率諸僧伽 無不從化者

佛法遍天下 根本中印土 命師宣仁德

以彼尚佛乘 道憇僧伽羅 群羌如見佛  
 膜拜稽首禮 懇請為說法 四大本假合  
 去住兩無礙 咲指空中雲 聚散不留跡  
 築壇以報香 付之大火聚 闍國諸沙門  
 圍繞作梵唄 捨舍利靈骨 拊葬辟支迦  
 異域王臣衆 瞻禮祈永鎮 曉此行道所  
 何以慰追慕 四衆諸弟子 假物以顯理  
 遺衣在故篋 見衣如見師 瘞之兩華臺  
 當與靈骨同 我知此衣中 何啻千萬縷  
 絲絲具煖性 性圓即菩提 師性千古存  
 是有無邊身 辭之虛空相 善現於一切  
 寧假有漏形 方歸於真實 實際本真空

永離於言說

我持不壞筆

太虛以為紙

銘此無縫塔

了不見一字

若以兩耳觀

始造不二義

紹隆藏主火

紹隆聖種斷生死恨以火炬

打圓相云烈燄堆中轉法輪

高僧梵琦贊師頂相云

祖梅洲父蒲室大床座妙槌拂發揮震旦二

三騰煥竺軋四七依萬乘之清光近九天之

紅日携錘子斷魔外之根株握金鏡碎衲僧

之窠窟公卿羅拜於法筵龍象相忘於道術

是所謂冠天下禪林現寰中之古佛者也

古尊宿語錄卷第二十一

新藏經板初

賜天禧九禪宗古尊宿語頌古雪竇明教

圓悟大慧等語多有損失永樂二年故

捐衣資命工刊補今奉

欽依取僧就靈谷寺校正以永樂十一年春

二月為始至冬十一月乃畢供需之費

皆本寺備給計校出差訛字樣十五萬

餘刊修改補今已幸完庶得不遺

佛意不誤後人所冀永遠流通祝延

聖壽萬安者

未樂十二年歲在甲午仲冬僧錄司右

闡教兼鍾山靈谷禪寺住持臣清成謹識

永樂北藏

古尊宿語錄

第一九七冊

古尊宿語錄卷第二十二

勿十

黃梅東山和尚語上

五祖禪師名法演蜀人也初住四面山開堂日拈疏示衆云兵隨印轉將逐符行請對衆官分明剖露宣疏了指法座云此大寶華王

勿十

座從朝至暮與諸人同起同坐諸人還見麼若見更不在升若不見莫道今日謾你便升座拈香云此一瓣香先為

今上皇帝伏願常居鳳宸永鎮龍樓次拈香云此一瓣香奉為州縣官僚伏願乃忠乃孝惟清惟白永作生民父母長為外護紀

永樂北藏

古尊宿語錄

綱又拈香云此一瓣香得來久矣十有餘年海上雲遊討一箇冤雖未曾遭遇一到龍舒果遇其人方契憤憤之心今日對大衆雪屈須至焚却為我見住白雲端和尚從教靈天炙地一任穿過蔡州有鼻孔底辨取龍門和尚白槌云法進龍象衆當觀第一義師云若論第一義西天二十八祖唐土六祖立在下風一大藏教白雲萬里摩竭掩室毗耶杜口正在夢中千佛出世森語未了文殊普賢拗曲作直所以道設使言前薦得猶是滯殺迷封縱饒句下精通未免觸途狂見若也把定封疆說什麼法堂前草深一丈直得凡

第一九七冊

聖路絕鳥飛不度天下衲僧出氣處衆中豈  
 有不甘底麼出來相見時有僧問優曇花現  
 方便門開朝宰臨遊如何舉唱師云今日好  
 晴學云果日當空清風匝地師云省得我多  
 少問如何是人中境師云寶閣凌空金鐸響  
 匡松隈險野猿啼云如何是境中人師云  
 真直眼橫乃云更有問話者麼若無雙泉今  
 日向第二義門放一線道與諸人相見和泥  
 合水一上且要釋迦弥勒動地雨花文殊普  
 賢觀音勢至各踞一方助佛揚化皆務本事  
 器量堪任雙泉不免也入一分共說東家杓  
 柄長西家杓柄短任從春草青青奕光燦燦

秋樹葉零冬冰片薄何故如是且要諸人順  
 時保愛乃拈起拄杖云古人道拈起也天回  
 地轉放下也草偃風行四面即不然拈起也  
 七穿八穴放下也錦上鋪花且道還有為人  
 處也無良久云來年更有新條在惱乱春風  
 卒未休師在白雲投帖拈起示衆云大  
 衆只恁麼會得埋沒宗風過犯不小幸有見  
 成公案請維那對衆宣讀宣帖了授法衣提  
 起云既是大庾嶺頭提不起為什麼却在著  
 裏且道者裏底是那裏底是乃云勢錘自汲  
 清涼水却著袈裟作主人便拈指法座前云  
 象王回師子步儂家看著雙眉聚然雖如是

事到如斯難為辭讓但有路可上更高人也  
行便升座僧問禪非意想道絕功勳轉身一  
句作麼生道師云大眾見你學云也知和尚  
有此機鋒云獨出闍梨學云今日却成造次  
師云捧上不成龍問沙場久戰名遠今朝不  
涉功勳作麼生道師云長蛇猶自可偃月怎  
生當學云金鏃慣調曾百戰鐵鞭多力恨無  
雙師云知君不是金牙作爭解彎弓射尉遲  
學云眼親不如手親師云新長老敗關學云  
口是禍門師云乃云秋風颯颯玉露垂  
珠水碧山青蛩吟蟬噪圓通門大啓文殊普  
賢穿過汝諸人莫孔自是汝諸人當面諱却

復云諸佛不出世四十九年說未審說箇什  
麼少林有妙訣殃及子孫至今分疎不下更  
說什麼妙訣若人識祖佛當處便超越與未  
超越則且置你道祖佛即今在什麼處若無  
人道得山僧不惜眉毛與汝諸人拈出拍禪  
床一下  
勿十 上堂李古人道若有一人發真  
歸源十方虛空悉皆消殞雙泉則不然若有一  
人發真歸源十方虛空築著磴著  
到興化上堂僧問和尚未離四面時如何師  
云在屋裏坐學云離後如何師云走殺闍梨  
乃率法眼頌云山水君居好城隍我亦論靜  
聞鐘角響開對白雲屯大眾法眼雖不李雲

攪霧爭奈徧地清風四面今日試與法眼把手共行靜聞鐘角響且不是声閉對白雲也且不是色既非声色作麼生商量乃云洞裏無雲別有天桃花似錦柳如煙仙家不解論冬夏石爛松枯不記年 上堂云天上無彌勒地下無彌勒十字街頭立被人喚作賊便下座 歲旦上堂云元正啓祚萬物咸新揚尽大千沙界都未只在一塵乃展手云是新是舊有人出來道看着無四而且世諦流布去也遂叉手云孟春猶寒伏惟首座大眾泊諸知事尊體起居萬福 上堂僧問千峯寒色即不問雨滴蕊花事若何師云今

日也相似學云一句迦迤千聖外千山鎖斷萬重關師云一滴落在什麼處學云錯師云錯學云錯錯師便打 白衆出隊上堂云明日足馬單鋤為國出戰得勝回戈之日滿路歌謠大衆作麼生是歌謠一曲乃云囉囉哩囉囉哩還有人和得麼良久云鴛鴦繡了從君看莫把金針度與人 寒食夜小參僧問群迷久渴冒雨登山向上之機請師方便師云不免入山一回學云恁麼則步步踏實去也師云空手却回去學云若是那邊還的當也無云罕遇知音學云謝師證明師云知音底事作麼生僧劃一劃師云又鼓風吹



別調中學云往往隨他口頭走師云更是阿  
誰乃云李白推紅山青水綠雲橫洞口月皎  
長空若只向者裏薦得法眼道月明幽室寒  
星分拱辰異便須瓦解冰消韶國師道通玄  
峯頂不是人間心外無法滿目青山亦須百  
雜碎何也盡軋坤大地不消一捏然雖如是

第十

事無一向今夜且放過一著 上堂舉梁武  
帝問達磨如何是聖諦第一義磨云廓然無  
聖帝云對朕者誰磨云不識又僧問六祖黃  
梅意旨什麼人得祖云會佛法底人得僧云  
和尚還得麼祖云不得僧云和尚爲什麼不  
得祖云我不會佛法師云大小祖師問著

底便是不識不會爲什麼却見孫徧地乃云  
一人傳虛萬人傳實小叅僧問施主遠趨於  
丈室請師一句利於人師云教天下人成佛  
去學云悠悠塵內容不謾入山來師云中間  
猶有衆生在僧便喝師云且道是佛是衆生  
學云四面眼難謾師云你向什麼處見四面  
僧拂袖歸衆師云作家乃云滿口道得底却  
不知有知有底又道不得且道過在什麼處  
將成九徧之山莫惜一籃之土 上堂舉  
雲門垂語云古佛與露柱相交是第幾箇自  
代云南山起雲北山下雨師云大小雲門  
大師元來小膽四面道古佛與露柱相交是

第四機良久却云者箇說話面皮厚三寸出語成不遜好將臨濟禪一日打三頓什麼人下得手雖然罪過彌天新赦成赦 上堂

云於三七日中思惟如是事釋迦老子半夜逾城直往雪山早是漏逗不少更思惟箇什麼便下座 上堂舉藥山久不上堂主事

報云大眾久思和尚示誨山云打鼓著大眾方集山便歸方丈主事云和尚許為衆說法何故一言不措山云經有經師論有論師爭怪得老僧師云雖然以己妨人爭奈賊身已露諸人要識藥山麼閑持經卷倚松立笑問客從何處來 上堂舉僧問洞山如何是

善知識眼山云紙然無油師云洞山老漢不是無只是大儉忽有人問四面如何是善知識眼只向伊道瞎何故且要相稱乃云紙然無油也大奇不堪拈擲有誰知回身却憶來時路月下騰騰信脚歸 上堂舉教中道若謂如來有所說法即為謗佛只如一大藏

教甚麼得來若言無說五千四十八卷什麼慶消遣到者裏須是箇人始得還會麼其謗四面好 上堂舉僧問投子如何是十身調御投子下禪床立或有人問四面如何是十身調御老僧亦下禪床立為什麼却依樣畫貓兒持我計校成即說向你 上堂舉

樂山問石頭三乘十二分教某甲祖知承聞  
南方直指人心見性成佛其實未明乞師指  
示石頭云恁麼也不得不恁麼也不得恁麼  
不恁麼忽不得山僧在衆日聞兄弟商量道  
即心即佛亦不得不即心即佛亦不得若恁  
麼說話敢誦懽客何故殊不知石頭老人文  
武兼備略略雙全若是四面見處也要諸人  
共知只見波濤涌不見海龍宮 上堂云  
仲冬嚴寒伏惟首座大衆尊體起居萬福兩  
彩一賽便下座 上堂云有一則語舉似  
諸人第一不得錯舉便下座 上堂云昨  
宵年暮夜今朝是歲旦都大尋常日世人生

永樂北藏

古尊宿語錄

異見不辭遂根元只管尋枝蔓新舊只如今  
子細分明看若也更商量秦時鐸鏘鑿諸院  
長老入山師上堂云臨濟入門便喝是甚益  
鳴声德山入門便捧拗曲作直雲門三句曹  
洞五位大開眼了作夢何故如此國清才子  
貴家富小兒嬌 到龍門上堂云有舌胡  
利無口非啞七出八沒風流儒雅便下座  
到海會上堂云白雲山裏白雲人把定疆封  
無縫罅無縫罅知幾價莫有知價底麼乃云  
一二三四五 到興化上堂云世事冗如  
麻空門路轉賒青松林下客幾箇得歸家共  
唱胡笳曲分開五葉花幸逢諸道友同上白

第一九七册

牛車大衆車在者裏牛在什麼處芳草瘦頭  
 奪不見夜來依舊宿蘆花下座甘露資長老  
 把師住云舒州管界元來有箇草賊師云和  
 尚也須隄防資擬議師便拓開 上堂云  
 祖師道葉落歸根來時無口祖師恁麼道猶  
 欠悟在便下座 上堂云祖師說不著佛

眼看不見四面老婆心為君通一線便下座  
 上堂云春氣乍寒乍暖春雲或卷或舒引得  
 韶陽老子放出針眼裏魚乃云錯 謝主  
 事上堂僧問王索仙陀婆時如何師云七孔  
 八竅學云如何是王索仙陀婆師云鸞駕未  
 排齊孰令學云如何是仙陀婆師云眼瞶耳

熱僧禮拜師云點乃云文殊張帆普賢把棹  
 勢至觀音共相唱和贏得雙泉關中打坐打  
 坐即不無且道下水缸一曲作麼生唱囉邏  
 哩囉邏哩俗氣不除 上堂云今宵正月  
 半乳坤都一片普賢門大開相逢不相見乃  
 云過在阿誰 上堂云默默無上菩提

從此得賺殺人便下座 上堂舉鏡清問  
 玄沙學人乍入叢林乞師指箇入路沙云還  
 聞偃溪水敲麼清云聞沙云從者裏入師云  
 果是得入一任四方八面若也未然輒不得  
 離却者裏謝典座 上堂云小繩錢貫大繩  
 井索口急要用笨籬木杓雖然破家具應用

有處著著錯南北東西水洒不著 冬至上  
堂云少年天子此日拜郊林泉之士速望歌  
謠萬歲萬歲便下座 有一道姑入山禮拜  
請上堂云道可道非常道真可笑姮娥一夜  
繡鴛鴦解把金針呈巧妙將並老黃梅兒孫  
一何拙如今箇箇口吒呀問著烏龜喚作鼈  
四面今日與君決列怎生靈寃寡寃莫向  
背地裏吐舌 住太平錄 師入院日僧問  
遠別雙泉來臨禪殿入門一句碩師舉揚師  
云也待一一覩過學云恁麼則清涼山遠人  
休去只此焚香便見師師喝云話也不領學  
云今朝親見面端的勝聞名師云猶自喃喃

問如何是太平境師云教層寶塔侵天起萬  
本喬松匝地寒學云如何是境中人師云閑  
持經卷倚松立笑問客從何處來學云人境  
已蒙師指示向上宗乘事若何師云須信下  
方城郭近果然鐘磬接笙歌乃云我本無心  
有所希求今此寶藏自然而至世間之寶能  
變窮為富此之一寶能轉凡成聖且道如今  
是凡是聖太平道惣不是何故苦發連根苦  
甜瓜徹蒂甜 上堂云達磨無端少林而壁  
二相斷臂一生受屈黃檗樹頭討甚木蜜太  
平今日两眼如漆李廣神箭是誰中的  
上堂僧問如何是賓中賓師云少喜多與學

云如何是賓中主師云傳言送語學云如何是主中賓師云鍾馗小妹學云如何是主中主師云一言纒出口地上繡網開乃云近日太平院禪和多聚散象底老婆禪契底黏米飯知事失照額主人少方便雖然沒滋味要且緩緩嚙謝莊主上堂云一不做二不休不風流處也風流若要公私濟辦好看露地白牛上堂云西天二十八祖也恁麼道唐土六祖也恁麼道天下老和尚也恁麼道獨有太平不恁麼道何故寡不敵衆且道畢竟如何妙舞更須知徧拍三臺須是大家催上堂云上天下是地南北東西依舊位釋

迦老子弄精魂達磨西來多忌諱忽有箇漢出來道和尚低聲但向伊道祇要拋磚引玉上堂云山僧今日將山河大地盡作黃金尺該有情無情惣令成佛去然後太平不入者保社何故爭之不足讓之有餘上堂云太平不會禪一向外邊走臘月三十日贏得一張口且道那箇是太平口自云兩片皮也不識上堂舉寶壽作街坊時見兩人相諍一人以手打一拳云你恁無面目寶壽因而洋入若人於此知落處可謂公辦私辦大衆聽取一頌甚妙也甚妙於此知性命辨真與一拳當時便打正上堂舉教中道假使滿

世間皆如舍利弗盡思共度量亦復不能知  
尋常衲僧家高揖釋迦不拜弥勒是會佛智  
不會佛智衆中有則有只是藏牙伏爪太平  
有箇見處不惜眉毛舉向諸人待有人問隨  
口便答 上堂云數日已來連綿大水所到  
之處皆有損傷曹溪一滴淋漓人間衲僧一  
吸鼻孔勿十遼天且道名字既同為什麼損益有  
異誰知遠煙浪別有好思量 上堂云一葉  
落天下秋一塵起大地收收即不無何人親  
手月中仙桂和根拔海底驪龍把角牽  
上堂云撮土為金猶容易變金為土却還難  
轉凡成聖猶容易轉聖成凡却甚難何故誰

永樂北藏

古尊宿語錄

肯屈尊就卑且道不凡不聖一句作麼生道  
乃云不得教壞人家男女 上堂舉二祖見  
二祖禮拜問曰請師懺罪二祖云將罪未與  
汝懺三祖云求罪不可得二祖云與汝懺罪  
竟因成一頌舉似大眾無孔笛子攪拍板五  
音六律皆善徧時人不識黃幡綽笑道儂家  
登寶殿上堂云淺聞深悟深聞不悟爭奈何  
爭奈何獻佛不在香多 上堂云開眼為賣  
合眼為夜坐斷舌頭誰談般若金色頭陀不  
入保社 上堂舉風穴云若立一塵家國與  
咸野老頌盛不立一塵家國喪亡野老誦哥  
太平即不然若立一塵法堂前草深一丈不

第一九七册

立一塵錦上鋪花何也不見道九九八十一  
 窮漢受罪畢纔擬展脚眠蚊蟲猶發出  
 上堂因雪舉僧問雲門不起一念還有過也  
 無門云須彌山師云有時問著師僧或豎一  
 指或進一步或下一喝或拂袖便去上座未  
 在何故太平未曾向二三月間下一陣雪向  
 汝諸人在如今有箇漢出來道老和尚莫七  
 顛八倒見今下也不是乃展手云了 上堂  
 僧問蓮花未出水時如何師云在泥裏學云  
 出水後如何師云在水上問王子未登九五  
 時如何師云逢人多問路學云正登九五時  
 如何師云天下太平學云登九五後如何師

云誰論好醜乃云末後最慈悲儂家隨處新  
 大千沙界裏不免箇中人且道那箇是箇中  
 人平蕪盡處是青山行人更在青山外  
 上堂舉雲門道平地上死人無數出得荆棘  
 林者是好手時有僧云恁麼則堂中第一座  
 有長處雲門云蘇瓊蘇瓊太平即不然平地  
 上箇箇丈夫荆棘林裏坐得底是好手何故  
 乃云格 上堂云將四大海水為一枚硯須  
 彌山作一管筆有人向虛空裏寫祖師西來  
 意五字太平下座大展坐具禮拜為師若寫  
 不得佛法無靈驗有麼有麼便下座大眾散  
 師高声云侍者侍者應喏師云收取坐具復



問侍者云還收得坐具麼侍者提起坐具師云我早知你恁麼也 上堂云入荒田不揀信手拈來草不認大哥妻元來是嫂嫂鄭州出鵝梨青州出大棗無事巾單下箇箇從頭咬 上堂云有蓋曰鹹無蓋曰澹太平聞說口似匾擔便下座 上堂云神通妙用不欠絲毫通人分上何用切切泥多佛大水長船高 上堂云一月普現一切水一切水月一月攝誠哉是言也可謂塑不成畫不就昨夜三更白如晝謝典座上堂云變生作熟雖然易眾口調和轉見難鹹澹若知真箇味自然飢飽不相干 上堂拈起拄杖云昨夜三更

夢見拄杖子教我一片禪向我道和尚明日早起上堂舉似大眾昨日錦上鋪花今日脚踏實地但看今日明朝說甚祖師未意翻思黃面老人謾道靈山授記直饒大地山河借我鼻孔出氣不如放下身心自然仁義禮智為亡僧下火舉起火把云火風四大互相違背當此時節隨緣自在次日又為一僧舉起火把云昨日也恁麼今日也恁麼且道昨日是今日是說甚是不是你看是甚火色 上堂云今朝正月半與諸人相見嫩麥長新苗粒粒皆成麩薦不薦全藉春風扇 次住海會師入院開堂日宣疏了乃云疏牒一時

讀了若是具全剛眼睛底何必重說偈言譬  
按如是事無一向便外座拈香罷四面白槌  
云法筵龍象衆當觀第一義師云金鍬慣將  
平袒道鐵鞭多力恨無辭莫有不顧危亡底  
衲僧麼出來相見僧問白雲山下祖令當行  
如何是祖令師云一二三四五學云恁麼則  
昨日太平今朝海會師云高著眼僧問昔日  
為霖去今朝領衆未朝賢臨座下顛震一轂  
雷師云你還聞麼學云風送好雲歸碧洞水  
朝滄海助波濤師云知心有幾人學云寒山  
常撫掌拾得每慙慙師云將謂無人學云也  
不得歷良為賤師云且禮拜著乃云問話且

止夫第一義適來若於四面拋下薦得千聖  
不能近祖師言不到天下作者拱手歸降何  
也況第一義本來清淨不受諸塵如何說得  
同道方知今日放過一著向建化門中別作  
箇解話會是以紹先聖之遺蹤稱提祖令為  
後學之模範建立宗風若非常人曷能傳授  
乃云陳謝既畢不可空然有一頌舉似大眾  
日暖風和花正開七重山鎖白雲堆巖思城  
而繁華處又出松門步一回師在太平受帖  
拈起示衆云恁麼會去早是鈍漢何也若憑  
說五千四十八卷豈不是說若不憑說又如  
何辨白請維那分明拈出讀說了遂外座乃

曰祖令當行十方坐斷其中莫有不惜性命者麼出來與老僧相見時有僧出云日月見見好事難逢師云令人疑著問公牋已至師今受祖意西來願舉揚師云雲從龍風從虎學云人天既獲聞真諦更有尖新事也無師云有學云如何是尖新底事師云蹉過也不

第十

十一

知問白雲長老太平禪師於其中間未審如何辨的師云你試定當看學云莫是月無來去影現千江師云一任鑽龜打瓦遂云法不孤起仗境方生明鏡當臺好醜自現久叅上士言下知歸晚學初機當須子細是以古人道法無去來無動轉者輒成山頌舉似大衆

觸日光明處處新其中那箇辨疎親祇因技上千花秀一度芬芳一度春 上堂僧問如何是佛師云悉達多太子學云逾城時如何師云自有四天王在學云到雪山時如何師云蘆芽穿膝鵲巢頂上學云拿柰未是學人安身處師喝云禮拜了遲乃云天地為烘爐

烹煉強與弱大道本無元卷舒由橐籥凡聖路坦然各自看誅略 謝首座上堂云槌破蟠桃核得見其仁拈斷驪龍鬚得遇其寶雖然如是也未是好手黃帝失玄珠於赤水使智索之而不得使離朱索之而不得使契誼索之而不得乃使罔象直饒罔象得之亦未

是好手爭似今日與大眾同使一箇通事舍  
 人雖然如是也只得一半 上堂云永嘉道  
 取不得捨不得不可得中只麼得祖師道不  
 是心不是佛不是物大眾且道是箇什麼乃  
 云到江吳地盡隔岸越山多結夏上堂僧問  
 如何是白雲境師云七重山鎖潺湲水學云

初十

十三

如何是境中人師云来千去萬學云人境已  
 家師指示向上宗乘又若何師云面赤不如  
 語直乃云此夏居白雲禪人偶聚會三月九  
 旬中尊卑相倚賴粥飯與茶湯精麤隨忍耐  
 逐意習經書任運行三昧彼此出家兒放教  
 壯皮六 上堂云昨日有一則因緣擬舉似

大眾却為老僧忘事都大一時思量不出乃  
 沉吟多時云忘却也忘却也復云教中有一  
 道喜号聰明王有人念者忘即記得遂云噫  
 阿盧勒繼娑婆訶乃拍手大笑云記得也記  
 得也覓佛不見佛討祖不見祖甜瓜徹蒂甜  
 苦瓠連根苦下座解夏上堂云一塵起大地  
 收一葉落天下秋金風動處警砒畔之豈吟  
 玉露零時引林間之蟬噪遠煙別浦行行之  
 鷗鷺爭飛絕壁危巒處處之猿猴競嘯又見  
 漁人舉棹樵子謳歌數鼓菴笛牧童戲一片  
 征帆孤客夢可以發揮祖道建立宗風九旬  
 無虛弃之功百劫在今時之用如斯話會柘

子攢眉不見道一塵不立始歸家若有纖毫  
非眷屬 上堂僧問見來不來時如何師云  
各自守疆界進云見來却來時如何師云看  
築著你鼻孔學云謝師荅詰師云放乃云古  
人道如何是不動尊朝到西天暮歸唐土大  
眾莫是動而不動不動而動麼只者便是白  
雲見處 郡中回上堂云舡上無散工時時  
事不同昨朝城郭裏今日白雲中且道不動  
尊在什麼處自云氣以輔袋令人可愛 自  
出緣化回上堂云白雲海會院是水蕪柴炭  
唯少麻與麥眾人皆盡見親去化檀那踈却  
阿羅漢且望大慈悲一一看佛面大眾佛身

永樂北藏

古尊宿語錄

充滿於法界且作麼生看我道不隔一條線  
上堂云我有一柄帚掃盡雪山雪我有一  
張口臨事無可說我有一雙眼和盲悖詬瞎  
任意過平生烏龜喚作鼈處世學為人喫水  
須防噎仰山曾道底兩口一無舌四海五湖  
人當陽瞥不瞥 上堂舉靈雲悟桃花頌云  
三十年來尋劍客勿十幾經葉落又抽枝十葉自從一  
見排花後直至如今更不疑玄沙云諦當甚  
諦當敢保老兄未徹在師云說什麼諦當更  
參三十年始得 上堂僧問如何是佛師云  
獨木橋子學云如何趣向師云緊情草鞋乃  
云幸然可怜生剛地學參問既然參得了未

第一九七册

免肚裏悶悶即自家悶因即自家因祖佛生  
冤家好與槌一頓且道佛祖過在什麼處若  
人會得許你具一隻眼桐樹郭宅請升座云  
桐林郭評事家門幸食祿性靜好吾宗温良  
如美玉封疏請諸山管齋殖洪福二人長老  
共談玄正值陽和二月天渴鹿飲溪水作水  
野猿啼樹霧成煙黃梅路上多知己今日同  
乘般若船乘船即不無且道說個什麼事幸  
遇三春明媚因行不妨掉臂羅邏哩囉邏哩  
乃拍手大笑云是何曲調

古尊宿語錄卷第三十二

初十

古尊宿語錄卷第二十三

勿十一

黃梅東山五祖演和尚語中

上堂云二月春將半相呼同賞翫寒食近清明百花開爛熳或上白雲峯或遊赤水畔野外標墳人路傍酒醉漢半咲半悲啼真誠堪

勿十一

一

讚嘆人人謂我泄天機子細分明与批判看  
看五湖禪客莫輕訓記取今朝者公案  
上堂舉趙州問婆子什處去婆云偷趙州笋  
去州云或遇趙州又作麼生婆連打兩掌州  
便休去師云趙州休去不知衆中作麼生商  
量白雲也要露个消息貴要衆人共知婆子

永樂北藏

古尊宿語錄

雖行正令一生不了趙州被打兩掌咬斷牙  
關婆子可謂去路一身輕似葉趙州高名千  
古重如山 上堂云僧問雲門如何是一  
代時教門云對一說師云對一說卷盡五千  
四十八風花雪月任流傳金剛腦後添生鐵  
施主請上堂云道吾与漸源往山下弔懸源  
拈棺問曰生耶死耶吾云生也不道死也不  
道源云為什麼不道吾云不道不道回至中  
路源云和尚須与某甲道若不道即打和尚  
去也吾云打即任打道即不道源便打至院  
吾今潜去白雲今日忿氣不甘須要斷者公  
案道吾第一不解与身作主第二不能隨機

第一九七册

入俗當初待伊問道生耶死耶但向伊道等  
 歸院裏向你道當時若着得者語靈利漢一  
 踮躅着大小大道吾和尚也又免得一頓拳  
 頭有眼底子細看 解夏上堂云九旬三  
 箇月彈指瞥然間忙者直然忙閑者直然閑  
 事事無窮盡千古白雲山 上堂奉雲門

一日普請般柴次乃抛下一片柴云一大叢  
 教只說者箇師云大小雲門錯下註脚老僧  
 當時若見向伊道普請處不得狼籍若點檢  
 得出免你普請乃舉僧問首山如何是佛首  
 山云新婦騎驢阿家牽大衆莫問新婦阿家  
 免煩路上波吒遇飯即飯遇茶即茶同門出

入宿世冤家乃云會即事同一家不會萬別  
 千差一半喫泥喫土一半食麥食麻或即降  
 龍伏虎或即搥蜆撈蝦禾山唯解打鼓秘魔  
 一向攢者箇一場戲咲皆因微咲拈花白  
 雲隨隊骨董順風撒土撒沙若無者箇腸肚  
 如何衣錦還家且道還家一句作麼生道本  
 勿土

日榮華人不識十年前是一書生 上堂云  
 但知喫果子莫管樹曲录不識曲录樹爭解  
 喫果子不過祖師關爭會敵生死如何是祖  
 師關拈却大案山 上堂舉法眼道識得  
 橙子周而有餘雲門道識得橙子天地懸殊  
 師云這兩人一人過缸一人渡水若點檢得



出許你具正法眼 上堂云望天祈好雪  
 祥瑞寔難加鶴噪青松上變成白老鷄紫  
 牽出薄寒馬金鏗粧成銀鏗花昔昔苦箇什  
 麼忽然變成雨乃云昔日先師頌臨濟三預  
 棒云一拳拳倒黃鶴樓一踢踢翻鸚鵡洲有  
 意氣時添意氣不風流處也風流大衆若到白  
 雲門下須要衆人助拳 上堂舉起拳頭云  
 若喚作拳頭一似不曾行脚若不喚作拳頭  
 對面相謾除此之外也少一拳不得出隊婦  
 上堂云出隊半箇月眼不見鼻孔忘却祖師  
 揮拾得箇骨董且道向什麼處着一分奉釋  
 迦牟尼佛一分奉多寶佛塔 謝首座上堂

永樂北藏

古尊宿語錄

云弥勒看不見釋迦說不得恁麼尊貴生日  
 用無差忒得不得識不識三德六味味逾多  
 千古萬古為規則 上堂僧問如何是然  
 燈前師云令人疑著李云如何是正然燈師  
 云錯認定盤星李云如何是然燈後師云一  
 場儻儻乃云每月有箇十五無始劫來盡數  
 數到弥勒下生未免有甜有苦且道畢竟如  
 何南山白額大蟲元是西山猛虎 上堂  
 云日可冷月可熱衆魔不能壞真說大衆作  
 麼生是真說澄狼澄賴若信不及白雲為你  
 道一要衆人會二要龍神知乃拈起法衣云  
 者箇真紅色剛然道是緋 上堂云風和

第一九七册

日暖古佛家風柳綠桃紅祖師巴鼻眼親手  
 辦未是惺惺口辨舌端与道轉遠從門入者  
 不是家珍且道畢竟如何相見事不來還  
 憶君乃云四海五湖奇士圍遶無杖村夫只  
 解拖犁拽把水草無底鉢孟高懸羊頭賣狗  
 肉時中那辨精与鹿恁麼續佛壽命誠哉天  
 地懸殊誰有拔山之力橫身擔荷也無有麼  
 有麼有即家門富貴無那辜負老盧  
 上堂舉僧問巴陵鑿和尚相意教意是同是  
 別鑿云雞寒上樹鳴寒下水師云大小大巴  
 陵只道得一半白雲即不然掬水月在手弄  
 花香滿衣  
 上堂云春風別有巧工夫吹

綻百花品類殊唯有牡丹并芍藥時人一見  
 便歡娛且道衲僧分上成得什麼邊事拈來  
 喫罷歸何處透骨馨香付老盧  
 乃幸達  
 磨問二祖作什麼二祖云請師安心白雲當  
 時若見好与二十棒何故他人覩見將謂兩  
 箇說安心法畢竟如何菩薩龍王行兩潤透  
 身上上數重雲  
 上堂云昨日開闢關今  
 朝靜悄悄子規枝上啼蝦蟆鑽入草好個寒  
 食天辜負白雲老  
 為亡僧下火提起火  
 把云大眾三世諸佛向火焰裏轉大法輪聞  
 名不如見面今日智悟上座見面不如聞名  
 上堂舉龐居士問馬大師不与萬法為侶是

什麼人大師云待汝一口吸盡西江水即向汝道師云一口吸盡西江水洛陽牡丹新吐柔鞞土颺塵勿處尋擡頭撞着自家底結夏上堂云聖制已臨時當初夏幽邃之岩巖蒼翠畢鉢無老潺湲之溪谷清泠曾溪鬢髯稱衲子安居之地寔吾家禁足之方大故禪閑臣延侍侶扶立宗旨高建法幢上蒼君親下資含識莫不栴檀林中栴檀林師子王多師子眾師子眾共躋攀萬象森羅拍掌間大眾灰頭土面從他咲贏得白雲堆裏間上堂卓拄杖一下乃舉起云拄杖子敢問你還說得如來禪麼自云說不得還說得祖師

勿十一

四

禪麼自云說不得既說不得白雲今日出自己意去也出自己意小兒子戲人天眾前討甚巴鼻 邑中外座云白雲相送出山來湍眼紅塵撥不開莫謂塵中無好事一塵一刹一樓臺 上堂舉馬大師不安院主問云和尚近日尊位如何大師云日面佛月面佛師云會麼如不會白雲与你頌出野鬘女子畫娥眉鸞鏡甚前語似癡自說玉顏難比並却來架上着羅衣 炙菰會上堂云六月三伏天火雲布郊野松間臨水坐解帶同歡靜觀侶弄荷花賓朋傾玉笋紅塵事繁華碧洞何蒲洒重會在明年相期莫相捨白雲

曾有約願結青蓮社 上堂云先入白雲

門次過白雲浪吞底粟蒲禪喫底糝米飯君

子如到來好好看方便 上堂僧問如何

是道師云治平郡學云如何是道中人師云

赤心為王學云未審道与道中人相去多少

師云名傳天下乃舉僧問南泉如何是道泉

切上

五

云平常心是道又龐居士問馬大師不与萬

法為侶是什麼人大師云待你一口吸盡西

江水即向你道師云為復是同是別同則神

出鬼沒別則醉後添盃畢竟如何待你念得

熟向你道 上堂云釋迦弥勒猶是他奴

且道他是誰便下座 上堂云五千四十

八卷教理行果成見祖師門下商量須知一

貫一賤貴則珠玉難借賤則分文太遠有人

於此辨得白雲与你三十忽有個漢出來道

大丈夫賞罰分明不知是那箇三十良久云

三十年後 上堂云三處移場定是非頑

心不改在家時呼兄喚弟長如此且作限窟

老古錘 陳助教入山煎茶上堂云戎史

慧相扶堂堂大丈夫吹毛光燦爛佛祖不同

途 謝典座上堂云白雲嵌枯老漢要喫

無皮酸餡典座取巧安排一任眾人師吸良

久云羊羹雖美衆口難調 上堂舉僧問

馬大師維四句絕百非請師直指西來意大

師云我今日勞倦不能為汝說去問取智藏  
僧問智藏云我今日頭痛不能為你說去  
問取海兄僧問海兄海云我到者裏却不會  
僧却舉似大師大師云蒧頭白海頭黑師云  
馬大師無着慚惶處只道得箇蒧頭白海頭  
黑者僧持一檐矇矓換得箇不會若也眼似  
流星多少人失錢連罪 上堂云庭開金  
菊宿根生來鴈新聞一兩声昨夜七峯牽老  
與千思萬想到天明 冬日上堂云達磨  
西來事久多變後代兒孫門風無限攪擾身  
心一團麻線白雲今日都通截斷大衆一百  
單五近清明上元定是正月半 次日上

堂云一陽生後正嚴寒皎潔蟾蜍挂碧水  
鎖瀑泉声細碎風搖危木影辜拳狂猿抱子  
蒧深洞鷹鶴將鴉逐老仙莫謂可師徒立雪  
方知古德用心堅上堂舉德山問龍潭又響  
龍潭及乎到來潭又不見龍又不現潭云子  
親到龍潭師云龍潭老人可謂騎賊馬趕賊  
便下座送諸郡化主上堂云荷衆諸禪泥才  
能足揆劃逢人定有錢見面寧無麥已是吾  
家兒久為物外客溫柔一手撻剛硬雙拳搦  
牙亦一時全勝南山白額 上堂云一代  
時教五千四十八卷空有頓漸豈不是有永  
壽道亦無人亦無佛大千沙界海中濕一切

聖賢如電掃豈不是無大聚若道是有遠他  
 永嘉若道是無又遠釋迦老子作麼生商量  
 得恰好若知落處朝見釋迦暮參鉢勒若也  
 未明白雲為你點破道無不是無道有不是  
 有東望西耶尼而南看北斗 上堂云白  
 雲門前路往復行大步中間有一片方塊你  
 諸人為什麼却蹋不著 王提刑入山上堂  
 云祖師門下如箭中的手解眼覩無得無失  
 僧問朝蓋臨進清風巾座學人上求請師決  
 破師云殘臘一雨即漸迎春學云天垂寶蓋  
 地布金蓮去也師云未為多在學云多底事  
 作麼生師云人天衆前不欲造次學云覺海

波瀾增浩渺釋天日月轉光輝師云也不消  
 得乃舉阿難問迦葉世尊傳金襴外別傳何  
 物迦葉召阿難阿難應喏迦葉云倒却門前  
 刹竿著又永嘉道建法幢立宗旨明明佛勅  
 曹溪是師云迦葉教倒却刹竿永嘉又教立  
 宗旨且道倒底是立底是到者裏須是具擇  
 法眼始得畢竟如何倒也七縱八橫立也二  
 三成六七峯閣上共談玄一句一言清耳目  
 歸新僧堂上堂云十月今朝初一新構雲堂  
 已畢聖衆已得安居雅麗全勝舊日於中受  
 用之時凡百互相愛惜願存古佛家風三有  
 四恩獲益慶懺別有上聞具位題名立石敢

勿十一

七

勸遠近諸檀越記取摩訶般若波羅蜜忽有  
箇出來道長老不妨好文章乃云咄白雲口  
裏道誰敢道不好 提刑入寺上堂云兵  
隨印轉將逐符行大權菩薩覆護衆生相願  
者善言誘諭凶頑者枷棒縱橫中間有箇沒  
量 大漢金鎖玄關留不住聖凡位裏莫能收

若奈何不得佛法無靈驗白雲有箇消息試  
說看古人云無邊刹境自他不隔於毫端十  
世古今始終不離於當念納須彌於芥中擲  
大千於方外變大地爲黃金攪長河爲酥酪  
到者裏合作麼生國土動搖迎勢至寶花爛  
滿送觀音 端午上堂舉昔有秀才造無鬼

論論就纔放筆有鬼現身斫手謂秀才云你  
手奈我何白雲當時若見便以手作鵝鳩嘴  
向伊道谷谷呱 上堂舉肅宗帝問忠國  
師百年後所須何物國師云與老僧造箇無  
縫塔帝曰請師塔樣國師良久云會麼帝曰  
不會國師云吾有弟子耽源却諳此事請詔

問之師云衆中盡道國師良久殊不知懸鼓  
待槌當時肅宗若是作家君王待伊道教詔  
耽源但向道國師國師何必肅宗後詔耽源  
源呈頌湘之南潭之北中有黃金克一國無  
影樹下合同舡瑠璃殿上無知識師代肅宗  
云閑言語雪竇頌道無縫塔見還難澄潭不

許蒼龍盤層落落影團團千古萬古與人看  
師云雪竇可使千古傳名老僧祇愛他道澄  
潭不許蒼龍盤首尾一時貫串祇如前來一  
絡索拈放一邊且道畢竟如何乃云姪女已  
歸霄漢去鼓郎猶自守空房 上堂舉僧  
問雲門如何是超佛越祖之談門云糊餅白

勿一

雲卽不然忽有人問如何是超佛越祖之談  
只向伊道驢屎似馬糞又云破草鞋又云靈  
龜曳尾且道是同是別試辨看 上堂僧問  
如何是極則事師云何須特地乃舉僧請益  
瑯琊清淨本然云何忽生山河大地瑯琊云  
清淨本然云何忽生山河大地其僧有省師

云金屑雖貴落眼成翳 上堂云祖師遺  
下一隻履千古萬古播人耳空自肩擔跣足  
行何曾踏著自家底 上堂云行者不報來  
打鼓曲录木頭上不免將錯就錯叅  
上堂云子丑寅卯辰巳午未申酉戌亥終而  
復始有狀有愛畢竟如何但管熟念

上堂云遍周沙界幾曾移步深山白雲是何  
報土若是真道人家日洗鉢盂兩度  
新鞞法鼓上堂云多載頑皮擊不響新皮纒  
動震天雷無滯莫言隨勢去有聲誰謂不平  
來何也雙眼聽不聞雙耳覷不見一條平坦  
路是誰沒方便 上堂云本末須歸宗尊



平用其語利劔擲虛空大棒打老鼠

上堂舉世尊滅後諸聖弟子於畢鉢岩中結

集法藏阿難既陞座形儀與佛無殊大衆遂

生三疑一疑阿難成佛二疑佛再現身三疑

他方佛化阿難唱云如是我聞衆疑皆息當

時若有個漢出衆云大衆依而行之各自散

勿上

九

去免見滿藏琅函攬人腸肚然雖如是猶未

剿絕在何也阿難道如是我聞白雲也道如

是我聞若道當時是重古輕今若道即今是

重今輕古要會麼優曇花不開跡絕無香氣

上堂云六祖能大師是個大癡漢後代兒孫

多展轉生惑亂子細好思量白雲不着便

永樂北藏

古尊宿語錄

乃舉雲門道聞聲悟道見色明心觀世音菩

薩持錢買糊餅放下手元來却是饅頭雲門

好則甚好奇則甚奇要且只說得老婆禪若

是白雲即不然作麼生是聞聲悟道見色明

心遂作打杖鼓勢云棚八囉扎 上堂云

四五百石麥二三千石稻好個休糧藥者甚

不得妙 上堂舉龍牙云天下名山到目

脚年深辛苦與襪著而今老大不能行手裏

把柄破木杓白雲即不然脚也不能著草鞋

手亦不能把木杓端坐受供養施主常安樂

上堂云達磨西來事今人謾揣量天河爭起

浪月挂不聞香何也見成公案安樂院主修

齋上堂云昨夜得一夢夢見臻公在天宮與帝釋對坐臻問帝釋曰天上有五衰相是否釋云此是佛之所說豈可妄言於是帝釋却問臻云我聞閻浮提有不持戒者是否臻云此是佛之所說豈可妄言良久臻云天官雖樂不是久居遂下十八重地獄乃見閻王居正殿與地藏菩薩耳語臻便出門首見一青衣童鞠躬云東海龍王請伴諸羅漢齋臻遂往赴齋迴得數顆如意珠一時分付諸門人白雲被珠光一爍忽然夢覺以至今朝諸法乳為臻公設齋請白雲陞座大眾且道昨夜夢題適未說底是衆中盡是久叅先德禪道

之精若人辨得試出來露箇消息看有麼有麼若無白雲又有箇古話釋迦老子在跋提河側般涅槃了迦葉始至遶金棺而哭於是世尊為現雙趺大眾且道般涅槃時是現雙跌時是乃云止止不須說我法妙難思諸增上慢者聞必不敬信 小叅云達磨西來不立文字直指人心見性成佛忽有箇出來道長老尋常室中愛問人如何是你心某甲即不會却問長老如何是和尚心老僧即向他道却來者裏拚虎鬚什麼心造次說向你他若又問栢樹子話長老作麼生會向伊道我有個方便有甚方便却須先問取首座又問

第十一

十

德山入門便捧作麼生會我聞便由較臨際  
入門便喝作麼生會是什麼破草鞋直饒一  
時透過也是七九六十八 中秋上堂云中  
秋月中秋月古今盡謂尋常別別不別皎皎  
清光遍大千任從天下紘紘說 學云也是  
慣得其便師云許多時茶飯元來也有人知  
滋味乃云祖師心印好消息處無消息無消  
息古篆分明拈起也大千岷嶴放下也凡聖  
同源有時印却諸人面門自是諸人甘伏不  
肯承當帶累白雲受屈且道過在什麼處  
上堂拈起拄杖子者個拄杖子不從天台南  
岳得亦不在此土西天且道生在什麼處若

永樂北藏

古尊宿語錄

也知生處同得受用若也不知遂靠却下座  
上堂舉妙湛揔持不動尊首楞嚴王世希有  
銷我億劫顛倒想不歷僧祇獲法身大衆若  
作禪會則謗經若作經會則謗禪若作一團  
則儻侗有人跳得咄銷萬兩黃金若跳不出  
有處着你在 上堂云但知月圓月缺誰知  
勿上月缺月圓忙忙乘舡過水不知過水乘舡百  
年三萬六千日等閑老却朱顏各自照鏡看  
是什麼面孔 上堂舉僧問洞山如何是善  
知識眼山云紙撚無油若問白雲對道無油  
不點燈雖然如是也較洞山三千里祇是其  
間有個好處有甚好處諸人黑地裏撞着露

第一九七册

柱悟去也不定歲朝上堂云威音王已前也  
恁麼威音王已後也恁麼三世諸佛也恁麼  
西天四七唐土二三也恁麼前年去年也恁  
麼明年後年更後年後年也恁麼忽有個  
出來道和尚和尚和尚自云若不被他喚住  
便一百年也只恁麼復云元正啓祚萬物咸  
新去年乞火和煙得今日擔泉帶月歸巖運  
推移日南長至當軒有直道無人肯駐脚孟  
春猶寒伏惟首座大眾起居萬福蘇武牧羊  
海畔累日忻然李陵望漢臺邊終朝哭發落  
在甚處人義只從貧處斷世情偏向富門多  
上堂僧問如何是本分事師云結舌無言乃

云每日起來拄却臨際棒吹雲門曲應趙州  
拍擔仰山歛馱瀉山牛耕白雲田七八年來  
漸成家活更告諸公每人出一隻手共相扶  
助唱歸田樂鹿羹淡飯且恁麼過何也但願  
今年蚕麥熟羅羅羅兒與一文上堂舉南泉  
云文殊普賢昨夜三更起佛見法見各與二  
十棒貶向二鐵圍山白雲則具大慈悲遂拍  
手云鼻殊室利普賢大士不審不審今後更  
敢也無自云一度被地傷怕見斷井索  
上堂云二十五年坐這曲木頭上舉古舉  
今則不無祇是未曾道着第一句眾中莫有  
具大慈悲者試出來道看也要眾人共知燕

乃平生行脚有麼有麼莫道無忽有個出來  
 却問如何是第一句白雲不免向他道放慈  
 作麼上堂云是法不可示言詞相寂滅這  
 兩句猶較些子忽遇羚羊掛角時如何直上  
 拍云天天久立乃云今日上元之節處處  
 燈光皎潔不知天意如何瑞雪翻為普雪貧  
 窮變作<sup>十一</sup>殭蚕鳥龜凍成白鱉唯有四海禪流  
 個個眼中添屑何故不說不說下座請化  
 主上堂云造化之功祖宗門下作天地發生  
 之氣春夏秋冬決含靈顛倒之心常樂我淨  
 若據衲僧用處又且不然變大地為黃金攪  
 長河為酥酪猶未稱白雲在忽有箇漢出來

道似恁說話只是個貪心不足漢自云道著  
 叅上堂舉達磨大師云誰得吾正宗出來  
 與汝證明尼搵持云據某見處如慶喜見阿  
 闍佛國一見更不再見達磨云汝得吾皮道  
 育云據某見處寔無一法當情磨云汝得吾  
 肉二祖禮三拜依位而立磨云汝得吾髓師  
 云當時若見他三人恁麼道各人好與三十  
 棒只如白雲今日也合契二十九棒留一棒  
 與汝諸人其間若有知痛痒者不辜負先聖  
 亦乃得見白雲其或未知堂裏契粥契飯更  
 須爛嚼多見是渾圈吞却上堂舉釋迦如  
 來往忉利天為母說法優填王思佛命匠人

雕梅檀像及至世尊下來像亦出迎諸人且  
 道下來底是出迎底是又教中道如來者無  
 所從來亦無所去莫是法身無來去化身有  
 來去麼若人於此見得日消萬兩黃金其或  
 未然草鞋錢教什麼人還 上堂云說禪被  
 禪纏不說却成現若真個不說真個好方便

初十

十三

如馬前相撲似霹靂閃電會即大富貴不  
 空對面 因齋上堂云不寒不暖喜春遊士  
 女傾心結預修自覺一生如幻夢始知百歲  
 類浮漚子規啼處真消息芍藥開時野興幽  
 此個門風誰會得寺開白却少年頭 上堂  
 云前迴底今日使不着今日底後次使不着

使不着說不着重遭撲自古至如今誰錯誰  
 不錯忽有個出來道白雲不是今日錯也自  
 云錯錯下座 師一日持錫遶方丈行問僧  
 還有屬牛人問命麼無對遂云孫臏今日開  
 鋪並無一人垂顧可惜三尺龍鬚喚作尋常  
 破布 上堂云有一則奇特因緣舉似諸人  
 款說又被說礙不說又被不說礙款舉山河  
 大地又被山河大地碍從教頭上且安頭直  
 金不博輪丈夫意如此快樂百無憂 上堂  
 舉僧問曹山佛未出世時如何山云曹山不  
 如出世後如何山云不如曹山師云若以世  
 諦觀之曹山合喫二十棒若以祖道觀之白

雲合突二十棒然雖如是棒頭有眼兩人中  
一人全肯一人全不肯若人點檢得出許你  
具半隻眼 上堂云釋迦已滅彌勒未生森  
羅萬象推向一邊且作麼生是你諸人常住  
法身乃云有功無功莫使腹空 請供頭陀  
造上堂云白雲今日權將大宋世界作一面  
碁盤先將東嶽太山南嶽衡山西嶽華山北  
嶽恒山中嶽嵩山定却五方次將五臺峨嵋  
支提羅浮以為相助左畔則斜飛鴈陣右邊  
則虎口雙關遂舉手云且道這一着落在什  
麼處若知落處便為敵手若也未然白雲試  
通個消息十九條平地事功勢未休莫教一

着錯敗子卒難收 正旦上堂元正啟祚西  
天此土萬物咸新獬豸麒麟應時納祐誠言  
不謬孟春猶寒種種多般伏惟首座大眾普  
天齊用洎諸知事懷才抱義并諸化主如龍  
似虎尊體起居萬福直是如金如玉歲歲三  
百六十管取粥足飯足 因齋上堂云二月  
甲春物象鮮盡塵沙界一般天養毒雨洗去  
冬雪野火風飄昨夜煙危嶺乍聞猿嘯日長  
江時見客乘舡人生幾度逢斯景好是誠心  
種福田 端午上堂僧問今朝五月五推羅  
菡芸鼓雖是無事人亦請燒一炷師云急急  
如律令進云也待小鬼做箇伎倆師云鍾馗

赫你乃云今日端午節白雲有一道神符也  
 有些小靈驗不敢隱藏舉似諸人一要今上  
 皇帝太皇太后聖躬萬歲二要合朝卿相文  
 武百官州縣家寮常居祿位三要萬民樂業  
 兩順風調有個符使却來報白雲道諸慶盡  
 去徧只為神通小不奈一件事何遂問他是  
 甚事使云禪和子鼻孔遶天白雲向伊說莫  
 道你我尚不奈何然雖如是澤廣歲山理能  
 伏豹畢竟如何一抽三二添四黃牛角向天  
 八脚垂過鼻急急下座上堂舉尼問趙州  
 如何是蜜蜜意州於尼腕上掐一指尼云和  
 尚猶有這個在州云你箇有這個在師云此

尼若是個人但向他道也放和尚不得乃云  
 日用事無別憑君為甄別若於言上會知君  
 打不徹不於言上會心頭似火熱先過趙州  
 關剪斷白雲古不負先聖恩歸堂且懋歇  
 上堂云若要天下橫行見老和尚打鼓升堂  
 七十三八十四拈拄杖驀口便築然雖如是  
 拈却門前上馬臺剪斷五色索方始得安樂  
 小參僧問德山不荅話千古把斷要津白雲  
 今夜小參未審如何施設師云我不可承嗣  
 端和尚不得也學云作家宗師天然有在師  
 云是何言歟進云只者個又為甚人施設師  
 云你還信得及麼進云放某甲於座生信師



云你是會來問不會來問進云某甲却是不  
會來問師云昨日也恁答一僧來進云今日  
為甚却干戈相待師云只為買賣不當價進  
云壓良為賤則得爭奈有諸方在師云大眾  
看取者一負禪客進云放過一著師云噀  
上堂云平生百了千當底正好喫棒且道遇  
在什麼處打你百了千當 上堂云去聖時  
遙人多懈怠逆則生嗔順則生愛且道作麼  
生是不瞋不愛東海剪刀西番皮袋  
上堂僧問承師有言山前一片闊田地我如  
威音王已前未審什麼人為主師云開取寫  
契書人學云和尚為甚倩人來答師云秘為

你教別人問學云與和尚平出去也師云大  
遠在乃云五日莫覩其容二聽絕聞其響有  
功者爵無功者賞拈須弥山秤來二兩忽有  
個道一方知識為什麼大秤秤人物事白云  
官不容針私通車馬 謝街坊上堂云街坊  
昨日將一把沙到方丈前一見老僧劈面便  
撒賴遇老僧先見衫袖一遮並不妨事今朝  
舉似大眾不敢隱蔽何故賞伊膽大下得者  
個手脚恁有人問白雲為什麼只恁休去不  
見道老不以筋力為能然雖如是賓主歷然  
上堂僧問如何是佛師云許多時向什麼處  
去來乃云達磨未來時冬寒夏熱達磨來後

夜暗晝明諸人若下得一轉平日語突照聞  
賊突醋聞酸若道不得迦葉門前底

上堂云若論此事如人博戲相似忽然贏得  
身心歡喜家業昌盛霞陰兒孫不覺輸他自  
然迷悶然雖有輸有贏此事還在白雲今日  
有條攀條無條攀例不見陸亘大夫與南泉

看雙陸次大夫撮起骰子問南泉云恁麼不  
恁麼便恁麼十一信彩去時如何南泉云鼻骨頭

十八大衆此去縣城不遠外人聞得便來捉  
賭時又且如何乃云白雲自有道理記得龍  
牙道學道先須有悟由還如曾關快龍舟雖  
然舊開開田地一度贏來方始休 上堂云

目捷連雙足越坑大迦葉聆筆起舞昇陵之  
訶罵河神迦留陀夷埋身糞壤此事教中一

一有出處捲道是習氣祇如祖師門下達磨  
九年面壁秘魔擎杖木山打鼓石鞮彎弓雪  
峯輟毬國師水椀歸宗拽石德山入門便棒  
臨濟入門便喝無業繞有人問便道莫妄想

且道是個什麼衆中還有久叅先德天下橫  
行具頂門上眼底衲僧麼出來為白雲證據  
也要暢快平生有麼有麼若無三十年後此  
話大行且道畢竟如何未夏火雲歸碧洞清  
秋危露滴金盃 先師忌辰上堂云去年正  
當恁麼時多前年三件事今年三當恁麼時

多去年七件事這十件事數不過者甚多何  
也去却七三存一事是去年說是今日急如  
箭黑似漆無言童子口吧吧無足仙人醉胃  
邏乃云交下座 與能表白起喪云本是你  
送我今朝我送你生死是尋常推倒又扶起  
至墳所復謂衆云今朝正當三月八送殯之

勿十一

十七

人且聽說君看陌上桃花紅盡是離人眼中  
血 上堂云仲春漸暖牡丹生郊紫鷲攢身  
黃鸝開眼共賞芳春三盃兩盃瘴有白雲一  
生擔板 偈頌 投機  
山前一片閑田地叉手叮嚀問祖翁幾度賣  
來還自買為憐松竹引清風 題東穎西湖

永樂北藏

古尊宿語錄

簡太守李秋監 脩竹喬松積翠陰綠楊紅  
棠徧園林到頭須讓西湖水淡靜還如君子  
心 悼浮渡圓鑑禪師 浮渡岩前青瘦栢  
叢林聳出標風格夜來寒影落西窗誰唱胡  
笳十八拍 聞角 幽幽寒角發孤城十里  
山頭漸杳冥一種是聲無限意有堪聽有不

堪聽 嘉隱堂 一松一竹一溪雲時有清  
風伴月輪窻外泉聲長似雨迥然居者不知  
春 賦祖花次李提刑韻 此花迥與人間  
別結果開花當處生要會祖師端的言未萌  
天地已先成 悼投子青禪師 寂住峯頭  
雲灑落曹溪水高張浮渡帆直入大江裏運

第一九七册

永樂北藏

古尊宿語錄

第一九七册

載既緣終昨夜狂風起丫角女子戴瓊花八十翁翁穿繡履 次韻訓斬倅李朝奉諦當之言不在多文殊不二問維摩趙州眼燦四天下賴有同叅凌行婆 寄高臺本禪師法兄春山望極幾千重獨凭危欄誰與同夜靜子規知我意一聲聲在翠微中 寄太平監長老 白雲岩上月太平松下影深夜秋風生都成一片境 次韻訓甘露顯長老 本自居山不厭山水聲山色異人間知音若會儂家意任是危層亦共攀 送仁禪者 秋雲秋水兩依依塞鴈聲聲度翠微多向洞庭青草岸楚天空闊不知歸次韻訓高臺師兄每

覽嘉隱篇清風益可愛有時說向人時人都不會回首望衡岳岳山千里外獨步立斜陽颺颺聞秋籟徘徊兩澗齊瀉碧垂雙帶長沙波浪深湍流轉霧霏 訓石秀才 昨夜西風激怒濤驚翻舊事沒絲毫凭欄笑罷思量看望斷長天月色高 送朱大卿 但得心閑到處閑莫拘城市與溪山是非名利渾如夢正眼觀時一瞬間 病起 病來又病皮黏骨抖擻起來無一物行不成步語声低鼻孔依前空突兀 寄李元中 寄盡千張紙徒煩心手勞人情如太華爭似道情高 山居 牀是柴棚席是茅枕頭葛屨半中凹霜

永樂北藏

古尊宿語錄

第一九七册

天索冥人投宿睡到平明手脚交 東穎途  
 中 一宿成家步孤雲萬里游吾門隨處靜  
 世路幾時休舉首問明月憑心寄斗牛歸期  
 何太晚猶尚往他州 擬雲送信禪者作丐  
 春晴觸石歇高飛皖伯堊前度翠微本自無  
 心為雨露何曾有意泄天機風雷倚勢聲先  
 遠草木乘陰色澤肥莫謂功成空聚散岩房  
 潛約幾時歸 寄諸郡丐者 坐一須走七  
 古聖留蹤跡此土與西天個個明格尺點鐵  
 化為金喝石變成壁大力那羅延是誰親中  
 的 遷住白雲入院後示二三執事 登山  
 須拄杖渡水要行船有客開顏笑無愁展脚

眠萬般存此道一味信前緣試比紅塵裏清  
 虛直幾錢 寄舊 三首 木落高秋玉露再窻  
 前黃菊漸離披白雲片片迎新鴈不是知音  
 說向誰 寄書未到他先望傳語不來我未  
 知度日林泉無世慮歛眉偷看白猿兒 梅  
 花欲謝不謝桃花欲開不開思君共聽猿啼  
 加土  
 慶一片白雲天外來 送化主 三首 岩縫迹  
 開雲片片半籠幽石半後龍為霖普潤焦枯  
 後却入煙蘿第一重 莫論人情與道情大  
 都物理自分明皖公山下長流水今古滔滔  
 徹底清 庭無立雪人路有塵埃客傾盡此  
 持心松間贈行色 示學徒 四首 學道之人

得者稀是非長短幾時虧若憑言語論高下  
 恰似從前未悟時 空門有路人皆到到者  
 方知滋味長心地不生閑草木自然身放白  
 毫光 一片秋光對草堂籬邊金菊預聞香  
 蟬聲未息涼風起勝似狂人歸故鄉 終日  
 談玄第一宗枯河道裏覓魚踪直饒祖佛無  
 階級須向奇人捧下通 送已德二禪者之  
 長安綠幹 二人同心其義斷金古今有此  
 吾道堪任山之厚重海之淵深白雲留不住  
 袒佛莫能禁極目少林峭峙傍觀華岳峯峯  
 分得維摩按指法且彈一曲訪知音 山中  
 四威儀 山中行携藍採蕨稱幽情牧童唱

罷胡家曲子規枝上一聲聲 山中住萬疊  
 千重誰伴侶縱使知音特地來雲深必定無  
 尋處 山中坐月夜霜天寒鷹過妒灰撥盡  
 未成眠報曉靈禽清耳朵 上中卧一片清  
 光高鑑我但得身心到處閑多年布衲從教  
 破 次韻訓吳都曹 山家旨趣最幽微路  
 轉峯回到者稀一鉢黃菁消永日滿頭白髮  
 已玄機逸巖瀑布窓前落哭月狂猿嶺上飛  
 自得平生觀不足那知浮世是蕉非 自述  
 真贊二首以相取相都成幻妄以真求真轉  
 見不親見成公案無事不辦百年三萬六千  
 日翻覆元來是這漢 我真我贊唯已自知

面面相覷有甚了期

古尊宿語錄卷第二十三

末

勿十一

永樂北藏

古尊宿語錄

第一九七册

永樂北藏

古尊宿語錄

第一九七册



古尊宿語卷第二十四

勿十二

黃梅東山五祖演和尚語下

師在海會受請拈香示眾云八十翁翁毘繡

毳遂付維那宣疏畢陸座云三處住持只這

滋味這回冤家難為回避白蓮峯鼻孔海會

山出氣勿十二當晚小叅云一則三三則七牧

羊隄畔女貞荅拒馬河邊望夫石石擊尺赤

土盡撥箕從教眼搭癡復云淮甸三十載

今作老黃梅好是明明說從教鴨聽雷

入院祖師塔燒香以手指云當時與麼全身

去今日重來記得無復云以何為驗以此為

驗逐禮拜開堂黃梅宰公度疏師拈起

示眾云見麼差珍異宝盡在其中若也不見

請表白對眾拈出宣疏畢乃云便與麼散去

早是多事了也若也不信遂指法座云少間

向上頭撒沙撒土去也便升座拈香祝

聖罷復拈香云此一炷香在舒郡二十七年

三處住院諸人慾知遂欲燒次復云不得也

須說破某十五年行脚初叅迂和尚得其毛

次於四海叅見尊宿得其皮又到浮山園鑒

老處得其骨後在白雲端和尚處得其髓方

敢承受與人為師今日焚向炉中從教薰天

炙地有耳聾者辨取四祖和尚白槌云法筵

龍象眾當觀第一義 師云當觀第一義  
 空劍霜鋒利掣電隔三千眾勝無倫譬眼辯  
 手能親出來相比試 僧問旧店新開列宝  
 珍一回拈著一回新師今已據盧能位端的  
 如何拂鏡塵師云朝到西天暮歸唐土進云  
 已得軒轅辨端的靈光從此照恒沙師云家  
 初一向作麼生進云不辭山路遠踏雪也須  
 過師云你猶醉在問靈山一會迦茶親聞未  
 審今日一會什麼人得聞師云與灵山無異  
 進云古之今之尽是知音師云知音一句又  
 作麼生進云點頭不吐舌師云無人孟浪過  
 你進云忽遇擎雲履霧來時又作麼生師云

老僧打退鼓 師乃云適來四祖師林白槌  
 云當觀第一義只如第一義且作麼生觀要  
 會麼三世諸佛若無第一義將什麼化度有  
 情西天四七唐土二三乃至天下老和尚若  
 無第一義將什麼建立宗風只如當今聖帝  
 若無第一義將什麼統御天下知郡學士知  
 縣宣德合座尊官若無第一義將什麼為民  
 父母乃至在會施主若無第一義將什麼崇  
 敬三寶然雖如是也須各自悟始得  
 上堂舉古入道夫為善知識須是驅耕夫之  
 牛奪飢人之食驅耕夫之牛令他苗稼滋盛  
 奪飢人之食令他永絕飢虛眾中聞舉者多

是如風過耳相侶既驅其牛為什麼却得苗  
稼滋盛既奪其食目什麼永絕飢虛到者裡  
須是有驅耕夫之牛奪飢人之食底脚手便  
與糝一撥逼一逼趕教走到結角處便好向  
伊道福不重受禍不算行 上堂云二月  
春中漸暖哈歌頻打拍板烏雞走入鵝群鴨

兒凍得背匾水上或浮或沉何時解成珣璣  
子細好好思量天地去此不遠復云頻婆娑  
羅王 上堂今朝二月初五行者先來打  
鼓長老肚裏忙然思量說佛說祖大地雪深  
三尺禽獸喫泥喫土今年必定豐熟自然五  
風十雨者裡有個好處且道有什麼好處遠

作雷聲云是什麼復云雷乃發聲

上堂

云夫為禪客如出塞將軍你將得雲門半片  
餬餅來我便與半個須彌山若不如是烏敢  
稱禪客 上堂云夫為出家之人須有出家  
之見具擇法眼方為出家如何是擇法眼破  
燈盞畢竟如何擔板擔板 結夏日上堂

勿十二

三

云益夏漸熱伏惟首座大眾尊候萬福却侶  
夾竹桃花錦上鋪茶榻地花莫眼花每年事  
例不用張查下座人事巡寮喫茶 上堂  
舉永嘉道亦無人亦無佛大千沙界海中漚  
一切聖賢如電拂大眾這裡若不具金剛眼  
睛便見獨體獨野如何即是劍閣路雖險夜

行人更多 上堂云立雪斷臂指喻後人  
 人能弘道非道弘人這箇是什麼語江城子  
 上堂云時人住處我不住時人行處我  
 不行畢竟作麼生牛角長三寸兔角長八尺  
 四溟東海派般若波羅密 上堂云門外  
 有大路不有開口臘月三十日胡乱外邊  
 走好大哥 上堂云無法可說是名說法  
 夜月巖凝霜天凜冽池裡烏龜凍得成龜更  
 說兩句舌頭成鐵 聖節上堂云十二月  
 初八日今上皇帝降誕之辰不得說別事乃  
 高聲云皇帝萬歲皇帝萬歲 上堂云無  
 邊身菩薩拈竹杖量世尊頂丈六了又丈六

量到梵天不見世尊頂相乃擲下竹杖合掌  
 說偈云虛空無有邊佛功德亦然若有能量  
 者窮劫不可盡大衆無邊身菩薩說偈且止  
 諸人還解自量也無若教老僧自量直是無  
 下手處不見古人道斗充佛座功德難量餓  
 子燒香熱雲變疑何故如是別是一家春  
 上堂云一年只餘此月天道未嘗降雪奉告  
 三界龍神各自迺相報說普天普地鋪銀且  
 要應時應節更望大衆慈悲為念普賢菩薩  
 畢竟作麼生摩訶薩 郭朝奉 拜正請上  
 堂朝奉於法座前燒香云此一瓣香爇向爐  
 中為光明雲遍滿法界供養我堂頭師兄祥

師伏願於此雲中方廣座上壁開面門放出  
 先師形相與諸人描貌何以如此白雲岩畔  
 舊相逢往日今朝事不同夜靜水寒魚不食  
 一爐香散白蓮風 師遂云曩謨薩怛多  
 鉢囉野怛麼怛麼幾度白雲溪上望黃梅花  
 向雪中開不恁麼不恁麼嫩柳條金線且要

初十二

四

應時來不見鹿居士問馬大師不與萬法為  
 侶者是什麼人馬大師云待汝一口吸盡西  
 江水即向你道大衆一口吸盡西江水萬丈  
 深潭窮到底掠約不是趙州橋明月清風安  
 可比 上堂云春雨洒無涯乾坤已具知  
 東君行心令梅拚一枝枝祖師門下客相見

在今時相見即不無說什麼事便下座

上堂舉肅宗帝問忠國師云和尚百年沒所  
 須何物國師云與老僧造箇無縫塔帝云請  
 師塔樣國師良久云會麼帝云不會國師云  
 吾有付法弟子耽源却諳此事請諮問之師  
 云前面是真珠瑪瑙後面是瑪瑙真珠東邊  
 是觀音勢至西邊是普賢文殊中間有一首  
 幡被風吹著道胡盧胡盧 上堂頌視禪  
 床左右遂拈拄杖在手云只長一尺下座  
 上堂云世有一物亦不屬凡亦不屬聖亦  
 不屬邪亦不屬正萬事臨時自然蹄令抵死  
 要知換却性命 上堂云擔水河頭賣諸

人盡笑怪滯貨没人猜一侶欠他債昨夜三更半石人關禮拜這箇說話莫道你理會不得我也理會不得 上堂云古人道無邊刹境自他不隔於毫端十世古今始終不離於當念師云是即是只是太舊雪峯示衆道盡大地撮來如粟米粒大拋何面前添桶不會打鼓普請看大衆雪峯對面熟瞞諸人不少也然雖如是還有與雪峯同步底麼試出未與五祖相見有麼若無逐拈拄杖卓一下舉起云五祖今日與雪峯同乘槎泛四大海穿八大龍王髑髏經過百千箇須彌山却回來法座上坐又送雪峯歸雪峯山只是不曾

動着一步諸人還信得及麼若信不及逐舉拄杖云豈不見先師翁道放在卧床頭急要打老鼠 上堂云凡心聖意露堂堂念念無差即道場何去莫言今日事觀音自在放毫光良久云莫瞞老僧好 上堂云三月安居今已滿九旬禁足事如何西天蠟驗聞聲又此土鵝珠說者多季運二千年遠意混沅水乳積成河林泉開士齊弘護莫使塵類著衆魔 上堂云時候季秋霜冷故凍銀河耿耿松窓一炷爐烟頗稱吾家好景 上堂舉僧問投子大藏教中還有奇特事也無投子云演出大藏教師云投子被人一問

直得料掉沒交涉若是五祖即不然茲有人  
問大藏教中還有奇特事也無老僧即向伊  
道作禮而去信受奉行然雖如是與他投子  
白雲萬里畢竟如何要你諸方眼作廢  
上堂云悟了同未悟歸家尋舊路一字是一  
字一句是一句自小不脫空兩歲學移步湛  
水生蓮花一年生一度 上堂云頻頻喚  
汝不歸家貪向門前弄土沙每到年年三月  
裡滿城開盡牡丹花 上堂云青蘿黃綠  
直上寒松之頂白雲淡汴出沒太虛之中自  
十九至二十三日萬餘人來此赴會開關地  
如今只見老漢獨自吧吧地若道多人是

永樂北藏

古尊宿語錄

關一人是靜直是白雲萬里畢竟如何一人  
開浩浩多人靜悄悄不如歸堂喫茶好  
上堂云心隨萬境轉轉處寔能結雲門道觀  
世音菩薩將錢買胡餅放下手云却是箇饅  
頭如此則隨他脚跟轉也五祖有箇隨流認  
得性快樂永無憂慮目録舉似大眾忽然於  
此省去也 不定良久喚侍者侍者應諾師云  
戒空瘦 上堂云仲冬嚴寒普徧世間富  
貴即易貧窮即難唯我林泉之人無易無難  
為什麼如此良久云無人處向你說  
上堂舉普化道明頭來明頭打暗頭來暗頭  
打虛空裡來虛空裡打四方八面來連加打

第一九七册

臨濟聞得遣僧問云恁麼來時如何化  
 云明日大悲院裡有齋若是五祖即不然有  
 人問恁不恁麼來時如何和聲便打是他頂  
 道五祖盲枷瞎捧我只要你恁麼道何故一  
 任舉似諸方 上堂云應接無方唯是此  
 一毛端上廓心田生杖趁募魔家族點點舒  
 光曜祖天 上堂云風和日暖高樹鶯啼  
 桃李妍而爛錦成行芳草濃而鋪茵作陣老  
 落一片两片浮碎玉以霏霏柳舞三四五四  
 曳長絲而冉冉當是時也古人道絲鳥語如  
 黃柳垂金線長烟收山谷靜風送杏花香永  
 日滿然坐澄心萬慮忘欲言言不及林下好

商量良久云你且商量看 上堂舉僧問  
 雪峯云古澗寒泉時如何峯云瞪目不見底  
 僧云飲者如何峯云不從口入趙州聞得云  
 不可造鼻孔裡入也僧却問趙州古澗寒泉  
 時如何州云苦僧云飲者如何州云死師云  
 若有人問五祖古澗寒泉時如何即向伊道  
 水飲者如何但云當下止渴或有個人出來  
 問道與曹溪水是一是二我即向伊道分枝  
 列派縱橫自在低處澆田高處潑菜  
 上堂云趙州道箇栢樹子廬陵隨後雪白未  
 中間有箇白蓮峯一口吸盡西江水喜笑囉  
 囉哩囉哩我自戒你自你深村有箇白額



虫吒腮鬣領九條尾良久云噫好怕人  
小叅舉藥山初叅石頭問云三乘十二分教  
某甲粗知來處訪聞南方直指人心見性成  
佛寔未明了石頭云恁麼也不得不恁麼也  
不得恁麼不恁麼惣不得藥山問措一日坐  
次石頭遂問云汝在此作什麼山云一物也  
不為頭云恁麼則閉坐也山云開坐則為也  
頭云子遠來道不為又不為箇什麼山云千  
聖亦不識石頭遂有頌云送來共住不知名  
任運相將只麼行自古上賢猶不識造次凡  
派豈易明師云大衆須是過得祖師關會為  
道玄路始會此般說話石頭恁麼垂示便類

道州庭前栢樹子洞山麻三斤雲門趙佛哉  
祖之談五祖亦有頌任運不知名輕輕著眼  
聽水上青青綠元來是浮萍 四面專使  
文詳持法嗣書到師於法座前受書拈起問  
專使云這箇是四面底關梨底在什麼處使  
云驗在目前師云幾不問過遂陸座云好事  
難逢何不出興大家唱和時有僧出問云石  
頭馳書猶是鈍漢玄沙白紙謔說同風四面  
賞來有何祥瑞師云春氣發來無硬地進云  
與麼則衝開千頃浪透過祖師關師云真個  
也無進云可謂是黃梅後無人識獨許東  
山一老師師云更有人在進云和尚也不要

疑著師云也落在閻黎後進云只如四面無門老和尚甚麼得這消息來師云你向甚麼處去來僧指東畔云這箇直歲得恁麼黑又指西畔云這箇知客得恁麼肥師云不得指東劃西僧以坐具一劃云者箇不可喚作東西也師云看你亂走進云和尚你聲恐人聞得師云你遠來也即當不少僧以手捫口云是我招得初十二師乃云大眾四面長老有書對大眾前須當說過四面大溲桶詳師分半桶白蓮峯下開薰却我真孔且道爲什麼如此無你出氣處八太平專使至上堂云萬里無雲點太清祖天日月自分明太平不

許將軍見却許將軍建太平上堂云舉則公案事事成辦向外馳求癡漢癡漢上堂云有物先天地無形本寂寂能爲萬象主不逐四時彫古人恁麼道可謂錦上鋪花不妨奇特諸人且作麼生會白蓮今日曲順後撥不惜眉毛亦爲頌出有中有無中無細中細中中中中中上堂云今朝三月初五老漢亦無所補無字指路堂堂枉見袖僧受苦畢竟如何如人學射上堂云媚景中春暖色暄盡塵沙界一殷天林齋翁鬢爭蒼翠花柳芬芬閩色鮮蝶弄牡丹飛勢緊蜂游芍藥謾遲迫人生幾度逢春景何不於中種福

田 上堂舉興化云我逢人則不出出則  
便為人三聖道我逢人則出出則不為人師  
云此二古德一人文章浩渺一人武藝全施  
若道興化是文亦不得若道三聖是武亦不  
得還於此辨得出麼若辨得出許你通身是  
命若辨不出你自相度 上堂云如何是

初十二

九

禪閣浮樹在海南邊近則不離方寸遠則十  
萬八千畢竟如何禪禪 上堂云賤賣擔  
板漢貼秤麻三斤百千半滯負何處著渾身  
上堂云今朝八月二十佛法兩字難入深  
村大小老翁達磨祖師不及 上堂云未  
透祖師關莫問大雪山一步一萬里千難與

萬難 上堂舉僧問趙州狗子還有佛性  
無趙州云無僧云一切衆生皆有佛性狗子  
為什麼却無州云為伊有業識在師云大衆  
你諸人尋常作麼生會老僧尋常只舉無字  
便休你若透得這一箇字天下人不奈你何  
你諸人作麼生透還有透得徹麼有則出  
來道者我也不要你道有也不要你道無也  
不要你道不有不無你作麼生道珍重  
呂寶文 嘉問入山上堂僧問世尊拈花迦葉  
微笑台旃光臨於法席領師方便為宣揚  
師云六耳不同謀進云不於花上覓短赫自  
圓明師云好進云可謂獨露無私對揚有準

師云是進云覲面知機又作麼生師云不得與別人說進云和尚只知其一旦不知其二師云你作麼生進云祖師却道知來也歸作藍梅正是時師云被你道着進云已得真人好消息人間天上更無疑 師乃云記得昔日僧問六祖黃梅衣鉢什麼人得祖云會佛法座人得僧云和尚還得也無祖云不得僧云為什麼和尚却不得祖云我不會佛法又舉僧問雪峯和尚見德山後得個什麼道理便休去峯云我當時空手去空手回師云大衆此二尊宿一人是祖師一人是禪師及乎問着便道我不會佛法又道我空手去空

手回你諸人還會伊恁麼說話也無若要會他恁麼說話須是透祖師關始得若不透祖師關輒不得正眼觀者 唐提舉到院上堂舉三聖問雪峯透網金鱗以何為食峯云待汝出網來即向汝道聖云一千五百人善知識話頭也不識峯云老僧住持事煩衆中或謂雪峯與三聖宗派不同故言不相契或謂三聖作家雪峯不能達其意如斯話會有何交涉忽有人問五祖透網金鱗以何為食老僧向伊道好個問頭復云大衆且道與雪峯是同是別不能為你說得聽取一頌  
洞裏無雲別有天挑蒼似錦柳如烟仙家不

會論春夏石爛松枯是一年 資福專使持  
 法嗣書至師於法堂上受書拈起問專使云  
 本無名字什麼處得這箇來專使擬議師云  
 曰誰致得遠陞座舉石頭問長髭什麼處來  
 髭云嶺南來石頭云大庾嶺頭一鋪功德就  
 也未髭云就來久矣只欠點眼在石頭云莫  
 要點眼麼髭云便請石頭垂下一足髭便禮  
 拜石頭云你見個什麼道理便禮拜髭云如  
 紅爐上一點雪師云紅爐一點雪知音皆下  
 瞥龜毛扇子扇泥牛一點血 偈頌 師室  
 中常舉趙州狗子還有佛性也無州云無目  
 曾請問師為頌之 趙州露刃劍寒霜光皎

磔更擬問如何不身作兩段 和季提刑常  
 和荅頌二首 造化之物品物情正當生處  
 不言生尋枝摘葉空勞力一朶開時一佛成  
 此土西天祖佛名雙峰頂上鐵荅生世間  
 無限丹青手只恐吟成畫不成 自貽 白  
 雲堆裡古家風萬里霜天月色同林下水滂  
 人罕到方知吾道樂無窮 遣興 十一  
 雲間拂拂微風起至哉造化功孰謂究終始  
 究之既不能徒然自憂喜 寄舊知二首  
 隔閭多時未是疎結交豈在頻相見送教山  
 下路崎嶇萬里蟾光都一片 朔風掃盡千  
 巖雪枝上紅梅包欲裂縹緲寒雲天外來吾

永樂北藏

古尊宿語錄

第一九七册

家此境憑誰說 次韵酬鼓運使留題七峯閣  
山腰營小閣聊可寄生平三四危峯頂  
啼猿分外清 次韵寄鼓運使吏部 維使  
千回眼見爭如手親一徧透得此個重関乃  
走平生方便 聚遠亭 眼觀不足耳聽不  
盡水碧山青誰遠誰近 蒼馮希道 老病  
踈慵不記心應無狂夢到瑤林水聲山色長  
為伴利害泛教似海深 送白首座四鄉  
歸心休問路多端四海為家未足觀隻履清  
名思達磨諸侯九合咲齊桓 示禪者二首  
學道先須得指歸聞聲見色不思議長天夜  
夜家家月影落澄潭幾個知 祖道何殊世

路平時人行處不須驚擬心未到先移出直  
似玄沙問鏡清 讚白雲先師真 一月在  
天影含衆水師真之真非月非水青黃碧綠  
亂茶糊者未半嗔半偷喜 送文禪人寧親  
今生父母當親觀從本爺娘子細看動轉施  
為全得力一回舉着骨毛寒 送化七四首  
何事秋風入夜涼柏巷時復送餘香要知此  
箇真消息未後殷勤味家長 皖伯臺前送  
別時桃巷似錦柳如眉明年此日凭闌望依  
舊青青一两枝 透出龍門未是難幾人得  
過趙州關白雲片片青山外為雨為霖去復  
還 出自白雲山携筇步烟渚心中幾萬端

維我能相許 重會郭功甫 淨空居士久  
 相知三十年來只片時 今日白蓮華下見維  
 摩元是舊容儀 送蜀僧 相聚淮南四十  
 年而今歸去路三千有人若問西來意水在  
 江湖月在天 寄信上人 一餅一鉢且隨  
 緣此事時時強為宣知已 不來春折老孤峰  
 皎月對寒泉 送呂公輔 送客別金沙行  
 行去路賒淡烟籠碧漢薄霧縹紅霞百舌吟  
 新樹千株長嫩芽翻思分袂處舉首見桃峯  
 送黃景純 徧遊五祖山語喚令人愛極目  
 情量寬禮貌多自在思鄉便欲回不慮他人  
 怪再見是明年往來無罣碍 訪信和尚

維摩之後室長開立雪求心悟善財木老蒼  
 眼兮白雲亂卷波澄霜夜兮皎月徘徊不二  
 門高遠相訪又騎羸馬入塵埃 贊四祖演  
 和尚 挂峯包裡老黃梅不向陰陽地上開  
 蜂蝶豈知香遠拆難尋踪跡去還來 但四  
 祖演和尚 此病彼園窳吾門何得失生死  
 若空峯去來如鳥跡泉涌忽西沒影挂寒堂  
 壁三十三天撲帝鍾普念般若波羅密  
 自贊 眼暗耳聾行步龍鍾人前強咲叉手  
 當膏 與瓌禪化麦 水中撈得麦恐悚瓌  
 禪客往復偃淡遙聞聲隔不隔 悼陳吉先  
 子既卜遷居禪家第一謀有恍不挂樹無住

粗然途世態那堪戀息情盡屬愚祖師門下  
 客到此辨錙銖 偶作 多時欲馮天邊雁  
 毛色觀來苦未全 啼叫不妨 知即令養成飛  
 去有何難 鴈鴈塢當初占 古蹤禪禪入理  
 深淵無形無狀千難萬難後生晚長心堅石  
 穿 吊崇勝大師 苦霧罩庭軒悲雲鎖幕  
 天師歸真淨界影挂月孤圓去不去若若之  
 夢來不來若誰後先誰後先關浮樹在海南  
 邊

※

十五末

古尊宿語錄卷第二十四

勿十二



古尊宿語錄卷第二十五

僧錄司有蘭教兼錄靈谷禪寺持淨戒重按

南嶽下九世

葉縣省禪師

首山念禪師法嗣

師之參學多一小師智親編錄上堂偈頌等語

葉縣歸省禪師吳州賈氏子弱冠依揚州保壽院出家受具初參首山山舉竹篋問師云喚你竹篋即觸不喚你竹篋即背合喚你甚麼即得師於言下大悟遂掣竹篋拗你兩截擲于階下却云是甚麼首山云贈師便作禮師住汝州葉縣廣教開堂日纔昇法座大衆

永樂北藏

古尊宿語錄

雲集師捨香示衆云此一辨香不從他方得即汝州水土然願 皇帝萬歲重臣千秋文武百僚常居祿位但某道薄人微觸事荒瑣謝郎中巡檢司徒諸官負等光揚佛日野干說法釋迦和南梵王前引帝釋後隨重法不重人謝西州和尚遠發緘封曲孽早能悚惕無盡兩院主首街市檀越堂內僧衆請某開堂說箇什麼即得若說三乘五性來又有經律論座主宜揚若說仁義禮智信又有夫子夫子是儒童菩薩入廊化俗若是闡揚宗旨又有諸方宿德和尚穿鑿了也更教某甚處運斲斧即得問昔日世尊說法梵王親躬此

第一九七册

日朝騎臨筵將何指教師云塞鴈過時聲咽  
咽喜鵲喃喃悅殺人進云與麼即法雨洪傾  
人天有賴也師云雲綻家家月春來處處花  
問不落諸緣請便道師云落問如何是無縫  
塔師云頭不梳面不洗問如何是出家人師  
云緊裹頭進云與麼即在家出家師云鹿麻  
鞋問與却施主食將何報答他師云老僧罪  
過進云與麼即萬兩黃金亦消得師云家醜  
不外揚問寶劍未出匣時如何師云不可錯  
恠老僧進云出匣後如何師云換手提膏問  
如何是禪師云文殊殿問如何是道師云法堂  
是老僧蓋進云禪道相去多少師云汝問我

答進云向上還更有事也無師云有如何是  
向上事師云七棒對十三學家禮拜師云教  
休不肯休直待兩淋頭問臨機一句請師速  
道師云速進云與麼即沙場無朕跡也師云  
滴血驗身容師乃云達磨西來為傳東  
土直指人心見性成佛獨標萬像物外宣揚  
悟之者多一纖毫不隔迷之者背覺合塵中下之  
機也須子細莫虛過時光各有各之况以西  
來的意教外別傳道契一言縱橫自在打破  
觸髅揭却腦蓋豈不是慶快僧問學人來日  
擬入帝京帝王不顧時如何師尋時頌答云  
一年春盡一年春觸目無私遍乾坤時人盡

唱無私曲罕遇知音對者稀進云與麼即處  
處通身去也師云底事作麼生進云十方世  
界盡是學人行履處師云真師子兒進云謝  
師證明師云一翳在眼花亂墜問如何是  
佛法大意師云麥賤米貴問如何是當機一  
句師云有你驢漢問進云與麼即打鼓弄琴  
琶也師云擦鞞放屁聲問如何是隨色摩尼  
珠師云鬧市散本進云未審意旨如何師云  
拍手唱歌行問如何是古佛心師云何不  
高聲問進云莫者便是也無師云是即錯進云  
如何得不錯師云千錯萬錯問如何是非非  
法義師云十字路頭坐進云不會意旨如何

師云一任衆人看問如何是出家人師云草  
深不露頂進云露頂後如何師云榜殺塚頭  
蒿問無邊身菩薩來還起也無師云水牯牛  
進云與麼即頭上安頭師云一頓五升料問  
蓮花未出水時如何師云竟生頭角進云出  
水後如何師云一場懣懣問承古有言未得  
入頭直湏入頭既得入頭不得孤負老僧意  
旨如何師云獨脚蝦蟇能上樹進云未審意  
旨如何師云野鶻帶席帽問如何是道師云  
萬緣俱頓息夜半繡鴛鴦問如何是祖師西  
來意師以手劃一劃進云不會此意如何師  
云令掌靈山問世尊問如何是和尚心師云

長三尺進云如何通信師云方圓二寸餘問  
學人未到來時如何師云疑殺老僧進云到  
來後如何師兩手揔背問慈雲起處雷聲大  
廣教門下霹靂聲時如何師云今冬頻雨雪  
來年麥大熟進云恁麼即大眾有依倚也師  
云焰頭誇富貴今古化灰塵問起坐相隨爲  
什麼不識師以手割一劃進云恁麼即直截  
根源也師云冥冥一去杳杳何知問忽遇大  
闍提人來還相爲也無師云西天出白氎進  
云未審此意如何師云東土波斯鼻孔大問  
十方薄伽梵一路涅槃門如何是一路涅槃  
門師云洞山見雲門進云未審意旨如何師

云山僧是莫州人問如何是真道人師云路  
崖崖進云不會意旨如何師云莫遣外人問  
問心地法門與佛相去多少師云聞黎致問  
老僧有答進云未審意旨如何師云五九盡  
日春問如何是道師云家家門前長安路問  
如何是西來意師云齋後一椀茶問已事未  
明以何爲驗師云關市裏打靜棍進云意旨  
如何師云日午點金燈問如何是無縫塔師  
云破皮厚三寸進云未審意旨如何師云金  
榜題名天下傳問如何是清淨法身師云蝗  
虫步蚰蝨人恐沒食苗稼盡傷心進云爲什  
麼學人不識師云無心伏物賀太平問清淨

如藍爲什麼打魚鼓喫飯師云打草蛇驚問  
路絕煙塵時如何師云無手行者能打餅進  
云恁麼即傀儡人抽牽也師云無目之人不  
假燈師上堂云聞鍾聲即尋聲而來如無鐘  
聲向甚處去即得若是上來下去是何面目  
不來不去又濕地上坐了也作麼生是衲僧  
出氣底鼻<sup>多一</sup>孔道得底出來道看直饒道得也  
是勿交涉若是道不得也即墮坑落壑便下  
座問然父然母佛前懺悔然佛然祖向甚麼  
處懺悔師云長連城進云不會意旨如何師  
云天靈蓋問承古有言良由取捨捨即是不  
捨即是師云大洋海底鑽龜卜進云恁麼即

取捨俱忘也師云遇明眼人舉似問如何是  
佛法大意師云杏熟來年麥進云不會意旨  
如何師云棗收當年禾學人禮拜師云彭祖  
壽年八百歲莫忘却稀禾植麥問如何是衲  
僧活計師云城東太山廟進云不會意旨如  
何師云判官手裏筆問如何是露地白牛師  
云破盆子進云未審意旨如何師云堪作麼  
問不落言詮請師便道師云西方極樂世界  
進云恁麼即滿口道不得也師云東土樹子  
大問如何是和尚受用處師云長三尺問如  
何是毘盧體師云寒時寒熱時熱然進云  
不會意旨如何師云冬天著火向夏月取涼

行學人心病請師一服妙藥師云破皮厚三寸進云未審意旨如何師云杖頭挑取師上堂云廣教有驗人開截人機活人句還有人道得麼若是道不得辜負平生問和尚朝也說暮也說還接得幾人師云泊合疑殺老僧問靈山如話月曹溪如指月如何是真多五

月師云昨日擊金鐘告報天下聞進云恁麼即山河大地也師云大眾齊合掌香煙滿乾坤問無目人來請師指路師云坐食都不問莫作問禪實進云不會此理如何師云紫羅袋裏盛官誥金榜題名天下傳問大施門開請師垂示師云腦後抽簪進云便恁麼會時

如何師云孤峯無宿客進云嗟嗟師便打問如何是世尊不說說師云涅槃山側畔香煙滿乾坤進云如何是迦葉不聞聞師云觀音勢至引到西方問如何是學人親切處師云昨日十九今日二十師上堂云諸禪德若是說禪說道說佛說法來又匝匝地過天遍地也更教廣教說箇什麼即得若約至理論似此之輩且去涅槃堂內粥飯裏將養始得謂何如此當言不避截舌若是說禪禪是病若是說道道亦非真說佛被佛說法被法障也錯性廣教雖是善因而招惡果何不離此之外試與廣教相見看方有華學分始

得不被諸境惑亦不落於惡道還委恣得麼  
直饒委得入地獄如箭射無人替代渠莫道  
不道却重問遍歷寰中未曾逢一人時如何  
師云梳進云恁麼則碧霄雲外無依倚也師  
云未曾解開對僧云錯師云尋時打二十棒  
趁出院問如何是密密處用心師云鬧市裏  
輒進進云未審意旨如何師云一任衆人看  
問如何是涅槃門師云三更無忌諱進云未  
審此意如何師云却忌五更時問西州和尚  
迂化向什麼處去師云寶塔元無縫靈骨鎖  
天涯問如何是涅槃路師云玄沙不出嶺寶  
奇不渡河問如何是正令一句師云古墓裏

點燈猶作恠樹上叫喚闍黎意如何問六國  
未朝時如何師云南有雪峯北有趙州進云  
恁麼即萬里絕煙塵也師云目前無一物不  
換太陽春問遠遠相投請師一接師拈起火  
示云會麼云不會師云滿爐添炭猶嫌冷路  
上行人只守寒問維摩默然文殊讚善此意  
如何師云莫埋沒維摩進云恁麼即清淨道  
場師云莫錯認定盤星問春來萬物秀石頭  
爲什麼不生芽師云爲報遐方叅禪子只爲  
鹿心致令廣教打二十進云又太不慈悲生  
師云禍福無門唯人自召 師上堂云說  
底法即便是也十二時中行住坐卧喫粥喫

飯合掌頂禮。旣言細語。闢打相爭。揮拳掉臂。是也不是。若道不是。即法有二見。若道是。爲什麼不休去。不歇去。若約至理論。須是待廣教。與你打破。鬪髀。揭却腦蓋。廓然山河。無礙。豈不慶快。還委悉得麼。直饒委悉。得入地獄。如箭射無人。替代渠莫言不道。玆重問彼。自無瘡勿傷之也。道合隨撥。請師應用。師云。今年頻兩水。何人不傷心。進云。恁麼。即雲散青天。出山高。衆岫歸。師云。日出天然異。森羅觸目真。問如何。是第一句。師云。失如何。是第二句。師云。是肉來。蠅如何。是第三句。師云。今日好晴。云。三句不分時。如何。師云。來自到崖州。

問。寶龜才出匣時。如何。師云。擗口着。云。出匣後。如何。師云。拈却牙齒。問如何。是論。頓不留。朕跡。師云。日午打三更。石人側耳聽。云。如何。是語。漸返常。而合道。師云。問處分明。覲面相呈。問三災。竟起如何。救之。師云。廣教不問你。來自喫鈴。想云。不會。師意如何。師云。涅槃山。側念。彌陀。問如何。是百骸俱潰散。一物鎮長。靈師云。晴乾開水道。無事設曹司。云。未審此理如何。師云。雨下街頭濕。晴乾便無泥。問。禁足九旬。須藉無虫之地。甚處是無虫之地。師云。趁發人民亂。縱橫五月。麥稜盡。息心。云。不知甚麼。處立身。師云。夏月多毒熱。行人盡休。



歇問雪山童子捨身爲求諸行此行如何師云掉臂街頭走仰面看青天云恁麼即迷人尋著向城路也師云此人入地獄萬劫出應難問如何是賓中賓師云慙惶沒心情如何是賓中主師云相手觀前程如何是主中賓師云起坐甚分明如何是主中主師云大祭不留身問古人一言便悟和尚種種說學人爲什麼不悟師云草鞋無底云畢竟如何師云皮襪無根師上堂良久云惣被須彌山塞却你諸人眼也還覺麼莫不識痛痒若是去却須彌山方有叅學分作麼生是去却須彌山底句若是道得底試對衆道看若是

道不得也且莫亂磕便下座問師子吼時全意氣文殊仗劍意如何師云飛砂走石人驚恠決定彎弓射尉遲問如何是佛師云白馬馳經云如何是道師云善信扼喉問本來無一物以何法示於人師云無法示於人間不施寸刃便登九五時如何師云不封不樹云未審此意如何師云今古不同且應時問承古有言藏身不吞炭意旨如何師云莫遣外人聞云山雉枉遭傷此意如何師云天網恢恢疎而不漏問夏終此日師意如何師云今年夏末去年秋東京西洛任意游問大用現前不存軌則時如何師云虛空無筋骨金槌

打不入進云恁麼即百雜碎也師云弥陀佛  
前親聞玉偈問承教中有言三人同坐解脫  
床如何是解脫床師云有言須得句進云未  
審此意如何師云不用更遲疑問萬法歸一  
一歸何處師云北印山下進云未審意旨如  
何師云千年中一遇問世尊為一大事因緣  
故出現於世如何是一大事因緣師云梁園  
城裏丹鳳門進云不會意旨如何師云襄州  
出大悲問行住坐卧如何用心得不落於惡  
道師云莫用心問如何是文殊活人底草師  
云須弥頂上雨霖霖進云如何是文殊然人  
底草師云錯問如何是功用智師云舉目千

山秀大海徹底清問疑情未息如何除遣師  
云確搗東南磨推西北問學人迷路請師直  
指師云三更不閉戶進云未審此意如何師  
云日午不點燈問一物不將來時如何師云  
放下著進云恁麼即纖毫不隔也師云且擗  
著 師上堂云諸苦所因貪欲為本若滅  
貪欲無所依止若是無貪欲心在處滂滂隨  
所碌碌山河大地不礙眼光不礙眼光則且  
止你道雪山童子眉毛長多少衆中還有道  
得者麼試對衆道看為你證據若道不得辜  
負平生便下座問學人不曉三玄義請師方  
便第一玄師云截舌三分進云如何是第二

玄師云沒蹬驢子夜三更進云如何是第三  
玄師云晴乾開水道無事設曹司問美玉貴  
金門何異荆山體師云錯進云恁麼即鳳飛  
在處祥雲聚龍行何慮少風雷師云騎驢不  
把鞭一世勿模樣問如何是第一要師云全  
令提綱行正令却須當道與人看進云如何  
是第二要師云坐冷都不問莫作問禪賓進  
云如何是第三要師云包含大地人皆喜滿  
路謠謔賀太平問如何是西來意師云骨崙  
背象牙問色身病法身病師云江山無阻滯  
日月鎮長明問承聞一子出家九族生天某  
甲兩人出家合作甚道理師云截舌三分進

云未審意旨如何師云鬧市裏卧街問擬過  
青山時如何師云金州出好潦問文殊云前  
三三後三三未審意旨如何師云昨夜風寒  
緊今日又溫和問如何是百尺竿頭進步底  
句師云南贍部洲北鬱單越問如何是西來  
意師云冬無積雪夏無餘糧問得船便渡時  
如何師云鈍根阿師進云恁麼即直截根源  
也師云下坡不走快便難逢問如何是奪人  
不奪境師云鳧肉來蠅進云如何是奪境不  
奪人師云沒蹬驢子夜三更進云如何是人  
境兩俱奪師云光潦無人識進云如何是人  
境俱不奪師云須弥頂上雨霖霖問如何是

一印印空師云今年夏末膺人永進云如何  
 是一印印水師云未逢秋草死爭忍下指行  
 進云如何是一印印泥師云兩重公案就萬  
 里江山應不迴問寂寂無依時如何師云觀  
 身實相進云與麼即謝師指示師云廓然無  
 邊問龍女獻珠得成佛學人無珠可獻還得

成佛也無師云好日多同贈土不贈金進云  
 恁麼即謝師指示師云恐魔逐我後鎮座在  
 廳塔問古路重開時如何師云無目之人不  
 假燈進云恁麼即七縱八橫沒去處也師云  
 拍手唱歌行問師子吼時無意氣文殊仗劍  
 意如何師云一送荒郊裏千峯永不迴進云

恁麼即大衆齊合掌一時念弥陀師云不曰  
 寒食節餘日且難來問香煙起處大衆側聆  
 當爲何事師云專聽三下鼓喫粥五更時進  
 云此理如何師云朝霞不出門暮霞行千里  
 問國師禮倒鐵天王意旨如何師云驚動十  
 方刹進云此理如何師云當言不避截舌

師上堂云僧堂入佛殿裏過佛殿入僧堂裏  
 行須彌山騎牛說話木人打鼓唱歌露柱每  
 日拍筍捷推拍手笑他若遇大乘根器不在  
 於言下若是中下之機也須子細珍重問未  
 遇衆緣時如何師云虚空無瑕翳到者盡息  
 心進云遇衆緣後如何師云任你大海變桑

廣教誰能管得你問抱璞投師請師雕琢  
 云把將來看進云恁麼即得遇和尚師云  
 元來是箇糞毬問古人有不了之句請師為  
 學人說師云破皮厚三寸問自己面目終日  
 不見時如何師云拈却牙齒著進云見面後  
 如何師云大眾盡跛眉問黑雲遮日時如何  
 師云道士戴簪冠進云見日後如何師云金  
 剛眼睛大如拳 問生死事大如何免得攀  
 緣去師云喚什麼你生死進云與麼即是佛  
 性也師云又是七顛八倒問看經即是不看  
 即是師云青山無異路東西任意遊進云太  
 不定生師云自是盲者過非日月外胡萬里

無雲時如何師云今年大旱問古鏡未磨時  
 如何師云磨他作什麼進云磨後如何師云  
 堪作什麼問古佛舍利為什麼點不上來師  
 云家藏利器盜者息心問路逢達道人將  
 語默對未審將什麼對師云將拄杖對問驪  
 龍頷下有珠如何取得師云用這糞毬作什  
 麼十一師有時上堂大眾雲集師良久以手捩臂  
 三兩下喚侍者侍者應喏師云老僧今日頭  
 痛珍重 問聞鐘聲只有這個為復別有  
 師云腦後三斤問真性不隨緣如何得正悟  
 師云大洋海底紅塵起須彌頂上浪滔天問  
 如何是大作業底人師云城外斬屠兒進云

不會此意如何師云一介秤不住問大乘以  
心能荷萬善時如何師云上天無路入地無  
門進云不會此理如何師云沙門島裏望家  
鄉因汝州寶應馳開堂法嗣書來上堂有僧  
問花開五葉法遍乾坤時如何師云九月重  
陽節菊花撲鼻香進云恁麼即慈雲普潤也

師云廓然無一物光明照十方問如何是第一  
一玄師云平常道在語必幽玄問如何是第一  
二玄師云有問有答日月長明如何是第三  
玄師云何勞龜卜問行年間鐘聲纔罷大眾  
臨筵向上宗乘請師舉唱師云僧排夏膺俗  
列耆年進云恁麼即一雨普潤於大千也師

云日出天然異光明照十方問善法堂中伸  
一問未審師還接也無師云蜀地錦觀陶綿  
進云恁麼即承和尚慈悲也師云廓然無障  
礙縱橫任意游 師上堂云諸禪德衲僧  
是通變道人若遇鑊湯爐炭諸般厄難又如  
何免得若是免不得何名通變道人作麼生  
是透脫諸般厄難底句還有透脫得者麼試  
對衆道看為你證據若是透脫不得即是萬  
人作塚無人替代渠便下座問師登師子座  
祖意事若何師云行為佛事坐是道場進云  
恁麼即橫身三界外也師云三界外底事又  
作麼生僧便唱師云疑殺老僧這瞎驢問向

上一路千聖不傳如何是不傳底事師云爐  
 中添火猶嫌冷路上行人只守寒進云未審  
 此理如何師云冬無積雪夏無餘糧進云恁  
 麼即謝師指示師云杖擲高聲唱捧頭頂見  
 血學家禮拜師云教休不肯休直待兩霖頭  
 問承古有言盡日忙忙那事無妨如何是那  
 多一  
 事師云大眾一時聞進云此理如何師云行  
 人盡帶悲問百文昔時參馬祖豁然蕩盡更  
 無疑學人今日專請益乞師方便為全提師  
 云黃河有九曲陝府出鐵牛進云大盡三十  
 日小盡二十九已蒙師指示向上機鋒又如  
 何師云深領這一問擔枷過狀有辱先宗進

云恁麼即學人禮拜有分也師云兩重公案  
 就萬里江山應不迴問衆手淘金誰是得者  
 師云杖頭著眼看進云請師盡令師云灼然  
 落深坑問疋馬單鎗離君獨戰時如何師云  
 腦後抽簪進云恁麼即陣敗將軍馬空迴也  
 師云受領銀錢莫久停

滿

勘辯語并行錄

師勘一僧曰近離什麼處僧云東京師曰你  
 因甚口上破僧云和尚也須子細師云七率  
 對十三庫下喫茶去師問僧曰暮投林朝離  
 何處僧云新戒不曾學禪師云生身入地獄  
 下去後有僧攀到隨州智門明教大師大師

云何不道鑠鑠在和尚手裏因僧人事一箇  
 書筒師問曰是箇什麼僧云和尚識取好師  
 云元來是箇漆桶僧云請和尚收師云棺木  
 裏努眼因聞童子念經声乃問僧曰聞念經  
 声麼僧云今日勤破師云你家僧云草賊大  
 敗師云老僧今日失利師勘五人新到云物  
 是雲居供養主那僧云是師云是即一齊坐  
 師與僧行路次因見死人僧便問車在這裏  
 牛在什麼處師云你蹙躡行僧云牛又無行  
 箇什麼師云你既無牛因甚踏破脚僧云恁  
 麼即親從葉縣來也師云莫亂走師因與僧  
 摘藤花次有僧問此日摘藤花他時還有果

報也無師云有即錯僧云恁麼即無果報也  
 師云你却是个你家師後到襄州廣德廣德  
 垂示云禪德直須是箇師子兒始得諸人  
 具箇師子兒師便出問承和尚有言諸人  
 具箇師子兒如何是和尚師子廣德便作師  
 子吼師云這箇猶是野干鳴還我師子來隨  
 後便喝撫一掌德云真師子兒師云是何語  
 話德云好好問兄弟師云也不得放過師到  
 洞山問洞山廓然無依法歸何處山云三翻  
 羯磨師云恁麼即知音不和也山云知音不  
 和底事什麼生師云龜毛拂子長三尺山云  
 你因什麼眉鬚墮落師便禮拜問僧近離甚



麼處僧云襄州師拽童子打一捆便喝出

偈頌

埽庵

廣教埽庵廓然無邊隨綠度日任

性癡

森羅萬像九聖共傳有人到此雪山

西畔

送僧 羣送老兄入梁園杲日當軒不計

年為報我師林下偈無心照破萬重關

上監務祠部三首 祠部見處少人知棲心

歇地更無疑有人借問平生事日出東方月

落西 祠部見處處處通山河大地是家風

任他前面花錦樹無心仗物演真宗 祠部

見處廓然安森羅萬像在目前任他前面歡

與樂隨綠度日化人天 釋先師頌 背陰

山子日陽多言然南來北往意如何云不坐

有無邊有人借問西來意云從來無問新東

海東頭有新羅云大地不奈何因不安

我今有病無見無聞清虛之理日月長明

我今有病罕遇知音直饒明得喪却平生

多一

老年頌 幻身七十三真性不隨緣廓然無

障礙清虛獨湛然 僧不問話乃頌五首

是你不問話山僧不答禪日頭恰正午笑破

土地口 是你不問話山僧沒合殺日午打

三更露柱夜說法 是你不問話山僧寶驚

訝冬後一百五廣南出象牙 是你不問話

永樂北藏

古尊宿語錄

第一九七册

山僧沒可把鼻孔在這裏拈來蕃頭打 是  
 你不問話山僧沒可誇蕩蕩隨緣去湖南出  
 苧麻 木魚誦 木魚歌木魚歌橫身三界  
 卧擺頭掉尾瞬金鱗九聖縱橫不奈何老胡  
 間聳耳聽聲聲振動古佛心道遙自在無私  
 曲蕩蕩行時任騰騰指日月太山崩踴踴躍  
 躍魔軍驚哮吼吟時雲隊隊大洋海底霹靂  
 聲 共施主送羅漢供到南岳 夙生慶幸  
 共結良緣羅漢遺踪日月青天松蘿鬱茂取  
 性巖邊道人行履滿目江山露地白牛廓然  
 無伴森羅萬象只在目前若人不會何處相  
 見有人問着直下看箭 邀僧游山 游山

目促路嶮嶮結束行裝莫駐疑來日遍看山  
 有色擬心棲廈隔山迷 供養主經過覓頌  
 諸方化主往來多青山綠水意如何演若達  
 多應認影不知鷄子過新羅 讚 師真師  
 真兒古稜層言直訣烈去住分明森羅萬象  
 普濟群生往來禪子太岳石崩 我師之真  
 何用丹青形如滿月徧布乾坤 送僧 攀  
 送高僧入梁園春去秋來不計年蕩蕩行時  
 無邪路江山無滯笑西天雪山童子言下喝  
 擬讓中間萬萬年 燈籠 一盞金燈號玲  
 瓏四方八面不施工照破乾坤黑暗處山河  
 大地是家風 送供養主 化主別仙邑南

此無西東超然威音外縱橫屢屢通明暗皆  
自尔寂然天地空萬緣俱頓息哮吼振乾坤  
先師三周忌 師真似日三周已畢徧布乾  
坤翹足七日大展壇風孤魅屏跡香茶供養  
光燄誰識 與僧看棋子 棋子黑柳檔無  
心是道場高僧滾一頓果毅自馨香

送種供養主 前程化道莫辭辛隨緣兀兀  
任浮沉雲去水來為伴侶時時哮吼振乾坤  
雪下頌四首 此日好雪誰言冰潔粟米白  
銀新羅日月 此日好雪萬民樂業大展長  
空九聖路絕 此日好雪何勞言說萬物無  
心江山日月 此日好雪廓然敗賊逼塞乾

坤誰人分別 夏末送僧 高僧相伴過九  
旬誰人言說話宗乘離九離聖縱橫妙何人  
擬議落千峯 僧云不知和尚門風 廣教  
無門風縱橫屢屢通大地紅塵起失却主人  
翁 雨下 此日好雨乾坤無路日月長明  
西方淨土 送手中與史諫議述十頌

廣教手中無功無能觸目受用青山白雲廣  
教手中亘古亘今寂寥虛廓打破乾坤廣教  
手中不協衆情有人借問太岳石崩廣教手  
中何勞心神明暗自尔青山白雲廣教手中  
瞬目相呈露地白牛非九非聖廣教手中誰  
見誰聞直下便會喪却平生廣教手中日月

長明縱橫自在新羅國人廣教手中非功織  
 成隨緣度日任性浮沉廣教手中逼塞乾坤  
 賢愚意解笑殺胡僧廣教手中不用持論言  
 前薦得翳却眼睛和峇西禪深和尚請齋  
 二首 莫推延莫推延從來此事只如然臍  
 雪雰雰兩度降不由人主不由天 不推延

不推延多一森羅萬象在目前臘雪雰雰天地黑  
 露地白牛遍大千 游草巷 忽覩菴園任  
 性瘦慈有人到此如隔闕山 恭送送化主  
 師後逐句識 有盞無醋 云如瓶入空屋  
 有菜無油 云無和可隔 隨緣兀兀 云任性 淨  
 況百味珍羞 云胡類有淨 僧言語次乃有

頌 一到仙州四十秋隨緣兀兀到此休幸  
 遇高僧相伴後縱橫不意到峰頭 僧寫真  
 呈師師遠成頌自識之 誰人寫真動用乾  
 坤妙筆丹青口吐辭華明暗自尔乾濕四方  
 何勞心神任性浮沉吾真非假觸效者淨圖  
 畫非真 疑心即差容貌陋質天不能蓋遍布

乾坤應物現形 年邁有頌 廣教六十八  
 凡聖俱歇滅有人相借問九月重陽節 廣  
 教六十八誰人相體察直下便會得腦後三  
 斤鏡 送供養主 一年春盡一年春相煩  
 化道任浮沉森羅萬象無私曲一聲纔動斬  
 乾坤 扇子 廣教一柄扇本來無背面有

時在手中要且無人見 柱杖 山僧一條  
杖縱橫無比量有時在手中應用遍十方  
筇竹杖 筇竹九節縱橫無邪大展長空九  
聖路絕 兩堂上座下喝頌 兩堂上座齊  
下喝瞽目之人無分別凡言賓主句下分何  
勞龜卜問前程 示徒 廣教一言凡聖共  
多一  
傳直下便會萬里江山 僧請益 兀兀隨  
緣任浮沉不拘春夏及秋冬闍黎請益平生  
事問取寒山始知音 衲僧衲僧不用持論  
言前薦得腦後三斤 李都尉問和尚生日  
述成十頌 山僧生日處處真隨緣兀兀任  
浮沉森羅萬象無私曲日出天然照乾坤

山僧生處廓然寧不拘九聖自在行任他前  
面歡興樂無心伏物賀太平 山僧生處碧  
雲中情與非情共一真明暗盡時無邪路明  
明不墮聖凡前 山僧生處少知音任性隨  
緣過幾春有人借問平生事石人打鼓木人  
聽 山僧生處據令行十方禪子盡皆驚若  
人解接無根樹海裏能挑水底燈 山僧生  
處正令行野老謳歌盡傳名若人不識金剛  
用涅槃山側井中人 山僧生處亘古今誰  
人言說話宗乘離九離聖縱橫妙腦後抽簪  
祭鬼神 山僧生處在林中碧澗虎声騁英  
雄喝迴驚動十方刹萬里江山入千峰 山

僧生處峰頂上迦葉聞鐘出洞門粉骨碎身  
千萬劫思量難報我師恩山僧生處碧潭  
中不拘春夏及秋冬一刀兩段湏休去何人  
擬議落千峰僧親近乃有頌廣教一言  
直下人嫌若人借問萬里江山  
古尊宿語錄卷第二十五

多一

古尊宿語錄卷第二十六

多二

首山念禪師法嗣南岳下九世

僧錄司右闡教兼鎮山靈谷禪寺住持 淨戒重校

仲鼎禪師名洪誼襄水扈氏子自遊方一劫以度寒暑嘗與數者宿至襄沔間一僧舉論宗乘頗敏捷會野飯山店中供辦而僧論說

多二

一

不已師曰三界唯心萬法唯識唯識唯心眼聲耳色是甚麼人語僧曰法眼語師曰其義如何曰唯心故根境不相到唯識故聲色擬然師曰古味是根境否曰是師以筋筴菜置口中含胡而語曰何謂相入邪坐者駭然僧不能答師曰途路之樂終未到家見解入微

永樂北藏

古尊宿語錄

不名見道參須實參悟須實悟闍羅大王不  
怕多語僧拱而退後返長沙隱于衡嶽三生  
藏有湘陰家貴來遊福嚴即師之室見其氣  
貌閑靜一鉢挂壁餘無長物傾愛之遂拜跪  
請曰神鼎乃我家植福之地久乏宗匠願師  
俱往何如師笑而諾之即以己馬負師至十  
年始成叢席一朽牀為說法座  
開堂日指法座云未登此座化緣已畢諸人  
還委悉麼若委悉散去得也若不散去不免  
登於此座入方便品第二去也且不得怪山  
僧便升座拈香此一炷香奉為今上皇帝聖  
母無疆第二炷香為府主學士合郡尊官伏

第一九七冊

願長光佛日未佐明君第三炷此香不是戒  
 定慧香亦非旃檀沉水只是汝州土宜便燒  
 云供養首山和尚以酬法乳師遂敷座顧視  
 大衆云摩竭陀國親行此今大衆還知落處  
 麼一句子該天括地迥超格外在衆聖之前  
 所以五天和不齊梵夾不特來釋迦掩室於  
 摩竭淨名杜口於毗耶三乘教外一句別傳  
 敢問大衆作麼生是別傳底試對衆道看迺  
 相證明良久云直饒道得亦未稱祖師意且  
 道如何稱得祖師意諸兄弟直須打辦精神  
 究徹根源到這裏不可說菩提涅槃真如解  
 脫向上向下坐禪入定造橋梁開義井得麼

然則如是不可無言也山僧初行脚時發足  
 亦無正意參禪學道只欲東京聽一兩本經  
 論以資平生不期行來行去到汝州襄城縣  
 恰遇汝州風鼓上首山就中見一老和尚  
 彼時蒙它劈頭一錘直得浹背汗流當時不  
 覺禮拜了悔之不及大衆且道悔个什麼悔  
 不拽下禪牀痛与一頓雖然如是官不容針  
 私通車馬下座 舉資福三句語第一句  
 祖師不知有師云無人解會第二句尚祖佛  
 為師師云鼻孔在山僧手裏第三句稱提祖  
 佛師云分明向你道 舉僧問首山如何  
 是和尚家風山云一言截斷千江口萬仞峰



前始得玄師云首山只解說家風不解用家風僧問如何是用家風師云壑乃云首山老漢若在聞神鼻恁麼道必然大笑一場且道肯神鼻不肯神鼻試商量看諸上座夫參學須具叅學眼始得若只愛它人語句記在意識下自不能截斷俗士尚云男兒不用分時

財衲僧家合作麼生著精彩始得珍重

舉僧問靈泉和尚如何是靈泉印泉云不傳不受曰交代時如何泉云淮南舡子看洛陽師云古人為麼道意在如何要會麼不傳不笑珍重 舉僧問靈泉如何是靈泉曲泉云無絃琴有韻絲竹動插天曰還有知音也

無泉云有曰如何是知音者泉云山上石人齊撫掌溪邊野老始知音師云神鼻即不然僧便問如何是神鼻曲師云要唱便唱曰還有知音也無師云有曰未審是什麼人師云無心意識者師云神鼻為麼道為靈泉如何試商量看須知各各家風事不同珍重

小叅舉古金峰頌云學道如鑽火逢煙未可休直待金星現歸家始到頭師云神鼻即不然學道如鑽火逢煙即便休莫待金星現燒脚又燒頭且道神鼻恁麼道為當達古人順古人別有道理汝道入麼去底人好入麼來底人好到這裏須具衲僧眼始得莫受人瞞

珍重 小叅良久舉鏡清上堂良久有僧問祖歌如何唱清云拖送醉人酒曰入麼則辜負和尚也清云猛虎不食伏肉師云古人恁麼道句前明句後明會麼未問已前會取好 小叅舉僧問趙州黑豆未生芽時如何州云好合督師云神鼻即不然若問黑豆未生芽時如何向伊道堪作什麼乃有頌曰黑豆未生芽誰道好合醬本色袖僧聞甚是甚模樣華岳頭倒卓須彌脚直上莫言無法用看取者相狀乃云古人向麼道神鼻向麼頌且道遠古人順古人還會麼合醬也不中是什麼道理了取始得珍重 舉僧問香

嚴如何是道嚴云枯木裏龍吟曰如何是道中人嚴云觸髅裏眼睛後有僧舉問石霜枯木裏龍吟時如何霜云猶有喜在曰觸髅裏眼睛時如何霜云猶有識在師云石霜一向打疊去空界裏作活計後有僧舉似曹山山云這石霜老声聞作這見解曹山有頌曰枯木龍吟真見道觸髅無識眼初明意識尽時消息尽當人那辨濁中清師云恁麼會取好小叅舉烏窠和尚有小師辟窠問向什麼處去曰學佛法去窠云若是佛法我這裏也有些子小師便問如何是和尚佛法窠於身上拈起布毛示之隨後便吹小師忽然大悟師

遂於身上拈起布毛呈大衆隨後與一吹云  
 會麼久後不得辜負老僧珍重 小參舉  
 今初上座領衆上石門門曰萬仞峰前石牛  
 吼穿雲渡水意如何初無對門云山僧住持  
 事大叅堂去石門後舉今僧下語曰久縞和  
 尚又云訪道尋師明的旨覺了根源顯異機  
 門曰當時令初上座若下得遮語不拈它作  
 參學人師云不喚它作參學人喚作什麼人  
 會麼把手共行無間路 舉古人曰游江  
 海涉山川尋師訪道為叅禪自從認得曹溪  
 路了知生死不相關作麼生是曹溪路有僧  
 對云得者飲水之義向阿誰說之師曰知云

某甲即如是師意又如何師云出僧堂入佛  
 殿便下座 小參舉紫胡有狗上取人頭  
 中取人骨下取人脚你若擬議即喪身失命  
 師云古人提唱一段因緣你道恁麼時下得  
 什麼語神鼻當時若在他會裏便出云者畜  
 生又云死亦作退身勢白兆和尚亦云白兆  
 有狗上不取人頭中不取人腰下不取人脚  
 也不擬議咬得他死便得僧問如何是白兆  
 狗兆作狗聲僧云猶是喋屎狗兆云作麼  
 是咬人狗僧把衲衣角便拂兆便打師云白  
 兆道也不擬議咬得死便休且道其僧便拂  
 兆便打誰得誰失白兆大似喪車後掉藥袋

亦有僧問如何是神鼻狗向伊道誰敢倚門  
 傍戶僧禮拜向伊道神鼻也大嶮有僧便請  
 益此語師云我當時要个不惜身命底人直  
 至如今無人稱得老僧意你两个吐露个消  
 息看僧擬議師云死 小叅舉滿山示衆  
 老僧百年後於山下作一頭水牯牛左肋下

書滿山僧某甲正當向麼時喚作滿山僧又  
 是水牯牛喚作水牯牛又是滿山僧且作麼  
 生商量師乃有頌不道滿山不道牛認著何  
 處有來由分明裂破應須會會得還同不繫  
 舟 舉石門示衆云家山好家山好家山  
 內有無根草澄源異草競芬芳春雷一震金

仙道師云作麼生是春雷與大衆說破得麼  
 啣一喝下座 小叅舉南泉上堂僧問摩  
 尼珠人不識如來藏集親收得珠即不問如  
 何是藏泉云与你往來者是僧云不往不來  
 者又如何泉云亦是藏僧云如何是珠泉喚  
 僧僧應喏泉云你不曾我意師乃有頌曰渠

問摩尼珠摩尼在何許呼名應答聲諸方莫  
 錯舉 一小叅舉僧問風穴如何是第一句  
 穴云三要印開朱點窄未容擬議主賓分師  
 隨後一喝如何是第二句穴云妙解豈容無  
 著問漚和爭赴截流機師著語云未問已前  
 錯如何是第三句穴云但看棚頭弄傀儡牽

抽都在裏頭人師著語云明破即不堪所以  
首山和尚道第一句薦得與祖佛為師第二  
句薦得與人天為師第三句薦得自救即不  
可又云自救也不了師云神鼎亦有人問如  
何是第一句云蒼天蒼天如何是第二句云  
有什麼馱漢如何是第三句云近前來向你  
道才近前便打若恁麼會得也不辜負祖師  
西來若是從頭一一問過幾時得休佛法不  
是磨校合縫底道理似這一脈說話須是久  
在它門風來始得直是嫌佛不作嫌法不說  
方可如是子細珍重 小參舉古人云是  
日已過命亦隨滅如少水魚斯有何樂師云

古人恁麼道非有利益非無利益神鼎即不  
然是日已過命亦隨滅如少水魚有何不樂  
且道遠古人頓古人試檢點看珍重 舉古  
僧問首山一毫未發時如何山云路逢穿耳  
客曰發後如何山云不用更邊疑曾有僧問  
神鼎一毫未發時如何 神鼎只向伊道白  
雲嶺上云發後如何師云澗下水流師乃云  
若是前來兩轉語有可咬嚼東看西看若是  
神鼎者語如喫木札瓦片相似實無滋味直  
是自見自悟始得會麼天高東地傾西北  
肅宗帝問忠國師百年後所須何物國云與  
老僧作个無縫塔帝云請師塔樣國師良久

云會麼帝云不會師云吾有付法弟子耽源却請此事已後但問此人國師遷化後帝詔問耽源源亦良久云會麼帝云不會源有頌湘之南潭之北中有黃金充一國無影樹下合同舡琉璃殿上無知識曰前來國師如此作用不能明了次問耽源源恁麼頌且道盡善不尽善雖成方便須躡解始得會麼神鼎為你諸人下四轉語湘之南潭之北師云君且有路中有黃金充一國師云淨妙體常無影樹下合同舡師云千聖同轍琉璃殿上無知識師云九聖路絕師云若是恁麼會去必不相賺神鼎恁麼注解只是辜負國師

子為又問芸田翁翁亦云枯樹子為云這田翁他後亦臣五百衆師云為復意在芸田翁處為在仰山處為復恁不恁麼諸上座一切諸法掇然更不用生事它是父子說話同道者方知珍重 僧問先德遠遠投師請師一接德云兩股金鏐鳴歷歷如來寶杖親蹤跡要會麼有問有答罕遇知音又問一先德云遠遠投師請師一接德云地湧無源水石人駕慈舟師云此語為復與前來語同耶別耶雖然一个門風也須是知它尊宿發語處始得作麼生是地湧無源水石人駕慈舟會麼海闊無舟往來不隔玆重 南泉云我

十八上便會作活計趙州云我十八上便會  
破家散宅你道破家散宅好解作活計好初  
機底人且紹前語久恭底人直須破家散宅  
更有一言萬里崖州僧問石門如何是和尚  
家風門云解接無根樹能挑海底灯後其僧  
入室問學人不解挑燈意請師方便接無根

門云賈島筆頭挑古韻下筆之處阿誰分又  
云難遇知音神鼻當初問如何是知音門云  
逢迎直言三歲子唱起巴歌異路行又頌無  
形無相大威神為接群生展手頻鳥道不遮  
圓鑑鉢金烏常出海東門師云石門恁麼道  
恁麼頌還會石門家風麼良久云金烏常出

海東門珍重 梁山觀和尚悟道頌云昔  
時玆寶被塵埋何事今朝出故懷忝道喜明  
無說句通玄不是意中猜一炷定光輝法界  
萬重塵鏗豁然開超今異古終難况幸感西  
胡特地來師云諸上座古人恁麼道意在於  
何且問諸人作麼生是昔時玆寶試對象道

看道得神鼻与你酬个價數若道不得猶如  
糞土久立 小茶風不鳴條雨不破塊即  
且止作麼生打得个翻車筋斗到梵天去若  
有出來作个伎倆有麼莫教帝釋惡叢後有  
僧入室某甲當時出來左轉一轉便歸衆師  
云莫教帝釋惡叢又作麼生僧云知恩者少

負息者多師云築著鼻孔 應機揀辨

問如何是賓中賓師云瞻如何是賓中主師

云一似暗問如何是主中賓師云放你三十

棒問如何是主中主師云耶了 問如何

是接初機句師云山河大地問如何是辨衲

僧句師云七棒對十三問如何是正令行句

師云不通取眼云如何是立軋坤句師云你

擬作麼會 問古人有言靈山話月曹溪指

月如何是真月師云照問六國未寧時如何

師云道什麼云寧後如何師云誦殺人

問內外追尋一物無時如何師云月似彎弓

少雨多風 問家家門前火把子意旨如

何師云四時八節 問不轉時如何師云即

今是轉不轉云謝和尚點破師云通身覺路

玄 問輪回六道底人畢竟如何師云不

願成佛曰為什麼不願成佛師云佛亦不究

竟云請一言師云昨日猶記得今朝話無門

問不施寸刃便登九五時如何師云海

晏河清曰治化事如何師云萬戶無門鑰鼓

腹和太平 問路逢達道人時如何師云勤

破 問學人擬入海時如何師云海生海曰

恁麼則全承此恩力也師云黑風吹羅刹回

光却得妙 問曉夜不停時如何師云是誰

不傳 問倒戈卸甲時如何師云大勲不豎



賞曰請師原賜師云退問及馬單鎗時如何  
 師云神轟打退鼓曰畢竟事如何師云想你  
 不是者手脚 問菩提涅槃即不問戴角  
 披毛事若何師云不是上座分上事如何是  
 學人分上事師云待你到這田地始向你道  
 曰便恁麼時如何師云退身三步 問二王  
 相見時如何師云膝行肘步曰恁麼則全歸  
 一主也師云天下浩浩 問丹霄獨步時如  
 何師云老僧只管看破也曰照破後如何師  
 云還我話頭來 問古人道午前來者木  
 人喚得回頭午後來者木人喚不回頭正當  
 午時喚即是不喚即是師云臘月二十五問

然燈前即不問然燈後亦不問如何是正然<sup>多二</sup>  
 燈師云一輪光灼灼今古無晦暝<sup>十</sup>  
 問蓮花未出水時如何師云千山萬水云出  
 水後如何師云萬水千山 問古帆未掛  
 時如何師云到岸也云到岍後如何師云猶  
 是鈍漢 問師子未出窟時如何師云吼  
 曰出窟後如何師云悄 問達磨未來時  
 如何師云西天此土云來後如何師云此土  
 西天 問寶劍未出匣時如何師云狼奎  
 競起云出後如何師云天下太平 問牛  
 頭未見四祖時如何師云天知地知云見後  
 如何師云猶較些子 問和尚未見先德

時如何師云山河大地云見後如何師云日

月星辰 問覺花未發時如何辨其真實

師云冬寒夏熱又云天寒打撼戰 問戴

角披毛即不問寶劔出匣事如何師云問處

甚分明曰恁麼則盡法無民師云知時別儀

堪作關黎 問三車引不出時如何師云好

曰意旨如何師云宜應自忻慶 問如何是

接人之機師云齋後來向你透曰即今為什

麼不道僧隨聲一喝師云好僧禮拜云放你

三十棒 問如何是和尚為人句師云拈

茶擇菜曰莫只者便是也無師云更須子細

問如何是和尚辨衲僧句師豎起拳曰

多二

土

未達意旨如何師云你不妨辯得好

師在衆日僧問上座久後唱誰家曲調師云

手執無絃琴騎牛脚踏鼓問如何是道人活

計師云山僧自小不曾入學堂問濟物利生

事如何師云關梨有問山僧有答問如何是

和尚深深處師云柴門不掩任聽往來曰還

許人就近也無師云且領前話問古人道解

接無根樹能挑海底燈如何是無根樹師云

日用不知如何是海底燈師云徹髓問殺父

殺母佛前懺悔殺佛殺祖什麼處懺悔師云

水長舡高問如何是真如師云如如不動

云如何是真如用師云斬問隔牆見角早知

是牛瞞山見煙便知是火瞞牆不見角是什  
麼師云不應問山僧問布以七淨花浴此無  
垢人既是無垢人為什麼却浴師云清淨亦  
不立僧問首山如何是佛山云新婦騎馱阿  
家牽因僧請益師乃有頌新婦騎馱阿家牽  
誰後復誰先張三與李四拱手賀堯年又頌

從上諸聖愆皆然起坐恁懣沒兩般有問又  
頌向伊道新婦騎馱阿家牽師復云然雖如  
此未盡首山大意在僧云如何是首山大意  
師云天長地久日月齊明

偈頌 靈雲桃花  
傷嗟尋劍蜜桃花過春開靈雲一見處令我

永樂北藏

古尊宿語錄

笑哈哈 偶述三偈 長安甚樂到入

稀子重到者須知不是歸子奇整直道迥超凡聖

外亦有介由是曹溪第二捷音自在神鼎

寺少盪蕪無醋音雲水若到來撒手空回

云無一法與人直下無一物休言無著處德大本空禪

派聞此說不用更重注加歲旦云眾不

下山 今年六十九地四大持衰朽知

自此不下山休白雲且相守音僧見

師奉話略有揀辨乃問如何得似和尚去師

云聞梨受屈作麼 一自學參玄諸方不

問禪水聲流自響舉目看青天 有宰官

問師坐禪如何師頌云 寂寂無一事醒

第一九七册

醒亦復然森羅及萬象法法尽皆禪

冬節頌

冬節年年事世俗多般異祖師

門下客長舒兩脚睡食後三巡茶以表山僧

意鼓聲若動時敢望同來至師不赴王莽山

請僧問佛不違衆生之願和尚為什麼有請

不赴師云莫錯怪老僧好頌曰 一月普

現一切水一切水月一月攝若人解了如斯

意大地衆生無不徹師在衆時与汾陽昭和

尚共作拄杖頌 昭頌 一條拄杖標

揭徑直螺文爆節有時橫擔肩上大地乾坤

批括 師頌 得處不在高峯亦非深

溪澗壑如今幸得扶持老病是為依托一朝

早在孤峯一任諸方拈掇 頌上玉泉和尚

一種輪回又一迴入鄧垂手化群迷智大豈

留生死界悲深不住涅槃增毗盧經卷塵中

現優鉢羅花火裏開非但我今難比况千佛

習首歎奇哉 示初機 一步一登臨

無非般若心逢人只麼道終不悞他人珍重

何方去家山一道光箇中若不會塵劫受任

忙 送清首座 神峯寒露別知音此

後同誰話此心出匣大聲驚宇宙甚時終得

會衣襟 此日登途去煙雲氣色全我無相

憶語更在蘊於言 偶述八偈 淡薄且

隨時家風誰得知有人來請益搖頭未許伊

神鼎有一機不用更遲疑日午打三更白淨  
崑崙兒神鼎有一言絕慮不忌緣日頭恰正  
午曉夜過西天神鼎有一約不用更斟酌分  
明向你道文殊問無著神鼎家風水泄不通  
禪客上來換手槌宵神鼎一言管尔三千禪  
客上來急急前行神鼎一說不用分別禪客  
上來清風明月生綠裏水度歲華偶携餅錫  
看天涯路逢一人穿耳客吐我回頭得到家  
自此端然無一事今居神鼎卧雲霞有人若  
問西來意遙指南山一段畚 門人寤直  
求贊 神鼎真誰人寫吾之相一如也直  
相既尔秋天月夜瞻之寫之摩訶般若

古尊宿語錄卷第二十六

多二

永樂北藏

古尊宿語錄

第一九七册

古尊宿語錄卷第二十七

多三

僧錄司右闡教兼總持靈谷禪寺住持 寂戒重校

南嶽十一世法華得度

大愚芝禪師

汾陽昭禪師法嗣

第

注

萃巖禪寺語錄

多三

大愚守芝禪師太原王氏子師陞座僧問如何是和尚家風師云一言已出駟馬難追問如何是城裏佛師云十字街頭石幢子問如何是為人一句師云四角六張進云意旨如何師云八四九凸問不落三寸時如何師云乾三長坤六短進云意旨如何師云切忌地

永樂北藏

古尊宿語錄

盈虛問昔日靈山分半座二師相見事如何師云記得麼僧良久師打禪床一下云多年忘却也師云且住且住若向言中取則句裏明機也似迷頭認影若也舉唱宗乘大似一場寐語雖然如是官不容針私通車馬放一線道有箇葛藤屢師遂打禪床一下云三世諸佛盡皆頭痛且道大衆還有免得底麼若一人免得無有是處若免不得海印發光師乃豎起拂子云者个是印那个是光者个是光那个是印掣電之機徒勞佇思會麼老僧說夢且道夢見个什麼南柯十更若不會聽取一頌北斗挂須彌杖頭挑日月林泉好商

第一九七册

量夏末秋風切 開堂升座僧正宣疏白槌  
 罷有僧問大用現前不存軌則請師揮劔師  
 云點眼知人意看取今行時進云腦後穿師  
 云齋後鐘問如何是佛法大意師云推天  
 地問心法無形如何彫琢師云一丁兩丁進  
 云未曉者如何領會師云透七透八問如何  
 是大愚境師云四面峯巒秀泐江一帶清進  
 云如何是境中人師云滿城公子貴林下道  
 人接問拈槌豎拂即不問當機一句事如何  
 師云焦頭燎面進云雷音已徹青雲外向上  
 極則又如何師云且領旨話乃云問話且住  
 淨名杜口猶涉繁詞達磨西來平欺漢地放

一線道去也放下葛藤處所以李長者云有  
 情之本同智海以還源抱識含流總法身而  
 為體諸仁者既是總法身而為體還知道須  
 彌吞却法身法身吞却須彌麼諸仁者朝夕  
 與古佛同參與諸方老和尚同參山僧今日  
 與大眾同參且道參个什麼如是定當得且  
 認得个著衣喫飯猶去衲僧半月程在若定  
 當不得來年更有新條在惱乱春風卒未休  
 上堂僧問如何是道師云八斛四斗進云如  
 何是道中人師云煮粥煨飯問寶劍未出匣  
 時如何師云切忌道著進云出匣後如何師  
 云天魔腦裂乃云舉一步須彌峯峯海水騰

多三



波不舉一步放微塵國土助一切諸佛出興  
 於世轉大法輪還信得麼若信得西瞿耶尼  
 喫飯去 上堂僧問如何是祖師西來意  
 師云白日燒地眠夜間炙地卧問既是清淨  
 法身為什麼却沐浴師云頭出頭沒進云為  
 什麼如此師云只為如此問古鏡未磨時如  
 何師云照破天下人觸體進云磨後如何師  
 云黑似漆 上堂僧問洪鍾纔擊大衆雲  
 臻祖意西來乞師垂示師云六丁六甲進云  
 未曉者如何領會師云會即錯問馬師未見  
 課師時如何師云緊進云見後如何師云切  
 問如何是佛師云鋸解秤鎚師云德山入門

便捧臨濟入門便喝一棒一喝若雙峯而互  
 出賓主未辨恹恹而萬里鄉關照用雙行擬  
 擬而千差塞路諸上座到者裏如何話會乃  
 云棒喝齊施早已賒古今皆贊出周遮二途  
 不涉憑何說南海波斯進象牙 上堂僧問  
 特特上來伸三拜乞師分付拄杖子師云科  
 進云恁麼則功不虛施也師云重因請首座  
 開堂僧問承和尚有言一人悟道三界平沈  
 首座悟道三界還沈也無師云不淹不抑進  
 云一言繞出大地全收師云落三落四師乃  
 云為衆竭力蓋為袈裟同肩一履喫飯莫是  
 人各披一條同鍋喫餅麼此是分見還知道

三世諸佛共披一條所以釋迦身長丈六留  
 下袈裟與彌勒彌勒身長千尺披得恰好何  
 故如此蓋為長者長法身短者短法身要得  
 易會麼古佛與露柱相交佛殿與天王鬪額  
 若也不會單重交拚 上堂云有時一喝  
 只作一喝用有時一喝作探竿影草有時一

喝如踞地師子有時一喝如金剛王寶劍若  
 是金剛王寶劍不敢正眼覷著覷著即喪身  
 失命乃有頌云不是干將鑄那關四氣吹匣  
 內青蛇孔達妖任便揮若得全提者當機豈  
 失時昆盧驚得走大衆盡橫眉 上堂云大  
 惡相接大雄孫五湖雲水競頭奔競頭奔有

何門擊箭寧知枯木存枯木存一年還曾兩  
 度春兩度春悵裏真珠撒與人撒與人思量  
 也是慕西秦 舉僧問汾州和尚如何是接  
 初機句州云汝是行脚僧如何是辨初僧句  
 西方日出如何是正今行句千里持來呈  
 偈面如何是立乾坤句北俱盧洲長庚未食

者無貪亦無嗔師云將此四句語以驗天下  
 衲僧子細思量將此四句語被天下衲僧一  
 時勘破 筠州府主李密諫請就上藍開  
 堂乃拈香云恭為  
 今上皇帝萬歲太后千秋又拈香云此一瓣  
 香奉為府主密諫泊閩郡官僚常居祿位此

一辦香奉為施主檀那在筵龍象師乃云還有人委得落慶麼若委得隨撥利物應化無方天上人間出沒卷舒縱橫自在若也未委落慶釋迦老子三世諸佛二十八祖天下老和尚一時拋在爐中徒聽老僧著藤時有僧問如何是佛師云還記得麼僧云若不請益爭知如是師擊禪床一下云早是忘却了僧云放和尚一線道師云一任踈跳問如何是洪州境云滕王閣下千峯秀孺子亭前薄霧生僧云如何是境中人答云出入敲金鏗禾衣對錦屏問如何是翠巖境師云洪井滔滔急山高勢近人間如何是境中人師云朝

去暮歸 師復云問話且止山僧道薄人微素無德行叨承密諫諸官際同伸堅請升於此座上吞  
皇恩國祚永安法輪常轉且道法輪作麼生轉欲得會麼須彌山上倒翻身却來堂中疊足坐阿呵呵是什麼飯糲裏坐却受餓和泥合水與麼過上士聞之嚙嚙下士聞之肯可子細思量却成口過要會麼一六三四二直言曲七一批李火中開黃昏候日出久立尊官伏惟珍重 上堂云翠巖路滑徒勞佇思又云翠岩路巖巖舉步涉千谿更有洪源水滔滔在嶺西擊禪床下座 上堂云懃

婦擔柴醫王辨價藥多病甚便下座

上堂舉雪竇和尚云一問一答忽未有事在

假饒盡大地乾坤草木叢林盡為衲僧異口

同音致百千問難不消老僧彈指一下並乃

高低普應前後無差師云翠岩即不然盡乾

坤大地微塵化為衲僧各致一問問問各別

多三

五

却向伊道你許多衲僧皮下還有血麼

上堂云為衆竭力搨出私門便下座

上堂云槌鐘擊鼓聚集諸上座上來下去于

承父業賺殺多少人 上堂舉盤山頌云

光非照境境亦非存光境俱忘復是何物師

乃豎起拂子云微塵諸佛光明摠在這裏照

破你諸人心肝五臟脾胃肝膽衲僧面前不

得道着切宜忌口擊禪床下座 小叅示

衆云一擊響玲瓏喧轟宇宙通知音繞側耳

項羽過江東與麼會恰認得驢鞍轡作阿爺

下頷 小叅示衆云僧中有奇人俗士中

亦有奇人聖朝楊億侍郎有頌云八角磨盤

空裏走金毛師子變作狗擬欲藏身北斗中

應頌合掌南辰後師云要會麼一偈搯諸方

塞斷衲僧口下座 上堂云有句無句如

藤倚樹樹倒藤枯恰認得个倒根處

上堂云霧卷雲收江山迥秀不傷物義波斯

去帽 上堂云籠言及細語皆歸第一義

諸上座每日上來老僧說夢誑嚇諸人雖然  
 如是子承父業賺殺多少人下座 上堂  
 云十地驚心二乘罔測銅頭鐵額擊禪床下  
 座 上堂云端然據坐度脚買靴左視右  
 顧不唯一錢 上堂舉先翠崑云我一夏  
 與師僧東說西話你看我眉毛在麼保橋云  
 作賊人心虛師云何故如是得人一牛還人  
 一馬下座 上堂云大洋海底排班位從  
 頭第二鬢毛班為什麼不道第一鬢毛班要  
 會麼金葉銀絲成玉露高僧不坐風凰堂下  
 座 上堂云豎窮三際橫徧十方拈起也  
 帝釋心驚放下也地神膽戰不拈不放喚作

什麼自云蝦蟇下座 上堂云若有仙陀  
 者更不待毫光下座 上堂云三世諸佛  
 不知有狸奴白牯却知有乃拈起拂子云狸  
 奴白牯忽在這裏放光動地何謂如此兩段  
 不同下座 上堂云德山入門便捧盥濟  
 入門便喝翠崑這裏即不然三門前好與三  
 十棒何謂如此棒喝齊施早已<sup>六</sup>賒古今皆費  
 絕周遮二途不涉憑何說南海波斯獻象牙  
 下座 上堂云大眾集定現成公案也是  
 打撲不辦下座 上堂拈起香匣云明頭  
 暗合道得天下橫行若道不得且合却下座  
 上堂云砂裏無油事可哀翠崑嚼飯餒嬰孩

他時好惡知端的始覺從前滿面灰擊禪床  
 下座 因筠川張一郎到上堂云久思張處  
 士相別十餘月今日上山來鐵鉢煮山蕨歸  
 去到筠陽但請與麼說 上堂僧問一切  
 有為法如夢幻泡影真實事請師舉師云兩  
 段不同向下文長問滿身是眼口在什麼處  
 師云三跳僧云學人不會特伸請益師云章  
 底詞秋罷歌韻向春生師乃云雲收霧卷江  
 山白皎日凝波又多途下座  
 拈古 舉外道問佛不問有言不問無言  
 世尊據坐外道云世尊大慈大悲開我迷雲  
 令我得入師云大小世尊被外道當面塗糊

只如外道云令我得入要且不曾夢見既不  
 曾夢見為什麼悟去 阿難問迦葉佛傳  
 金欄外別傳个什麼迦葉召阿難難應諾迦  
 葉云倒却門前刹竿着師云千年無影樹今  
 時沒底靴 五通仙人問佛云佛有六通  
 我有五通如何是那一通佛召五通仙人仙  
 人應諾佛云那一通你問我師云五通仙人  
 如是問佛如是答要且不會那一通  
 祖師問童子云汝從何來子云我心非往祖  
 云你住何所子云我心非止祖云汝無定也  
 子云諸佛亦然祖云你非諸佛子云諸佛亦  
 非師云祖師一問童子一答愆大會 在如今

諸人作麼生會 須賓同三伏劔問師子  
尊者云師得蘊空否者云已得蘊空王云還  
離生死否者云已離生死王云既離生死當  
施吾頭者云身非我豈況於頭王斬之白  
乳高數尺王臂自落師云當時尊者引頸王  
便舉刃當恁麼時有人出來諫得住麼至今

無人斷此公案如今衲僧作麼生斷  
傅大士云夜夜抱佛眠朝朝還共起起坐鎮  
相隨如身影相似欲識佛去處只這語聲是  
玄沙云大小傅大士只認得个昭昭靈靈師  
云認典不認來年更有新條在惱乱春風卒  
未休 寶公令人傳語思大和尚云何不

下山來教化衆生一向目視雲漢作什麼思  
云三世諸佛被戒一口吞盡何處更有衆生  
可度師云思大只見錐頭利不見鑿頭方  
臨濟見僧來豎起拂子僧便禮拜濟便打師  
云這僧有理不伸死而不吊如今且作麼生  
與這僧出氣 思和尚問神會從什麼處

來會云曹溪來思云你在曹溪得何意旨會  
振身而立思云猶帶尾磔在會云和尚這裏  
莫有真金典人麼思云設有向什麼處着師  
云真金瓦礫錯下名言如今喚作什麼思和  
尚令石頭送書與讓和尚回來與你一箇鋏  
斧子住山石頭才到便問不求諸聖不重己

靈時如何諫云子問太高生何不向下問頭  
 云乍可未却受沈淪不從諸聖求解脫便歸  
 去思云書達否頭云書亦不達信亦不通去  
 日蒙和尚許个鋤斧子便請思垂下一足頭  
 便禮拜師云思和尚垂足石頭禮拜出去要  
 且不得他鋤斧子且道後來石頭用个什麼

五洩到石頭便問一言相契即住一言不契  
 即去石頭據坐洩云與磨則不相契也便出  
 石頭召云閣黎洩回首頭云徒生至死只是  
 這個回頭作麼洩忽然大悟便拗折拄杖洞  
 山云當時若不是五洩先師也大難承當雖  
 然如是猶涉途在師云石頭據坐五洩便去

石頭召他却成多事 有尼叅臨濟要開  
 堂談空勘云你有五障不得開堂尼云龍女  
 成佛有幾障空云龍女現十八變你試變看  
 尼云不是野狐精變个什麼空便打數下師  
 云且道尼具眼麼只擔得个斷貫索且作麼  
 生會 僧問藥山學人有疑請師决山云

晚間上來為闍黎决疑至晚上堂大眾集空  
 山云今日决疑僧在麼其僧便出來山下座  
 把住云大眾這僧有疑與一推便歸方丈師  
 云藥山决疑土上加泥然雖如是這僧也不  
 得孤負藥山 藥山尋常不為師僧說話  
 院主白云堂中師僧久思和尚示誨山云拈



鐘着大衆集之便歸方丈院主隨後問云和尚許為大衆說話為什麼一言不措山云經有經師論有論師爭恠得老僧師云藥山歸方丈當初院主恠藥山不為他說話可謂誤他三軍 藥山示衆云智不到處切忌道着道着則頭角生道吾便出去雲嵩問藥山智師兄為什麼不抵對和尚山云却是智頭陀會得你去問取雲岩却去問師兄適來為什麼不抵對和尚吾云我今日頭痛你問取和尚雲巖迂化了吾去雲嵩不知有悔不當初向伊道雖然如是要且不違藥山之子師云雲岩不知有悔不當初向伊道只知道吾

與麼道還有也無 大慈和尚去老僧一生不會答話只解識病時有僧出來大慈便歸方丈師云這僧出來大慈便歸方丈並無个道理什麼處是識病處如今也須于細僧叅汝州南院纔到面前僧云敗也院引柱杖向僧面前僧無語院便打師云這僧只知頂上生光不知脚下有刺 觀和尚見新到來作麵引次以引示之其僧便去觀至晚間問首座新到在什麼處座云當時便去觀云是即是祇得一楸師云觀和尚道他得一楸大似壓良為賤何故為他彼此是出家兒南泉拈起蕨菜問杉山这个大好供養山云

非但者个百味。蓋他亦不顧泉云雖然如  
 走惣須嘗過師云杉山與麼道還免得麼若  
 免得去未具眼在若免不得又遠前言  
 骨祖見僧來便面壁即云魯祖何勞如此不  
 用面壁若有僧來云見什麼知時好  
 鄧隱峯在襄州破威儀堂只著襯衣拈靜槌

云道得即不打道不得即打衆皆默然峯便  
 打師云此語有勘破處且道勘破阿誰  
 臨濟上堂有僧出立濟便喝僧禮拜濟便打  
 師云臨濟也大正如今作麼生會 僧問  
 洞山時時勤拂拭莫使有塵埃為什麼不得  
 他衣鉢山云直道本來無一物也未得他衣

鉢在師云惣不得他衣鉢與佛同衆且道衆  
 得阿誰 同光帝問興化朕收得中原之  
 實只是無人酬價化云如何是陛下中原之  
 實帝引手展幞頭脚化云君王之寶誰敢酬  
 價師云興化下一着語可謂醅醑如今作麼  
 生斷 靈雲悟桃花須三十年來尋劍客

幾回落葉又抽枝自從一見桃花後直至如  
 今更不疑遂舉似瀉山山云從緣得入永無  
 退失汝善護持又舉似玄沙沙云諦當甚諦  
 當敢保老兄未徹在師云有人如今問玄沙  
 意作麼生且道這個人還徹也未 臨濟  
 上堂有僧出夾濟便喝僧亦喝便禮拜濟便

打僧無語師云臨濟也太心窟好彩是這僧  
 若是今時袖僧且作麼生出氣 地蔵問  
 僧什麼處來僧云南方來蔵云南方有何言  
 教示徒僧云彼中金屑雖貴眼裏着不得蔵  
 云我道須彌山在你眼裏師云且道地蔵還  
 免得這僧眼麼 僧問趙州大耳三蔵第三  
 度覓國師不見未審在什麼處州云在大耳  
 三蔵鼻孔裏師云只如三蔵還免得國師鼻  
 孔麼 國師三喚侍者侍者三應國師云  
 將為吾辜負汝誰知汝辜負吾師云國師與  
 侍者揔欠會在如今作麼生會 欽山問  
 德山云天皇也與麼道龍潭也與麼道未審

德山如何道德山云你試舉天皇龍潭底欽  
 山擬議德山便打師云欽山只顧其前不顧  
 其後如今作麼生與欽山出氣 石鞏為  
 獵人趁一鹿從馬祖庵前過問云還見我鹿  
 麼祖云你是甚人鞏云我是獵人祖云你會  
 射麼鞏云解射祖云一箭射幾個鞏云一箭  
 射一个祖云你不解射鞏云和尚莫解射否  
 祖云我解射鞏云一箭射幾個祖云一箭射  
 一羣鞏云彼此生命何用射他祖云你既如  
 是何不射鞏云若教某甲自射直是無下  
 手處祖云這漢無明煩惱頓歇鞏云是以刀  
 斷髮在庵中執侍師云馬祖一箭射一羣猶

未會射山僧一箭射盡動舍靈無不中者雖  
然如是只道一半留一半與後人道  
大禪佛余仰山翹一足云釋迦老子亦如是  
西天二十八祖亦如是和尚亦如是某甲亦  
如是仰山打四藤條師云此不得作賞不得  
作罰如今作麼生會 香巖示衆云如人

上樹口銜對枝脚不踏樹手不攀枝忽有個  
人問西來意擬款訓他又喪身失命不對他  
又違他所問師云問者答者俱不免喪身失命  
如今衲僧作麼生會 玄沙示衆云諸方  
老宿盡道接物利生忽遇三種病人作麼生  
接患盲者拈起豎拂他又不見患聾者語言

三昧他又不聞患瘖者教伊說又說不得且  
道作麼生接若接此人不得佛法無靈驗師  
云早知燈是火飯熟也多時 玄沙上堂  
衆集定以拄杖一時趯下向侍者道我今日  
噲入地獄若箭射者云且喜和尚再復人身  
師云大小玄沙前不至村後不至店且作麼  
生道得出身路 龍牙問翠微如何是祖師  
西來意微云與我過禪板來牙取禪板微接  
得便打牙云打即任打要且無祖師意又問  
臨濟如何是祖師西來意濟云與我過蒲團  
采牙取蒲團濟接得便打牙云打即任打要  
且無祖師意後住龍牙僧問和尚那時問二

尋宿祖師意此二尋宿透明也未牙云明即  
 明矣只是無祖師意師云當初如是如今枯  
 僧皮下還有血麼 南泉歸宗麻谷禮拜  
 國師到半路南泉於地上畫一圓相云道得  
 即去歸宗入內坐麻谷作女人拜泉云與麼  
 則不去也宗云是什麼心行師云當初若見  
 每人打一棒且得天下太平 多三 法燈和尚  
 示衆云某甲本欲居山巖拙養道過時奈緣  
 先師有不了底公案出來了却時有僧問如  
 何是先師不了公案燈打一拄杖云祖桶不  
 了殃及兒孫僧云某甲有什麼過燈云過在  
 我殃及你師云為衆竭力搆出私門

龍牙問德山學人收得鑊錡劔擬取師頭時  
 如何山云你向什麼處下手牙指地後到洞  
 山總人事了便舉前話洞山拽拄杖云還我  
 德山頭來牙無語洞山便打師云當斷不斷  
 如今作麼生斷 雲居齊和尚問僧徒什  
 麼處來僧云堂中來居云何得自護師云若  
 不知是爭知如是 豈于欲遊五臺謂襄  
 山捨得云你若共我遊臺便是我同流你若  
 不共我遊臺不是我同流寒山云你去遊臺  
 作什麼于云禮拜文殊山云你不是我同流  
 師云豈于大似辨才過蕭翼 滿山問仰  
 山甚處來仰山云田中來滿山云田中多少

人仰山插鋏叉手而立為山云南山大有人  
 刈笋仰山拔鋏便行師云只得一撮諸人別  
 有會處麼 南泉一日兩堂爭插兒泉遂  
 捉起云道得即不斬衆無語泉便斬後舉似  
 趙州州將草鞋戴頭上出去泉云子若在救  
 得猫兒師云大小趙州只可自救僧問六祖

多三

十三

黃梅意旨什麼人得祖云會佛法人得僧云  
 和尚還得否祖云不得僧云和尚為什麼不  
 得祖云我不會佛法師云會得二頭不會三  
 首作麼生道得出身路 僧問趙州狗子還  
 有佛性也無州云無僧云一切衆生皆有佛  
 性為什麼狗子無佛性州云他有業識性在

師云說有說無也好兩彩一賽如今作麼生  
 道 雲蓋問石霜万户俱閉即不問万户  
 俱開時如何霜云堂中事作麼生蓋云無人  
 接得渠霜云道也然道只道得八九成蓋云  
 却請師道霜云無人識得渠師云先行不到  
 末後太過叫 紫湖和尚夜於僧堂前叫  
 捉賊大衆皆驚有一僧堂中出紫湖攔臂把  
 住云捉得也捉得也僧云某甲不是湖云是  
 即是只是你不肯承當師云紫湖買帽相頭  
 趙州一日雪裏卧叫云相收搗救有一僧亦  
 采邊卧州便起去師云這僧在趙州圈裏還  
 有人出得麼 洞山普請次定寮見一僧

不出山云你何不出普請僧云某甲不安山  
 云你尋常安時又幾曾去師云且道此僧幾  
 曾不去 龐居士問大梅和尚久響大梅  
 未審梅子熟也未梅云你向什麼處下口士  
 云百雜碎梅云還我核來師云此二人前不  
 至村後不至店 魯祖見僧來便面壁南  
 泉云我尋常不欲向師僧道未具胞胎已前  
 會取尚不得一箇半個魯祖與麼驢年去師  
 云大愚這裏即不然未具胞胎已前會得打  
 折你脣 中邑和尚見僧來乃拍口作和和  
 聲仰山來邑亦拍口山從東過西邑又拍口  
 山從西過東邑又拍口山當面而立邑云你

從何得山云從為山得山却問邑師從何得  
 邑云我從章敬得師云看两个老和尚可煞  
 漏逗對面相謾耶云愁人莫向愁人說  
 達磨臨順世時謂二祖云你在吾身邊得个  
 什麼祖禮拜依位立磨云汝得吾髓師云二  
 祖被達磨塗糊道得髓皮也未夢見因什麼  
 紹嗣祖師位 多三 秘魔崑常持一义具僧來乃  
 云道得也义下死道不得也义下死後大禪  
 佛來跳向秘巖懷裏若便撫大禪背三下大  
 禪起來斫手云三千里外賺我來師云還有  
 賺處也無非但賺他大禪佛大愚今日也賺  
 大眾上來耶云雷聲浩大雨點全無

仰山有僧來薛山以手劃一劃其僧不去山  
 又劃一劃其僧乃去師云前為什麼不去後  
 為什麼却去要會麼特為注破前一劃與後  
 一劃都成兩劃 佛在日有一女子旋遠世  
 尊三匝乃入定世尊勅文殊出此女子定文  
 殊盡其神力不能出得女子定世尊云下方  
 去四十二恒河沙國有罔明菩薩能出此女  
 子定于時罔明至女前彈指三下女子從定  
 而出師云文殊是七佛之師為什麼出女子  
 定不得罔明具什麼神力却出得要會麼僧  
 投寺裏宿賊入不良家 文殊問無着近  
 離什麼處着云南方殊云南方佛法如何住

持着去末法比丘少奉戒律殊云多少衆着  
 云或三百或五百着却問此間佛法如何住  
 持殊云龍蛇混雜凡聖同居着云多少衆殊  
 云前三三與後三三師云文殊道前三三與  
 後三三作麼生會要會麼千年無影樹今時  
 沒底靴 古人道我有一句子待犢牛生  
 見即向汝道師云我即不然犢牛生兒也不  
 向你道何故如是若向你道何處更有玉老  
 師 道吾聞趙州來吾取豹皮棍着將吉  
 寮杖共三門下翹一足州繞到吾便唱喏州  
 云小心伏事着吾又唱喏師云有人見得此  
 二人落處不妨具眼若不見落處未具眼在



乃擊禪床一下云若也不會打與三百  
 德山小叅示衆云今夜不荅話有問話者三  
 十棒有僧出禮拜德山便打僧云某甲話也  
 未問和尚為什麼打某甲德山云你是甚麼  
 人僧云新羅人山云未踏船舷好與三十棒  
 師云時人盡道德山作家用得好若與麼還  
 曾夢見麼大愚道德山被這僧一推直得瓦  
 解冰消雖然如是今日見一个尊宿也大難  
 得 普眼菩薩入定遍觀三千大千世界  
 見普賢菩薩不見未審普賢在什麼處佛言  
 汝但於靜三昧中起一念必見普賢在空中  
 乘六牙白象師云諸仁者且作麼會普眼推

倒世尊世尊推倒普眼你且道普賢在什麼  
 處 劬頌 輝日流光勢還曾結衆疑  
 吹毛橫宇宙換把却施為瞥起和根去擡眸  
 早已遲投樣須得妙何處覓牟尼

古尊宿語錄卷第二十七

多三

永樂北藏

古尊宿語錄

第一九七册

古尊宿語錄卷第二十八

多四

僧錄司右副教兼鍾山靈巖禪寺住持淨戒重校

汾陽昭禪師法嗣

法華禪師名全舉南岳下十世

師入院上

堂示衆云夫第一義諦非智辯所詮心機所測教外別傳不立文字既到這裏復且如何

多四

一

直須坐斷毗盧不存凡聖還能如是麼若也未能山僧重說偈言去也不結毗盧印那引古佛心明月照幽谷寒濤助夜砧諸人委悉麼各希發問問昔日靈山分半座師今登陟意如何師云你承當得麼問如何是法華境界師云後不構前如何是境中人師云三日後

永樂北藏

古尊宿語錄

看問祖意西來事請師直指陳師云截耳卧街僧云見者盡攢眉師云非公境界問不落今時請師道師云落問如何是佛師云蘆芽穿膝僧云如何是道師云七縱八橫僧云如何是道中人師云緊裹頭僧云如何是和尚家風師云廣額旃陀羅問如何是祖師西來意師云朱唇皓齒僧云學人不會師云斜墜搔首問牛頭未見四祖時為什麼百鳥銜花師云果熟猿猴重僧云見後為什麼不銜花師云踈林鳥不過問雪覆千山時如何師云無人迷古路漁父鏤孤舟問可來白雲裏教你紫芝歌如何是紫芝歌師云不是具音切

第一九七册

須漢語問數日不聞師誨語今朝陞座意如何師云一年春盡一年春師乃云夫然學須具擇法眼不得顛顛若得正眼精明一切無滯不見古人道一句語中須具三玄一玄中須具三要古人恁麼道意在於何鴉王擇乳素非鴨類 上堂云即心即佛黃葉止啼非心非佛驗病施方你道到這裏作麼生上堂云擬著即染生拈箭不擬著即三千里外 上堂云白眉不展手長安路坦然歸堂喫茶去 上堂云釋迦不出世達磨不西來佛法遍天下談玄口不開 上堂云若開口又成增語不開口去又成刺語乃云

金輪天子勅草店家風別 上堂云菩提離言說從來無得人雖然如是不免口過上堂云心不是佛智不是道且道是什麼刻舟求劍膠柱調絃 上堂云三乘十二分教只是箇藥方且道治什麼病乃云父母緣生口 上堂云鐘鳴鼓響鷄鳴鵲噪為你諸人說般若講涅槃了也諸人還信得及麼觀音勢至向諸人面前作大神通若信不及却往他方救苦利生去也 上堂云三世諸佛口掛壁上天下老和尚作麼生措手你諸人到諸方作麼生舉山僧恁麼道也是久日撐來唇喝一喝 上堂云古人有一轉

不了底因緣舉似大眾分明記取 上堂  
 云諸高德叢林規矩朝晚二時上來相見一  
 回即不可若約佛法事塵劫來未曾昧雖然  
 如是敗種且不發芽 上堂云大眾會麼  
 師子一滴乳能破万斛駟乳記得僧問老宿  
 如何是佛對云不封不樹大眾會麼若不  
 重下注脚去也不封不樹以棘藥 上堂  
 云古人道我若一向舉揚宗乘法堂裏草深  
 一丈不可為閣梨鏢却僧堂門去也雖然如  
 是也是烏龜陸地弄塵行 上堂舉古人  
 道一塵起大地收師云一葉落天下秋 上  
 堂舉南泉云道箇如如早是變也今時師僧

須向異類中行始得且道作麼生是異類中  
 行乃云石牛長卧三春霧木馬嘶時秋後泉  
 上堂舉僧問曹山如何是一不老山云枯木  
 僧云如何是一老山云不扶持有僧舉似九  
 峯峯云三從六義諸上座會麼愛他年少婦  
 須是白頭兒 上堂云語漸也返常合道  
 論頰也不留朕迹直饒論其頰返其常也是  
 抑而為之 開爐示衆云一二三四五任  
 君顛倒舉露柱與燈籠何曾成佛祖不惜眉  
 毛者直下便道取僧問未審道箇什麼師云  
 絮已輕裝外瓶盃共衲袍僧云正當與麼時  
 如何師云夜禪孤月冷晨朝片雲高僧擬議

師云會麼僧云不會師遂作頌示之云三十  
 五十何須更舉方圓變通去除佛祖他未彰  
 名余不能取僧問如何是賓中賓師云開口  
 雖無力吐氣却慚惶僧云如何是賓中主師  
 云一條新竹杖三事舊麻衣僧云如何是主  
 中賓師云峻岫何人顧坦然孰可聞僧云如  
 何是主中主師云万仞齊開觀千峯露出顏  
 僧問如何是奪人不奪境師云春生夏長秋  
 收冬藏僧云如何是奪境不奪人師云一朝  
 摧在手看取令行時僧云如何是人境兩俱  
 奪師云寰中天子貴塞外將軍雄僧云如何  
 是人境俱不奪師云一等軋坤日月俱明問

如何是佛師云手不如脚僧云如何是諸佛  
 家風師云荒田耕不罷又被別人爭問自古  
 及今不從人得六祖黃梅傳箇什麼師云德  
 山捧僧云傳後如何師云那用臨際喝問如  
 何是佛師云紫雲常捧足黑霧擁身行問法  
 身無形如何達玄云古廟香爐問牛頭未見  
 四祖時如何師云新鞞鼓子繫繫響僧云見  
 後如何舊鼓皮寬打不鳴問生死事大請師  
 相教師云洞庭湖裏失却船問如何是本源  
 師云山高峯峻問語不投機請師提唱師云  
 山藏海納問久居岩谷一物全無時如何師  
 云脚瘦草鞋寬問不犯一切請師提綱師云

聾人遠聽問自知當作佛未審什麼人證據  
師云志公剪刀問如何是親切一句師云六  
祖是新州人問如何是景初一句師云父母  
未生前問如何是不動尊師云今日遭逢問  
如何是透法身句師云三箇猫兒一箇獐僧  
云如何是法身師云無過於此問不動根源  
如何接物師云惡虎不如善猫兒問祖意教  
意是同是別師云亦水求珠孫賓打瓦僧入  
室次師垂語云重整釣竿橫海上拋鉤未必  
受魚吞僧云多年枯木今日重生師自代云  
紅絲曲裏無金磬碧旗歌外有文官僧云悉  
下綠絲重着餌必然釣得大金魚僧入室展

座具始收師云一展一收法法皆周擬欲更  
問著甚來由遂問會麼僧云不會師便打問  
既是善知識為什麼事養生殺生師云生者  
自生死者自死未雨先驚蟄只要小蛇知問  
師唱誰家曲宗風嗣阿誰師云戴頭白海頭  
黑僧云汾陽的于臨際兒孫去也師云莫亂  
針錐問法華專使伸三請祖意西來事若何  
師云天晴道路軋問德山捧臨際喝意旨如  
何師云哉舌三分僧云四海傳揚去也師云  
苦痛深僧問如何是賓中賓師云冥然渡曉  
春僧云如何是賓中主師云莫謾窺門戶僧  
云如何是主中賓師云威喪濟滄海僧云如

何是主中主師云光寒星斗怖問如何是奪  
人不奪境師云白菊乍開重日暖百年公子  
不逢春僧云如何是奪境不奪人師云大地  
絕消息脩然獨任真問如何是人境兩俱奪  
師云草荒人變色凡聖兩齊亡問如何是人  
境俱不奪師云清風伴明月野老笑相親僧

多

五

問承古有言須彌為槌虛空為鼓還許學人  
打也無師云無你下手處僧云更不請鋌師  
云我不能打得你遂頌云監官有鼓高低辨  
於此南泉便整齊背面須來唐土擊當頭不  
罵北番捉入番急磨腰下劍出塞須用自家  
才珍重老師不轉破我在江東君在西僧問

學人未遇大機請師一喝師云是什麼機僧  
云大機師云若是大機爭受一喝僧便喝師  
云一潭綠水兩處洪波僧有頌云高提祖印  
思狂機坐卧應須鑑者知却被明師全打破  
外求佛祖豈為奇問承師有言一物不將來  
放下箇什麼意旨如何師云你是了因放下  
箇什麼僧云佛法無多子師云欠我劈脊棒  
你作麼生僧云元來無許多般如今却作摸  
樣師以頌示云汝錫高飛我即休此生無喜  
亦無憂雲開任待風吹散留取碧潭月正秋  
僧問趙州東門西門南門北門意旨如何師  
云有問有答僧云不問不答時如何師云却



被你道著以頌示之云四般俱已息六種豈能分倚南闌度日傍北別無門巧語從教設玄緯謾共論迥出威音外不到是非奔僧問如何是雲門一竅師云開張閉合遂以頌示之云雲門一竅坐閒心把斷游人更莫尋任是有誰居壁上也教無事訪知音僧問如何是本來宗師云密室不通風却問你作麼生會僧云春日櫻桃朵朵紅僧問如何是本來宗師云不問不答僧云豈無方便師云明明向你道僧云謝師方便師云汝莫受方便僧云官不容針私通車馬師云千山堆皓玉万木折寒梅遂以頌示之今古甚有方便是物

頭頭露現坦然萬樣千般突兀無過有焰悟且須保惜悟了便生厭賤中下急急著眼上士誰能顧盼因僧參有頌要接諸人向上坡左手提携右手過太陽焰裏分八字南海波斯不較多僧問要接諸人即不問如何是向上坡師云意外月徹曉室中燈更明僧云左手提携多四即不問如何是右手過師云放開非在手却閉不從他僧云太陽影裏即不問如何是分八字師云船主能蔽寶青巾蓋頂門僧問如何是西來的的意師云與我取拂子來僧過拂與師師便打僧於此有省遂以頌呈萊師一拂太多端打破從來滿肚愁別

處不能求妙解目前却覩自家顏僧問久在途中請師一接師云虚空烜赫無涯岸海月圓時別有天僧云不會師云却是真箇遂以頌示之學道如行路途未得休直到長安日方能見聖游崩南懃和尚有頌示本禪人云林葉始經秋游雲出幽谷禪人錫亂飛往復不往復往復不往復六六三十六師因見乃問作麼生是往復不往復本云歷歷乾坤外的的宇宙中師云作麼生是六六三十六本云今日既然煩道用得師坦蕩至無為師游園見千葉蓮池乃問僧云池在這裏蓮在甚處僧云白浪起時應難見未覩波澄別却

逢師云明向上事僧却問師池在此蓮在甚處師云未至日蔽青箬外時來透向碧波心僧遂以頌呈四海應難見五湖易得存綠波還有月白浪忽成紋朵朵分千葉數株共一根久在池中長誰人折上盤問七星光彩天將曉不犯皇風試道看師云將軍馬蹄紅僧云錯師便打僧云灼然師云七捧對十三僧禮拜師噓噓問法華曾演汾陽旨白雲今日事如何師云誰知蓆帽下元是昔愁人問驪珠逐月即不問龍劍衝星事若何師云寒光急急問萬里無雲即不問一條霜刃事如何師云誰敢動著僧禮拜師云小慈妨大慈便

打問智識不到處時如何師云三門不曾開  
僧云誰是知音者師云口似鼻孔問竇劍未  
出匣時如何師云住僧云出匣後如何師云  
點僧禮拜師云三三問如何是佛師云波斯  
倚夜臺問古人道承言者喪滯句者迷學人  
愁不恁麼時如何師云點檢舌頭看僧云官  
不容針私通車馬師云伶俐人難得問明月  
海雲邊不得舒光直透水晶宮時如何師云  
打破了來相見問佛身充滿於法界未審向  
什麼處行履師云眉毛重多少僧云不離當  
處常湛然師云滯恣迷封問不落言詮請師  
端的師云鐵門路嶮問彌龍含月即且置龍

劍衝天試用看師云山河岌岌日月斗昏僧  
禮拜師噓噓僧問如何是佛師云老僧當門  
無齒僧云為什麼如此師云只為老僧謗佛  
小叅示衆云諸上座禪僧家以寂住為本夫  
行脚者不在觀州說府看山門景致過時為  
什麼事蓋為生死事大從上古人凡到所在  
見一箇村院主也須問過如今晚學往往蹉  
過不肯迴相博問記得龍牙問德山學人仗  
鏡卸劍擬取師頭時如何德山便引頸牙云  
師頭落也德山便休諸上座莫是德山無機  
鋒麼為當別有道理乃云德山引頸龍牙劍  
鏹 小叅示衆云諸上座佛法有什麼事

也莫見老和尚道無事便無事去法身無為  
 不墮諸教古德道不信佛菩提是則解空第  
 一所以道說佛說祖談玄談妙皆屬增減語  
 既然如是諸人又向什麼處參須具行脚眼  
 始得乃拈拄杖云有人道得麼出來相見有  
 麼有麼衆無對師云老僧今日失利

多

八

師因入縣看官岑負外問文殊騎師子普賢  
 騎象王和尚為什麼不乘騎師云院中無外  
 云遠磨乘蘆渡龍慶江和尚打轎又且何妨  
 師云山僧不捏怪 師訪郡主郎中云舍  
 弟屯田不會祖師道師云屯田雖不會刑部  
 又且標格不同中云雖然如是奈何心中未

達師云文彩已彰中云不敢師云爭敢埋沒  
 中又云今時參學人好教他見德山師云見  
 後如何中大笑師云對觀不施 天使牛  
 太保入寺舉李都尉法身頌請師指示師云  
 天使甚麼人事使云東京城裏人東京城裏  
 說話西京城裏應喏使云不會乞師指示師  
 云張公喫酒李公醉鍾馗解舞十拍子使云  
 弟子夙生多幸作禮而去威殿丞入寺游山  
 行次見粟種遂問黃底是白底是師云粟底  
 公令人搥破師云今日遭皮剥威云也須點  
 檢師云今日失利威到清泉又問泉為什麼  
 太混師云昨日山中大會威云今日事作麼

生師云開從何處來王學士同運使到院師  
 云請學士祇應運使說話山僧只知林下事  
 學云未審林下事如何師云苦益菜羹粟米  
 飯又云偏打不防家師至荆南分金善  
 和尚處問回互不回互師云怒不恁麼金云  
 為什麼喫福昌捧師云一家有事百家忙金  
 云為什麼脫空謾語師云事不孤起金云入  
 水見長人師云調琴澄太古琢句體全真遂  
 呈頌云回互不讓前當頭戶底開罕逢臨際  
 喝蹉過老德山在事從他到鳥道絕人攀個  
 儒天然寂坐斷趙州閑到公安遠和尚  
 處問作麼生是伽藍師云深山巖獨虎淺草

露群蛇遠云作麼生是伽藍中人師云青松  
 蓋不得黃葉豈能遮遠云道什麼師云少年  
 散盡天邊月潦倒扶桑勿日頭遠云一句兩  
 句雲開月露作麼生師云照破佛祖  
 師到荆南延壽賢和尚問海竭人亡作麼生  
 師云毒蛇不咬人賢云為什麼如此師云風  
 引溪雲斷泉衝石徑斜師到夾山入真首座  
 室云還見麼云萬事全無真云還不見麼師  
 云千般皆在手師遂問首座未見澄散聖時  
 如何座云湖南江西師云見後如何座云江  
 西湖南師云却共首座一炷座云打草要蛇  
 驚師云某甲終不捏恠偶述頌呈同往韶陽

路行來迫且珠南蓋猶不顧北嶽豈能拘有  
 語深藏却無言淺露珠雖然名得免聲已振  
 西瞿 師到神鼎鼎問一朶峯峦上獨樹  
 不成林作麼生師云水分紅樹淺澗遮碧泉  
 深鼎云作麼生是回互之機師云盲人却無  
 眼頌云天曉不明海亂珠情無按出背擎書

劣形馳步愁長路絕念還同上太虛  
 師到福嚴承和尚問作麼生是圓容相師云  
 木人嶺上休相覩石女溪邊更莫逢師遂問  
 如何是和尚圓容相嚴云老病尋常發躡踵  
 無較時師云容即不問如何是圓嚴云法界  
 廣無邊師云圓即不問如何是容嚴云消却

了也嚴遂問不容不圓時如何師云虛空無  
 背面鳥道絕東西遂呈頌云溢月流波灌紫  
 微交羅紅淨海心飛圓容妙相權施設個儻  
 無門說向誰 師在福嚴入惠照室問承  
 古有言狸奴白牯却知有三世諸佛為什麼  
 不知有照云只為太惺惺師云狸奴白牯為  
 什麼却知有照云爭怪得伊師却問如何是  
 福嚴境照云漱泉秋鶴至蟬樹夜猿過照却  
 問作麼生是南岳境師云風休林自直雲靜  
 月弥新照云作麼生是境中人師云草色青  
 隨步藍光碧照衣 師到石霜入慈明室  
 明云作麼生是向上一竅師云二竅俱明霜

云還見七十二峯麼師云有甚掩麴霜云道  
 什麼師云今日觸忤和尚霜便打師云作麼  
 生霜云將謂收番猛將元來是小小長行師  
 云雅淡呈秋色馨香噴月華遂呈頌云收番  
 猛師彼方奇勢劣翻思握劍歸塞外從教誇  
 勇健寰中爭敢鬪龍威放開急著金牙竅更  
 閉那吒擁節旗蘇武英雄能透出張良喪却  
 目前機 到大愚芝和尚處問古人見挑  
 花意作麼生師云曲不蔽直愚云那箇且從  
 者箇作麼生師云大街拾得金四隣爭得知  
 愚云上座還知麼師云路逢劍客須呈劍不  
 是詩人莫獻詩愚云作家詩客師云一條紅

線兩人牽愚云玄沙道諦當甚諦當又作麼  
 生師云海枯終見底人死不知心愚云却是  
 師云樓閣凌雲勢峯巒疊翠層遂呈頌云鳳  
 返自騰霄漢去靈雲掩樹老鴉栖古今休頌  
 掩花意天上人間不可陪 師到廬山羅  
 漢祖印大師處即舉頌云北斗藏身事已彰  
 法身從此露堂堂雲門賺殺他家子直至如  
 今亂度量乃云老僧當時作此頌直得天下  
 老和尚不肯上座作麼生師云爭敢印云作  
 麼生師云凌晨昇寶座應不讓南能遂呈頌  
 云北斗藏身事坦然法身無狀透何邊後人  
 不曉前人意水底撐船捉月天 師到栖

賢入室問如何是佛賢云張三李四師云意旨如何賢云餽餅討甚汁遂呈頌云去短求長本不移他人與汝未為奇雖然構得些些飽終久何曾免得饑 師到祖峯戒和尚處入室戒問作麼生是絕羈絆底人師云畚手把馬籠戒云却是作家師云背邊打不着戒云為什麼却上來下去師云和尚向甚處見上來下去戒便打師云一言無別路千古不來人遂呈頌云直上猶難到回來轉更遲若言禪與理特地隔須彌 師到蘇州翠峯素和尚處入室舉僧問風穴如何是佛穴云嘶風木馬綠無絆背角泥牛痛下鞭峯問

背鞭一句作麼生道師云翻身師子威雄大爭敢當頭露爪牙峯云放你一線道師云七顛八倒峯云收師云了 到翠峯顯和尚處問牛喫草草喫牛師云回頭一就尾宛轉萬重關峯云應知不背面須教在目前師云驗在目前峯云自領出去 師到杭州興教入室舉僧問一和尚如何是佛一云陳橘皮師遂問意旨如何教云猫兒頭上雀兒窠師遂呈頌云問佛師言答橘皮更無一法可相遠眉毛翻起應難見背向終教是與非復頌云寸草密蔽師子多猫兒頭上雀兒窠擬欲傾窠不夜命直隨鷄子過新羅 到杭



州西菴菴主曾見明招舉一頌云絕頂西峯  
 上峻機誰敢當超然凡聖外瞥起兩重光師  
 問如何是兩重光主云月從東出日向西沒  
 師云菴主未見明招時如何主云滿傾油難  
 盡見後如何多心易得乾師到瑯琊問上座  
 近離甚處師云兩浙瑯琊云船來陸來師云船  
 來瑯云船在甚處處師云步下瑯云不涉程  
 途一句作麼生道師云杜撰長老如麻似粟  
 便拂袖而去瑯遂問侍者此是什麼人者云  
 舉上座瑯云莫是舉師叔麼當時先師教我  
 尋見伊遂親下且過堂問上座莫是舉師叔  
 麼莫怪某甲適來相觸忤師便喝復問長老

多四

十一

何時到汾陽瑯云恁時到師云我在浙江早  
 聞你名元來見解只如此何得名播寰宇耶  
 遂作禮 頌首山西來意 風吹日炙  
 少人知項仰先賢對此機饒君曠劫生前會  
 穿耳胡僧也皺眉 透法身二頌  
 人問透法身隨宜為指陳大地如膠漆長江  
 波慶聲湏弥起舞天帝不瞋一人之力不如  
 百人 網宗 兩及交鋒事嶮巖沙場  
 六月雪花飛如今更擬圓真實白眉應教入  
 素關 十二時歌 夜半子伊余靜坐  
 寒堂裏月圓日滿不曾虧方朔由來悞官徵  
 鷓鳴丹森羅万象歸元首一聲聲後九衢聞

年光任你侵蒲却 平旦寅向龜穿破鬪

骸門山伯不知何屢去扶桑天子笑竹竹

日出外千門万户呈機巧織成蜀錦與兵綾

到頭成壞行相挽 食符辰齋細將來不

厭忻寒則着衣飢喫飯途中往往問踈親

萬中已華藏已開見惹氏驚起毗盧頂上人

多四

十三

拍手呵呵開闢裏 正中午髻蹄軋城猶

未許金輪天子下閻浮移却西天作東土

日跌未石室老僧禪未起門前時有問津人

樓至擎拳先指示 曠時申柴門不掩去

來人石室丹霞謾費力歷歷分明真不真

日入酉時擊踈鐘滿林吼自他爽昧各方圓

剛被時人分好醜 黃昏戌才燭銀缸昏

暗失晦魄山童速報來金烏早向西方出

人定支抖擻壞衣線長在不羨羅紈錦繡袍

迦葉師兄相笑待

繼

古尊宿語錄卷第二十八

多四

古尊宿語錄卷第二十九

多五

僧錄司有蘭教兼鍾山靈谷禪寺住持 淨戒重校

龍門佛眼禪師語錄之一

佛眼清遠禪師臨印李氏子師初住舒州天  
寧開堂日提刑學士權郡承議燒香度疏與  
師接得示大衆云天不能蓋地不能載漏泄

多

一

天機言言堪愛且道如何是堪愛之言良久  
云分明記取舉似作家遂度與表白宣罷師  
指法座云古聖道為法未耶為床座來耶我  
為法來非為床座師咄云是何言歟便陞座  
拈香云此一辨香祝迺  
今上皇帝陛下伏願龍圖永固鳳曆長新八

永樂北藏

古尊宿語錄

表稱臣四維歌化次拈香云此一辨香奉為  
提刑學士權郡承議洎閩郡尊官伏願嘉聲  
藹著善政日新頻承雨露之恩坐聽益梅之  
詔次拈香云此一辨香還知落屢麼欲隱弥  
露在晦愈明本欲拋擲岩阿混于沙石苦為  
諸人教逼不免細說來由奉為我先蘄州黃  
梅東山演禪師一爐焚却用陪法乳之恩聊  
表化儀雖然思大難酬未免拋三放二遂跌  
坐山谷和尚白槌云法筵龍象衆當觀第一  
義師云觀即不一一即不觀第一義門今在  
何所釋師云太阿橫按截萬機於掌握之中  
寶鑑當臺現羣象於無心之表有緣即應故

第一九七册

問答以縱橫不令而行乃言象而罕測影譬之士斯何足云所以佛付佛祖付祖更無絲髮之異豈有東西之殊不立階梯單傳是事若非靈根頓悟大用現前未免業惑海深妄塵自隔遂拈起拂子示衆云還見麼若見見箇什麼若見箇拂子正是凡夫若言不見此是拂子如何說不見底道理道人到此須是付量不可輕心取於流轉誠非小事實是在悟明所以聖人得此事莫不統三界領四生号今聖凡扶顛拯物大衆從上諸聖入此門中各令啓悟勞生破諸塵妄記得靈山會上四十九年說不盡末後分付欽光少林九年之

間畢竟獨許二祖爾後光分震旦道滿寰中臨濟德山威行雷電皆為上祖不了致令殃及子孫遂舉拂子云大衆從上許多賢聖如今總在山僧拂子頭上各各坐大蓮華說微妙法交光相羅如寶絲網還信得及麼若信得及山僧出世一期之事已得周圓其或未多然不免自通消息去也十字路頭吹玉笛淡雲輕日正清秋久立上堂世尊拈花迦葉微笑親切親切省要省要眼目定動料料掉掉為報先生莫打之遠何也文不加點下座上堂云達磨未來此土時須信事系真實二祖禮三拜而立不得設有商量大衆

何故人到于今疑情不息良久曰早知燈是  
 火飯熟已多時直饒恁麼信得及猶是錯承  
 當自餘一切何足論之歸堂 上堂奇怪  
 尋常道出門便作還鄉計直至如今計未成  
 誠我言也豈不見僧問古德學人欲歸鄉  
 時如何古德曰子父母徧身紅爛卧在荆棘  
 林中子歸何處曰恁麼則不歸也古德曰却  
 須歸去有箇絕糧方子與你僧曰便請古德  
 曰二時上堂不得咬破一粒米大眾荆棘林  
 中紅爛盡無路還鄉二時堂內絕糧方却須  
 歸去所以山僧二十年披雲嘯月未始遊方  
 十來年接物利生何嘗出世諸人皆把父母

契券論量祖業田園就赤水以求珠珠沈赤  
 水向荆山而覓玉玉隱荆山說道赤水無珠  
 荆山無玉是誑誑你說道赤水有珠荆山有  
 玉亦是誑誑你山僧有時畫方成圓指南成  
 北何故如此蓋為諸人唱還鄉曲子曲調不  
 圓熟路難忘鄉談未改非指南之不妙也如  
 何得曲調圓去豈不見道平窺紅爛處暢殺  
 子平生下座 上堂良久云山僧今日與  
 諸人同叅一箇真善知識便下座 上堂  
 僧問德山入門便棒臨濟入門便喝未審師  
 如何接人師云不虧不欠進云便恁麼去時  
 如何師云第一不得拈根師復云光陰倏忽

變化密移始見望朝又已念日諸人還知先  
 陰不變化日月不遷流麼快須究取昔日六  
 祖大師作居士時隱於廣州法性寺印宗法  
 師席下遇夜廊廡間有二僧風幡競辯未盡  
 厥理祖師躡步而謂曰可客俗士得預高論  
 否直以非風搖動仁者心動告之大衆抵如  
 夜來風起且道是風動不是風動若道不是  
 風動如此觸簾動戶簸土揚塵作麼生不是  
 風動還斷得出麼山僧道也不是風動也不  
 是搖動也不是心動有人識得麼青山無限  
 好猶道不如歸珍重 上堂兩岸蘆花一  
 葉舟涼風深夜月如鉤絲綸千尺慵拋放歸

到家山即便休 上堂舉僧問趙州萬法  
 歸一一歸何處州云我在青州作一領布衫  
 重七斤大衆至音絕韻妙曲非聲通身不挂  
 寸絲赤躰全無忌諱諸人切莫拈他舐指直  
 須截斷舌頭放下身心自然快活眼若不睡  
 諸夢自除心若不異復名何物快活快活端  
 堂喫茶下座 上堂若有一人發真歸源十  
 方虚空悉皆消殞從前先聖豈不發真歸源  
 如何十方虚空至今尚在又云漚滅空本無  
 况復諸三有幻漚既滅虚空殞無三有衆生  
 從茲殄悴四生九類如何得無又云清淨本  
 然云何忽生山河大地既生山河大地如何

得復清淨本然既復清淨本然云何却見山河大地大衆如何即是良久曰水自竹邊流去冷風從花裏過來香好大哥歸堂 結夏上堂揮戈佛日不西流照徹人間洞九幽從此安居無一事休將玄妙挂心頭 五祖演和尚遷化遺書至上堂昨朝六月二十六無

多五

一

永樂北藏

古尊宿語錄

及未從初至終盡善盡美真善知識清遠忝承提訓痛傷可量古人道將此深心奉塵刹是則名為報佛恩昔日大梅遷化時上堂聞鼯鼠聲乃云即此物非他物汝善護持吾當逝矣我先師上堂告衆云富嫌千口少貧恨一身多以本校古絲毫無差諸人還知大梅東山二老子去處麼若知得則不辜負先師若也未知有寒暑兮促人壽有鬼神兮妬人福下座 上堂卓拄杖一下喝一喝云捧喝齊施古佛宗三玄三要絕狐蹤白雲消散青山在明月蘆花對蓼紅又卓拄杖一下喝一喝下座 解夏上堂以一粒芥子擊脩羅窟

第一九七册

於中宴坐九旬振六錫杖登須弥盧直上  
安居三月倚長松而自誓臨綠水以經行周  
游井邑則動心蕭蕭依處叢林則威儀濟濟  
豈論城隍聚落寧分勝地寶坊心月孤圓神  
珠炳煥六門虛靜萬法咸如如此護生宜有  
生之可護如此持律豈有律而可持案內蠟

五

五

人通身雪冷誠堪慶賀喜何如哉吳居士為  
師龍門創坦然庵請上堂淨名居士在家人  
不二門深入者親一鉢上方香積飯寥寥十  
古轉通津大衆維摩法力居士神通斷妙喜  
世界來于此中持香積佛飯悉飽衆會三萬  
二千師子座本亦莊嚴十方三世諸如來現

前證據看他作一場佛事真箇希奇皆不思  
議之功勳自心之神力者也公明居士希風  
摩詰接跡龐公大省幻身久超正覺願趁  
錫備建菴宇遂尔來此聚集禪徒記得昔日  
臨際栽松次黃蘗問云深山裏栽許多松作  
什麼際云一與山門作境致二與後人作標  
榜道了以鋤頭打地兩下藥云吾宗到子大  
行于世大衆臨際所栽者松可謂根盤沙界  
葉覆彌盧三賢十聖為憇息之方諸佛祖師  
為作止之地故得後代子孫昌盛永茂宗枝  
自古及今綿綿不斷如今衆中若有一員禪  
客出來道深山裏用起菴作什麼山僧也愁



向伊道一與山門作境致二與後人作標榜  
 且道與他古人相去多少大衆一與山門作  
 境致見者須超無學地二與後人作標榜凡  
 聖悟迷皆一樣若是叢林向上闍有人踏著  
 喜無量下座 上堂少室無言語曹溪有  
 消息可憐門大開而人不能入蒼龍得雲雨  
 猛虎生羽翼但解自承當何勞問知識上堂  
 云古人道我有時揚眉瞬目有時不揚眉瞬  
 目有時揚眉瞬目是有時揚眉瞬目不是如  
 今人不委得了便別作解會說道得底人道  
 是也得不是也得問伊作麼生是得底人便  
 道他分上不說得與不得得也好不得也好

乃長吁一聲曰有什麼共語處祇如古人道  
 恁麼也不得不恁麼也不得恁麼不恁麼  
 不得又作麼生他便道此是拂跡語拂你屋  
 裏老耶老娘又問伊此是拂跡語不拂跡語  
 如何便道恁麼也得不恁麼也得恁麼不恁  
 麼摠得此喚作實頭語實你屋裏老耶老娘  
 師復呀兩聲曰有什麼共語處夫為衲僧須  
 作衲僧說話你等合作麼生莫道龍門不肯  
 我埋沒我心行我歷良我龍門恁麼是要你  
 到不要你到也須子細看詳好珍重 上堂  
 云沙大師示衆云諸方尋常盡道接物利生  
 忽遇三種病人如何接得愚盲者來拈翅豎

多五

六

拂他又<sub>不</sub>見患聲者來向他說他又<sub>不</sub>聞患  
 啞者來教伊說又說不得若接此三人不得  
 佛法無靈驗師云好諸兄弟還知真實相為  
 處麼山僧不惜眉毛為諸人說破<sub>抵</sub>如諸人  
 尋常有雙眼又何曾見來有雙耳又何曾聞  
 來有片舌又何曾說來既無說無聞無見何  
 處有色聲香味來雖然如是又能有幾人到  
 者般田地所以道木伎撒石女兒三冬陽氣  
 盛六月降霜時有語非千古無言切要詞會  
 我最後句出世少人知午齋晨粥無餘事盞  
 茗爐香話道竒下座上堂普光明殿在人  
 間凡聖交羅絕往還若向一塵親得見毫光

照處奉慈顏上堂僧問劫火洞然大千俱壞  
 未審此個壞不壞師云黑漆桶裏黃金色進  
 云請師答話師云閑言語上堂摠記不得天  
 花滿鉢縱有千言不如一默下座上堂昔  
 日百丈大智禪師再叅馬祖侍立次祖舉拂  
 子丈云即此用離此用祖掛却拂子問云你  
 他後開<sub>多</sub>兩片皮將何為人丈取拂子豎起祖  
 云即此用離此用丈掛拂子於舊處祖便喝  
 百丈直得三日耳聾大衆說甚三日耳聾直  
 得龍門打鼓上堂大衆盡皆雲集僧堂橫吞  
 佛敎露柱倒掛燈籠天高地厚月白風清兩  
 順風調河清海晏飢則共君食苦菜渴則與

子飲寒泉直饒天外雨花飛爭似歸堂喫茶  
去下座 上堂山僧適在寢堂中法堂上  
無山僧寢堂上有山僧下至法堂法堂上有  
山僧寢堂上無山僧有則心外有法無則心法  
不周諸上座在衣鉢下聞打鼓便上法堂法  
堂上添得上座衣鉢下減却上座添則成增  
減則成滅滅故落斷增故落常行脚人如何  
得離有離無離常離斷生死羗情大難透脫  
此是如來清淨心要宜須決擇不可等閑光  
景遷流動如飛箭浮世如此人生幾何彼此  
出家三界逆旅竹戶茅堂孰為其主冷淡共  
居寂寞司住何故何新何憂何慮下座

行者落髮上堂露柱多年出家燈籠久已落  
髮佛殿堅持禁戒三門近得休歇大事本來  
平等無著清涼滿月度盡草木叢林一似陽  
和齊叢下座 元日上堂萬物咸新論故  
鄉擡眸元是舊耶娘先春花散馨香遠物外  
山河日月長僧問昔日跋陀尊者問法照大  
師未審與今日是同是別師云古之今之進  
云我松人老難傳鉢盧老區區入嶺南師云  
你試舉古人底者進云厨庫三門鍾接佛殿  
師云恁麼又爭得進云忽遇七手八脚底人  
采又作麼生師云截斷脚根道得一勾未進  
云昨日有人從舒州去師云亦是悠悠者復

翠僧問百丈如何是奇特事丈云獨坐大雄  
峯僧禮拜丈便打師云錯打人僧問德山如  
何是奇特事山云我宗無語句亦無一法與  
人師云猶較些子僧問羅山如何是奇特事  
羅山云道什麼師云成何道理大衆古人鈎  
頭着餌意在得魚如今洗脚上舡能有幾箇

多五

或若人問龍門如何是奇特事山僧向伊道  
此去太湖不遠恁麼說話有甚奇特又向伊  
道咫尺是棠梨大衆還會麼等閑如不會須  
作等閑看下座 上堂身中有生老病死  
念上有生住異滅國土有成住壞空此十二  
種事甚能奇特凡夫不識為之漂流如來出

世指出涅槃妙心常樂我淨譬如還丹一粒  
點鉄成金至理一言轉凡成聖此十二種抵  
是一法現定如今虛塵听法者是還信得及  
麼乃云中冊挂偏禁冷雪裏梅花獨放香  
下座 上堂悟時此事元來易迷後斯門  
實大難處處綠楊堪繫馬家家門口透長安  
上堂三月初三二月二不壞假名談大義衆  
生投役遊光陰道流所以無虛弃二月念九  
三月一摩訶般若波羅密使使多聞達古今  
歷劫何曾異今日今日事作麼生良久曰何  
更今日 上堂從上諸聖見人樂著塵勞  
不求出離遂生憐愍之心告之曰你隨聲逐

色名曰狂人大衆好言語慙愧諸聖恁麼道  
雖然如是已是打開布袋不能折合得龍門  
今日倒底傾出有人得者永息希求乃拈拄  
杖卓一下云豈不是聲你尋常作麼生隨又  
舉起拄杖曰豈不是色你尋常作麼生逐還  
會麼若能隨逐元無縛便是叢林了達人又  
立多五浴佛上堂如來妙色身真實難藏履  
不掛本來衣豈著娘生袴無憂樹下降生時  
南北東西行七步行七步度盡衆生無所度  
今晨四月初八我佛如來降生之日天下精  
藍煎湯浴佛佛則從諸人浴且道如何是佛  
要知麼佛名如來常在不滅有人見得山僧

更不切切若無人見得山僧重說偈言昨日  
如來垂法兩今朝法雨洗如來了然一味無  
差別雲外青山朶朶開欲報如來深恩殿上  
重新浴過下座結夏上堂龍門結夏勝  
諸方大地山河為奉拂若向九旬參得透更  
無佛法可商量上堂萬古長空一朝風  
月古人恁麼告報大好言詮豈可以一朝風  
月昧却萬古長空豈可以萬古長空不明一  
朝風月此是廣大深法自在之宗若也明得  
何處更有一絲頭刺法來久立上堂三  
日不相見莫作舊時看山僧近來非昔人也  
天是天地是地山是山水是水僧是僧俗是

俗別也非昔人也有人問未審已前如何山  
 僧住時天是天地是地山是山水是水僧是  
 僧俗是俗所以迷情擁蔽翳障心源如今別  
 也或有人出來道某甲亦如和尚天是天地  
 是地山是山水是水僧是僧俗是俗還得否  
 不可直是未在還有揀辨得麼若揀得上  
 座道眼圓明若揀不得絲竹喧天船上樂綺  
 羅照水岸邊人珍重師復云親切中直是親  
 切省要中直是省要還會得麼諸人盡是教  
 志探玄意求出離山僧道裏終不粘今幸古  
 取是捨非惑亂諸人你若不來山僧也無可  
 得說你若上來山僧不免在你身上割一塊

子似與你還知痛痒麼忽然知得可謂親切  
 也若不知來由便道者一塊子那裏得來得  
 恁麼香得恁麼臭得恁麼生得恁麼熟還委  
 得麼不離當處常湛然覓即知君不可見珍  
 重 上堂了知一萬事畢釋迦弥勒欣今  
 日但得心安是處安無灾無難無今昔要知  
 佛法根源記取五月初一下座 端午上  
 堂今日端午世間人釘挑符書門閭使萬邪  
 不窺其户百鬼不入其門世間人又使針燒  
 灸採藥登山使萬病不干其体疫癘不入其  
 身遂失聲叫曰阿哪哪阿哪哪盡大地人燒  
 破皮肉教山僧受無限苦痛昔楚大夫以忠

言不用沉于湘江後人哀之以竹筒盛飯繫五色絲祭之風俗至今流傳不斷遂嘔吐數聲曰世間人喫却米糝教老僧脹破肚皮大眾別人燒爇別人喫物為什麼龍門長老受痛受飽未能情忘緣慮事出見聞於此門中遂為戲論豈不見先聖有言曰懷川牛梁未

益州馬肚脹天下覓醫人灸猪左膊上何也遠走不知近匍匐久立 上堂入得龍門車車奇聞聲見色不思議山水綠綠何事盡是諸人力使之 上堂卓拄杖云還搆得麼莫道今日猶較些子直須向無摸宗處傾湫倒岳搆得始得山僧恁麼道可殺不識

好惡雖然如是直饒你搆得我更問你從前殺盜婬妄罪飲酒食肉罪教什麼人還又卓拄杖云金剛作醜佛受香油 東山和尚忌晨上堂先師當年末後句與人皮下挑出刺譬如六月中水銷鎔處處皆相似後來多听響各流傳更加一二與三四箇中孰是無耳人明見去來不生死先師老和尚某奉侍日夕多蒙苦口提撕追遠之誠何可忘也聊設小供諸人且道先師還來也無若道來入滅十餘年如何見得來底道理若道不來又用設齋作什麼道來也有設訛道不來也有設訛若為得無故訛去還知得麼三箇渾崙

鉢餒餒一雙無縫木饅頭久立 上堂大  
衆或有人喚上座上座便應設使不應心中  
也須領覽今時孝人便道應底是也領覽底  
是也若如此會便是入地獄漢子是即且置  
且道面前是阿誰喚你是有人喚耶是無人  
喚耶還裁斷得麼若是有人喚山精鬼魅喚  
你時天魔外道喚你時如何辨白若道無人  
喚你又不聲不駭如何得無人喚者箇是十  
二時中生死路頭事諸人明得麼有人喚生  
迷亂無人喚遭繫絆若能行生死斷萬兩金  
終不換下座 解夏上堂毗目仙人執善  
財手頓見過去微塵諸佛及其放手宛然依

舊龍門長老領諸大衆爰於此地結足安居  
及其解夏宛然依舊善財依舊處微塵諸佛  
含攝有歸大衆依舊處三月九旬歛收無迹  
還會麼毛端藏刹海芥子納須弥不離見聞  
緣超然登十地四生六道即心自性三塗八  
難普現色身居華藏海之中住不思議之內  
如斯之旨乃吾輩之常分耳還信得及麼  
上堂今日七月二十解夏來又是五日也你  
禪僧家盡道我會也且道今日是七月二十  
不是七月二十或若當此一問於佛法中如  
何祇對有底師僧道何不問本分事者箇是  
世間日月大衆那箇是世間日月又豈有不



管底法又有師僧道不動世間一星子就上  
 使明取恁麼事今日七月二十也大衆那裏  
 是不動底一星子得安樂底人終不作者般  
 去就山僧問你今日是七月二十不是七月  
 二十有人明得麼古人云世間事明不得佛  
 法大遠在者裏若分疎不下一切處碍塞殺  
 人還知麼大火聚中難著手清涼池內易安  
 身久立 多五 上堂舉僧問雲君如何是道中  
 人對云如死人手道中人相見時如何對云  
 如死人眼大衆作麼生是如死人手師拈拄  
 杖云不執捉怎生是如死人眼師擘開眼云  
 不照燭你諸人好會取抵如前日 送僧山僧

道一隊死漢送箇活漢有人會恁麼說話麼  
 怎生是一隊死漢師云移身不移步怎生是  
 一箇活漢師云萬機俱不到後生兄弟初秋  
 夏末何不哮吼一聲壁立千仞令我知你  
 是箇人向活中明取死句死中明取活句若  
 不然者求生不得生求死不得死啣辛苦也  
 直須哮吼一聲下座 上堂僧問道在慵  
 開口詩成自點頭時如何師點頭數下僧云  
 今日得遇也師云莫亂開口師復云諸人每  
 日行千行萬不是不到何故却不分曉抵為  
 信之不及若信得及則不行而到也十方世  
 界事不待思量一時曉了得諸人每日說千

說萬不是說不到何故却不分曉亦是信之不及若也信得及則實無所說也三世如來所說之法不待思量一時曉了得大衆還到恁麼田地也未我此宗門祇論正悟不論會解若是為生死底人須求親正若是人我參學之人耻為不會須求覓解會到覓覓相似

多五

十三

語句適相印正滅胡種族已後胡乱教壞人家男女我此門中都無是事還知麼聾人也唱胡笳曲好惡高低自不聞 上堂世人盡道路行難本分真金入火看煉去煉來金體淨一槌打作玉闌干 請化士上堂一竿一笠一蓑衣急水灘頭下釣絲鈎上錦鱗

容易得蘆花深處月明歸舉古人問三尊宿二龍爭珠誰是得者一云得即失一云老僧祇管看一云誰是不得者師曰得即失著忙作什麼老僧祇管看看濟什麼事末後一則語誰是不得者若人會得祖師言句一大截教自然不疑去還明得麼誰是不得者非取亦非捨馬駝馱時便是歸來也下座上堂打動龍門鼓喚起鉄餛飩請君一咬破山僧豈相賺先師曾得力滋味今不減若也不柰何好箇鉄餛飩 上堂舉長沙和尚云我若一向奉揚宗教法堂前草深一大誠哉是言也玄沙和尚云因汝顛倒知見方有

往來誠哉是言也龍門尋常見汝諸人恁麼  
 所以向汝道不恁麼你須是不恁麼始得諸  
 人不恁麼龍門所以向汝道恁麼你須是恁  
 麼始得諸人道恁麼不恁麼龍門所以道非  
 恁麼非不恁麼你須是非恁麼非不恁麼始  
 得諸人非恁麼非不恁麼龍門所以道恁麼  
 不恁麼你須恁麼不恁麼始得大衆情亡智  
 現病去藥除豈不是箇脫洒衲僧龍門尋常  
 還有一句子到諸人分上麼不見僧問馬大  
 師離四句絕百非請師直指西來意大師云  
 我今日無心情汝去問取智藏僧問智藏  
 云今日頭疼汝去問取海兄僧又去問海海

云我到這裏却不會僧奉似馬大師師云藏  
 頭白海頭黑大衆說白道黑理甚分明諸人  
 還見馬大師麼久立也太無端 上堂云  
 若論此事如中秋夜望圓月相似淨無雲翳  
 人皆見之南閩浮提無所不照諸人各在他  
 鄉異井各有父母家山你道彼中還有麼山  
 川溪谷迥絕無人到處彼中還有麼又爭得  
 無來人各自謂得見是月然此滿月不此方  
 采不被方去若此方來彼則無也若彼方去  
 此何故見之四維上下亦復如是所以道並  
 安千器千器皆圓一道澄江一月孤瑩昔有  
 人指月問南泉和尚何時得恁麼去南泉曰

王老師二十年前亦曾恁麼來大眾向你道  
此事無你卜度處無你名邈處如今禪和家  
盡道我會得也什麼處是照不著且問你照  
得著底事上座前生自何趣中來此身沒後  
復生何處作天耶人耶地獄耶餓鬼耶作畜  
生耶若不委知空然有此語要作何用馬大  
師一日翫月次二三弟子侍座大師曰正當  
恁麼時如何西堂曰大好供養百丈曰大好  
修行南泉拂袖而去大師曰經歸巖禪歸海  
唯有普願獨迢物外看他如斯論量也大奇  
在大師致此一問諸大士直得息剎補剎望  
作全人塞壑移峯貴就平坦還契得馬大師

此一問麼委悉得麼良久曰幸無偏照處剛  
有不明時 上堂祖師云亦莫愛聖憎凡  
會得凡夫法便是聖人法識得聖人法即是  
凡夫法盡知道凡聖不二為什麼凡夫漂流  
諸聖解脫又道亦莫批迷就悟如今悟底是  
向來迷底如今迷底是向來悟底盡知道迷  
悟不二十五為什麼迷者依前壅塞悟者依舊惺  
惺諸人還辨明得麼凡聖悟迷如透了洞然  
明見本來人敢問大眾如何是本來人尋常  
師僧家道什麼處不見本來人駟脣先生豈  
是泗州大聖又道渠無面目甚處逢渠遠水  
不救近火離此二途如何是本來人良久云

設使聞來悟爭如自得親下座 上堂昔  
無着和尚游五臺禮拜文殊到山下投一寺  
宿遇一老僧抵待次問無着曰上人自何而  
來無着曰南方來老僧曰南方佛法近日如  
何無着曰未法比丘少奉戒律僧曰多少衆  
著曰或三百或五百著問和尚此間佛法如  
何住持僧曰凡聖同居龍蛇混雜著曰多少  
衆僧云前三三後三三著不省遂令童子以  
琉璃盞點茶度與著遂問曰南方還有者箇  
麼著云無曰既無將什麼喫茶著又不省復  
令童子送出門外著觀寺無額乃問童子此  
寺因何無額童子指背後金剛著回顧忽然

不見童子止見身在一林中大眾無著遠遠  
遊五臺禮拜文殊及乎親見要且不識誠實  
苦哉是故明昭和尚頌云廓周沙界聖伽藍  
滿目文殊接話談言下不知開活眼回頭祇  
見翠山岩雪竇和尚亦有頌云千峯盤屈色  
如藍誰謂文殊是對談堪笑清涼多少衆前  
三三與後三三大衆此二頌通古徹今美則  
美矣要且不見文殊山僧今為諸人頌出乃  
云青山門外白雲飛綠水溪邊引客歸莫恠  
坐來頻勸酒自從別後見君稀下座  
上堂靠拄杖肩有上謂衆曰好笑好笑乃呵呵  
而笑昨日有兩人共說一件事與山僧山僧

聞得一夜笑得腸肚痛又呵呵而笑大眾要  
 知麼有一人云今日是初三官曆上寫來村  
 裏人道是初四乃村下曆頭問老僧道是初  
 三麼山僧向道是初三是官曆麼山僧云是  
 官曆村裏謂之初四是村下曆頭麼山僧云  
 初四是村下曆頭其人點頭又有一人云今  
 日是初四官曆上寫來村裏人道是初三乃  
 村下曆頭長老如何山僧向伊道是初四初  
 三是村下曆頭其人點頭兩人相見具說其  
 事一人云長老向我道是初三一人云長老  
 向我道是初四兩人遂來見山僧云今日是  
 初三是初四山僧問得笑殺兩人云長老不

多五

十六

要濕漉好好分明說山僧向道汝自不分明  
 何處是濕漉大眾會得此意麼山僧見伊不  
 曉也不柰何衆中禪僧道長老如何鳴鼓集  
 衆了也不說些佛法及祖師西來意却理會  
 世間閑日子此是世人情見山僧問了問伊  
 道世間有什麼閑日子又那箇是情見把來  
 看伊元來不會見伊不會更作箇頌子幸似  
 伊頌道言親事亦親無偽亦無真愚俗稱為  
 我邪徒喚作神是我何曾我言神豈是神人  
 生須特達乃提拄杖下禪床曰丈六紫金身  
 座前又謂衆曰也不屈著你 上堂僧問  
 大用現前不存軌則時如何師云誰信你僧

便喝師云更進一步看僧云幸有一弓三下  
 箭當機要射不平人師云少許決龍蛇陣老  
 倒還同推子歌僧又喝師云元來抵是野狐  
 精僧禮拜師云何曾大用現前師後云古來  
 有一人南泉和尚諸人還識否若識得一生  
 不空過好南泉和尚莫教見而不識還識麼  
 曾有一俗士問曰弟子家中有片石也多曾坐  
 也魯卧如今欲鑄作佛不知還得否南泉曰  
 得莫不得麼不得有人明得此旨也無南泉  
 道得龍門云好个佛南泉道不得龍門云好  
 片石還見否是他道弟子家中作麼生說家  
 家在什麼處諸仁者親從家裏來家中仰所

有持此一片石廣大堅且久靈山曾獻佛帝  
 釋聊率手心中出何物安樂并長壽下座  
 聖節上堂 皇帝以天下為家兆民為子父  
 子一軀天下一家王愛於民民敬於王愛敬  
 既同王道無外所以佛言如民得王又云如  
 民之王且王外無民民外無王王在民外民  
 不受賜民在王外王道不廣如何曰民無知  
 曰民如何曰王聖神曰王今上皇帝至神至  
 聖為民父母天寧降誕之節日月星辰連珠  
 合璧江河淮濟激濁揚清乾坤造化草木虫  
 魚呈祥瑞顯奇特皆 皇帝至德之所感致  
 也伏願南山比壽北嶽齊齡永永萬年無窮

無盡遂下禪牀作舞曰會慶山僧舞蹈揚塵  
 萬歲萬歲萬歲下座 上堂奉昔有一  
 秀才見長沙和尚看千佛名經問曰許多佛  
 抵聞其名未審居何國土長沙曰黃鶴樓崔  
 顛題後秀才還曾題否對曰不曾長沙曰無  
 事題一篇好秀才因措大衆秀才問佛居何  
 國土長沙為什麼却恁麼道秀才尋常嘲風  
 詠月為什麼長沙面前一餅不措若是黃鶴  
 樓有什麼難題處听取山僧題破遂云容顏  
 甚奇妙光明照十方我適曾供養今復還親  
 近下座 上堂平旦寅狂機內有道人身  
 大衆二六時中折旋俯仰行來走去說是說

非分南說北運用施為開單展鉢喫粥喫飯  
 盡是狂機且道那个是道人身良久云碧落  
 有情空恨望瑤臺無路可追尋下座  
 上堂適來山僧夢在寢堂上聞法鼓遂下堂  
 階夢見諸人上來近前問訊便登法座侍者  
 燒香了如今正作夢中之人施陳夢事你等  
 諸人還夢見麼若真見得是為覺人不省夢  
 卿宛尔沉沒還有一法與你為對麼不見古  
 人道目前無法意在目前不是目前法非耳  
 目之所到可不是奇特還夢見麼釋迦如來  
 道如寢時人心縱精明欲何因緣取夢中物  
 遂拈起拂子敲禪牀云是什麼還聞麼徒豎

多五

十八本



起拂子云還見麼良久云人間天上諸知識  
爭似龍門夢得親下座



古尊宿語錄卷第二十九

多五

永樂北藏

古尊宿語錄

第一九七冊

古尊宿語錄卷第三十

多六

僧錄司右闍黎兼鍾山靈巖禪寺住持 淨戒 重校

龍門佛眼禪師語錄之二

上堂僧問古者道諸佛不出世四十九年說諸佛既不出世為什麼四十九年說師云你疑來多少時也進云祖師不西來少林有妙

多六

訣祖師既不西來為什麼少林有妙訣師云知恩者少負恩者多進云恁麼則一人傳虛萬人傳實師云虛處作麼生傳來進云任從滄海變終不為君通師云禮拜著師復云始自隻履西歸卷衣南邁空聞消息流落人間古往今來適相敬受大似一人傳虛萬人傳

永樂北藏

古尊宿語錄

實山僧病多諸藥性年老變成精不是剝古人免見互相埋沒諸人應是從前覺觸往日見知從人邊請益得來言語中幸時中的出入遊戲則不無究竟真實大事萬不可得但能情亡理喪計盡途窮無施設處用心正是作功夫處山僧尋常祇道喫茶去今日也道喫茶去會盡諸方五味禪何似山僧喫茶去 上堂擬思量何劫悟不思量終莽鹵欲思不思踏破時萬里無雲常顯露常顯露妙用恒沙非旦暮諸禪伯正好休征罷戰永息干戈傍水依山成就大事沉是人生易老壽命幾何或若生死現前畢竟將何支準不見

第一九七冊

古德道若不安禪靜慮到者裏恁湏忙然久  
立 上堂來來去去去來時去去來來離  
覺知了得去來無罣碍方知塵劫不思議所  
以道來無所來去無所去去來之際生死照  
然前念生是來後念滅是去求其來去了不  
可得乃至前生後生今年去年更無絲毫遷

爻之相如斯會得始絕去來但以衆生背骨  
合塵去來輪轉苟能洞達復有何事昔石頭  
大師一日問龐居士子近日如何居士曰卒  
說不及乃呈一頌日用事無別唯吾自偶諧  
頭頭非取捨處處勿張乖朱紫誰為号丘山  
絕點埃神通并妙用運水及般柴 石頭默

然許之後造江西問馬大師不昧本來人請  
師高著眼大師直下覩士云一等沒絃琴唯  
師彈得妙大師直上覩大眾若不是馬大師  
被他一問百雜碎諸人喚什麼作本來人若  
無本來人作麼生眼見色耳聞聲種種施為  
運轉諸人還見本來人麼如今盡道本來人  
無形無相不曾着衣喫飯不生不死如此會  
得爭合本來人要知麼諸人恁是本來人一  
段生死变化煩惱無明又如何消遣听取一  
頌與子偕行今日路如君共看本來人同名  
同姓同形段無死無生無色塵畢竟如何切  
忌喚作本來人下座 上堂幸僧問洞山初

和尚如何是佛對云麻三斤大眾有恁一件  
事何故無人知得洞山見人不知了遂自頌  
曰七寶畫牛頭黃金為點額春晴二三月農  
人皆取則寒食好新正缺錢三四百諸人者  
此一轉因緣盡謂鹿言及細語皆婦第一義  
又云臨機應用一切尋常如斯會解埋沒古  
人要見洞山老子麼鴻鵠一卒千里飛鑽雲  
鶴子與天齊鳳凰不是凡間物為瑞為祥自  
有時久立 師到真乘請上堂真乘奉石  
羅徧界不曾虛語師云徧界不藏全體露絲  
毫有見事還差會中誰是仙陀客不動纖塵  
便到家真實到家之者得意忘言伶俖在外

之人隨情起解情解既起名相是與言意兩  
忘十方咸暢豈不見適來堂頭已普告大眾  
如何更令山野稱提蓋為妙旨幽深人難洞  
達何也既知咫尺之間為什麼却道不覩師  
顏既言遍界遍空如何更云不曾蔽覆還見  
落節處麼若見得便見石霜老子雪峯大師  
亦知龍門山僧與真乘長老又此一眾禪和  
摠有分付處山僧未離本院不到此中時真  
乘無一人龍門長老山僧離本院度荒山來  
到真乘諸人一一相見此間有一人龍門長  
老若有一人龍門長老於法成增若無一人  
龍門長老於法成減故落斷增故落常既

墮斷常豈云正見一似上座未出家時無一人上座既出家後有一人上座你諸人如何裁斷得心地安樂去還裁辨得麼向此有个入更更有什麼事也或若未明良久曰不解作客久立 上堂獨自坐方信西來有達磨獨自不用紅蓮足下生獨自語分明向誰誰肯許獨自叅刹刹塵塵示指南相逢相問窮端的莫道山僧解放愁 端師翁忌辰上堂昔人已乘白雲去此地空餘綠水流綠水一去不復返白雲千載空悠悠湖南舊說老楊岐失却金毛師子兒江北江南無覓處龍門今日順風吹順風吹囉囉哩水急風

高下釣磯 上堂鳥從空裏飛人向心中住人死心宛然鳥沒空何預人生一過鳥此心實可擬但自了其心無勞問來去所以須菩提問世尊云何住世尊答曰如是住卵生胎生濕生化生有色無色有想無想等皆令入無餘涅槃而滅度之而實無有一衆生實滅度者還會得麼三界万法實無絲毫生滅動靜之相祇由迷此決定惑為色身之內所以質礙名色領納曰受思惟曰想迂流曰行分別曰識皆由自心之所成立為不知此名為五陰遂成色心二法不見道照見五蘊皆空度一切苦厄現前五陰之身為有耶為無耶

若能如是見得實無生死等事或未然者豈  
無去來有一則無生死因緣幸似大衆皆漸  
源同道吾弔慰乃拊棺問道吾曰生耶死耶  
道吾曰生也不道死也不道漸源不省後聞  
僧念蓮經應以比丘身得度者即現比丘身  
而為說法忽然省得遂至石霜携鉢法堂上

多六

從東過西從西過東石霜曰作什麼漸源曰  
覓先師靈骨石霜曰洪波浩渺白浪滔天覓  
什麼先師靈骨漸源曰先師靈骨猶在大衆  
還見得麼拈起拄杖曰者个是拄杖那个是  
靈骨者个是靈骨那个是拄杖子遂卓一下  
云長安夜夜家家月影落寒潭幾个知

永樂北藏

古尊宿語錄

上堂若論此事如人買田地相似四至界畔  
一時分明結契了也唯有中間樹子猶屬我  
在大衆既是四至分明結契了也為什麼中  
間樹子猶屬他不見道千年田八百主若識  
得中間樹子耕鋤任你耕鋤布種任你布種  
開花任你開花結子任你結子若無中間樹  
子爭喚作常住良久云作麼生自云高處高  
平低處低平 上堂云龍門別無奇妙  
剛謂單傳心要豈惟淺水無魚撒別全無孔  
竅二時展鉢開單逐日荷屎送尿万事與人  
一般子細看來好笑既是万事與人一般為  
什麼稱善知識良久曰我也理會不出

第一九七册

上堂今之叢林天下多有求一人會無情說法則無真道會得討一人奉此話亦難得何也須是曾親聞說法方可奉示如未曾親聞縱有奉示抵益塵勞於其慧命無所滋益大衆會既少奉尤難叢林雖有日凋殘若欲明斯旨應須離念者一人如領解大衆盡心安既是一人領解為什麼大衆盡心安若不如此爭拆出離之門 上堂奉志公曰我見世間之人各執一般異見抵如傍鐵求餅不解返本觀麵餅則從來是麵造作由人百變大衆會廢狸奴白牯念摩訶猫兒狗子長相見諸禪客薦不薦若言自性本圓明大似

捫空追閃電知得麼含元殿上更覓長安慈氏宮中碩生內院 上堂僧問千尺絲輪直下垂一波纔動万波隨如何是一波師云你尋常如何吞吐僧云如何是眾波師云着衣喫飯有甚難僧云鉤頭一句請師道師云你自道取僧云雄雄江上垂輪者竿上時時有錦鱗師云沒交涉師徒云諸人者無過此時也長恁麼亦有不恁麼時禪李人道無有不恁麼時說个恁麼已是不恁麼也恁麼時名為得念不恁麼時名為失念如今問諸人為常失念亦有不失念時禪學人道常名得念時說个得念已失念了也要知得恁麼



但了取不恁麼時要明得念但識取失念時故先德道恁麼恁麼又云不恁麼不恁麼好竒惟諸高德是以釋迦如來又曰得念失念無非解脫成法破法俱名涅槃地獄天官皆為淨土你等還知得一段真實事否若知得求起終始之患十二時中自然安樂無事也

下座 上堂云不動龍門內行參古佛攪親逢渠面目肯語自容儀凡聖心平等高低路坦夷丹霞燒木佛院主落積眉何故○下座 上堂奉六祖大師在大庾嶺頭示明上座曰不思善不思惡正當恁麼時阿那个是明上座本來面目明即大悟大衆還會者

話麼正當恁麼時歷劫不曾迷步步趨三界歸家頓絕疑 上堂奉僧問忠國師如何是本身盧舍那師曰與我過淨鉢來其僧過淨鉢師曰却將舊屐著其僧送去舊屐再來問如何是本身盧舍那師曰古佛過去久矣此一則法門若非證入莫曉宗猷若縱心猿終成解會尋常盡道甚麼處不是盧舍那更不識了再問豈不是過去久矣又道國師自度用三昧再三若問盧舍那自是古佛過去久矣又云如何是本身盧舍那良久處好會取若不委知逐落草向你道與我過淨鉢來如斯解會但縱心猿不見國師云得之於心

伊蘭作旃檀之樹失之於百甘露乃蒺藜之  
 園要知麼大陽門下日日三秋明月堂前時  
 時九夏大衆如何是盧舍那歸堂喫黍去下  
 上堂昔趙州和尚訪庵主問曰有麼有麼庵  
 主豎起拳頭趙州曰水淺不是泊船處拂袖  
 而出又訪一庵主問曰有麼有麼庵主豎起  
 拳頭趙州曰能縱能奪能殺能活礼三拜而  
 去師曰庵主一般豎起拳頭趙州何故肯一  
 个不肯一个且道得失在什麼處趙州自起  
 自倒勘破多少阿師庵主坐斷要律過了幾  
 多寒暑要識趙州麼拍禪牀右角云識取趙  
 州要識庵主麼拍禪牀左角云識取庵主還

有人點檢得失處出麼良久云易開終始口  
 難保歲寒心下座 吳居士請上堂身是  
 佛身須信六根清淨行名佛行故知三業圓  
 明身淨則垢無所生行明則暗無所起垢生  
 由乎迷淨淨作垢而莫竟莫知暗去必由得  
 明明即暗而難信難解所以諸聖常加被群  
 生自棄遺苟易慮於可作之初華情向悞為  
 之後親開智鑰仰扣慈關他心慧眼以洞知  
 重罪宿冤皆可懺菩薩悲願遍界娑婆衆生  
 哀投無不冥感是知明暗共躰垢淨同源凡  
 夫有成佛之期大士有度生之分苟不如此  
 万善徒吳公達居士與如道人洞明泡幻了

悟淨生共入山來究明斯事今晨請山僧陞座說法記得昔日裴休訪華林和尚問曰師還有侍者否林曰有一兩個休曰在什麼處林乃喚大空小空時二虎自庵後哮吼而出休覩之驚悸林語二虎曰有客且去二虎哮吼而去休問曰師作何行業感得如斯林乃良久曰會麼休曰不會林曰山僧常念觀音大衆會他此个意旨麼常念觀音力伏猛獸道眼通明萬緣何有良哉大士時時垂手念茲在茲安樂長壽下座 上堂永嘉一宿而悟遂曰幾回生幾回死生無定止自從頓悟了無生於諸榮辱何憂喜大衆說

有生亦死亦是言詮說無生死亦是言詮既涉言詮則是事迹且事麤易顯理妙難彰故言近而旨遠如何以至近之言明其至遠之旨不其難哉先聖道得旨忘言遺事觀理後人不時便乃事外尋理言外求旨譬如以手撮摩虛空徒自疲勞終無所益要知得力用意處麼須即事無事即言無言悟入方親解會不得若如是隱顯施為神用難測也不見僧問首山如何是佛法大意首山曰楚王城畔汝水東流便有人悟去掃堂 上堂五色燈光青所成但除其青莫除塵若言本眼何曾昏乃是臨河渴死人

上堂秋宜說一句有人會得去猶較些子或若無人會得山僧却成妄語思量了不如且休各自大家堂中喫茶自由自在免得他時異日被入覷破何也得單自有占聲在不得封候也是開喫茶去下座

上堂奉南泉和尚謂眾曰王老師賣身去也有人買麼時有一僧云某甲買師云好一負禪客南泉曰不作貴不作賤你作麼生買其

僧無對師云噫笑殺人有數尊宿為此僧著語趙州道明年與和尚作一領布衫一人道成何道理一人道和尚屬某甲後來雪竇道別處容和尚不得大衆許多尊宿爭頭競買也要運出自己家財王老師交關未成不敢胡乱分付者般行貨古今亦少見之龍門今

日亦賣身去也然則有貴有賤賤則分文不直貴則金玉難借你買也屬你你不買也屬你若識得龍門龍門與你作道伴有人處無人處起心動念摠知得你善則令汝行惡則令汝止縱經三塗歷八難一步不相捨離常與你作道伴你若不識龍門龍門與你作冤家教你出家使汝行脚令汝尋師遣汝躰究遂教你不會令汝忙然令汝求覓解會令汝巧作道理遂令淨妙國土而作土石山河常樂法身而作無明煩惱成不自在常生退失一步不放捨常與你作冤家大衆龍門屬你諸人來多時識得是道伴不識是冤家還有

人明得此百麼乃拈拄杖點一下曰一道伴  
 二冤家通逆順徧河沙眼是空翳是花得龍  
 門道無涯遂放下拄杖曰少賣弄歸堂去  
 上堂臘月扇子功勳絕浩浩涼風動寥沈豈  
 止炎蒸六月天暫時與君解煩熱下座  
 五祖和尚到上堂曹溪大師傳衣歸嶺南後  
 來讓和尚得法授與馬大師馬大師接得百  
 丈百丈得黃蘗黃蘗得臨際臨際得吳化吳  
 化得南院南院得風穴風穴得首山首山得  
 汾陽汾陽得慈明大師慈明大師接得一人  
 揚岐和尚如今奉他得底事看此老子云我  
 者裏如闍市裏上竿子相似是人皆見瞞你

眼得麼揚岐老後來接得端和尚一人此老  
 子曾住此山來有頌曰海底珠動時雲中月  
 還現涼夜無狂風清光都一片端師翁後來  
 接得先師一人先師有言曰祇從咬破一个  
 鉄餛飩直得百味具足此老子所以一生口  
 硬好說硬話伏自先師付囑之後大法傳持  
 以來末後東山一時分付今五祖堂頭和尚  
 此日幸對人天廣衆請不悞慈悲重為顯揚  
 使先宗有接吾道益明莫不大幸 上堂  
 諸人未到龍門山將道龍門在世間既到龍門心  
 自在杉松拂拂水潺潺諸人還識龍門山麼  
 若也不識未免山青水綠百年光陰能有幾

許未回光達本已前都成夢幻遂拈拄杖云  
六道衆生造罪造業三世諸佛成佛作祖盡  
在山僧拄杖頭上諸人還見麼卓一下云百  
雜碎了也復展手云把將然毫許來又卓一  
下云手執夜明符幾個知天曉下座  
上堂解身同欄辨者嗤薰猶共處須芬郁諸

仁者得底人終不自異於人而從前千聖悉  
所稱讚實有異於人處譬如二人同胞胎共  
父母同舍同學同一師授至於飲食語言之  
間悉無有異一日同入試院同一題目而一  
人得第一人落第及第者永異民庶落第者  
乃是常人是二人初無改易而貴賤高低有

異恰如得與不得初無有異而一人得之位  
齊諸聖一人迷之遂作凡夫人雖不殊迷悟  
遠遠大衆可不驚怖者哉所以香林和尚云  
老僧二十年前見與我一般一輩人盡皆得  
道我日夜思量他得個什麼便如此去我二  
十年中常看後來也得怎麼你看他先德苦  
切之言實可取信豈可守株徒喪日月各宜  
躰悉已後也須得去不勞久立下座 上堂  
龍門三月半大鼓聲喚喚得一時未特地  
生迷乱大衆既是喚得一時來為什麼特地  
生迷乱此段好因緣諸人怎生斷不辭斷轉  
迷乱若解斷較一半良久曰因緣一段無人

斷留與諸方共斷看 上堂收得本名度  
 牒踏逾自己山川聞有龍門長老走來學道  
 忝禪恁麼惺惺漢子如何立地瞋眠忽然睡  
 醒眼開元來天生自然師乃失聲曰噫討殺  
 我討殺我皇天皇天尋殺我雖然如是知是  
 般事便休直須運出自己家財莫自拘於小  
 節叅堂 上堂且道山僧即今還有為人  
 處麼若有為人處即埋沒山僧若無為人處  
 即埋沒上座彼此出家兒莫適相埋沒好要  
 知麼山僧將你本分事奉似你諸人何不於  
 你本分事上識取識得麼若道便是某甲本  
 分事也如向眼睛上下一釘相似若道我雖

有本分事實未了知你又披什麼衣服大衆  
 既是恁麼人識取恁麼事久立又奚為珍重  
 上堂僧問納須弥於芥中擲大千於方外衲  
 僧門下搃用不著學人欲使泥牛耕巨海復  
 彌駕缺船師還許也無師云十字縱橫一任  
 行取僧云踏破澄潭月穿開碧落天師云猶  
 未知衲僧分上事在僧云有意氣時添意氣  
 不風流處也風流師云洪州腰帶師徒云春  
 光漸盡夏景將臨悠悠之徒貪生過日我今  
 日問你諸人從早至夜念念不住是有思量  
 是無思量人人必謂是有思量我且問你作  
 麼生思量何不識取你諸人思量了隨而與

多六

十一

作運為也我問你作麼生與作何不識取你  
諸人於與作時起種種言說且作麼生言說  
何不識取都緣是自家先迷了祇管隨處流  
浪所以道道源不遠性海非遙但向己求莫  
從外覓覓即不得得亦不真如在虛空退至  
何所還肯麼你諸人在我者裏或轉經冬夏  
或久涉炎涼若到別處人間龍門事不可指  
東劃西亂有所說却成欺罔也各將為事各  
將為事因成四偈思無思思萬邪一正不識  
玄旨徒勞念靜作無作作貫色通聲水中蘊  
味不見其形言無言言不費唇舌未說之法  
林中之葉龍門潦倒告報諸人既然如是何

故因循 賢席頭納跣上堂一葉飄飄水  
上婦姑蘇春色照岩扉坐禪片石重來看却  
笑山雲拂蘄衣所以沉空滯寂之士名為會  
著小乘混世同塵之人謂之圓通之侶不捨  
道法而現凡夫幸豈是植種於空現前日用  
是大惣持門一一親得其力如斯之旨幸可  
量哉昔日黃梅散席道在老盧坐折連床湖  
南寂盛古今勝樣作者同知進止合儀動靜  
可法況龍門新與保社意在求人袈手淘金  
誰是得者有麼有麼令人思百丈解踏馬駒  
行叅 上堂杜順文殊事可知定光如來  
老大隨張三李四何王趙問你渠今是阿誰



鄺市賣魚忘進趣案頭分肉露金機男兒鎖  
子黃金骨苦痛無明墮汗泥 結夏上堂  
登龍門下無凡客不假風雷自有奇三月進  
脩從此始經行宴坐可思議三月安居九旬  
禁足稟如來之教旨乃釋子之清規橋約津  
梁人間天上或垂手入鄺者未嘗離於此座  
觀心入定者亦常遊乎十方此豈可以有心  
知豈可以無心會苟能如何生而不護何  
足而不禁覆被萬靈廣益群品或不由斯道  
者吾末如之何也下座 上堂今時學者  
不究佛語抵究祖師語殊不知祖師語即是  
佛語莫如此揀擇却成謗佛法去抵如雲門

大師示衆曰人人盡有光明在看時不見暗  
昏昏作麼生是光明自代云三門佛殿厨庫  
僧堂又云好事不如無者个是祖師語是他  
道三門佛殿厨庫僧堂諸人尋常看時是看  
是不看若着他道看時不見暗昏昏如何得  
成光明既是光明了又道好事不如無作麼  
生又不要去且如楞嚴會上說个晦昧為空  
空晦暗中結暗為色色雜妄想相為身聚  
緣內搖趣外奔逸昏擾擾相以為心性一迷  
為心決定惑為色身之內不知色身外洎山  
河虛空大地咸是妙明真精妙心中所現物  
者个說話甚是子細且道與雲門道底事相

去多少莫祇明祖師語不究佛語有人曰我亦不用佛語不用祖師語祇用自語祖師語佛語尚不要更用自語又道我宗無語不用言語有語尚不是況無語耶莫作夢從朝至夜佛法作一邊祖師語作一邊有語作一邊無語作一邊妄想作一邊無妄想作一邊若

恁麼真可謂看時不見暗昏昏也久立

上堂十方世界龍門寺大地山河是學徒隨

順眾緣成解脫筭來全不費功夫

上堂奉僧問趙州學人乍入叢林乞師指示

趙州曰喫粥了也未僧云喫粥了也州曰洗

鉢盂去其僧言下便悟大衆山僧今朝喫粥

也洗鉢盂祇是不悟既是為善知識為什麼却不悟還會麼豈可喚鍾作甕終不指鹿為馬善人難犯水銀無假冷地忽然覷破官取一時放下上堂龍門若為作端午打動衆人塗毒鼓觸髅破後遣誰聞鑒覺盡時敢言普是謂南山鼈鼻蛇好个大雄白額虎可憐開

眼覓眼人赫日光中尋入路 上堂飄飄

颯颯楊柳花紅紅赤赤遠天霞屈屈曲曲龍

門路僻僻靜靜野僧家尚不心頭懷勝解誰

能劫外筭河沙休糧方子齋兼粥任運還鄉

苦澀茶好大哥喫茶去 上堂七七四十

九面南看北斗死去與生來泥牛大哮吼所

以釋迦老子未離兜率已降玉宮未出母胎  
 度人已畢如此則毗盧境界止在人間涅槃  
 妙心更於何覓昔日那吒太子拚肉還母拚  
 骨還父然後現本身運大神通大衆肉既還  
 母骨既還父用什麼為身學道人到者裏若  
 見得去可謂廓清五蘊吞盡十方听取一頌  
 骨還父肉還母何者是身分明听取山河國  
 土現全軀十方世界在裏許乃劫千生絕去  
 來山僧此說非言語下座 上堂撫掌  
 大笑良久曰大衆笑箇什麼山僧笑古往今  
 來一切人有瞥地有不瞥地不瞥地之人如  
 黑地數甕有甚分曉瞥地之人便自回頭轉

腦東問西問譬如衣錦夜遊問來問去  
 問來或然如晝見日便云譬如自有日光  
 照見種種色多少分明雖然如此更復知有  
 向上事末後句始得罷叅大衆始於瞥地終  
 於罷叅古往今來莫過如此山僧所以笑他  
 恰如春夢相似諸人還曾夢見麼莫道無事  
 多六  
 法尔天真好豈不見大庾嶺頭曾趕上少室  
 岩前立到腰豈得不遇於人好大哥喫茶去  
 下座 行者剃髮上堂山僧因而度得小  
 師一人遂拈起拄杖示衆曰見麼法名崇木  
 俗姓葛良久云尔既投吾出家今為汝受三  
 皈五戒乃曰崇不皈依佛皈依法皈皈依僧已

為汝作三皈今為汝翻十邪受五戒汝當听  
 受所謂身口意也身有三過謂殺盜婬意有  
 三過謂貪恚癡口有四過妄言綺語兩舌惡  
 口作此十者名為十惡無此十者名為十善  
 汝今於三業門中稟受戒法所謂不殺不盜  
 不妄不婬不飲酒是五戒相汝依吾教信受  
 奉行獲卓拄杖一下曰崇木聞吾教訓乃告  
 吾曰和尚所說但崇木從來無身口意亦不  
 知何以為持犯縱聞三皈我不知何者名佛  
 法僧聞五戒相從何受持雖煩和尚如此崇  
 木並無領覽處師放下主文曰此真吾弟子  
 也是真皈依也真受得戒也所以昔人云和

尚何不畜一沙弥老宿曰有無眼耳者為吾  
 尋一人來正是此意也好得力小師大眾會  
 得否拈起主文曰扶過斷橋水伴婦明月村  
 久立 上堂總別同異兼成壞祗是山僧  
 與眾人高廣須弥入芥子無邊剌海在微塵  
 晝後夜秋後春境寂心敲事事真七寶大車  
 既如此去來語默莫因循禪和子聞說了呵  
 呵大笑道我會也會也師乃呵呵笑曰你  
 會也且道西天那蘭陀寺後孤峯頂上如今  
 有什麼人在彼中修行見麼見麼下座上  
 堂趙州道个洗鉢去其僧豁尔知婦鳥窠吹  
 起布毛侍者當下得旨為後是就伊明破為

徒是吐露向伊亦不是就伊明破亦不是吐  
露向伊大衆會麼本有之性為什麼不會  
為四面辨和尚挂真虛空無相不拒諸相豈  
輝寶鏡無形豈礙群形頓現相與形而常偽  
空與鏡而常真故即偽即真不生不滅大衆  
或若虛空頓消殞寶鏡不臨臺光境俱亡後  
是何物六十二年即且置且道即今四面老  
子在什麼處遂拈起真云生涯何所有今古  
興人傳 上堂夏已半山中早晚不甚熱  
知事叱贊外無恙首座大衆康休西庵首座  
旦暮流慈法樂無量山門內外雍肅表裏安  
裕涅槃山法性海豈容取證造詣擬議於其

間我在夫山僧與諸人登高而履深不可坐  
取安佚而無所得也各宜悉察昔有一禪客  
親近一老宿甚勤老宿每見來即揮手曰未  
在未在且去如是經久其僧中夜思惟曰並  
不蒙一言開示越骨道我未在教我怎生奈  
何思量來思量去忽然省得歡喜無量至明  
日上去見老宿老宿則來便點頭曰是也晁  
也大衆者个便是達磨大師所傳宗旨且如  
何便見得良久曰賊賊鳥守空池魚後脚下  
過賊賊恣不知歸堂 上堂達磨大師入  
中國至今幾千年得其道者甚衆領其旨者  
實多大似一人傳虛萬人傳實大衆流言止

於智者諸人三十年後莫道見龍門來  
 上堂先聖道法性海中親認得豎起拂子云  
 還有認得底麼良久曰認得也在法性海中  
 認不得也在法性海中大眾既恁也在法性海  
 中何故却有認得認不得且道此理如何每  
 常兄弟道何處不是法性海山僧直是不肯  
 你道病在何處有人道病在有道理處山僧  
 問伊如何得無道理去佗道玆重便出或道  
 今日七來日八大衆若恁恁會如何見得古  
 人道法性海中親認得去莫將閑學解埋沒  
 祖師心 解夏上堂尊者憶陳如九旬最  
 親切老少幸相依上下皆歡悅瞻聽離聞見

承覽亦超絕四海五湖人勿謂真穢泄  
 上堂昔仰山夏未禮拜瀉山瀉山問曰子今  
 夏作何所務山云開得一片田種得一籬粟  
 瀉山云子今夏也不空過仰山却問和尚今  
 夏作何所務瀉山曰晝日一餐早晨一粥仰  
 山云和尚今夏亦不空過言了退後吐舌瀉  
 山云子何得自持白刃斷其命根仰山拂神  
 便出大眾瀉山父子尋常相見遊戲神通不  
 同小小還有知得底麼若無山僧與諸人說  
 看開一片田密密綿綿兩頓粥飯其道自辨  
 山僧一夏與諸人相見自是諸人不薦若或  
 薦成一片是什麼一片看取當門箭

為亡僧下火幾度曾經恁麼來者回又是入  
 天台一堂道侶同相送却重峨帽下五莖遠  
 下火云過棘棘 上堂近日亡僧遷化此  
 一則因緣有人會得麼大凡叅孝復見生死  
 根源生死若有則不明道生死若無又作麼  
 生無得多見時流錯會妄作主宰今日試牽  
 先聖兩則語證驗今人錯處<sup>十七</sup>如臨際和尚  
 示衆曰有一無位真人常在你等面門出入  
 未證驗者看如今一氣才斷便乃爛壞虫生  
 面門出入無位真人此時作麼生主張既無  
 可主張古人因緣又作麼生消殺古人又道  
 你去父母未生時明取你本來面目諸人如

今盡是父母生後所有許多時行住坐卧施  
 為運用却分付何人若無分付處古人語又  
 作麼生消殺莫是不干此身之事任生任滅  
 直明本性否莫錯會且如厭身如桎梏獸智  
 如雜毒出三界了尚我名羊鹿之人見身心  
 無起滅無內外不住不去不取不捨平等趣  
 入故名大乘根機看來亦祇為明生死之道  
 諸人未了生死疑情叅孝有什麼是處要得  
 省心力麼但明取若身若心若外世界種種  
 變化悉由何發現須是一得了始得迷情不  
 現說得恒沙不了後並無用處達磨大師曰  
 吾本來茲土傳法救迷情一花開五葉結果

自然成可謂無承道人也歸堂喫茶去

上堂僧問德山如何是宗門奇特事山曰我宗無語句實無一法與人師曰漏逗了也僧問雪峯和尚見德山得个什麼便歸來峯曰我當時空手去空手回師曰漏逗了也睦州喚僧僧回頭州曰擔板漢師曰漏逗了也一漏逗二漏逗三漏逗用意撓前先在後莫於佛祖結冤親好看衣珠常離垢家中人闍頭走淮南笑殺龍門叟有人若會笑因由眼似銅鈴膽如斗阿呵呵歸堂去 郭公朝散施寶蓋上堂本本和尚行脚時問洛浦一漚未發時如何浦曰移舟諸水脉牽掉別波瀾

木平不契遂問盤龍龍曰移舟不辨水本掉即迷源木平遂於言下大悟後住木平李王詔至金殿問道於他法眼有偈曰木平山裏人兒古言徒少相看陌路同論心秋月皎壤柵線非蚕助歌聲有鳥城郭今日來一漚曾已曉誠哉是言也作麼生明他向盤龍言下

多六

十八末

悟底事若有人問龍門一漚未發時如何龍門實難吐露良久遂曰一漚未發時寶蓋向空垂瑞色飄飄起香風颭颭吹何勞輕牽拂不假略揚眉五百曾親獻如來印可之昔日毗耶離城五百長者子各持七寶蓋來詣佛所佛之威神令諸寶蓋合成一蓋遍覆三千



大千世界諸人還信得及麼非但古人今諸人皆有此一蓋還曾窺覩得著麼若窺覩得著步步莫非玄路言言及轉法輪其或未然山僧雖老拙實蓋助宣揚久立

古尊宿語錄卷第三十

多六

永樂北藏

古尊宿語錄

第一九七冊